



Ex libris

Ex libris
LUIGI FIRPO


4. 3. 9.

FIRPO


607

BIBLIOTECA NAZIONALE
TORINO









AMPHITHEATRVM
ÆTERNÆ PROVIDENTIÆ
DIVINO-MAGICVM.

CHRISTIANO-PHYSICVM,

nec non

ASTROLOGO-CATHOLICVM.

Aduersus veteres Philosophos, Atheos, Epicureos,
Peripateticos, & Stoicos.

*Autore IULIO CÆSARE VANINO, Philosopho,
Theologo, ac Iuris utriusque Doctore.*

Ad Illustrissimum, ac Excellentiss. Dominum, D. Franciscum de Castro,
Comitem Castri, Ducem Taurisani, &c. Serenissimi Hispania-
rum Regis ad Summum Sacerdotem, Sacerdotumque
Principem Legato amplissimo.



LVGDVNI,

Apud Viduam ANTONII DE HARSY,
ad insigne Scuti Colonienfis.

M. DC. XV.

CVM PRIVILEGIO REGIS. ♀

ANNUAL REPORT

OF THE

BOARD OF

EDUCATION

OF THE

STATE OF

NEW YORK

FOR THE

YEAR

ENDING

JUNE

THIRTY





ILLVSTRISSIMO,

EXCELLENTISSIMOQVE

DOMINO, DN. FRANCISCO
de Castro, Castri Comiti, Taurisani Duci,
&c. Potentissimi atque inuictissimi Ca-
tholici Regis, ad summum sanctissimum-
que Patrem Christianorum Pontificem
Legato dignissimo.

IULIVS CÆSAR VANINVS

à Taurisano, subditus humillimus. S. D.

AM eximia Sapientiae spe-
cies est & pulchritudo (Prin-
ceps Illustrissime) tanta no-
bilitas, excellentia tanta, tanta deni-
que iucunditas & dulcedo, vt quoduis
hominum genus ad sui amorem pel-
liciat ac pertrahat, adeoque vt qui
vel primoribus labris cupedias ipsius
& delicias degustarunt, tanquam loti

† 2 baccis

baccis inescati, à iucundissimo mu-
sarum consortio auelli nequeant.
Quas admirabiles huiusce Reginae
Dominæque mortalium dotes maio-
res nostri secum animo depingentes,
vt illius amplexibus Nectare & Am-
brosia suauioribus perfrueretur, om-
nes labores suscipiendos, omnes mo-
lestias exhauriendas, omnes difficul-
tates calamitatesque exorbendas, om-
nia denique pericula pretiosa duxe-
runt. Pythagoras ex Samo in Ægyp-
tum, ex Ægypto in Cretam, ex Cre-
ta in Lacedæmonem, vt sapientes vbi-
bique terrarum & gentium audiret
differentes, longissimis iuxta & diffi-
cillimis itineribus proficisci non du-
bitauit. de Platone quid dicam? qui
Athenis relictis, Italiam, Ægyptum,
aliasq; regiones sibi putauit esse pera-
grandas: de Thebit Bencorat Arabe
quid memorem? qui quadraginta an-
norum spatio in editissimi cuiusdam
montis

montis velut specula continuis in excubiis versatus est, vt octauī orbis motum deprehenderet, nec tamē post tot exantlatos labores, post tot & tantas deuoratas molestias, post tot insomnes noctes voti sui cōpos fieri potuit. Omitto hic Democritum, qui seipsum sponte sua stultitiæ insimulare non verecundatus est, vt animalium interfecare ac rimari viscera liceret. Nihil dico de Dioscoride, qui vt plantarum insitam à natura vim agnosceret, quæ non terrarum spacia pedes dimensus est? quas non regiones oberrauit? At tamē piaculum putarem tacere Diuinum illum & supremū sapiētię Dictatorem Aristotelem, qui quantam pecuniarum summam vt animalium historiam scitè conscriberet, subministrāte Alexandro impenderit manifestum est. Te verò Plini qua obliuione prætermitto? qui vt Vesuuij montis conflagrationem introspiceres, præ-

sentissimo vitæ discrimini exponere
te minimè tergiuersatus es, tanti tibi
perire fuit dum disceres. Quid vero
Hieronymus noster Ecclesiæ & colu-
men firmissimum, & lumen clarissi-
mum? nūquid ille sese ab omni homi-
num societate subduxit? in solitudi-
nem secessit? vt commodius tranquil-
liusque studiis inhiare, heluari libros,
chartisque posset impalescere? Non-
ne idem vt hebræa & Chaldaica faci-
lius & aptius proferret, dentes lima de-
triuuit poliuuitque? Hæc ego cum cogi-
tatione repeterem altiori, cupiditate
quadam & dulcedine, nescio an de-
ceptus, captus certe sum imitandi: Itaq;
Iuris prudentiæ ac Theologiæ studiis in
Parthenopæo & Patauino Circo de-
cursis, reliqua fere omnia literarum
exercitationū per totū Europæum or-
bē erecta Theatra, Amphitheatra Cir-
cosque duxi frequentandos; Nec me
suscepti pænitet laboris. Nā licet cor-
pus

pus quidē crebris infirmitatibus mor-
bisque fuerit exhaustū, & eneruatum.
Animus tamen in supremæ & vulgò
philosophantibus incognitæ Philoso-
phiæ arcanis inuestigandis validior
factus est & robustior, vt Physico-ma-
gicum nostrum, quod mox ex vmbra
in lucem prodibit pellegens æqua
posteritas facile est diiudicatura. Ve-
runtamen vt aduersæ fortunæ vulne-
ra aut persanarem, aut saltem aliquo
pacto delinirem. Diuinæ prouidentix
(cui nos & omnia nostra pariter sub-
iecta sunt) Mysteria enucleare expla-
nereque aggressus sum, non ex obso-
letis illis quidem Tullianis declama-
tionibus, neque ex popularibus illis &
anilibus fere Platonice deliriis & in-
somniais, neque etiā ex putridis schola-
sticorū quisquiliis, sed ex abditissimis
hausta Philosophiæ fontibus vt curio-
sam sitim facile queant explere. Quas
nostras (Dux inuictissime) lucubratio-

nes tuo nomine plurimis de causis
præfulciendas censui & cohonestan-
das. Primum quidem ob nominis tui
splendorem & excellentiam singula-
rem, quæ iam totum orbem quasi lu-
men quod *πάρσφες* illustravit. nihil
enim dicam de antiqua generis pro-
pia, de maiorum imaginibus, & cæteris
quæ vulgo bona fortunæ vocitantur:
hæc enim & si ad honorem tuum per-
tineant, magnòque tibi ornamento
sint, longè tamen illud me magis in
admirabilitatem rapit, quod ea in
ipsis adolescentiæ rudimentis edidisti
documenta, quæ vel tum omnes com-
mouebant, adeo ut nostri Sæculi te
Phœnicem futurum plerique palam
pronunciarent; Admodum adolescens
Neapolitano Regno **PROREX** ad-
mirabili cum laude præfuiſti, iuuenili
quidem specie, sed adulta & corrobo-
rata iam prudentia Regias Vices ita
gessiſti, ut ex eo, quem c. maximi viri
omni

omni laude sublimioris Lemēsiū Co-
mitis in eodē regno per multos annos
Principatum administrantis Patris tui
obitu ceū Solis occasu perceperant
subditi mœrorem , tanquam lucifer
quidem denuo recreares. rapiebat ni-
mirum omnes tua in tribuendo cui-
que suum iustitia , illa in frequentan-
dis templis colendoque Deo pietas
trahebat omnes , quam Themidis an-
tiquissimum illud & verissimum ora-
culum Basin esse dixit firmissimā , cui
facile quælibet regni moles innitatur.
admirabantur vniuersi tuam in regno
custodiendo vigilantiam , in propu-
gnando fortitudinem , in admini-
strando sapientiam , in componendo
fœlicitatem , grauitatē in stabiliendo
cæterasque virtutes vel multitudine
innumerabiles , magnitudine præstan-
tissimas , specie pulcherrimas , genere
singulares , excellentia ipsa admiran-
das , Atque ita aliquando inter se lo-
+ 5 que-

quebantur, est hic, est hic qui ad maxima genitus, ad summa natus est, Hic est qui ad Homericam illam perfecti Regis Ideam fictus factusque est.

Ἀμφοτέρων βασιλῆ' ἀγαθὸν κρατερόν τ'
ἀνιχμήην.

Nonnulli etiam literatiores vetera Historiarum monumenta repetentes comparationem instituebant, bellandi sciētia cum Iulio Cæsare, Reipub. administrandæ peritia cum Augusto, fœlicitate conficiēdarum rerum cum Pompeio, Clementia vero & facilitatē cum Tito, pietate cum Antonino, Cæterisque denique virtutibus cum omnibus omnium ætatum Principibus comparabant. imò etiam anteponendum existimabant: Deinde vero ad Clarissimam Venetorum Rempub. orator missus à Potentissimo Rege nostro, non modo opinionem vicisti omnium quā de virtute tua iam multo ante conceperant, sed etiam gloriam


gloriam superiorū. Post ad Sanctissimū Ouilis Dominici Pastorē Legatus destinatus, ita te gessisti, & geris vt diligentia tuam admirētur omnes, ingenium deosculētur; Hęc ego omnia & singula cū cogitarem sapius ita me rapuerunt, vt nō potuerim quin nomē tuū aliqua ratione pro virili parte conarer deuenerari. Veruntamen & alia me ratio mouit vel certè par reliquis, vel non inferior, cur ad tuam Excellentiam animum conuerterim meum, nimirum quia & ego ditioni tuæ subiectus, & eo patre natus, qui Comitatus tui gubernaculū singulari fide, prudentiaque per multos annos rexit, & eius sum frater, quem tu innumeris pro incredibili tua munificentia beneficiis cumulasti. Grati igitur & obsequentis animi pignus tuæ Excellentiae exhibeo, quare munus hoc, licet exhile, si cum nominis tui amplitudine conferatur, meā excusabit temeritatem

ritatem, nam quantum tibi debeam
intelligo, adeoque à te veniam depre-
cari gratus malui, quàm culpa carere
iners ignauus & ingratus. Præterea
etiam quæ à me scribuntur quo à vul-
go sunt remotiora, eò propinquiora
calumniæ: In clientelam autem tuam
dum se tradunt, virulentos depraua-
torum hominũ morsus non pertimes-
cent. Quod superest (Legate Amplissi-
me) humillimè deprecor vt eo animo
accipias, quo multorũ qui ad te ante
me scripserunt, accepisti, quoq; ego li-
cet indignus præsentō & offero. Deũ
immortalem oro & obtestor vt te pu-
blico bono natũ cũ nobilissima coniu-
ge Domina Lucretia Gattinara Ligna-
na, singularis exẽpli Heroïna, ac sua-
uissimis pignoribus vestris Dominis
meis multis nominibus colendissimis
omni bonorum genere cumulatam
quàm diutissimè præstet incolumem.
Vale rerum tutela mearum.

VANI

I. C. VANINVS
CANDIDO LECTORI.

S.

 VÆ adhæc conscribenda animum nostrum impulerit ratio & causa, Candido Lectori aperiendum duxi. Quamquam plurimæ hac deplorata tempestate grassentur ubique hæreses depopulentur & funestent totum terrarum orbem, paulatim tamen concidunt, & conflauescunt. Αἰετοῦτο autē Secta pestilentissima quotidie latius & latius vires acquirit eundo. Viget enim non solum in quibusdam orbis angulis, non solum in Iapouia, Synarum, Indiæ, Tartariæque angustiis dominatur, sed emersit etiam è latebris illis in hanc Europæi orbis lucem, & viget, & non modo apud eos qui sese à communione Catholica & Societate in interitum ruentes voluntarium segregarunt, sed etiam qui se

se

*se Christiano-Catholicos nominari Volunt,
re ipsa tamē & opere Machiauello-Políticos
se se profiteri non exhorrescunt: qui eò etiam
errorum miseri reciderunt, vt nullam prorsus
in orbe regendo prouidentiam agnoscant di-
uinam, sed humanam tantummodo, ex qua
originem traxisse sibi planè persuadent opi-
niones de Superis atque Inferis, ad conciona-
riam plebeculam in officio seruitioque conti-
nendam. Concidunt, inquam, & pessum fe-
runtur hæreses, quia militantis Ecclesiæ for-
tissimi Heroes ij, quos è Societate Iesu dici-
mus, ad illas profligandas excindendasque
omnes animi & corporis adhibent machina-
tiones. Bella, arma fulmen illud Christianæ
militiæ Bellarminus R. Cardinalis meritissi-
mus minatus est: cuius in hæresibus conster-
nandis intercidendisque ardorem & robur
cum Augustini zelo & doctrina, cum
Hieronymi seruore & eruditione comparare
non dubitarim. Valentia verò Becanus, Du-
caus, Suarez, alijque cōplures eiusdem San-
ctissimæ Religionis commilitones quoties pro
Catho*

Catholica fide quàm gloriosis aduersus hære-
ses quàm periculosis dimicationibus decerta-
runt ? quàm ipsos aduersarios cruentarunt,
quàm profligarunt ? atque ego hæc , grauissi-
misque alijs persuasus argumentis, crebris hoc
usurpo sermonibus, Cæteros quidem varia-
rum religionum ordines qua vitæ integrita-
te, qua disciplinarum cognitione, qua denique
virtutum omnium excellētia exornatos ele-
gantissimè & grauissimè stabilitos , ipsam
verò Iesu Societatem pietatis & eruditio-
nis parentem atque altricem , Romanæ Ec-
clesiæ & splendori fuisse & ornamento,
ipsamque Dei immortalis munere, tanquam
Romanæ Ecclesiæ Palladium , Cæterarum
Religionum Columnen , totius vniuersitatis
Anchoram hominibus esse concessam, quare
desinant Limbolarij quidam & Atellani
hominibus de Catholica, & literaria Repub.
præ cæteris omnibus optimè meritis obstrepe-
re & obgannire, ne dicam calumnias falsissi-
mas imponere: sed pace & voluntate vestra
(Doctissimi Religiosissimiq; Viri) nostra pa-
rum



rumper euagata sit oratio, nunc ad propositum reuertamur: Ipse Verò Atheismus tanquam in mollissimo terræ gremio cōsitus herbescentem quotidie elicit viriditatem, & magis magisque indies profligatissimorum hominum corruptissimis deprauatissimisque moribus tanquam fibris quibusdam stirpium nixus adolescit, & rari, prò dolor, vel nulli omnino sunt, qui sarmentis perniciosissimis syluescentem & per totum ferme orbem sese diffundentem falce putent coërcendum. Multa Aquinas in opusculo contra Gentes eruditissime, ut omnes fatentur, scripsit, nec ego inficias iuero, quando summus ille olim Romanæ Ecclesiæ Antistes diuinæ voluntatis interpres, & doctor omnium gentium Ioannes 22. in illius Diui consecratione plenus Deo hæc verba protulit, tot miracula fecit, quot quæstiones determinauit, nec unicam tamen ille proposuit, nedum resoluit Atheorum rationem, neglexisse eas sanctissimum Virum suspicari mihi certè religio est. scripserunt alij perplebei in Rep. literaria
homun-

hominum, qui ex sacra pagina & Grego- +
rianis apparitionibus Dei providentiam, &
animæ immortalitatem statuentes, Atheis ir-
ridendi sui facultatem dederunt: Aduersa-
riorum verò tela iam olim hebetata, quia
nunc nescio à quibus Cyclopibus ad incidem
reuocata; atque exacuminata, infringenda
obtundendaq; sunt (ut aiunt) SOLIDO. No-
bis igitur, non popularis auræ rumusculos
quosdam, & vanæ gloriolæ choragia aucu-
pemur, sed ut Christianam religionem à sce-
leratissimorum hominum ne dicam beluarum
incurfionibus propugnemus, post crebras diu-
turnasque cū hereticis decertationes habitas
in 18. nostris libris pro SS. œcomenico Conci-
lio Tridentino conscriptis, Atheorum modò
conatus retundere, reprimere impudentiam,
libidinem frænare in votis est: Quare præmū
hunc librum de Dei Providentia tanquam
aciem quandam composuimus, & aduersus
veteres Philosophos direximus, ut qui illo-
rum præsidio innituntur moderni Athei, eo-
dem impetu perfracti & labefactati conci-
dant.

dant. Pertimescebam quidem in communi
Theatro Sapientum sub oculis Veritatis ex-
ponere hanc ingenioli mei suppellectilem nec
nitidam, nec opulentam: Amicorum tamen
precibus persuasus, ne dicam coactus, non po-
tui facere, quin, licet mihi maximè aduersa-
rium esset, in publicum emitterem. Laboris
autem mercedem à Candido leetore hanc mi-
hi saltem liceat exorare, ut aduertat, notet-
que omnia & singula verba Romanæ Ec-
clesiæ iudicio & censuræ à nobis humillimè
subiici. insuper ne ipse me sequatur in omni-
bus, sed in iis tantum, in quibus me rectè sen-
sisse, nec à vero putarit exorbitasse. Vale
Leetor Candide, & munusculo illo fruire,
dum aliud tibi maius & sublimius paramus
opus, sitque tibi hoc alterius tanquam tessera.
Si quem verò interea fructum ex hoc opu-
sculo perceperis, totum amplissimo Mæce-
nati meo acceptum referre memineris. Vale
iterum.

A P P R O B A T I O.

IOan. Claudius de Ville in sacra Theologia magister, & diuini verbi Prædicator, in Sancti Pauli huiusce ciuitatis Canonicus, & in hac Lugdunensi Diœcesi à Domino de Marquemont, Illustrissimo & Reuerendissimo Archiepiscopo, librorũ Censor designatus. fidem facimus, Nos hoc opus, cui inscriptio est *Amphytheatrũ prouidentia Æterna, Diuino-magicũ, Christiano-Physicũ, nec nõ Astrologo-catholicũ, aduersus veteres Philosophos, Atheos, Epicureos, Peripateticos, & Stoicos, Autore Iulio Cesare Vanino Philosopho, Theologo, ac Iuris vtriusque Doctore*, euoluisse, nihilque in eo à Catholica & Romana fide alienũ, sed cùm peracutas, tùm perualidas rationes iuxta sanam sublimiorum in sacra Theologia Magistrorum doctrinam (ô quam vtiliter) contineri. Lugduni apud Sanctum Paulum Prid. Non. Iunij, M. D C X V.

DEVILLE.

R. D. D. FRANCISCI DV
SOLEIL HVIVS LIBRI
Imprimendi facultas.

F*Franciscus du Soleil Officialis ordinarius, & metropolitanus, nec non Vicarius Generalis substitutus Illustriſſimi & Reuerendiſſimi Domini Archiepiscopi Lugdunensis Galliarum Primatis, Liber qui inscribitur. Amphitheatrum Prouidentiæ Æternæ, Diuino-magicum, &c. Authore Iulio Cæsare Vanino Philosopho, Theologo & Iuris vtriusque Doctore: ut in lucem edatur facultatem concedo. Lugduni Die v 1. Iunij. 1615.*

DV SOLEIL

HAs Exercitationes partim Philosophi-
cas, partim Theologicas. Ego IACOBVS
DAVEYNE, Regis Procurator, typis man-
dari, tum demùm in lucem edi consentio.

DAVEINE.

P. Reg.

TYpis mandari concedimus, idque soli
Vidua de Harfy. Actum die. 23. Iunij.
1615.

SEVE. L. General.

IOANNES GONTERIVS
Archiatrus Regius in Iulij Cæsaris
Vanini Philosophi subtilissimi
Amphitheatrum.

*Pompeium infestis deuicit Iulius armis:
Cæsar hic ingenio vicit Aristotelem.
Fortuna & vario stipatus milite vicit
Iulius: hic solo vicit ab ingenio.
Ingenium quanto præstat furialibus armis,
Tanto hic plus laudis Cæsare Cæsar habet.*

IN

IN

CLARISSIMI, DOCTISSIMIQ.
Viri D. Iulij Cæsaris Vanini Amphitheatrum.

EPIGRAMMA.

*Nunc mihi Tarpeia cedant miracula Romæ
Celsaque septenis Amphitheatra iugis
Nobilius tandem sese extulit Amphitheatrum
Maius Vanini suspicit orbis opus
Vtpote Romuleis nisi mors funesta theatris,
In solo hoc sola est. certa q̃ vita viget,
Amphitheatrū ergo hoc tot clarius Amphitheatris
Quō vita est melior nobiliorq̃, nece.*

Observantia ergo

IOANNES SCHEFFER Rhetor.

I N
ACVTISSIMI DOCTORIS
Iulij Cæsaris Vanini Amphitheatrum.

*Iulius hoc nostro Cæsar si viueret ano
Disceret ut quondam vincere debuerat.*

F. V. Posuit amicitiaæ ergo.

IN IVLII CÆSARIS VANINI
Theologi Præstantissimi Amphyth.

*Fleuit Alexandri statuam cum cerneret olim
Iulius, & tantum vincier erubuit,
Cæsaris hæc nostri quod si simulacra videret
Quos posset fletus ducere quas lacrymas?*

Venerationis & obseruantiaæ tesseram
Vitalis Carles φιλεῦσσι posuit.

*Quos olim Cæsar peperere tibi arma triumphos?
Quos, Cæsar, parient Amphitheatra tibi?
Perpetuam pariunt vitam Amphitheatra Saleuco,
Hoc tibi perpetuò fama perennis erit:
Ingenio cedunt vires, sublimibus ima:
Horum sic superas Amphitheatra tuo.*

Hæc in Autoris Viri de quacunque scientia
optimè meriti obseruantiam.

Scripsit Gabriel de Prades Philosophus.



IVLII CÆSARIS VANINI

AMPHITHEATRVM PROVIDENTIÆ ÆTERNÆ, ADVERSUS VETERES Philosophos.

EXERCITATIO PRIMA.

Probat Deum esse.



Motu, scribit Auerrois, accipit philosophus cognitionem hanc: Deus est. per absurdum tamen, non enim primi mobilis motor Deus est; siquidem primum mouens finitum est essentiae circumscriptione, & finitum potentia: comprehendi namque potest intellectione ubi sit, atque ubi non sit: præterea ex eiusdem Auerrois opinione in tertio de Anima, ipsa intelligentia, cuius vi primum rotatur Cælum, habet aliquid simile materiae, & aliquid simile formæ. Deus autem simplex est, ut idem testatur ibi. com. 5.

2 AMPHIT. PROVID. ÆTERNÆ,
& 5. Metaph. com. 2 1. hinc asserit & rectè sa-
né, in Deo nihil in potentia, sed in actu om-
nia: in primà verò intelligentia est aliquid
simile potentiæ: actio namque crastinæ re-
volutionis nondum in actu est. Insuper cum
in Deo non sit tempus, sed ipse dominus
tēporis, quouis principio nobis vel cognito,
vel incognito priore nullo modo est in eo,
vel priùs, vel posteriùs. at in prima intelli-
gentia est, eius enim actio est cum tempore,
& finita secundùm partes: omne autem fini-
tum habet aliquid quod est in actu, & ali-
quid quod est in potētia, ergo aliquid priùs,
& aliquid posteriùs. quare diuinus Aristo-
teles in decimo supremæ Philosophiæ dixit
cælestia corpora habere potentiam in vbi.
non igitur intelligentia habet in actu mo-
tum illius vbi, qui nondum factus est. nam
tamen à tempore non continetur, simul ta-
men existit cum ipso: quod pertinet ad eam,
quam exercet motionem. non igitur Deus
est intelligentia illa prima, primum orbem
mouens, sed aliud quiddam supra, & extra
omnem motum: quare etiam si naturali in-
dagatione deuenero ad motorem primum,
non dum intelligam per motum Deum esse:
sed inuestigatione transnaturali hunc ad
modum: omne ens aut est à se, aut ab alio.

omne

omne ens aut est finitum, aut infinitum. nullum ens finitum à se. prima intelligentia finita: igitur non à se. finitam esse per ipsam demonstramus actionem, quæ tum vna, tum finita est: non quidem tempore, sed potestate, atque officio: itaque & primam cognosco, & cognosco nō esse Deum: neque enim eius motus omnium rerum effector est. at Deus omnium effector: quocirca satis patet, non per motum, sed per primas entis partitiones, à nobis cognosci, Deum esse. & necessaria quidem demonstratione, nam omne ens aut est æternum, aut tēporarium, si in tempore, ergo habuit initium; non potuit igitur se ipsum producere, fuisset enim antequam esset. cumque entium exordium perspiciamus, oportet concedere ens æternum, à quo ducant originem, aliàs non esset æternum ens, sed aliquando inchoatum. & sic nihil esset, atqui nihil esse est impossibile, ergo & ens æternum non esse pariter impossibile est. ens igitur æternum esse necessarium est. sed syllogismus ratiocinationem nostram faciet dilucidiorē: omnis existentia entis initiati necessariò ex probatis supponit ens æternum. sed ens principiatum est, ergo & de necessitate ens æternum. hoc autem communi vocabulo Deum dicimus.

4 AMPHIT. PROVID. ÆTERNÆ,
Deum igitur esse necessarium est.

Entium verò partitionem à me fortassis
lector exigit subtiliorem: accipiat, non scho-
lasticam, sed diuino-magicam, seu caballisti-
cam: neque ex Pythagoreis desumptam nu-
meris, illustrius namque meditamur opus:
illi cùm septenarium numerum miris extol-
lerent laudibus: non animaduerterunt, præ-
ter alias nobilitates, illud quoque à natura
obtinuisse, vt limes esset, ac terminus nume-
rorum inferiorum. Sicuti nouenarius om-
niū summus, ac perfectissimus, cæteros om-
nes arcet, ac continet. neque ab vlllo, nisi ab
vnitate augeri potest, vt denarius fiat, qui est
omnium vltimus. Vnitatis igitur omnipo-
tentiam quandam celebramus, tum quia est
principium omnium numerorum: tum quia
est finis. claudit namque nouenarium, in quo
sunt omnes species, ac proportionēs quanti-
tatis, tam primariæ, quàm consequentes, seu
resultantes. longitudo, latitudo, profunditas,
perfectū, imperfectum, diuisibile, indiuisibi-
le, trigonum, cubum, oblongum, varilaterum,
æqualitas, inæqualitas, absolutum, compara-
tum, simplex, multiplex, simile, diuersum. In
specie verò duplicitas, sesquilaterum, tripli-
citas, sesquitertium, quadruplicitas, superpa-
tiens. Est autem vnitas principium, & for-
male,

male, & materiale, & efficiens, & finis. Materiam esse nemo dubitat: efficiens est, quippe principium creans numerum: finis quoque est, quia conueniunt omnes vnitates, vt vnus sit numerus, & omnis numerus sicut inchoatur, ita & terminatur ab vnitatem. Forma est, quia ipsa addita variat speciem, & affectum speciei, par, impar. Nouenarius igitur cum ab alio numero non claudatur, & alios ipse complectatur, mundi machinæ similis est, quæ omnes in se partes continet: ipsa ab vnitatem finitur: qui Deus est: idem illius æque principium, ac finis. Diuidamus ergo nouenarium in partes duas quod non solum ante Iulium Cæsarem factum non est, sed ne fieri quidem posse ratio clamat imparitatis. At enim uerò mundus cum duas in partes diuidatur, inferas, & supernas: in ipso quoque numero nouenario, quem mundi imaginem esse dicebamus, aliqua diuisionis ratio excogitanda est. potest igitur sic. Ablegata ab hac partitione ipsa vnitatem, quæ refert illud vnū verè τὸ πρῶτον. verum principium à nullo comprehensum, vel inclusum. Nouenarius, qui citra eam est, per suas multiplicationes cumulatus, in duo sectilis est. ita vt in bina vicena septena diuisus, prioris æqualitatis finem habeat septenarium: posterioris dena-

6 AMPHIT. PROVID. ÆTERNÆ,
rium, cuius vltima vnitas nona est à prima
vnitate binarij. qui primus numerus est in
prima illa parte diuisionis. in harum vtraque
parte totum ipsum, id est, nouenarius inue-
niet sese toties, quoties eius mater vnitas in-
greditur in eius radicem, vt eam cōpleat. est
enim nouenarij radix trinitas: quam nouies
designant vicena septena: sicut ternouena
designantur: Prima ergo portio est, per co-
actionem binarij cum cæteris sequentibus
ad septenarium vsque: vt vicena septena
conficiantur. Secunda portio est per octona-
rium cum duobus sequentibus. His ordine
constitutis, entium classes disponamus. At-
qui prima pars entium incorruptibilium tri-
pliciter distributorum. scilicet intelligentia-
rum supercælestium, cælestiū, subcælestium,
qui sunt Dæmones. ita Hierarchiæ nouem
recensitæ choris. orbis nouem cogniti. Dæ-
monum ordines nouem, vt ex Chaldæorum
arcanis accepisse se profitetur Scaliger: vice-
na septena superiora complent. secunda pars
corruptibilium eandem in diuisionis ra-
tionem. Primus ordo est animantium, secun-
dus inanimatorū, tertius est principiorum,
quæ pauciora, quàm nouem esse nequeunt.
quemadmodum & animata nouenis sectio-
nibus dignoscantur, & inanimata, in physico-
magico

magico à nobis declaratum est. Nunc ipsa principia ordinemus. primum est Quies. hæc enim est perfectio vltima. Quietem intelligo finem cuiusque mutationis. secundum est Motus. est nimirum perfectio ad perfectionem, id est ad quietem: hic motum accipio genus omne mutationis. tertium est Harmonia: ea continens quæ conuenere: quartum est accidens consequens ipsam perfectionem. est sanè quiddam aliud ab aliis, quo res est aliquid, quod non esset sine ipso. quintum est priuatio. quam stulti quidam, ac væcordes Aristotelis obtrectatores ex principiorum numero exemerunt, quæ adeò principium est suo modo, vt etiam fuerit ante mundi constitutionem. sextum est finis: propter quem finis ille, quem primo ponebamus loco, videlicet Quies, fit ille, namque finis est motus ad rem, hic est finis rei. septimum est efficiens. octauum est forma, quæ imposita est causa quietis. vltimum est materia prima. Nunc concludamus hunc in modum. Nouenarius numerus alios complectitur. ab vnitatē tamen finitur: mundi igitur machinam repræsentat, quæ omnes in se continet partes. ipsa non nisi ab vnitatē continetur: qui est Deus, summum, & vnum ens, illius principium, & finis.

EXERCITATIO II.

Deus quid sit.

VArtis, iisque cæcis tanquam Antabatarum more veteres philosophi decertarunt opinionibus. Thales voluit Deum esse aquam. Anaximenes, aëra. Crotoniates, Solem, Lunam, & Sydera. Parmenides, informem cœli coronam. Empedocles quatuor naturas. Democritus, imagines. Socrates, Plato, & Zenophon, cœlum, ac solem. Xenocrates hæc, & quinque stellas erraticas, nec non vnum quid compositum ex omnibus fixis. Heraclitus cœlum, & terram. Horum philosophorum iudicium non insectabor, non enim dignum est opera nostra. sequar potius saluberrimum consilium diuini Præceptoris, qui in tertio de partibus text. 4. & in primo Topicorum tex. 9. ita scripsit: sapientis officium non esse, stultas pertinacias insectari. vnica hæc autem omnes opiniones corruunt ratione. finita namque illa cuncta cum sint, necessariò ab alio dependent, non igitur Deus sunt: quippe Deus est entium omnium primus.

Quæris à me, quid Deus sit? si scirem, Deus essem, nam Deum nemo nouit, nec quid

quid sit quisquam scit, nisi ipsemet Deus: possumus tamen quasi per nubem solis lumen, quid ipse sit, per eius opera aliquantum cognoscere: non tamen per ea melius intelligimus, quàm per ea, quæ negamus nos intelligere: dicimus, summum bonum, primum ens, totum, iustus, pius, fœlix, beatus, quietus, securus, creator, conseruator, moderator, omnisciens, omnipotens, pater, rex, dominus, retributor, ordinator, principium, finis, medium, æternus, sempiternus, conditor, viuificator, largitor, perspector, opifex, prouidentia, beneficus, solus omnia omnibus. nullis tamen tam plenè vocibus indicatum intelligemus, quàm iis, inquam, quæ ignorantiam prætendunt nostram. nimirum, ubi eum dicimus immensum, incomprehensibilem, quid aliud, quàm & esse cognoscimus, & superesse? Cæterùm, quoniam id studemus vnum, vt iucundas, ac fructuosas simul, horas nostras faciamus, monendum lectorem existimaui, haud rectè extorsisse vsum, vt Deus dicatur omnipotens, misericors, pius, iustus, vindex, sanctus, fortis, &c. si enim denominatiuè de eo quicquam prædicaretur, abstractum esset, tum alius ab ipso, tum ipso prius. quod sanè impium est. quare neque ens est, sed essentia, neque bonus, sed

IO AMPHIT. PROVID. ÆTERNÆ,
bonitas, neque sapiens, sed sapientia, ne-
que omnipotens, sed omnipotentia. quæ ita
in ipso sunt, vt sint ipsum, ita insunt, vt nihil
antecedat, nihil subsequatur. quare sic eum
(licet temerè fortassis) describere audet
dextera nostra. sui ipsius & principium, &
finis, vtriusque carens, neutrius egens, vtrius-
que parens, atque author. semper est sine
tempore, cui præteritum non abit, nec subit
futurum. regnat vbique sine loco, immobi-
lis absque statu, pernix sine motu. extra om-
nia omnis, intra omnia, sed non includitur
in ipsis. extra omnia, sed nec ab ipsis exclu-
ditur. intimus hæc regit, extimus creauit:
bonus sine qualitate: sine quantitate ma-
gnus. totus sine partibus, immutabilis cum
cætera mutat: cuius velle potentia, cui opus
voluntas. simplex est, in quo nihil in poten-
tia, sed in actu omnia, imò ipse purus, pri-
mus, medius, & vltimus actus. denique est
omnia, super omnia, extra omnia, intra om-
nia, præter omnia, ante omnia, & post om-
nia omnis.

EXER

EXERCITATIO III.

Dei Prouidentia quid sit.

Diuus Thomas sic describit: Rationem ordinis rerum in finem. perabsurdè tamen Aurcoli iudicio. ratio enim ordinis in finem est id, quod in rebus prouidet Deus. prouidentia verò non est id, quod prouidetur, sed actus prouidentis, vt innuit Boethiana definitio. Prouidentia est ipsa diuina ratio in summo omnium principe constituta, quæ cuncta disponit.

Ludouicus Viues ita delineat. Voluntatem consilio vniuersa gubernantem. at inscitissimè meo iudicio, nam & ante mundi creationem erat prouidentia sine gubernatione. Præterea consilio non eget Deus tanquam medio, aut instrumento, aut Idæa ad gubernandum: tam impia est vox in diuinis consilium, quàm pluralitas Deitatis: non disceptat, non ratiocinatur, non proponit, non colligit, non cum alio confert, non ab vlllo accipit. quare ingenuè fateor, ne verbum quidem illud, præuidere, Dei conuenire omnipotentiæ, nisi quoad nostra mutila intellectu metimur infinitatē, nobis quidem, quibus est futurum, præuisio
illa

12 AMPHIT. PROVID. ÆTERNÆ,
illa est. Deus, cui nihil futurum est, non præ-
uidet, sed videt simplicissimè quod est præ-
sens. at omnia præsentia.

Prouidentiam sanè definire non possu-
mus: declaremus sic potè. Vis Dei præsens
sibi semper, & cætera omnia antecedens.
quare simplex est, & vna, atque iccirco im-
mutabilis, quia si antecedit semper alia, non
mutatur ab illis, sed mutat: si est sibi ipsi præ-
sens, & simplex, non mutatur intus à se ipso.
hinc etià intelligimus & subtilissimè: Deum
in id, quod non est, suæ prouidentiaæ antici-
patione agere posse, vt in ipsa creatione, cui
terminus à quo nullus cum sit, subiectum
subest nullum. egit ergo Dei prouidentia in
non ens, quando fecit, vt sit ens.

EXERCITATIO IIII.

Probat Dei prouidentiam à creatione mundi.

MVndus proculdubio non est à se ipso
productus, quod enim est à se, semper
existit, & nunquam incepit, nam quod cæ-
pit, aliquando non fuit. productus igitur à se
non est: quippe productum antecedi debet à
producente multominùs est ab alio mundo
procreatus, nam quærerem, an hic alter esset
ab altero, & alius ab alio, quare daretur pro-
cessus

cessus in infinitum. necesse est igitur, ut cuncta producta sint ab aliqua causa, non corporea, huiusce namque actio præsupponit subiectum, in quo recipiatur. ante orbem verò subiectum supponitur nullum, cum ipsum sit omnium primum. à causa igitur incorporea, & per consequens peripateticū intelligente (nam ex Arist. omnis substantia incorporea necessario est intelligens) hanc autem incorpoream, intelligentemque substantiam orbis effectricem, Deum communi nomine nuncupamus. tunc sic infero. mundus productus est à Deo substantia intelligente. Dei igitur prouidentie subiicitur. consecutio probatur, quia intellectio prouidentie opus est.

Huic argumento respondent aduersarij adeò variè, ambiguè, & per plexè, ut vertiginis spiritu agitati, vel labyrinthis & mæadris nescio quibus seducti à mēte esse videantur.

Primò docent, falsò à nobis asseri, mundum à Deo creatum, cū potius genitus sit iuxta Platonis sententiam in Timæo. at quomodo (inquit Iulius Cæsar) genitus ab infinito finitus est? aut quomodo compositus, materialis, subditus accidentibus per partes corruptibilis, & magna ex parte in potentia, & sibi ipsi æquiuiocus ab actu purissimo, simplicissimo

plicissimo? potest ne hæc soboles illius dici patris? hæc Platonis inscitia tãquam ex prophetis libris de Filio Dei vaticinantibus malè ab ipso cointellectis deducta, veniam tunc umbrarum temporis meruisset, nisi generationem à diuersis substantiis, inter quas nulla esset proportio contra totius philosophiæ consensionem fingere ausus esset. deinde pessimam, & inexcusabilem secutus est eorũ opinionem, qui Chaos rerum principium arbitrabantur, quare in Timæo docuit mundum per separationem genitũ, modo, quo explicat Ouid. l. i. Metamorph.

*Hanc Deus, & melior litem natura diremit,
Nam cælo terras, & terris abscidit undas,
Et liquidum spisso secernit ab æthere cælum,
Quæ postquam euoluit, cæcoque exemit acervo,
Dissociata locis concordî pace ligauit.*

Rationi quidem è diametro pugnans sententia, nam vt infinita alia prætermittam, quæro à Platoniceis, mare ab initio fuerit ne dulce, an falsum. non dulce, quia vt sic temporis successu factum esset falsum, cumque falsugo temporis accessu incrementum assumat, consequens fieret in dies magis euadere falsum. quod falsissimum est. neque enim nunc falsius quàm olim fuit. nec ab
initio

initio fuit falsum, quia hoc mixtione duntaxat fit. per hos autem philosophos nullum fuit mare, terra, & aqua permixtum. non igitur factum fuit mare per separationem. itaque neque mundus.

Secundò respondent ex Aristotelis placito, mundum esse æternum. at contra, nam vel habet effectorem, vel non. si concedatur primum, ergo mundus non est æternus, nullum enim quod factum est cum effectore suo coævum est. quare hac ratione non esset factum, nunquam igitur factum, si aliquando factum non est. si detur secundum, sequitur mundum semper à se ipso fuisse. ridiculum autem est, finitum quippiam esse omnium entium primum. sanè finiri est aliquid pati: patiens autem quidam posterius est alio quopiam. nullum igitur finitum primum. at mundus est quid finitum, ut patet; non igitur ab æterno fuit à se ipso. Algazel consimili modo argumentatus est aduersus Auerroem: si mundus est finitus, non habet potestatem nisi finitam. ergo & corruptibilis. quare habuit initium. cui argumento ut satisfaceret Auerrois, maximis se intricare difficultatibus coactus est. respondet enim sic,

Quan

quem modum in eo est etiam perpetua priuatio quietis, quia perpetuus inest habitus mouendi, sicuti declaratur in duodecimo primæ philosophiæ. Remanet igitur Algazelis argumentum, quod à Philopono accepit, integrum, ac validum, sic. Cœlum est finitum, ergo nō à se. igitur habet principium. Addam Aristotelem ipsum in secundo de Generat. in primo de Cœlo, & alibi agnoscere Deum mundi causam efficientem. ergo & per Aristotelis principia, mundus æternus non est. omne namque quod fit, sua efficiente causa posterius est. sed subtilius rem expendamus nos, qui primis Philosophiæ sacris initiati, in Auerrois verba iurare coacti sumus à Ioanne Bacconio Anglo Carmelitano, Auerroistarum Principe meritissimo, olim præceptore nostro. Auerrois igitur in primo de Cœlo Aristotelis mentem sic explicat. Non dicit, inquit, non esse generabile simpliciter: sed hoc modo, quem vulgò dicimus: quippe & è contrario, & subiecto præexistente. Nam qui putant Cœlum esse primam causam, dicunt esse non generabile simpliciter. At non sic ij, qui dicunt ipsum esse creatū à prima causa. Ad hunc modum ille. Igitur vult apud Aristotelem esse creatum à prima causa: quem ait, non negare in

18 AMPHIT. PROVID. ÆTERNÆ,
eo generationem: sed nostratem hanc gene-
rationem, quæ fit & in subiecto, & è contra-
rio. Quid aliud diceret Christianus? etenim
hac ratione è nihilo factum esse intellexit.
nam quod est generatum, neque generatum
est à contrario, neque in subiecto: necesse
est, è nihilo generatum esse. hoc autem non
nisi ab infinito fieri potest. ergo à Deo. solus
enim infinitus est. ergo Deus effector mundi
etiam apud Aristotelem.

Quod verò ingerunt argumentum quasi
inuidtum, futurum fuisse, vt mutatione affi-
ceretur Deus, si postquam non fecisset, fa-
ceret mundum, nullius est roboris, nam ex
Aristotele in primo de Anima, Si faber cum
ædificat, non alteratur, qui tamen habet po-
tentiam primam, & secundam cum actu
cōiunctam, quātomini Deus, qui actus est?
eius enim velle actio est. explico. mutatio
sequitur ex nouitate, sed nihil est noui Deo
in creatione mundi, nec mutationis igitur.
minor probatur, quia Deus est omnia, &
omnia ei sunt in actu, quæ nobis videntur
in potentia, & quæ nobis fuerunt noua, illi
semper fuerunt: quare mundus ei non fuit
in potentia antequam fieret, quia existentia
mundi, quæ nunc est, semper apud Deum in
actu fuit.

Dices

Dices, nihil igitur noui creauit Deus, cum orbem produxit in tempore.

Respondent nostrates Theologi, rem habere essentiam, & existentiam. igitur in creatione rebus, quæ habebant essentiam in mente diuina, addita est existentia. at falsissimum est, quia Deus nihil creasset nisi accidens, nempe ipsam existentiam, quæ essentiæ accidens est. nihil sanè addit essentiæ, quod eam faciat non essentiam, aut plus quàm essentiam. hoc autem aduersatur definitioni creationis, est enim constitutio substantiæ ex nihilo: quod si existentia est diuersa substantia ab essentia, iam essent duæ substantiæ. si accidens, Deus accidens creasset. si est eadem, nihil creasset. Auerrois sectatores ex Aristotele vnā putant. Dicendum igitur nobis est, non esse à Deo additam existentiam essentiæ, quæ erat in mente sua, ad hunc enim modum non creasset ex nihilo, sed ex se tanquam è materia, quod est impium. sed prompsit formas nouas, illis similes, non vniuocas simpliciter, sed analogas, quæ non erant nisi in eius voluntate, quas fecit vt existerent nouo modo contingentī: quare mutationem ponimus tantum in subsistenti.

Tertiò respondent ex crassa Democriti, & Epicuri imaginatione, res omnes productas esse non ab aliqua mente, sed à fortuita atomorum, seu minimorum corpusculorum concursione: sed contra: in casum namque omnia si referas, ordinem tollis. at ordinem in cœlestibus & mirum, & constantem esse manifestissimo constat experimento, quandoquidem solares eclipses multò ante ab Astronomis prædicuntur.

Quartam responsionem desumunt ex Alexandro, & Eudemo, Deum gubernare mundum, non tamen effecisse mundum. At si non fecit, ergo ab alio factum accepit vel mutuo, vel comodato, vel vi, vel emptione, vel deposito, vel locato, vel legitima successione, vel in vacuam venit possessionem, vel iussu tanquam minister, aut seruus à Iudice, vel ab hero. quæ omnia cum nugæ sint, non est asserendum mundum per se existere, aut extitisse olim, priusquam à Deo regeretur.

Vltimo respondent, Deum hæc omnia creasse, summaque prouidentia disposuisse. Cæterùm producta hac vniuersitate rerum, atque perfecta, terrestrium curam à se remouisse, & ablegasse. Hem? quid audio? laborem fortè, ac defatigationis molestias euitās Deus, aut aliis occupatus negotiis, partem rerum

rerum reliquit, quia totū obire non poterat?
an regimine res indigent duntaxat vt fiant,
non vt effectæ conferuentur? ridiculum
meherclè dictum. missum igitur faciamus.


EXERCITATIO V.

Probat Numinis prouidentiam ex motu Cælorum.

Celestium corporum motus cum à
naturalī ipsorum inclinatione non sit;
ex diuina erit ordinatione. atqui illorum
motiones ad horum inferiorum regimen
ordinantur. inferiora igitur diuinæ ordina-
tioni, ac prouidentię subiiciuntur: nam pro-
pter quod vnum quodque tale, & illud ma-
gis, vt dicitur in auth. multò magis. C. de
sacro sanct. eccles.

Hieronymus Cardanus vir in literis tan-
tus, & virtutis ad eò spectatæ, vt perpauca ei
defuerint ad perfectam scientiarū omnium
eruditionem, in libr. 17. de subtilit. cap. de
Artibus fol. 708. existimat falsam esse maio-
rē propositionē. quia sequeretur esse in na-
tura corpus aliquod immobile naturaliter.
At petita venia à subtilissimoviro, Cælos na-
turali motu non moueri demonstrō. quod
mouetur, mouetur vt quiescat, non potest
autem quiescere nisi in suo loco: non igitur

22 AMPHIT. PROVID. ÆTERNÆ,
 mouebitur à suo loco, si propter eius adep-
 tionem motum iam est: si igitur Cœli pars
 mouetur puro motu naturali, in suo loco nō
 est. & si est in suo loco, non mouebitur. at
 mouetur, ergo non est in suo loco. at in suo
 loco omnes sunt Cœli partes, quare nō mo-
 uerentur, vt proprium locum occuparent.
 necesse est igitur alio moueri motu, quàm
 puro motu naturali.



Ponatur cœli pars in A. in quo si non quies-
 cit, non is est eius locus. ergo sit B. at in eo
 non quiescit. neque enim in C. sed it ad D.
 in quo necessario quiescet. non enim ibit
 ad A. vnde discessit. appeteret enim A. at
 non appetit, vnde discessit. Præterea si om-
 nes partes sunt in loco. sunt autem, quia to-
 tum

tum est in suo loco : nulla pars alius partis appeteret occupare locum:neque illæ discederent:quia sunt in suo loco.

Obiectioni si Cœlum nō mouetur motu naturali, est igitur in natura corpus aliquod immobile naturaliter. Respōdeo, aduerbium naturaliter posse duobus modis intelligi: aut à natura non cognoscente, vt à sua forma ignis : aut à natura nulla. hoc posterius falsū est. explico : Quæ corpora essent ad generationem comparata, iis motum dedit ad conueniendum ob compositionem, ac generationem. atque iccirco etiam conseruationis assignauit loca, è quibus euocarentur, & in quæ soluta reuerterent. ea fuerunt elementa. Corpus verò quod non pro materia statuendum fuit, sed actionibus destinandum, id non indiguit eo motu, qui ipsum duceret ad conuentum vllum, sed eo motu, quo tantum ageret. Itaque illi corpori toti quies, non motus attributa est. & cum quies sit perfectio vltima corporis naturalis, motus autem perfectio media, mouetur enim vt quiescat, & Cœlum non egeat perfectione, qua promoueat vt sit hoc quod non est; non est ei data forma naturalis ad mouendum vt perficiatur, sed forma volunta-

24 AMPHIT. PROVID. ÆTERNÆ,
rix intellectiōnis admouendum vt perficiat.

Negat insuper Cardanus minorem propositionem in lib. 2. de rerum variet. cap. 1. adeoque Cœlos duxit moueri propter se, non propter nostratia: prætendit rationem hanc, finis nobilior est his, quæ ad illum sunt. at hæc inferiora Cœlo non sunt nobiliora, immò sunt veluti illius fex. Cœli igitur motus pro fine non habet sublunarium rerum conseruationem, sed propriam. Contrarium ego existimo verum, nam si propter se Cœli mouerentur, tenderent ad proprium terminum, in quo conquiescerent, vt videmus in sublunaribus, non autem ad motum, qui est quid imperfectum, vtpotè via ad terminum. Præterea nihil acquirunt noui propter se: etenim tantundem à centro distant mundi primi mobilis partes omnes. Amplius quæro à Cardano, cui rei facta est habitatio, & cibi, & alia? animalibus sanè. quis horū omnium author? Deus. quis secundum Deum, & cum Deo? Cœli. quis Cœlos fecit? Deus. quod animal nobilissimum? homo. propter hominem ergo Cœlorum actiones. igitur & propter hominem Cœli ipsi. his rationibus accedat communis omnium Præceptoris auctoritas. is in lib. de Cœl. expressis verbis edocet, Cœlorum motus ad hæc inferiora dirigi, & ordi

& ordinari. in 8. Phys. text. 12. hac de causa hominem microcosmon appellat. in 2. Phys. text. 24. *sumus, inquit, nos quodam modo finis omnium.* & in primo supremæ philosophiæ. ancillari, ait, homini quasi seruam naturam. sed ad hominem. docuisti Cardane in tuis Astronomicis commentariis, à Cœlorum motibus actiones nostras dependere. qui igitur fieri potest, vt illi nō sint propter nos? equidem si ad me illi non diriguntur, nec ipsum Martem in octaua domo (quod absit) in mei ortu existentem pertimescam. Præterea in l. de subtilit. 12. cap. de Hominis necessitate ita scribis. *Homo factus est, vt medius existens, diuinis mortalia Connecteret.* nō potuit homo esse medius nisi inter extrema. igitur extrema facta sunt vt esset medius: propter medium igitur nempe hominem facta sunt extrema, terra nimirum, & Cœlum.

Ad Cardani rationem. Cœlum nobilius est quàm nostratia, propter hæc igitur id non est. nego antecedens. probat Cardanus, quia Cœli materia est incorruptibilis: nostra verò corruptionem meditatur, data namque est ob transmutationem.

Fateor cum Aristot. in lib. 9. metaph. text. 17. & lib. 12. text. 10. Cœlum habere materiam, habet namque potētiam, quantitatem

B s insuper



26 AMPHIT. PROVID. ÆTERNÆ,
insuper, & figuram. vbi quantitas est & fi-
gura, necesse est materiam subiectam esse:
nego tamen Cœli materiam nostrati nobi-
liorem esse, nam vt exactissimè tradidimus
in nostris philosophicis commentariis, Cœli
materia diuersa non est à materia hominis,
vel scarabæi. neque enim intelligo (profe-
cto paulò tardiore, atque imbecilliore inge-
nio sum) quomodo materia vna ab alia di-
uersa sit, nisi per aduenientem formam, qua
fit hoc aliquid. non enim τὸ εἶναι, sed τῷ εἶναι.
variatur eius essentia. quod si Cœli materia
immutabilis est: nostri quoque materia sua
essentia perpetua est, atque immutabilis,
nunquam enim corrumpitur ipsa, sed id,
quod ex ipsa fit. illud verò censeo reiicien-
dum: Materiam meditari corruptionem.
nihil enim prohibet in materiæ parte vna
esse formam cum qualitatibus, quæ habent
contrarium: & in alia parte formam sine
vlla illarum qualitatum: non enim data
fuit à Natura materia ob transmutationem
ad generationem primò, & per se, vt vbi-
cumque sit, ibi etiam sit generatio: sed ad
subsistendum formæ corporeitatis in sub-
stantia, & recipiendum quantitatem, ac figu-
ram: quātitatem propter loci mutationem:
figurā, propterea quod omne corpus finitū.

esse

esse & decuit, & debuit: nihil enim aliud est figura, quàm terminorū dispositio. Corporis quidē superficies, superficiei linea, lineę punctum terminus est. figura verò illorum constitutio: ne quis de puncto argutetur. nō enim figuram constituit, sicut linea in superficie. nō est igitur subtilis illa definitio, quę communiter traditur: figura est, quę terminis clauditur. nō enim est in linea à punctis terminata. Hisce de causis primaria Dei cōsilio materia creata est: secundaria verò, ac minus nobili vtilitate propter generationem.

Sed scholasticorum caterua, perplebeia quidem apud me, licet senatoria apud alios, sic insurgit. Materia appetit formam, ergo & corruptionem. consecutio probatur, quia nō potest desiderari finis, nisi ad hūc media necessaria exoptentur. mediū verò pernecessariū ad nouę formę cōsecutionem primę corruptio est. O acutos homines: scholares meos doceo & subtilissimè, Materiam non appetere formas, nam appetitus dicit priuationem: materia autem omnes formas habet, hæ namque materię indiuiduatę partes sunt materię primę, quę yna est. Præterea si tota materia sub omnibus formis est, non potest tota formas quærere: non igitur tota meditatatur mutationem, sed pars tantum

28 AMPHIT. PROVID. ÆTERNÆ,
tantum hæc, aut illa. non est igitur toti
essentialis meditatio, ergo neque parti, tota
enim materia prima, quatenus materia pri-
ma est, nihil aliud est, quam suæ partes. non
igitur appetent partes mutationem. Ad hæc,
materia semper aliqua forma informata est,
quo igitur nouo consilio formam quæret?
num formam abiiciet, vt formam quærat?
haud tam vesana natura est. ex homine oriū-
tur vermes, at quis mentis compos dicere
audebit, materiam primam appetere formā
hominis exuere, vt fætidissimi cædauers de-
licias nancisceretur, è quibus indueret ver-
mis & faciem, & formam? Quemadmodum
illud quoque à veritate alienum est, mate-
riam lapidis appetere aliam formam nobi-
liorem: ad hunc enim modum omnes ma-
teriæ excitarentur ad appétitionem formæ
humanæ, vel cœlestis. id quod quam sit ridi-
culum, ne dum absurdum, non est difficile
demonstrare. is enim appetitus esset frustra:
natura nihil frustra ex Aristotele. Insuper, si
materia appetit formam meliorem, appete-
ret vnā tantum formam. at eam habet iam.
est enim aliqua materiæ pars sub ea. at pars
parti homogeneæ quomodo aduersatur? est
enim materia prima vnum indiuiduum, si-
cuti v.g. ceræ massa, cuius pars alia candelæ
formam

formam gerit, pars simulachri. alia pilæ, alia tessera. At pars à parte non differt essentia, ergo neque affectibus, qui essentiam sequuntur. igitur neque appetentia. quare vna pars non appetet alterius partis corruptionem: appeteret autem, si eius appeteret formam. Ad hæc appeteret omnium formarum ignobiliorum inferitum: idque per se. non enim per se potest appetere habitum meliorem, nisi per se appetat priuationem deterioris. hæc enim est per se. homo non est asinus. Postremò videmus non esse verum euidentissimis Naturæ exemplis. ex asino vtilissimo nobis animali oriuntur crabrones: brutissima sanè res, & ab humani generis commoditatibus auersissima, ex homine vermes. appetebat mirifico appetitu materia prima scilicet exuere hominis formam nobilissimam, vt fætulenti cadaueris formam indueret. vtinam iidem isti dicant, vermem esse homine potiore. Nugæ sunt hæc, inscitia soboles, alumnae pertinaciae, atque supinitatis. non est, dicimus nos, in materia iudicium ad formarum electionem. Qui materiam condidit, formasque illas condidit, voluit suæ quamque cuique acquiescere. neque posuit appetitum in materia mutationis, sed perfectionis tantum. perficitur autem sub

quali

verò est vt in semine; actu quidem actus est ipsi materiæ suo modo, & materia illi suo itē modo: æquè enim desinet esse forma hæc, si materia desinit esse sub ea: atqui materia desinit esse materia hæc, si forma abeat. non est ergo materia in potentia ad suum esse, quod ipsa sibi est per suā essentiam, sed ad esse hoc tale, quod est ab alio. est enim vnum principium Naturæ cum alio, & sub alio 1. physic. text. 52. & pars compositi. 7. diuinæ scientiæ text. 2. & per se formarum fundamentum, primo eiusdem tex. 34. & subiectū materialium substantiarum. 5. physic. tex. 17. & per se causa compositi. 2. eiusdē text. 8. 28. Potentia verò illa non est relatio, sed absoluta entitas. quas prerogatiuas aduersus Auerroistarū figmenta adduximus. Materia igitur non est potentia ad esse, & non esse rei, cuius est materia nisi in rebus corruptibilibus, in aliis verò deferat quantitatem, qualitates, motum, alioquin accidentia per se existerent sine subiecto. Neque verum est quod ait Auerrois in lib. de substantia orbis, materiam esse subiectum contrariorum: quare & corruptionis: non enim omnium contrariorum necessario: sed contrarietatis tantum, quæ est secundum vbi; quare necessario ponenda est in cælo, quia in eo est: vnde, & quo;

Sic

Sic neque in nostrati materia est potentia ad omnem contradictionem, non enim ad receptionem formarum materialium & immaterialium: sed materialium tantum. Quamobrem nec materia cœlestis habet accidentia, quæ sint ad cōtrarietates: nō enim quantitati aut figuræ quicquam est contrarium, & quod habet in eo cōtrarium, non est contrarium ad corruptionem, sed ad perfectionem quippe motū: Vnde, quo: Quod si quies esset motui cōtraria, sanè aliquo modo contraria est: etiam alterum contrariorum in cœlo est: igitur Philosophi non coacti sustulerunt quod poterant non auferre. Theologi verò nostri non rectè posuerunt, quod nō debuit poni necessariò. Etenim in 2. sent. cū metuerent illam obiectionem: Cœlum non habet contrarium, à quo corrumpatur: ita insisterunt, materiam in cœlo esse oportet, quia in ipso esse oportet principium corruptionis: qui error maximus & duplex est. Primus quia omne ens ab alio, per se est corruptibile, etiam si nullam habeat materiam, est enim finitum: non igitur ad cœli corruptionem arcessenda materia fuit. licet enim non habeat contrarium, non tamen habet causam à se essendi, potest igitur à sua natura non esse. At hoc in vniuersis ac singulis rebus

rebus principium est corruptibilitatis: Non autem contrarietas, quod enim actus purus non est, compositum aliquo modo est, Ergo & resolubile. solus autem Deus purus, quare cum cœlum secundum Peripateticos ipsos sit dependens, habet hoc ipsum principium dissolutionis. Vnum enim ac solum necessarium ens, quod à se est. A Theologis igitur, apud quos Cœlum Dei nutu quod ex nihilo factum sit, in nihilum redigendum aliquando est, ita ut ei nouum subeat cœlum, nō necessario est apposita materia, tanquam principium abolitionis: primum, quia cœlum nō corrumpetur à contrario naturali, sed nutu diuino. Deinde quod si materia ob id data sit, & ob id corumpatur: quid erit quod corrumpet materiam illam? sanè materiæ nihil est contrarium. Incendio namque ipsa quoque consumetur, quod cum futurum sit alio quam nostrati hoc igni, non enim nunc cœlum comburit, non fuit ponenda materia quæ susciperet aliam formam. Omnia enim atque etiam ipsa materia, noua erunt. Plura hic à nobis adduci possent, sed satis sit ostendisse materiæ nihil esse contrarium, materiam nō meditari corruptionem, & per consequens nostratam materiam esse incorruptibilem prout cœli materia est. Nunc ad

34 AMPHIT. PROVID. ÆTERNÆ,
Cardanum cōuertamur, Cœlum est propter
nostratia, non hæc enim illo sunt inferiora,
constant enim eadem materia & illa incor-
ruptibili quidem vtrisque. Corpus autē hu-
manum etsi dissoluitur, non est minus nobi-
le quàm celeste corpus, cū sit subiectum
diuinæ substantiæ, quæ dicitur intellectus:
Illud quidem anteit simplicitatis, loci, offi-
ciique prærogatiua; Hoc operosius est, atque
ista ipsa conditione admirabilius. Quod si
hominis, vt credimus, & speramus, cœlum
futura sedes est, etiam illi hominem antepo-
nere nō extimescā. Nec Cœli materia formæ
dignitate primas sibi vēdicabit. Nam vt non-
nulli putauerunt aliam formam habet cœ-
lum qua cœlum est, & aliam formam qua
mouetur, id est intelligentiam. Homo verò
vnā solummodò formā, quippe intellectum,
quo est id, quod est, quod homo nominatur:
quare nobilior erit hominis materia propter
informationem formæ nobilioris; ad hanc
enim rationem, cœli forma nihil esset aliud,
quàm forma corporis, quæ non possit illud
mouere, mouetur enim hoc præsupposito ab
intelligentia; quare cœli non obsolescunt,
si propter hæc inferiora nobilissima orbem
circumferunt, cumque illorum motum ad
nostri moderationem componi apertum sit,
neque

neque eis esse naturalem, vt probauimus, hinc Dei prouidentia circa inferiora hæc perspicuè satis intelligi cognoscique potest.

EXERCITATIO VI.

Probat diuinam prouidentiam ex oraculorum responsis.

L Apideas Deorū statuas, de futuris rerum successibus & euentibus, vaticinia quædam edidisse compluries apud historicos legimus. Illud autem Dei prouidentiam singularem circa hæc inferiora vel maximè demonstrat, Nam illa sæpius vt edita, sic factò ipso contigerunt, neque tamen naturaliter effecta esse quisquam ausit asseuerare, cùm naturæ longè excedant vires: ab aliqua ergo substantia supernaturali prædita facultate, cuius permissu illa edita fuerunt.

Nicolaus Macchiauellus Atheorū facile princeps in cōmentariis ad Titum Liuium, & in perniciosissimo libello de Principe vernaculo idiomate conscriptis, existimauit hæc omnia falsa esse, & à Principibus ad incautæ plebeculæ instructionē conficta, vt quam ratio non posset ad officium, religio

36 AMPHIT. PROVID. ÆTERNÆ,
saltem duceret; Pro hoc autem fine in rebus
religionem concernentibus licitū esse men-
tiri docuit etiam Socrates in 2. de Republ.
& Scæuola, vt refert Aug. in lib. 4. de Ciuit.
Dei cap. 9. dicere cōsueuerat, Expedit in re-
ligione ciuitates falli, hinc tritum circum-
fertur adagium. Mundus vult decipi, deci-
piatur ergo.

At Macchiauello vnus Florentinæ Rei-
publicæ moderno historico nulla in hoc ad-
hibenda est fides, cum plenī sint omnes li-
bri, plenæ omnium sapientum voces, plena
omnia tum Græcarum, tum Latinarum an-
tiquitatum monumenta, quæ verissima do-
ceant & indubitata oraculorum responsa.
Deceptus est infœlix Atheus, quia nonnulla
idolorum miracula fabulosa aliquando po-
tuit legisse, quare ex particulari contra Dia-
lecticorum regulam vniuersale intulit, om-
nia fuisse falsa: quæ propositio non habet
consecutionis probationem secundum for-
mam, ab vno enim ad omnia non necessario
concluditur.

Petrus Pomponatius Philosophus acutif-
simus, in cuius corpus animā Auerrois com-
migrasse Pythagoras iudicasset, in admirabi-
li suo opusculo de affectuum naturalium re-
rum causis, vera fuisse confitetur oraculo-
rum

rum responsa, non tamen edita à Deo, vel à
 Dæmone, sed ab anima, & corpore cœli.
 Nam, inquit hic Mantuanus, cum intel-
 ligentia non sit corpus, neque virtus in cor-
 pore ex Aristot. in 8. Physic. & consequenter
 proprie non sit in loco, neque in subiecto,
 nihil vetat dicere illam fuisse in statua Idoli;
 Ibique facillime potuisse mediante corpore
 cœli (cœlum namque est instrumētum vni-
 uersale intelligentiarum) per os idoli vo-
 cem emittere, prout Tibicen per tubam so-
 num edit: Nam si ex Christianorum senten-
 tia Dæmon potuit id efficere, cur non super-
 næ mentes immateriales cœlorum motri-
 ces? cum plus virtutis non sit in illo, quam in
 his ad oraculum siue idolum inflandum &
 mouendum. Cæterum vocem illam ab in-
 telligētia vna cum corpore cœli formatam,
 & per os Idoli emissam, verè futura prædi-
 xisse, mirum non est, quando Amandinus
 lapis ex Alberto in 2. mineral. prophetiam,
 & interpretationem signorum, & ænigma-
 rum gestanti confert, Quiritia lapis secreto-
 rum est proditor. Silenitem diuinationi in-
 seruire sub prima luna probatum est, inquit
 Albertus. Has autem virtutes syderum in-
 fluxibus illi conceperunt; Quod si tantum
 communicat lapidibus cœlum, quidni vna

cum sua dilectissima amasia vnitum, id est, intelligentia, idem aut longè maius in statua Idoli posse credimus effecisse? Haly Abenzagel ex syderū sibi cognita positione prædixit infantem natum statim vaticinaturum, & ita euenit: nam ab ortu suo 24. horis post locutus est, mortem suā prænuhciaus & finē ad quē natus erat, patri scilicet vt imminentes familiæ calamitates denunciaret, vt refert idem Abenzagel cap. 7. 5. part. Conciliator in expositione 27. problem. & Iunctinus in defensione bonorum Astrologorum fol. par. 20. ex impressione Francofordiana.

Abundè admodum, ac luculēter aduersus Pomponatium disputauimus in Apologia pro Mosayca, & Christiana Lege aduersus Physicos, Astronomos, & Politicos. Nunc igitur satis erit adductis rationib. satisfacere.

Primæ, intelligentia propriè non est in loco, potuit ergo esse in Idolo. Respondco falsam esse consecutionem, etsi enim intelligentia in loco non est sicuti corpus, cuius extrema complent vacuum corporis continentis. At tamen cum sit ens finitum, necesse est vt sit in aliquo vbi, vel in cælo Iouis, vel Veneris, Atque ita quæro, intelligentia quæ mouebat cælum Iouis nempè Iachiel, ex Cardani sententia, quomodo potuit esse in statua Idoli?

per

per operationem ne, an per definitionem? Primam partem cōcedere est perabsurdum; quia si intelligentia esset in suo vbi per operationem, non posset in eodem vbi aliam exercere operationem; sed variata operatione, variaretur vbi. At hypothesis non variat, quia sine vllo motu sui secundum, vbi, multas potest exercere operationes, neque posset mutare, vbi, nisi mutaret operationem. multominus definitiuè fuit intelligentia in Idolo, quippè vt sic nō fuisset in suo cœlo, nā per definitionē intelligētia ibi est, hic nō est.

Secundæ rationi. lapides instillatam quasi habent virtutem à syderibus futura prænoscendi, tanto magis & ipsa sydera. Respondeo falsū esse antecedens, innititur enim putrido fundamento, quippè Albertino testimonio, quod reiiciendū ducimus, cū in lapidū proprietatibus recensendis quā plurimis scateat erroribus. Nā vt multa consulto præteream, quoties perfricta fronte affirmat adamātem ferro perfringi non posse, cum tamen mallo in Scobem redigatur: Chrystallo tamē paulò durior est, vt ex Card. in l. 7. de subt. c. de lapid. fol. 233. nos edocti, cū essemus Antuerpiæ periculum fecimus. Et Lutetiæ Iuuenem quendam inuenimus, qui Albertinis coniecturis adhærescens dictos lapides

40 AMPHIT. PROVID. ÆTERNÆ,
maximis coemit sumptibus, sed tanta tam-
que inanis pecuniarum profusio in nullum
aliud ei cessit emolumentum, quam in sui-
ipsius ludibrium, adeoque in Scaligeri con-
cessi sententiam, vt plus virtutis inesse pu-
tem vni pulici, quam omnibus iis, qui vulgo
pretiosi habentur, lapidibus: falsum esse pro-
bans certis demonstrationibus, antiquum
circulatorum prouerbium, Virtus in Verbis,
& in lapidibus: Nam nec ipsa verba quan-
tumuis magica ex Trithemij Steganogra-
phia, & Agrippinis excantationibus desum-
pta vim aliam habent, quam immutandi
auditum,

• Tertiæ rationi, Haly ex Syderibus denun-
ciauit puerum natum prophetarum, prophe-
tiam igitur astra conferunt.

• Respondeo negando cōsequentiam, pue-
ri namque prophetia fuit in astris tanquam
in signo, non tanquam in causa. Vestigemus
verò veritatem ex ipsis Astrologorum con-
fessionibus. Albertus magnus in suo speculo
astronomico de libris licitis cap. 11. ait, *Iam*
scimus quod signo virginis ascendente natus est
Dominus Iesus Christus, non quia subiaceret stella-
rum motibus, qui creauerat & ipsas stellas, sed
quia cum extenderet cælum sicut pellem, formans
librum vniuersitatis, dedignareturque opus face-
cere

eere incompletum, noluit literis eius deesse, & eis
 quæ secundum providentiã in lib. æternitatis sunt,
 elegantissimũ illud, antequam de Virgine nascere
 tur, tu per hoc innueretur homo naturalis, &
 Deus, qui non naturaliter nascebatur, non quod
 cæli figura esset causa, ut sic nasceretur, sed potius
 significatio; immo ipse erat causa, quare modus
 admirandæ suæ Natiuitatis per cælum significare-
 tur. Hieronymus Cardanus, cui multum de-
 bet Astrologorũ nobilissima Resp. in lib. 4.
 de subtil. cap. de luce & lumine, cum dixisset
 post Cometæ apparitionem Principum
 mortem, legum mutationem consequi, sub-
 didit: & cometes horum potest esse signum, causa
 vero minime. Ita & ego dico pueri prophe-
 tiam fuisse in cælo non tanquam in causa,
 sed signo duntaxat. Quare potuit Haly peri-
 tissimus Astronomus ex astro Veneris bene
 disposito facillime illud coniicere. Illud au-
 tem obiter adnotemus, Naturale, non mira-
 culosum opus esse, ut puerulus recens natus
 loquatur, nam cum sermo linguæ robore &
 intelligentia constet: hæc autem cum illo
 adueniat prius plerisque, hinc fit, ut mirum
 videatur, loqui puerum intelligentia nõdum
 absoluta, Attamen si linguæ robur prius per-
 ficiatur, cum homini à natura insita, sit ipsa
 vis loquendi, quidnam officiat quo minus

42 AMPHIT. PROVID. ÆTERNÆ
audita non intellecta ad instar picæ, aut psittaci effutiat, vel intellecta iam nixu quodam spirituum, atque concursu ad linguam proferat?

EXERCITATIO VII.

*Ex responsis Sybyllinis providentiam Aeterni
Numinis confirmat.*

FVturos euentus sybyllæ pronuntiabant, idque non ex Ephemeridū contemplatione, multominus ex interrogationū scientia, quam professus est Albumazar. Diuino igitur ac supernaturali afflatu permotæ id præstabant; quare fatendum est sanè, à cælesti aliquo numine regi hæc nostratia atque temperari. Innuit hoc arg. Arist. in lib. 2. ad Eudemium. Plut. in lib. Cur oracula esse desierint: respondet falsam esse cōsecutionem, utpotè non ex integra partium enumeratione illatam. Quare diuinandi potestatem in vim terræ transfert, in vaporem scilicet antri Delphici, ubi sybyllæ responsa dabant: probat, quia cum Apollinis antri vapor ab initio violentior esset, maiori cum impetu ad futurorum prædictionem vatis animum impellebat: quare tunc temporis oraculorū responsa carminibus edebantur, cū autem vaporis vis impetus paulatim diminueretur,
impe

impetus quoque erat remissior, hinc soluta oratione futura prædicebantur, cumque vis illa exhauriretur penitus, oracula quoque desinebāt. Vapor autem quod prædicere cogat, & carmina condere, probat Plut: Nam id vini vapor efficit, & terræ igitur. Nam ut ex vino impetus, ita ex terra exhalatio incessit animum.

Super hac quæstione abundè admodum differuimus in nostra Apologia pro Mos. & Christ. Lege. Concedamus nunc terrestrem illum vaporem potuisse cogere ad carmina, non tamen ad futurorum euentuum prædictionem, quam Sybyllæ cum summa omnium admirabilitate edebant.

Hieron. Cardanus. in lib. 14. de rerum variet. c. 68. Sybyllinas prophetias tribus adscribit causis, vi terræ, vi cœlesti in puella, & vi cœlesti in antro, vis terræ vatis mentem agitabat: nam cum in antri penetralia ingrediebatur, vapor ille in exstasim rapiebat vigilantem. Exstasis autem vigilianti, etiamsi casu contingat, futura ostendit quamplurima, in quorum veritatem Sybyllæ mens cœlesti eleuata vi dirigebatur. Per vim autem cœlestem intelligit sydereos influxus Sybyllæ, & antro prædominantes, Veneris scilicet astrum cum Sole atque Saturno.

Philosophi

Philosophi ita Cardano obiicerent, quomodo nosti in Sybyllarum genesi Veneris astrum bene fuisse collocatū? quis Sybyllarum ephemerides tibi detulit? ex ipsarum virginitatē respōdet Cardanus id deprehendo: at quot millia virginum in monasteriis virginitatem custodiunt, nec tamen prophetizant? Adhęc, quid habet astrum Veneris, ut sybyllæ debeat futura ostendere? quomodo id continget, cum omnis nostra cognitio ex connexis fiat, & præcedentibus cognitis, ut Arist. in Analyticis scripsit: & qui fieri potest, ut astra, cum ipsamet nesciant, nos, quę ignorant, edoceant? Sed miramur hæc philosophica sophismata, & ex Astrologia Cardani inscitiam, Ptolomeo cōmuni omnium præceptores, etegamus. Errat, errat sane Cardanus, dum Mercurij & Lunæ nullā facit mentionem, cum Ptol. de astr. Iud. lib. 3. cap. de monstris tex. 20. dicat *Mercurius oraculorum & somniorum interpretes creat*, & lib. 4. cap. 4. tex. 18. inquit. *Rursus si luna propositum locum gubernet, à congressu cum Sole properans cū Mercurio, in Tauro, Cancro, & Capricorno, vates facit, sacrificos per peluim diuinantes. In sagittario & piscibus ex mortuis vaticinātes, & demonum prouocatores: in Virgine & Scorpione Magos, Astrologos, futurorū cōsultos, præscita edoctos in Libra, Ariete,*
& Leo

& Leone diuinitus furore correptos ex somniis
 coniectantes,coniuros,id est, adiuratores. Quo in
 loco Card. Ptolomæi mentem sic explicat.
 Intentio Ptolomæi est dicere, quod luna est causa "
 diuinationis, cum quatuor habuerit conditiones. "
 Prima vt egrediatur solis radios, appareatq; iam "
 tū. Secunda, vt ad Mercuriū vadat; manifestum "
 autem est occidentalem debere esse Mercurium. "
 Tertia, vt luna præsit cæli medio, vel loco planeta "
 opificium significantis. Quarta vt sit in signis "
 conuenientibus, nec ex his putat aliquod non esse "
 præter Geminos & Aquarium. Igitur lunam di- "
 uinationum esse parentem certo dedicimus expe- "
 riemnto. Cur vero author sit diuinationis, multa "
 sunt causa. Est enim multiformis, & vi continens "
 omnium stellarum vires, & nocturno tempore "
 præest, & per se phanaticos significat. Nec vero "
 solum cum hæc omnia affuerint, diuinationis "
 causa erit, sed licet ex his vnum etiam deficiat. In "
 Tauro igitur proprie facit vates, quia Venus oc- "
 cultam facit diuinationem, & in Tauro Venus & "
 luna gaudent. In Cancro quod aqueum sit signū, "
 per aquam, in eo autem luna & Iupiter domi- "
 nantur; à beneficiis autem diuinatio procedit. "
 Rursus in Virgine quod ibi Mercurius sedē suam "
 habeat, & luna gaudeat, nobiliorem diuinandi "
 scientiam significant Planeta. Cum igitur ex "
 tua & Ptolomæi opinione Mercurius & lu-
 na ad

na ad diuinationem conferant, quid quod de his in lib. de rer. variet. ne minimam quidem fecisti mentionē? sed solius Veeneris astro, Saturni & Solis id tibi placuit totū adscribere. Miror etiam Iouem & Martem quare Apollinis templo prædominari non dixeris, cū hoc vel ex reuerentia & sacrificiis coniecisse debebas. At excusatum te habeo. Nam lib. 4. in Ptol. t. 16. fol. 686. adiungendum putasti sine vlla tamen iudicij mica. *Mixtio (inquis) Saturni cum venere facit diuinatores, & ut suprā visum est vetitis, & damnosis artibus deditos. Cum Ioue autem, cum dua benefica vincant, fælices faciūt satis, vnde augures, & sacrificos. nullum enim genus hominum fælicius aut magis honoratum in quavis lege sacerdotibus exstitit. Hi igitur à Ioue, Venere, & Marte significantur. De Ioue quidem & Venere causa clara est, quod & diuitias, & reuerentiam, & securitatem, & opinionem significant diuinitatis: vnde malè fecerunt qui Saturnum illis permiscuerunt, vnde paupertas & contemptus, quamobrem nullus ordo talis perpetuus, sed omnes eò diuturniores quò potentiores. Nam in talium constitutione benefica plurimum potuerunt. Sed de Marte causa est sacrificiū & mactatio animalium, & nūc loco eorū, funera hominum curant. Quàm absurda hæc sint, & incōgrua, vel is etiā qui à limine dun-*

taxat Astrologiā salutarit, intelligat. Negas Ordinē, seu Religionē pauperē, diuturnam, cū tamē Christiana religio pauperrima ab initio fuerit, quare tu ipse in Christi genituræ expositione quę habetur in Ptol. de Astr. Iud. l. 2. c. 9. t. 54. fol. 374. hæc habes verba. *Cūque sors esset sub terra in finibus Saturni desolata, significauit paupertatē, vnde de seipso dixit filius ho. nō habet vnde reclinet caput suū: perpetuo tamen ex Euāgelica veritate, lōgissimo autem temporis spatio secundum Astrologorum figmenta duratura est.* Nam fol. 366. inquis; *Est Genesis Domini nostri Iesu Christi, " in qua tot videbis & tāta mirabilia, vt iudices, " etsi naturalibus rationibus solummodo insistentum esset, Christi Natiuitatem fuisse admirabilem, naturāq; illi tribuisse quantum concursu omniū cælorū excogitari poterat. Et naturaliter legē nostrā esse legē pietatis, Iustitiæ, Fidei, Simplicitatis, Charitatis, optimeque institutā, nullūque habiturā finem, nisi post reditum Ecclesiasticū, in quo fiet nouus status vniuersi: in die sci-* licet Iudicij vniuersalis nobis tua pace exponere liceat. Afferis insuper Religiones eò diuturniores, quò potentiores, quod falsissimum est, potētissima sanè fuit Arrij hæresis: grassabatur. n. per omnes mūdi partes; ita vt Hieron. dixerit. Totus mundus factus est Arrian⁹. Sola Petri Sedes, à Christo fundata

48 AMPHIT. PROVID. ÆTERNÆ,
super firmam petram, aduersus quam portæ
inferi præualere non possunt, ab huiusce hæ-
resis lue intacta remansit: vix autem ducen-
tis annis dominata est, quin imò vno quasi
arietata impetu concidit, excisaque est, vt
ne nunc quidem vel parietinæ villæ, vel ru-
dera, vel ne ipsius quidem superbissimi, sce-
leratissimiq; fundatoris (Deo sit laus) no-
men supersit: sed ad rem propius.

Cur in Sybyllarum Genesi Astrum Vene-
ris cum Saturno adiungis? nonne in Ptol. in
lib. 3. de Astr. iud. c. 16. text. 83. hæc pellegisti
verba? *Veneris stella Deorū prædictionibus, & ora-
culis vitia quodammodo elegantia, planisibiliaq; ef-
ficat, morbos diuinitus petitis curationibus mitiga-
biles; At si cum illa congressus sit Saturnus, nō sine
ignominiosa pœna, & vulgo nota.* at huius igno-
minia pœna publica inflicta sybyllis nō fuit.
Non igitur Saturnus cōgressus est cum Ve-
nere iuxta tuam positionem.


Ad hæc cur asseris benigna fuisse sydera:
in sybyllarum ortu? quia diuinationem eis
contulerunt, respondes: imo ex hoc ipso ma-
leuola fuisse dicendum putem. Audi Ptol. in
lib. 3. tex. 78. *At si malefica in orientali angulo
consistunt, beneficis ad occasum repulsis, incurabilia
iuxta, ac illustria, maximeq; omnibus inuulgata
mala asserunt, epilepticis continuitatem morbi,*
vocife

*vociferationes, & mortis sæpè terrores iniiciunt, ad
 insaniam & stuporem adducunt, in Domesticos in-
 coërcitam licentiam, denudationem crebram, &
 blasphemias, eisque cognata. Ad Dæmonoplexiam,
 aut cerebri auuditatem bacchantium, (hoc enim
 verbo vtitur Virg. lib. 6. cū de Sybilla loqui-
 tur) cōsuetudinem, occulta passim prodēdi morem,
 verberationes, & his similia adiiciunt. Peculiariter
 verò ex locis quæ figurationem comprehendunt,
 Solis & Martis loca ad insaniam efficacia imprimis
 sunt. Iouis & Mercurij ad Comitiales. Veneris ad
 Numinis afflatus, & arcanorum reuelationes. Sa-
 turni & Lune ad humorum copiam, ac Dæmono-
 plexias, id est, Dæmonum vexationes. Fabellæ hæ
 sunt: Cardani tamen Astronomi inscitiam
 redarguūt. Hallucinaris etiam & grauissimè
 cum Solem Sybillarum quasi Rectorem &
 moderatorem constituis. Nam ex antri hu-
 more frigidissimo Sybillarum mentem ele-
 uari supra afferebas. At respōdet Cardanus.
 Furore corripiebantur Sybillæ, ob Solis igi-
 tur calorem. Imo Martis, vt tu postea fateris
 non inuitus lib. 4. de Astro. Iud. in Ptol. tex.
 18. in fine. Diuināt tamen quādoque propter vim
 Lune, & Veneris, in eo, & opposito signo, (Cancro
 scilicet & Capricorno.) Sed in Libra facit (scilicet
 Luna) eos, qui ex somniis diuinant propter vim
 Saturni, & Veneris contrariam. In Ariete autem
 D furo*

50 AMPHIT. PROVID. ÆTERNÆ,
furore correptos ob vim Martis, Sicut in Leone ex-
orcistas ob Solis potētia, quæ natura Lune aduersa-
tur. Ideò Luna Damonis, Sol exorcistæ vim habet.
Exorcistæ non erant Sybyllæ, nec Soli subje-
ctæ igitur. Quare cum tam varia tamq; pu-
gnatia adducat Cardanus, irridendus potius
quàm refellendus, & Sybillina respōsa maiori
& digniori principio adscribat necesse est.

EXERCITATIO VIII.

*Comprobat Dei providentiam ex vetusta, & novæ
Legis miraculis.*

 Rgumentū è miraculis desumptum,
Dei providētiam tam dilucidè pro-
bat, vt inductione longa facilè possi-
mus superfedere: sed quid ad hoc Athei res-
pondeāt, inuestigandum nobis est, Cum nul-
li hætenus id aggressi sint operis: placuit. n.
nobis noua seligere omnia, vt cordatus Le-
ctor æquè poterit æstimare.

Nicolaus Macchiauellus facili negotio
hanc absoluit quæstionem, existimat mira-
cula excogitari, & confingi à Principibus ad
subditorum informationem, & à Sacerdoti-
bus ad lucri, honorisve aucupium.

At putridum hoc mendaciū est, vt ex tuo
ipsius ore patefaciam serue nequam, in libel-
lo de principe, asseris Christianā religionem
politico regimini aduersari, nam exanimat

hominum animos ob inerrorum timores, emasculat vires ob ieiunia, imbelles omnino efficit homines, dum à vindicta remouet, & incruento sacrificio vititur, non igitur Politicus Princeps legem hanc intentioni, propositoque suo omnino contrariā miraculis cupiat, & prodigiis stabilitam. multo minus Sacerdotes Christi vicem in terris gerentes miraculorum meditātur nundinas. Nam in Commentariis ad Tit. Liuium in cap. vbi asseris in Regni, & Reip. scitissimo, æquissimo, que regimine ad primæuas sanctiones reduci cuncta debere. Exemplum affers Beatorum Frācis, ac Domini, qui Christianam religionem quasi collapsam (at quomodo id fieri potest si à Christo supra firmā petram ædificata est) ab interitu vindicarūt, dum ad foundationis primordia reduxerunt, ad paupertatis. s. & humilitatis prædicationē, obseruationemq; quēadmodū à Christo sumpsit exordium. Audi nunc Nicolae, per te fideles isti paupertatem professi sunt & humilitatē, non igitur lucri, honorisq; causa miracula confinxerunt. At cō plurimis miraculis Sanctissimos hosce viros inclaruisse luculētissimo, certissimoq; Ecclesiasticæ historiæ testimonio comprobatum est. Falsa ergo tua positio, auaritiæ, superbixq; causa à Sacerdotibus miracula excogitari.

Petrus Pōponatius in opusculo de affect. rerum nat. caus. Basileæ impresso, vera esse dicit vtriusq; legis miracula. Eorum tamen causam effectricē putat esse vel Sydera, vel Imaginationem nostram. Sydera quidem, nā vniuersi ordinē, ac regimen cum intendunt, & religionū quoque institutiones, à quibus omnis emanat ordo. Verū quia Gētes nouo Legislatori non crederēt, nisi & miracula ipsum operantem intuerentur; idcirco cunctas virtutes, ac facultates, quas ipsa Sydera seiunctim impartuntur animalibus, herbis, & lapidibus, in vnū colligunt, & nouo Legislatori conferunt, qui tanto donorum cœlestium comitatu circumseptus, & communitus, quamplurima conficiet admirabilia. Nam si potest præstare illa Diabolus, & hic igitur nouæ legis Sydereus auctor. Consecutio probatur. Nam ex Diui Aug. Sententia, nullum præstat mirabile Sathanas, nisi actiua passiuis applicando, quod aliud nō est, quàm patientis sensus alterare, phantasiā commouere, & herbarum succos efficacissimos sibi optimè notos ex disiunctissimis terrarum partibus confestim allatos subiecto applicare. hæc autem omnia, & longè maiora vi syderum nouus Legifer præstare poterit. Adducit complura exempla, quæ referre non licet religionis gratia. Con

EXERCITATIO OCTAVA.

Consentit Hieronymus Cardanus, qui ab astris legum ducit originem, in lib. de supplemento Alman. cap. 22. Ita loquitur. (ô os impudentissimum, ô linguam execrandam, ô Sermones inquinatissimos, ô voces detestandas.) *Lex Iudaica, inquit, est à Saturno, vel eius stella, vel potius utroque: Christiana à Ioue & Mercurio: Mahometica à Sole & Marte equaliter dominantibus, unde iustitiâ servat rigidissimam cum impietate & crudelitate inaudita. Idololatria à Luna & Marte. Soluitur autem vnaquaque lex à suo contrario, Saturnum debellat Iupiter autoritate, & Mercurius ratione. Iouem, & Mercurium debellat Mars, non audiens rationes, & sauiens contra auctoritatem. Martem & Solem debellant Saturnus, & Venus, hac lascivia, ille dolis. Martem & Lunam debellant Sol & Iupiter autoritate, dignitate, & veritate. Deinde concludit: ob hoc Christiani erigite capita, qui potest capere, capiat. Et in lib. centum genit. Gent. 8. quæ est Francisci Gallorû Regis inquit, Christianam legem fouet igneus Trigonus, Mahometis æqueus, unde à 150. annis circiter secta illa inualuit: fundata enim est post Saturni Iouisque congressum in Scorpione factum in anno 630. annis autem post mundum quatuor legem promulgauit, vel ut quidam volunt promulgata est anno 619. coniunctio autem præcesserat in anno 610. in piscibus. Porro*

Christianam legem præcessit eodem anno promul-
gationis magna coniunctio in Leone Christū exo-
rientem sex annis, exorientem autē Mahometum in
initio Cancrī, Anno Domini 590. non maxima, sed
magna tamen coniunctio. In Ptol. de Astro. Iud.
lib. 2. c. 17. Affligētur autē leges maximè ut in
trigonis oppositis coniunctiones maxima fuerint.
Est Trigonus Christiana Aries, Leo, Sagittarius, &
eius Dominus Iupiter, quia Sol communis. Idolola-
trie Taurus, Virgo, Capricornus, & eius Dominus
Venus. Nam Luna communis est. Iudaica, Gemini,
Libra, Aquarius, & eius Dominus Saturnus,
nam Mercurius communis est, quia omnibus fa-
uet, & ideo posteriores Legem Iudaicam non de-
serunt, sed recipiūt, quia Mercurius, quo omnes Le-
ges indigēt, propriè dominatur trigono Iudeorum.
Ideo decreta eius Legis tanquam fundamenta ab
aliis recipiuntur. Trigonus autem Cācri, Scorpionis,
& Piscium Mahometica præst, nā Mars Religioni
illi dominatur, & initium dedit coniunctio media
anno Christi 591. in Cancro, quæ postmodum per-
seueravit vsque ad annum 789. in signis Aqueis.
Nemini autem dubium est, quod Mahometes na-
tus est intra hos terminos, legemq; ipsam promul-
gavit. Christus quoque natus est post sex annos à
coniunctione maxima in Ariete, promulgauitque
legem ea coniunctione in Trigono Arietis, Leonis,
& Sagittarij vigente. Itaque tum ab origine tem-
poris

poris, tum regionum ubi cæperunt, tum moribus, patet hos trigonos, hos Planetas Legibus illis præesse easque moderari. Aduersantur autem trigoni prout Planeta. Trigonus quidem Arietis Trigono Cancræ, quia Mars & Iupiter inimici sunt, & maximè potentes ambo, ideoque diuturnum bellum. Similiter Trigonus Tauri trigono Geminorum, quia Venus & Saturnus inimicissimi, sed ambo debiles tamen. Vnaquæque etiam lex, maximè posterior alias destruit, in tex. 19. fol. 284. Consimiles absurdissimas complures recitat fabellas. Lex nostra & Seruator ipse sub Arietis coniunctione superiorum natus est, & ipsa Lex orta. Cæpit enim duodecimo Christus anno disputare. Promulgata verò sub coniunctione superiorum in Sagittario in regione Arieti subiecta. & nunc mediorum triangulorum vis maior cum sit in extremo opposito, viget in Gallia, Italia, Britannia, Sicilia, Germania, Hispaniaque, quæ omnes trigono illi Arietis externo subiiciuntur. Rursus Lex ipsius Mahometis sub aqueo trigono fundata est, & in illius quadrante, in Arabia sub Aquario promulgata in medio Trigono, confirmata autem magis in Armenia, Hircania, Mattiane, Bactra, Casperia, Setica, Sauromatibus, Oxiane, Logdiane. Demum propter concursum aquei trigoni, qui in quadrante quarto viget, promulgata est etiã in Numidia, Carthagine,

*Africa, Phyzania, Nasamonitis, Garamātibus, Mauris, Getulis, Metagonitis, Bithyniis, Colchis, Syria, Cappadocia, Lydia, Cumagene, Cilicia, Pamphylia: Arabia autem adiacet Aegyptus, Cyrenai-
ca, Aethiopia, Media: constat & Scythicam gentem
in extremo trianguli quadrantis tertij ultimam
futuram, quæ nomen Mahometis relinquat: Sicut
& Hispaniam & adiacentes regiones, ut dixi, le-
gem Christi. Hæc tam subtilia sunt, si causam di-
uersitatis intelliges, quoniam illa maior est, cuius
quadrans consentit cum tempore promulgationis,
quadrans enim duos habet trigonos, & duo trigoni
duobus trigonis respondent mutuò sibi inuicem op-
positis. Ista firmior cuius trigonus consentit
cum tempore promulgationis. Schismata quo-
que & hæreses ad Astra refert. De Schis-
mate Anglicano sub Henrico octauo, in tex.
54. fol. 347. Ita loquitur. Cometes à deliquio di-
stinctus, Martis, ac Mercurij furentium damna si-
gnificat. Itaque & Iouius bona quadam immista
habebit, veluti ventos salutare pluribus atque fœ-
cundos. Verum & cum hoc dissidia Sacerdotum in
religione Christiana, prælia, non diuturna bella, ab-
scessus & febres acutas. Talem fuisse eum qui visus
est anno 1533. in Ariete sub Septentrionali parte
Galaxie credendum est; Nam Iupiter Legem Chri-
stianam, Aries Britanniam, Mars & Mercurius
significauerunt dissidium & permutationem, quæ
facta*

facta est post triennium in tota illa Prouincia, iubente Rege illorum Henrico octauo. Lutheranam quoque hærefem ad sydera, nempe ad Venerem in Spica Virginis refert in lib. centum genit. gent. XI. quæ Martini Lutheri est.

O sacrilegam doctrinam, & ex hominum consortio eliminandam: ô impietatem nefariam, & post homines natos inauditam? Prophetarum vaticinia, Christianam religionem à Deo institutam, à Deo miraculis confirmatam ad fabulosam & commentitiam Arietis coniunctionem referre. *ex Cardan. in Ptolom. de Astror. iud. lib. 2. tex. 54. in pæfat. ad Christi natiuitatem fol. 362. Arietis octauæ sphaeræ cum capite Arietis nona coniunctio nõ fit nisi in 36. millia annorum spatio, & etiam sunt qui dicant in 49. millia. Non igitur ex hac coniunctione, vt ibidem voluit Cardan. Christi lex exorta est, cum ex Sacra Hebræorum historia 6822. anni ab orbe condito præcesserint: Sed efficiamus vt Diabolica hæc Pomponatij, & Cardani moles suomet onere corruat. Affirmat ille Sydera causam esse nouarum legum, Moisaicæ præcipuè & Christianæ. At quomodo hæc Leges à Syderibus ortum ducunt, cum Syderum cultum omninò abrogent,*

58 AMPHIT. PROVID. ÆTERNÆ,
Ef. 47. & Gal. 4. Suntne adeò vesana Sydera,
vt aduersus semetipsa Legem condant?
quomodo pro vniuersi bono ab astris reli-
giones instituuntur, cùm tam diuersæ
sint? Vnde oriuntur contentiones & cædes
Ad hæc, quomodo nouo Legislatori ab A-
stris cõfertur facultas miracula operandi? Si
Mahometes nouã legem instituit sub Mar-
te & Sole, absque vllis miraculis & signis
Consimiliter & Hæretici à Catholica Ec-
clesia deficientes noua sine vllis miraculis
dogmata confingunt, nisi viuos occidendo,
vt de Caluino certum est; Hallucinatur
etiam Pomponatius dum herbarum viribus
miracula edi posse credit, quando in nostra
religione mortuos quamplurimos à San-
ctis viris ad vitam reuocatos fuisse legimus,
quod herbarum succi præstare nullo modo
possunt; neque Diabolus ex nostra senten-
tia miracula operari vllatenus valet: sed il-
lusiones tantummodò mendaciis, dolisque
refertissimas, vt scribit Apostolus.

Sed ad Cardanum veniamus, *Lex iudaica,*
(inquit) *à Saturno est,* cui omisisti: Mercuri-
um? Sanè in Ptol. de Astr. Iud. lib. 2. tex. 17.
fol. 278. ita loqueris. *Leges omnes in me-*
dio habitabilis promulgantur, & ex illo in ex-
trema

extrema perueniunt, quia Mercurius Dominus est eius partis, scilicet mediæ, ut declaratum est. Leges autem multis verbis indigent & rationibus, & mendaciis, etiamsi oportuerit, & volubilitate cerebri, quæ omnia à Mercurio significantur. Nihilominus Mercurius per se non potest dare legem, sed socius sit Saturno & dat legem Iudaorum, quæ est durissima, & fœdißima, & plena mendaciis, & abominatione, cum auaritia, & usura, diuortio, & conubiis illicitis, & lepra, & immunditia gentis, in text. 17. fol. 279. Lex Iudaica ortum habuit ab oriente, quia Saturnus orienti præest, immo occidenti ut asseris aliàs, (& congruentius hoc crediderim) in tex. 18. fol. 282. ita loquitur, Iudaica Lex Mercurium Saturno adiungit, unde ipsi maximè sunt industrii, loquaces, & miseri, & parandæ rei pecuniariæ dediti. Sabbathum colunt propter Saturnum. Imò propter liberationem à Saturno, nempe ab Ægyptiaca seruitute, quam ex Astrologorum sententia, Saturnus intulit. Saturnus namque præcipuè dat tribulationes, & seruitutes, ex Ptolomæo libro 4. de Astror. iudic. text. 71. Sed pergamus Christiana, subdis, à Ioue & Mercurio: cur non à Marte? qui ex tua opinione, & falsa illa quidem, nā multò antè id prædixerat Propheta, Oblatus est, quia ipse

60 AMPHIT. PROVID. ÆTERNÆ,
ipse voluit, in ipsius genitura existens in 8.
domo, mortem ei comminatus est acerbissi-
mam, vnde Exordiū lex cepit firmissimum:
cur à Ioue? respōdit in expositione genituræ,
*Iupiter suauitatem morū, & probitatem, & man-
suetudinem cum eloquentia & sapientia maxima
declarabat; itaque factum est cum in ascendente
esset, vt anno 12. in templo disputauerit, Iupiter
enim ibi ante tempus dat sapientiam.* At si Iupi-
ter dat sapientiam, cur adiungis Mercurium?
Nonne & Venus etiam id suppeditabat? Ita
sanè confiteris in expositione genit. *Spica
virginis, Stella magnitudinis prima, & Naturæ
Veneris, ac parum Martis, quæ ante ascendens fuit
partibus solum tribus, tum ob partes duas Austrā-
lis latitudinis, tum quia verum æquinoctij pun-
ctum ascendebat, ideo eloquentiam & gratiam
apud gentes præstabant, naturalemq̃, futurorū co-
gnitionem.* Cur non & Soli Christianam reli-
gionem adscribis? Sanè in tex. 18. in libr. 2.
Ptol. de Astror. iud. inquis *Christiani Iouē iun-
ctum habent cum Sole, illiusque diem colunt Do-
minicum: Sol autem significat iustitiam & verita-
tem: Christiana autē lex plus continet veritatis, &
simpliciores reddit homines.* imò prudentio-
res, Nam idem Christus ipsissimus Deus
dixit Apostolis, estote simplices vt co-
lumbæ, & prudentes sicut serpentes. Adhæc
fi. Chri

si Christiani sunt simpliciores, cur à Mercurio, qui sagacissimus est, ipsorū religionem, ortum ducere asseris? *Mahumetis*, subdis à *Sole & Marte equaliter dominantibus*, unde *iustitiam custodit*. At tibimet contradicis in text.

17. vbi inquis. *Associatur Mercurius Marti, & facit legem Mahumetis plenam violentia, & crudelitatis, fœdam diuortio, & vxorum multitudine, & libidini iunctam, fabulosis mendaciis, & impudentibus refertam, abhorrentem à pietate & humanitate*, & tex. 18. inquis, animaduertendum, quod ad trigonos attinet atque leges, *Mahometicam qua sub Marte est, sibi adiungere Venerem, vel Lunam. Venerem, ob inexhaustam libidinem, diemque illi consecratum colunt. Lunam vero quod laboriosissimi sint atque vagi, eiusque in vexillis imaginem referunt: ob utramque autem plures accipere vxores lex illa permittit. Albumar etiam, à quo Cardanus hæc omnia accepit, Turcicam superstitionē astris adscribit. Vtinam verò illius astronomicum iudicium de Sectæ huius duratione veritati correspondisset, nam ipsa lex exhausta omnino foret & exinanita. Subdis: Idololatria à Luna & Marte, Cur non adiunxisti Mercurium & Venerem? Nam in expositione tex. 17. inquis. *Mercurius iunctus Veneri facit legem Idolorum debilem, & luxui deditam in qua omnia licent:**

62 AMPHIT. PROVID. ÆTERNÆ,
licent: & multiplicem propter Mercurij poten-
tiam, ideoque cum Venus debilis sit, comparatione
superiorum, facta est levis, plurimum Deorum, plena
superstitionibus, & diuinatione, & fabulis, quæ
plena sunt etiam adulteriis, & flagitiis aliis, &
amoribus puerorum. Mercurius enim talia om-
nia significat. Et in text. 18. Idolorum, inquis,
lex Veneri Lunam adiungit orientalem, sicut Ma-
hometica occidentalem, & text. 17. Idolorum lex,
quoniam à Venere originem suam habuit, initium
sumpsit à meridie, scilicet Assyria, Babylonia, &
Chaldaïs. Primus enim Belus Assyriorum Rex
adorari se præcepit. His omnibus oppono Tri-
themium, qui in lib. de septem Secundeis,
docet Idololatriam incepisse sub regimine
Michaëlis, qui Angelus Solis est. Subdis: sol-
uitur autem vnaqueque Lex à suo contrario: ne-
quaquam, Lex Christiana, quæ iuxta tuam
assertionem sub Ioue, & Mercurio est, soluit
Legem Gentilium sub Luna & Marte con-
stitutam. Iupiter, & Mars inimici sunt; non
autem Mercurius, & Luna.

Sed excipiamus tuam ratiocinationem.
Saturnum debellat Iupiter autoritate, & Mer-
curius ratione. Deceptus est hic Atheus, quia
existimauit Christum soluisse legem Hebræorum,
quæ sub Saturno erat, At contrarium Christus
fatetur: Nō veni soluere, sed adimplere legem.

Adhæc

Adhæc Iudæorum Lex est sub Saturno. A Christo igitur soluta non est: cōsecutio probatur. Nam Saturnus à seipso nō destruitur, sed à Ioue & Mercurio. Seipsum autem destruxisset, si & Christus. Nam ex Saturni instinctu propriam legem Christus euertit, secundum ipsum Cardanum in expositione Christi genit. circa finem, vbi inquit, *Cumque Saturnus esset in nono loco, atque retrogradus, significauit studiū euertēdæ legis, in qua natus erat. Nemo autem legem euertit, nisi qui nouam condere vult. Cū verò illud diuinitus faceret, naturaliter tamen hoc studium Saturni stella declarabat: intētumque perpetuo in opere faciebat.* Vbi lector aduertat, nullo modo in Christi Natiuitate fuisse retrogradum Saturnum. Namque ita, ex Cardano, lingua blæsa fuisset Christus. Nam in ipsius Cardani genitura ab ipso confecta, quæ fanè pulcherrima est, hæc verba perlego. *Nonum vitium est lingua blæsa ob Saturnum retrogradum, Mercuriū licet aspicientem trigono.* Subdis *Iouem & Mercurium debellat Mars*: Hoc fanè modo Lex Turcarū Christianam legem debellaret, quod falsissimum est, nam tu ipsemet in præfatione ad Christi geniturā, fateris nostram, Turcarū lege diuturniorē. *Martem & Solem debellat Saturnus & Venus.* Iudæi igitur destruent Turcicā sectā.

84 AMPHIT, PROVID. ÆTERNÆ,
O acutum hominem; Martem & Lunam
Sol & Iupiter destruunt; immò Iupiter &
Mercurius: sub quib⁹ Christiana religio cō-
stituta cum sit ex tua opinione, Gentilium
sectam Marti & Lunæ subiectam euertit.

Concludis deinde. *Ob hoc Christiani eri-
gite capita*: imò erigunt, & te disceptantē au-
diunt in Ptol. lib. 2. de Astror. iudic. text. 54.
fol. 369. in præfat. ad Christi natiuit. *Natura-
liter lex nostra, est lex pietatis, iustitiæ, fidei, sim-
plicitatis, charitatis, optimæq; instituta, nullumq;
habitura est finem, nisi post reditum ecclipticarum,
in quo fiet nouus status vniuersi, in sæculi scilicet
cōsummatione. Euerteturne lex Christiana
à Marte, quia complures occidit Martyres?
Nequaquam: imò illorum sanguis Ecclesiæ
semen est, vt ait B. Cyprianus.*

Detrigonorum fabellis hic non disputo,
nam in Apologia pro Mosayca & Christia-
na lege, abundè de Astrologorum arcanis
differuimus.

Schisma Anglicanum Marti, & Mercurio
ex Ariete in Britannia prædominante ad-
scribis: at falsissimū esse deduco ex tua sen-
tentia. Nam in lib. 2. ad Ptol. de Astror. iud.
tex. 12. fol. 254. *Inueniuntur, inquis, Regiones
distantes magis similes inter se euentibus, & mo-
ribus quàm propinqua, veluti Britannia, & Iudæa.*
Ob id

Ob id Britannia & Iudæa quod sint peruicaces, & truces, atque seditiosi. Britanni Arieti tribuuntur. Iudæi verò quod impij, quod insidiosj, & audaces, similiter sub eodem signo sunt atque planeta: sic utraque harum regionum sapius & contumacius, ut nulla alia, Romanis rebellauit, ac sapius ad interuersionem concisa, & utraque similiter novos ritus legis, & diuini cultus sibi inuenit, aliquando quidem in melius, & persæpè in deterius. Si sub eodem Arietis signo utraque prouinciarum constituta est, Cur cometes in Britania non verò in Iudæa futurum schisma antenunciavit? deinde cur vatiniano quasi odio Angli Iudæos prosequuntur, ita ut in Principes Italos, qui illis domicilia, stationesque concedunt, quotidie, licet immeritò, debacchentur: contra verò cur Iudæis Angli inuisissimi, infensissimique sunt? Fuit quidam temporibus meis Iudæus in Anglia, ut Christi fidem susceperet, & ab Oxoniensi Academia perhumaniter fuit exceptus, cum verò ad sacrum lauacrum deducendus esset, aufugit, captus est. Rex ex benignitate dimisit, offendi eum aliquo tempore post Lutetiæ Parisiorum in aula Regia, ubi in sermone mutuo quem duximus, Anglorum auaritiâ mirum in modum sugillabat, ut tum præ cæteris nationibus vel maximè dediti sint vni libera-

66 AMPHIT. PROVID. ÆTERNÆ,
litati, illamque quibuscumque possunt ra-
tionibus erga extraneos ostendant, præcipuè
verò in ipsum Hæbreum, quem per 2. annos
magnificis impensis aluerunt, vt Christia-
nam religionem amplecteretur.

Addis Cardane legum mutationem suc-
cedere in Anglia, & in Iudæa: In Anglia qui-
dem verissimum est: in Iudæa verò mini-
mè. Nam à suæ legis primordio ad hodie-
num vsque diem Messiam suum expe-
ctant.

Præterea Anglicani schismatis aliam red-
dis causam in expositione genituræ Henrici
octavi, quæ coniuncta est genesi Eduar-
di sexti eius filij, & est prima in ordine.
De Henrico igitur hoc iudicium profers,
*Fuit Venus cum cauda & lampade stella naturæ
Martis, & Luna in occiduo cardine in Martis
dignitatibus. Mars verò in Virgine infelici signo,
& quadrato Iouis infelicitis. Mutavit præterea le-
gem ob hæc causam Pötifici maximo succensens. Id
contigit ob Veneris situm, & ea quæ illi adharere
diximus.*

In Lutheri genitura errauit Cardanus,
nam diem 22. Octobris anni 1483. illi na-
talitium facit, cum tamen natus sit die 10.
Nouembris, hora prima ante mediam
noctem vt habet Calendarium Eberi, vt
refert

refert Tychon Brahe. in lib. de noua stella pag. 777. qui diuersissimè à Cardano Lutheri genituram exponit. Lutheri imaginē cum essemus Argentorati inspeximus, & Apostasiæ signum facile deprehendisset Card. ex Mercurio quem præse fert in 6. domo: cæterum Venerem habet amicam, hinc gratiosissimus apud suos extitit. Potuissem Cardani doctrinam refellere ex Trithemij sententia quam habet in tractatu de 7. secundeis Argentinæ impresso apud Lazarum Zetznerum, sed quia nullius ingenij ac iudicij, ego semper Trithemium existimaui, ex eo probationes desumere verecundatus sum.

Sed redeamus ad Pomponatium, hic acutissimè existimauit, complures euentus, quos nos miraculosos dicimus, ex vi imaginatiua prouenire, innititur enim huic axiomati. Vehemens imaginatio facit casum, vt videre est in muliere coeunte, quæ aliquam concipiens imaginem in actu venereo, eidem foetum assimilat, & in prægnante, quæ mala punica, exempli gratia, desiderans, foetum malo punico stigmatizat, adeoque tenaciter huic demonstrationi adhæret, vt Diui Francisci patroni mei apud Deum colendissimi stigmata ex vehementissima Christi Domini vulnerum apprehensione

68 AMPHIT. PROVID. ÆTERNÆ,
effici potuisse contendat.

Verum fateor me multos annos ea in opinione fuisse, vim imaginationis nihil aliud efficere posse, quàm Venerem excitare. Maculas autem, quas in hominibus interdum conspiciamus, & si omnes matris desideriis adscribant, negabam ego, quando & in lapidibus, & in plantis quæ appetitu carent, easdem ceraforum, avium, piscium, aliarumque rerum effigies insculptas à natura videamus. Adhuc si prægnantis appetitio fortum afficeret, omnes maculosi essemus, quippe prægnans non est, quæ indies insolitum aliquid non concupiscat: Cùm verò pauci adeò sint, ut vix è mille vnus signatus reperiatur, non debuit pro generali causa prægnantis appetitio assignari. Cur deinde auiculis, cur herbis, cum vel maximè appetantur, non notamur? Sed sunt pueruli (inquiunt) qui cerasi figuram in aliqua corporis parte impressam habent, mater verò testatur fructum illum se exoptasse, O acutam responsionem! An ne mulier negabit cùm coit, & cùm prægnans est, viri sui honestissimos amplexus se appetere, cur igitur femellæ quam genuit, & quam gestat in utero, quod ipsa è viro vehementer appetit, non effingit? Sed muliebri hoc testimonium aliter eluda

eludamus, nulla ipsarum est, quæ dum infans in utero est, sciat, prædicere, an, & quibus maculis infantem signabit, cum tamen certò sciat quæ summopere exoptarit, sed cum nascitur infans, & aliqua re signatus à matre conspicitur, tunc illa, hunc ego fructum desideravi, cum tamen infinitos alios concupierit, & fortassè illum non appetiit, sed hanc assignat rationem, quia ob omnibus vera acclamatur.

Chimici nullo negotio quæstionem absoluerent ex Anaxagoræ sententia: *omnia in omnibus*: sed reuera Anaxagoras nunquam in ea fuit opinione, ubique omnem esse substantiam, sicut Alchimistæ, nunquam putasset ille in acu Balenam inesse. Sed aiebat nullam imponi formam nouam, quia commistæ essent omnes, ita artificem putà sculptorem ablatione superflue materiæ formam detegere potius quàm falso imponere se dicet, suberat enim.

Astronomi ad astra id referunt, sanè si piscis signaculum in homine insignitum videmus, facillimè dicunt, Solem tunc fuisse in piscibus. Mirum tamen est cum quolibet anno Sol sit in signo piscis per 30. dies, cur rarissimi, & ferè nulli reperiantur qui piscis effigiem in aliqua corporis parte signatam

70 AMPHIT. PROVID. ÆTERNÆ,
ferant? sed cui astro cerasi formationem ad-
scribent?

Sed concedamus Pomponatio perma-
gnas esse imaginationis vires. Romana tamē
Ecclesia, quæ lima est veritatis, in miraculo-
rum numerum non recipit quod imaginati-
uæ vi effici potest, sed id solū quod omnes
naturæ vires excedit. D. Francisci stigmata
etsi nō sint de fide (nullū enim de iis extat
Ecclesiæ decretum tanquā de fide) quia ta-
men in matutinis diuinæ lyturgiæ præle-
ctionibus stigmatum aliqua fit mentio, Ego
Catholicæ Matris Ecclesiæ filius, in Apolo-
gia pro Trident. Cōcilio in Decreto de san-
ctorum inuocatione scripsi aduersus Luthe-
rum, existimantem B. Franciscum ex vehe-
menti erga Christum amore propriis mani-
bus seipsum ferro stigmatizasse. Quod à ve-
ritate alienum est, quandoquidem mortem
sibi consciuisset, vel illius saltem manifesto
periculo ob inanem finē se exposuisset, quod
de Seraphico viro præsumendum non est,
nec ab ipso Luthero qui 7. in locis, vt adno-
taui, præcipuè in lib. de capt. Babil. c. de Eu-
chari. confitetur Franciscum fuisse virum
sanctissimum, & nunc in cœlis cum Christo
regnare: multominus ex imaginatiua for-
mata sunt in eo stigmata, vehementissimus
namque

namque fuit, ardentissimusque semper in Christi meditatione. Cur igitur per tot annos eadem ante imaginatiua consimilia ei non impressit vulnera? Cur item non cernimus eadem in augustissima Deipara? quæ filium suum in cruce confossum aspexit, quæque vehementiore affectu ut Mater diuina erga Deum filium ferebatur.

Pomponatij argumentum de muliere prægnante ad Franciscum nullo modo concludit, cum diuersissima sit in vtrisque ratio. In prægnante quidem illud fit, quod illa in ore saliuam producit exoptati fructus saporem per omnia redolentem. Saliva igitur veluti semen est concupiti fructus, non igitur mirum si deglutita fructum, cuius eadem semen est, producat. Hinc in mentem venit Dominam Beatricem Lopez de Noguera matrem meam dilectissimam narraſſe mihi puerulo, quam plurimis exoptatis æstiuis fructibus hyberno tempore se caruisse, dum me gestaret in utero, nullis tamen signasse, quia saliuam illam tunc temporis expuisset in terram. Cur eius saporis saliva fiat, hic non disputo, cum luculentissime ac subtilissime id præstiterim in phisico-magico. Franciscus vero nequiuit Christi vulnerum saporem

(nullum enim habent) redolentem salivam
 congenerare , nec congenerata tamen po-
 tuisset stigmatum fructus illos tanquam se-
 men quoddam producere in tam sciunctis
 corporis partibus, vtpotè pectore, manibus,
 & pedibus : quare si Ecclesia declarat vera
 fuisse Francisci stigmata , supernaturali cau-
 sæ quin adscribenda sint nullatenus dubito.
 Aliqui molles Athei in dubium vocare mi-
 raculorum certitudinem non verentur, quia
 nullum vnquam viderint , immò & maio-
 res natu interrogarint, an de aliquo miracu-
 lo testimonium certum proferre possint : illi
 verò auritos, non oculatos testes esse se re-
 sponderint. De visu deponunt anicula, & de
 quibusdam leuissimis , quæ transferri ad na-
 turalem causam commodè possunt. At quid
 blaterant pecudum illi similes potius quam
 hominum, cum nullus à sacrosancta Catho-
 lica Ecclesia sanctus declaretur, nisi complu-
 res testes omni exceptione maiores de quā-
 plurimis verè miraculis ab eodem patris
 infallibili testimonio deponant. Vidi ego
 sanè opus non sine maximo miraculo , cæ-
 cum nimirum à B. Virgine illuminatum. Il-
 lud hic mihi liceat adscribere. In Apulia,
 quæ olim magna Græcia dicebatur, situm
 est oppidum Præfìcium nomine, non longo
 à pa

à patria nostra disiunctum interuallo, in illius oppidi suburbio inuenta est. Deiparæ imago, quæ honorificentissimè, integerri-
mè, religiosissimèque ab omnibus debito more colebatur, inaudiuit illud idem cæcus quidam ab ipso ortus sui die, & duce puerulo, aut canicula, ad sacellum Virginis festinauit, de geniculis adorauit, fuis precibus obdormiuit, & tandem è somno experrectus illuminatum se agnouit, surgens autem claudum se effectum esse aduertit: Quod exemplum cum Germaniam peragrarem, Atheo homini obieci, qui meum testimonium non reiiciens, vt miraculum nullum esse ostenderet, duas subtilissimas excogitauit responsiones, Quarum prima fuit hæc, contigisse illud ex influxu astri sacello eidem prædominantis, probareque hoc modo conatus est, Sanctorum imagines vno aliquando die decem miracula edent, interdum verò decem in annis vix vnum, quod non nisi ex astrorum dispositione, influxuque prouenire potest. Præterea vno in loco miraculis clarèt, si aliò transferatur, aut omnino nullis, aut certè non tam crebris. Virtus igitur miraculorum loco alligata est, & per consequens à Sydereis influxibus pendeat necesse est. At futilis illa & anilis

74 AMPHIT. PROVID. ÆTERNÆ,
sus est responsio, quandoquidem ab orbe
condito locus ille astris propositus, subie-
ctusque fuit, cur igitur nulla ante hæc
tempora miracula vel visa, vel audita sunt?
quæsiuit à me Artheus, cui syderum con-
cursui imaginem subiectam putarem, igno-
rare me! confessus sum libens, hoc vnum
noui Prouinciam nostram Leoni subiaccere
& Soli, hinc infert Ptol. in lib. 2. de Astror.
iudic. tex. 16. incolas præstantiæ, benignitati,
amicitiæque studere.

Altera responsio erat, cæcum hunc ex
vehementi imaginatiua voti compotem
factum esse, probabat à simili. Memoria
traditum accepimus, Regis cuiusdam fi-
lium à natiuitate mutum, loquelam acce-
pisse ex nimio, patri hostiles gladios fugien-
ti, desiderio succurrendi: subrisi equidem,
quid rides? ille. Ego, nonne te Astrologum
pudet virtuti imaginatiuæ id tribuere, quod
in astra commodius poteras retulisse, vt in-
nuit Ptolom. in lib. 3. de Astror. iudic. text.
„ 53. qui sic incipit, impedita lingua sunt &
„ blæsa; ac balbutiente, quotquot Saturnum
„ & Mercurium habent in prædictis angulis
„ congregientes cum Sole. Maximè, verò
„ quando & Mercurius occidentalis est, &
„ ambo cum Luna configurantur. His verò
forte

fortè adiunctus Mars, soluere plerumque “
 solet linguæ inuolutionem, posteaquam “
 Luna illi obuia fit; Qui textus hereticos ad “
 Astrologicam fidem deducere posset, inquit
 Cardanus in illius expositione.

Sed fateamur mutum ex vi imaginatiua locutum esse, nego tamen idem fieri posse in cæco, Nam ille nihil noui effinxit, sed linguæ duntaxat vinculū soluit, quod vehemēs imaginatio in nō valdè læsis (vt teste Pomponatio hic Regis filius erat) efficere potest: in cæci verò illuminatione de maiori agitur negotio, vtpotè de formatione oculorum cum suis membranulis. Obiciebat ille, illuminatus claudus euasit, non igitur ex miraculo quodā diuino adeptus est lucem: quippè Deus non absoluere & punire simul confuevit. Naturæ igitur opus fuit, cæcus enim quidquid virium habebat, ad imaginatiuā pertraxit, quibus vsa natura, humanæ voluntatis ancilla, nobilissimum opus, nempè oculos efformauit, viliorem corporis partem despiciens, vtpotè pedes, cui despicientiæ nō refragatum est cælum, patiens enim sub Luna cōstitutus facilè erat, hæc autem cū in nodis seu flexuris est, aut in signis obnoxiiis nimirum Ariete, Tauro, Cancro, Scorpio & Capricorno, claudicationes gignit ex
 Ptol.

Respondi ego in hunc modum, in claudicatione Dei opus deprehendunt in schola Spiritus educati. Simile enim quid legimus Gen. 32. de Iacobo victoriam ab Angelo reportante simul & claudicationem. Addidi insuper huius miseri hominis imaginatiuam nihil præclari efficere potuisse, vtpote quia debilis erat. nam præcedenti die, vt audiisse me memini, in pane, & aqua ieiunarat, ieiunantium autem imaginatiua nullum potest præstare singulare opus, vt in Physicomagico docuimus.

At subiunxit hic Atheus: finxit ille se claudum cum tamen nõ esset, quia cæcus assuetus erat mendicare (mendicantium autem vita omnium iucundissima est) iam verò ab Astris lumen adeptus; fodere cogeatur, & in sadore vultus māducare panem. Conducibilius palato suo duxit deuota cantiuncula optima fercula à mulierculis extorquere, earumque consortio perfrui, miraculum apud illas scilicet enarrando, depređicandoque: At nugæ illæ mihi facessant tandem, quod si enim effigiem illius etiamnum caleo, in illius ortu Solem in Libra fuisse facile erat diuinare ex fronte & Capillis, ex Veneris quoque Sydere aliquid traxisse æreus faciei

ciei color præsignificabat,quinimmo Venus suam in Libra domū habet. non ergo fraudulentus fuit ex Astronomorum regulis.

Sed valeant iterum abeantque Astronomorum fabulæ & deliria, quæ detestari me prorsus execrarique profiteor, in medium tamen adduxi, vt inertia præceptorum ineptiaque patefieret. Nec illa mihi disceptatio vitio facilè vertetur, quando & SS. Patres Arrianorum blasphemias in Dei filium recitant passim,& retundunt. Et illustrissimus Bellarminus in suis operib. refert bacchantium hæreticorum furores in Christi Sacramenta,eiusque Vicariū Romanum Pontificem.Hæreticorum verò blasphemiam,quæ ab ipso adducuntur & refelluntur,minorem in se haud continent impietatem,quàm ea,quæ nos ex Astrologis in medium produximus, & reiecimus. Nec inde mihi fraudis aliquid criminisve affingetur,si in Atheorum Libris euoluendis aliquātum temporis me cōsumpsisse quispiā suspicetur. Nam Lutetiæ cū essem, & Apologiam pro Tridētino Concilio conscribendam suscepissem, ab Illustrissimo Reuerēdissimoq; Domino Roberto Valbaldino Episcopo Politiano, ad Christianissimum Regem Apostolicæ Sedis Nuncio amplissimo quosuis Libros peruolutandi facultatem

78 AMPHIT. PROVID. ÆTERNÆ,
cultatem impetraui : sed aduersus veteres
Philosophos exercere nos incipiamus.

EXERCITATIO IX.

Diagoræ Athæi Sententiam explicat.

Dlagoras Milesius inter veteres Philo-
sophos vel vnus nominatim Atheus
omnium ore, & vnanimi consensu procla-
matus est, nec iniuriâ quidem, quâdo nescio
qua stulta, & anili prorsus persuasione infe-
ctus, perfriicta fronte Diuinam providen-
tiam inficiari, atque ita teste Cic. in lib. de
Nat. Deor. ratiocinari ausus est : Si Diuina
providētia orbis regeretur, Cuncta pro me-
ritis vnicuiq; hominum, bonis sc. bona, ma-
lis mala, æqua quasi quadam bilance truti-
nata distribuerentur. Sed cū longè secus
omnia gerantur, Dei providentia circa hæc
inferiora, cur, aut quænam sit videre nullo
modo possū. Maior satis liquet, Nā ad Prin-
cipis providentiam vel hoc in primis spectat
improborum petulantiam, nefariosque co-
natus suppliciis coërcere, proborum autem
virtutem, & promerita benefactis compen-
sare : Minorem veram esse vsus quotidianus
testis certissimus perhibet, quippè eos, qui
iuxta diuinæ Legis normā, & perpēdiculum
omnes vitæ suæ conformant rationes, nec
vnquam

vnquam recti, æquique transiliunt lineas, innumeris videmus quotidie hostiū telis proponi, appeti insidiis, proditiōibus circumueniri, irretiri difficultatibus, innumeris aduersitatibus conflictari. Contra verò eos, qui flagitiis, & facinoribus cooperti, diuina & humana omnia promiscuè habent, nullis aduersæ fortunæ iaculis appeti, nullis calamitatibus opprimi, sed in omni rerū copia, in deliciis ex animi sui sententia tranquillam ætatem agere: Pompeio contra ius fasque omnia miscenti prospera omnia, Reipubl. causam defensanti omnia aduersa, omnia contraria cecidere. Dionys. Tyrannus cum locris Proserpinæ fanum expilasset, Syracusas nauigauit, cūmq; secundissimis ventis, velisq; ad optatū portum appulisset, videtis, inquit, quā prospera etiā Sacrilego à Diis immortalibus nauigatio concedatur. Ac ne per longos anfractus argumenta quæramus, cū compendia præstò sint, ipse Diagoras cū in Samotraciam nauigio iret, ipsique nautæ aduersa tēpestate infestati inclamarent, non iniuria sese talibus procellis iactari, qui Diagorā naui sua excepissent, Illudens ille ipsorum obiurgationi, multas alias naues ostendit eodem periculo laborantes, rogauitque simul num in totidem aliis nauibus Diago-

ram

80 AMPHIT. PROVID. ÆTERNÆ.
ram vehi putarent: hoc ipso innuens cuncta
fortuito sine personarū discrimine, diuinæq;
prouidentię dispositione euenire: Cui cū qui-
dam obiiceret pictas votorū tabulas, inquiēs,
tū qui humana Diis curæ non esse disputas,
nonne aduertis ex tot tabellis pictis, quàm
multi cōceptis votis temperastis discrimen,
& inclementiam effugerint, saluique & in-
columēs peruenerint in portum, hoc ab illo
responsi tulit. Ita sit, illi enim nunquam picti
sunt qui naufragio factō in Mari perierunt.

EXERCITATIO X.

*Diagoræ argumento soluendo varias
adducit rationes.*

SToïci Philosophi Argumento huic
respondent negando minorem pro-
positionem, existimant enim bonos in vita
præmiis munerari, improbos suppliciis affi-
ci, virtus enim est præmium sui, vitium verò
sui supplicium. Primum ita probat Boethius
in 2. lib. consol. Phil. Rerum quæ geruntur
illud propter quod vnaquæque res geritur,
eiusdem rei præmium est, vti currenti in sta-
dio, propter quam curritur, præmium præ-
fixum, corona est; cumque omnis agēs Bea-
titudi

titudinis consecutionem intendat, beatitudo erit præmium actionis. Sed beatitudo nil nisi bonum est, bonum autem consequuntur boni eo ipso quod boni sunt, boni igitur præmiis afficiuntur. At hoc Stoicorum placitum à veritate alienum existimo. Nullum enim agens in actionis suæ pulchritudine cōquiescit, sed ad maius aliquid semper anhelat. Animalia non propter ipsum motum sese mouent, sed vt per motum aliquid sibi boni conquirant, artifices: nō modo artis suæ functiones, sed & finem spectāt. Quemadmodum ipsimet Stoici virtutis actiones non ad virtutem, sed ad gloriā virtutis præmium referebant, quod ita probat Cic. in orat. pro Arch. Poët. *Trahimur omnes laudis studio & optimus quisque maximè gloria ducitur. Illi ipsi Philosophi* (Stoici nimirum) *etiam in illis libellis, quos de contemnenda gloria scribunt, nomen suum inscribunt: in quo predicationem, & nobilitatem despicunt, prædicationi se ac nominari volunt:* Boethiana ratio falsum assumit principium, Iustorum bonitatem probitatemque beatitudinem esse. Hæc enim non bonum est, sed summum bonum, imò summa bonitas. Cū igitur nulli vnquam ad eam se conscendisse perfectionem gloriari possint, vt optimi, & summè probi

82 AMPHIT. PROVID. ÆTERNÆ,
sint, nec meliores effici queant, Beatitudi-
nem quæ summum bonum est, nunquam
in hac vita perfectè consequi se posse fa-
teantur necesse est.

Probat deinde Boethius, vitium esse pœ-
nam sui, nam malitia est carentia bonitatis,
& entitatis igitur, quippe ex Arist: Ens, &
bonum conuertuntur: At summa pœna est
priuari Ente, pariter ergo & bonitate. Sed
absurdum Axioma Stoicum probādum as-
sumit Boeth. non igitur mirum, si probatio-
ne eiusdem deficiat. Ipsi Stoici enim corpo-
rali pœna reos affligebāt, quod à virtute Iu-
stitiæ, cui vel maximè studere ipsi videri vo-
lebant, erat alienissimum, si propria illi mali-
tia puniebantur. Entis priuatio vel pœna est
longè grauissima, Bonitatis carentia verò
nulla videtur Atheis pœna, Ens autem con-
uertitur cum bono physico, non morali. Alij
ex nostratibus existimant minorem propo-
sitionem non esse absolutè veram, quia vt
plurimum facinorosi, perditique Ganeones,
in hoc sæculo vel à Deo scelerum iustissimo
vindice, vel à Iudicibus Dei ministris meri-
tis mulctantur pœnis, Nam vt ait Apostolus,
*Omnis potestas à Deo est, Non sine causa gladium
gestat, minister enim Dei est ad Iustitiam.* Ab his
autem Scelerati ad carceres, ad latomias,
ad

ad triremes, ad cruces condemnantur. In sacro etiam Codice pœnas à Deo impiis infligtas legimus. In Genesi. 3. 6. 19. Exod. 5. 7. 8. 9. 16. 17. Leuit. 24. Num. 10. 11. 20. 21. 26. Iosué 6. 10. Iudicum 3. 4. 6. 10. 14. 15. 16. 1. Reg. 4. 5. 6. 13. 15. 2. Regum. 11. 12. 24. 3. Reg. 11. 12. 20. 4. Reg. 19. 2. Paral. 13. 14. 20. 32. Iudith. 6. 13. Daniel. 3. 4. 5. 2. Maccab. 3. 9. 15. & aliis sexcentis in locis.

Sacrosancta sanè responsio: at nullo negotio ab Atheis repellitur, qui eam Sacræ Scripturæ præstât fidem, quam vel ego Æsopis fabellis, aut muliercularum insomniis, aut Alcorano-turcicis superstitionibus. Negant pariter Athei puniri homines ob scelera, quis enim supplicium effugiat, cum sine crimine viuat nemo? Sed aduersis natalitiis Syderibus eo destinari asseuerant. *In carceribus*, inquit Ptol. lib. 4. de Astror. iud. tex. 71. *Finient vitam qui Saturnum habuerint in occasu utrius luminarium oppositum. Violenta verò*, inquit in tex. 69. *atque cōspicua morte interibimus, si aut uterque maleficus imperat interemptorio loco, aut per congressum, aut per radios quadrangulos oppositosve, Aut alteruter eorum ambove Solem, aut Lunam, aut utrumque luminare maleficio affecerint, ubi mortis quidem atrocitatem ab eorum congressu constitui putabimus.* Quare Cardanius

84 AMPHIT. PROVID. ÆTERNÆ,
in illius text. expositione violētæ mortis dif-
ferentiis recitatis, subdit: *Miserorum hæc sunt
supplicia fortunæ potius, quàm sceleri adscribenda.
Nam si ad scelera respicias multi sunt Principes,
quibus, si iure æquo res ageretur, nulli pali, nulla
rota, nulli ignes ad expianda eorum flagitia suffi-
cerent, cùm tamen ne minima quidem afficiantur
pœna.*

Theologi aliter argumento Diagoræ res-
pondere solent, Dei scilicet prouidentiam
ad futuram vitam cuncta dirigere, adeoque
pœnas, & præmia redditum iri unicuique
prout gesserit in suo corpore. Fateor qui-
dem ipsissimam esse veritatem, quando sic
Euangelicæ testantur promissiones, verum-
tamen Atheos conuincere nō videtur, quip-
pè qui ex Ciceronis Disciplina inferorum
pœnas tãquam vetularum deliria reiiciunt,
contemnunt, despiciantur: dicuntq; ex Dio-
dori Siculi Sententia in principio suæ histo-
riæ ab Ægyptiorum superstitione in asser-
uandis mortuorum corporibus exortas, fre-
quētatas verò, ex Cardan. in lib. de rerū var.
apud Cretenses, qui Plutonē Saturni filium
inferorum Deū consecrare non dubitarunt,
quod ritus aliquos, & cærimonias funebres
excogitasset. Crassissima verò illa mendacia
sunt, attamen quia naturali ratione non pos-
sumus

sumus demonstrare in altera vita pœnarum locum proprium assignari, multò minus verò Dæmones dari nisi & Dæmonissas concedamus, vt ita loquar, quemadmodū sentit Cardanus in fine libri de rer. var. & etiam in lib. de subtil. quapropter alia nobis vtendum refutatione. Sit igitur

EXERCITATIO XI.

Quæ ex mente Autoris respondeat Diagora.

FAcilè possum negare maiorem argumenti propositionē vniuersaliter veram esse, in politicæ enim Disciplinæ tabulis scriptum est, Non debere Regem in sceleratos vindicare, cum toto regno scelerum lues perbacchetur, fore namque vt non longa temporis interposita mora vel omnes ab ipso subditi desciscant, transfugæque fiant, vel regnum suum omninò continuis suppliciis exhauriat. Quare cum non iustificetur in conspectu Dei omni viuens, si pro meritis flagitia plecteret, breui quidem tēpore mundus exinaniretur. Affero verò propositionem illam de mulctandis reis, necessariò concludere quoad Principem terrestrem, qui à rebellibus oppugnari, affligi, lædique potest: Quoad Deum autem nullo modo, qui, vt

Cardano aliqua in re adstipuler, non punit in hoc sæculo peccatores quòd ab illis non lædatur, *Cùm enim sit* (inquit ille in lib. de rer. var. c. 93.) *mens, vim habet per totum diffusam, & velut animus non ulciscitur partes corporis, quia nec ab eis leditur, nec illarum priuatur imperio. Sunt enim sue. Ita & Deus* Hanc tamen Hieronymi Cardani sententiam non tanquam omni exceptione maiorem propugno, nec inuitus reuocabo, vbi Romanam Ecclesiam secus decreuisse cognouero.

Negemus potius minorem propositionem. Siquidẽ Deus summas in hoc sæculo etiam fœlicitates bonis affundit, Tribulationes nimirũ: expetunt enim illas si boni sunt: quid autem rei exoptatæ possessione fœlicius excogitari potest atque iucundius? Sanè Thales Milesius percunãtati quid esset dulcissimum? potiri respondet. Impij verò in hac vita à Deo pũniuntur ipsis voluptatum additamẽtis, quibus delicatissimus redditur ipsorum sensus, quare minimis deinde calamitatibus (quorum nullus in hac vita expers est) prosternuntur: hinc facile colligere est per exiguam illorum esse fœlicitatem, qui vel minima aduersitate exanimentur.

Nec obstant exempla in contrarium adducta in initio disputationis; Pompeio patriam

triam tuenti res infeliciter cessit, aduersus eandem pugnāti omnia prospera, omnia secūda fuere. Cato Vticensis cum idem altiori cogitatione depingeret, exclamare non est veritus. O inuolucra, ô integumenta, ô tenebras, quibus diuinæ res obseptæ circumuolutæq; sunt, multū sanè caliginis in rebus diuinis est. Quæ vox & mihi Christiano viro non absona fuerit, quando Dauid in Spiritu Sancto constitutus de Deo inquit, *Nubes & caligo in circuitu eius*. Dionysius Locris Proserpinæ templum compilarat, classis tamen illius secundis postmodum nauigabat vêtis: non inconsulta (Respondeo) Dei prouidentia, quippè honestissimo, præclarissimoque facinore præmij hoc à Deo commeruerat, falsam namq; Deam honore indebito exue- rat. Instabit fortè aliquis Exemplo Pyrrhi Epyrotarū Regis, qui cum ex eiusdem Proserpinæ Locrensis thesauro ingentes pecunias sustulisset, naufragij postmodum multatus est calamitate, vt ex vetustis scriptoribus refert Lact. lib. 2. c. 8. Respondeo ex peruulgata Iuris regula, volūtatem, ac propositum distinguere maleficia. Quare naufragium iure merito Pyrrhus fecit, quoniam contra propriæ conscientiæ dictamen, suggestionēque, qua aliquid Proserpinæ inesse

88 AMPHIT. PROVID. ÆTERNÆ,
diuinitatis credebat,thesaurum eiusdem di-
ripuerat, compilaratque. Dionysio autem
ex animi sententia nauigatio succedebat,
quia bonorum Ecclesiasticorum,bonę fidei,
ac iusti tituli esse se possessorem arbitraba-
tur,ex quatuor rationibus, quas ex totidem
eius gestis deprehendere licet.Mensas enim
aureas atque æreas Diis dicatas è fanis ali-
quādo sustulit. Has insculpta ex more Græ-
corum Epigraphe testabatur esse bonorum
Deorum, ne quis manum admoliretur: At
ille respondit, se Deorum bonitate uti, bo-
nos enim Deos dici,quod omnibus benefa-
ciant.Idem victorias aureas,pateras,& coro-
nas, quas Simulacra porrectis manibus te-
nentia velut offerebant, abstulit, dicens se
oblata accipere, non eripere, addens perab-
surdum esse, à quibus quotidie bona efflagi-
temus, ab iis etiam vltro porrigentibus nol-
le accipere. Ioui Olympico detraxit idem
magni ponderis aureum amiculum, quo
cum Hieron ex manubiis Carthaginēsiū
ornauerat,proque aureo detracto laneum ei
iniecit pallium,inquiens,aureum amiculum
esse æstate grauius, hyeme verò frigidius,
laneum ad vtramque anni tempestatem ac-
commodatius. Epidauri Æsculapio bar-
bam auream detraxit, quod decorum ipsi
non

non videretur, Patrem Apollinem imberbem, Æsculapium verò filium barbatus conspici.

Ac per nos quidem Dionysius etiam Gentilis in Idolorum suorum Statuas, & Simulacra hanc sibi licentiam usurpet: Christianis verò ad Christi & Sanctorum, quos repræsentant Imagines hūc in modum compilandas hoc Dionis. exemplo nequaquam fenestram aperimus, sed sacræ paginæ edicti sacrosancti tenore, & iuxta Romanæ Ecclesiæ Mandatum velimus interdictum.

Diagoras decumanis in medio Mari fluctibus agitatur, & iuxta Atheo pœna imminet: verum & aliæ naues periclitantur.

Respondco, quis negauerit in aliis pariter nauibus fortassis Diagoræ fuisse persimiles? vel fortè moraliter boni erāt, & sic ipsorum fortitudinem, animique exaggerationem Deus periclitabatur. Perinsulsa autem est Diagoræ ratio, non omnes qui Deum inuocant à periculis liberari, adeoque Dei prouidentiam nullam esse. Quinimò vel ex hoc maximè Diuinæ Prouidentię accuratio summa elucescit. Prouidum namque Principem cum dixerim, non qui quibuslibet sibi subiectis libellis subscribit, sed qui iustis duntaxat & æquis suffragatur petitionibus.

EXERCITATIO XII.

Protagoræ opinionem explicat & rationes.

Protagoræ Abderita Dei providentiā negare nō est ausus, quod bona quamplurima in hisce inferioribus conspiceret, quæ sanè à Summo aliquo bono dependere necessariò existimavit, quandoquidem in seipsis talia non sunt, nam de nouo acquirunt, & acquisita amittunt. Cum autem malis, atque sceleribus repletum vndique orbem circumspiceret, Deum Deique Providentiā confiteri dubitavit, quare dicere consueuerat: *Si Deus non est, unde igitur bona? Si autem est, unde mala?* Cæteræ authoris huius rationes nobis perspectæ non sunt, quod libri illius in foro exusti fuerint, quia impiis referti essent dogmatibus, ne quis noui exempli rem arbitretur, libros hereticorum modo concremari. Arenoso tamen illo Protagoræo fundamento freti moderni Athei argumentorum molem superextruxerunt vastissimam, quorum hæc sunt præcipua.

I Vel Deus cognoscit hominum peccata, vel non: Si cognoscit, igitur efficit, Scientia namque Dei causat res: Si non cognoscit, Ergo mundi temperationem non curat, hæc enim

enim absque cognitione esse non potest.

2 Cùm in vniuerso tot, tantaque grassentur scelera, quæ Deus neque expellit, neque medelam parat, asserendum est, Deum hæc inferiora vel negligere omninò, vel curare, sed medelam malis, vitiisque adhibere non posse, quare erit impotens, & per cōsequens non Deus. Vel nolle mederi, & sic peccati autor dicetur, Si quis enim, vt sacra nos docet pagina, errantem viderit, & ab errore eripere potest, neque tamen eripit, homicida est.

3 Vel Deus vult peccata, vel non: si vult ergo facit, dicente scriptura, *omnia quaecumque voluit fecit*: Si non vult, eo igitur inuito committuntur: improuidus igitur vel impotens nuncupandus, cùm sit nescius, vel efficere non possit quo minus suæ rebelletur voluntati, vel erit impius, cùm nolit scelera, & tamen ab eis homines non præmuniat.

4 Deus & Natura de possibilibus semper efficiunt quod est melius, vt dicit Arist. in 1. de partibus, in lib. de gressib. animal. & alibi: At possibile, & melius est nulla patrari scelera, deberet igitur Deus id præstare, sed non præstat, Est igitur inuidus, & improuidus.

5 Qui causam damni dat damnum fecisse videtur vulgata lege Qui occiderit, §. in hac

hac ad leg. Aquil. & l. nihil interest ad leg. Cornel. de Sicar. At Deus dat causam peccati, ipsius igitur autor, & effector iure propè suo dicitur.

Ultimum, vel Deus peccatis mederi desiderat, vel non: posterioris concessione Athei suam confirmant opinionem: prioris verò affirmatione peccati origo Deo adscribitur. quod ita probant. Non potest Deus errantium curam gerere, nisi misericordiam velit, & pœnitentiam, sed si ista cupit, necessario & peccata. Ergo si Deus est prouidus, peccati author est, Minor probatur. Finis desiderari non potest absque mediis ad eundem assequendum necessariis, sed peccata media sunt necessaria ad misericordiæ finē, & pœnitentiæ, miseretur enim eorum Deus, quos errorum pœnitet: Ergo si Deus pro fine intendit misericordiam, & pœnitentiam, consimiliter & peccata, quæ sunt media ad illarum virtutum exercitationem. Confirmatur exemplo Martyrij, quod Deo perplacet, dicente Spiritu sancto per os Davidis: *Pre-tiosa in conspectu Domini mors Sanctorum eius*: Martyrium autem absque sæuitia Tyrannorum esse non potest. Ergo & ipsa Tyrannica impietas Deo grata est in ordine ad martyrium.

EXERCITATIO XIII.

*Aduersus Protagoram probat Deum non
esse autorem peccati.*

IMpios atque sacrilegos hos Atheorū tumultus, & fremitus nihili facientes Christianorum animi in schola spiritus enutriti, asserunt orbem à Deo regi & temperari, scelerum tamen & vitiorum authorem Deum non agnoscunt.

Prima conclusionis pars non indiget nostra probatione, Genuina Protagoræ confessio sufficit, *Si Deus, inquit, non est, unde igitur bona?*

Secunda verò pars probatur ex multis.

Primo, Secundum Protagoram bona omnia à Deo emanāt, nulla igitur mala. Consequentia probatur: quia cum hæc duo ex diametro sibi opponantur, diuersum agnoscant authorem necesse est: quare asserere bona, & mala à Deo prouenire, non minùs absurdum duco, quàm dicere dulce, & amarum ex eodem fonte profluere.

Secundo, Deus est summum Ens, & bonum igitur, quippè ex Aristot. hæc duo conuertuntur, à summo autem bono non prouenit malum, nec enim id habet, si summum bonum

EXERCITATIO XIII.

*Qua Protagoræ rationi respondetur, nec non
primo Sectariorum argumento.*

SI Deus est, unde mala? quaerit Protagoras, à nostra respondeo libera voluntate.

Primo Sectariorum argumento, Si Deus nostri est prouidus, cognoscit peccata, facit igitur. Respondet Boethius de consol. Phil. libr. vlt. capit. vlt. negando consequentiam: Probationem autem (scientia Dei causat res) existimat esse falsam; nam, inquit, sicuti videns aliquem moueri ad locū, de motione certus, nihil tamē efficit, neque ab ipso eunte patitur. Ita Deus non efficit futurum, & si illud cognoscat: consentit & Alexander, qui in libr. de Fato capit. 16. rescribit, aliud esse prænoscere, aliud facere.

Sed ne à respondendi labore subducere nos velle videamur, verissimū dicimus hoc axioma, Scientia Dei causat res, & rationibus comprobamus. Nam quod Deus alia à se cognoscat, percipi à nostro intellectu nullatenus potest, nisi quia Deus efficiat, quare cognoscēdo seipsum esse causam, cognoscit effectus, hi namque in causa relucet, vel
Deus

96 AMPHIT. PROVID. ÆTERNÆ,
Deus cognoscit alia à se, quia est effectus rerum extra se, nam per effectū cognoscimus causam, quod de Deo concipere nefas est, vel quia similitudinem rerum à rebus ipsis, vel ab aliquo alio receperit, quod est pariter impossibile, vel quia ipsemet sit rerum similitudo, quod & fingi nequit aut excogitari, quoniam aut esset ipse imago rerum, vel res imagines eius: si detur primum, Ergo rerum est effectus, hoc autem est perabsurdum atque ridiculum. Si secundum, erit causa rerum.

Præterea omnia Deus efficit per suū esse, sed hoc est intelligere, per suam igitur intellectionem cuncta operatur.

Minor probatur. actus intellectionis manet in intelligente, pariter ergo & in Deo. Deus igitur est intellectio ipsa; nam quicquid est in Deo Deus est, alioquin intellectio aliunde Deo accideret, quare non esset æterna neque optima, quippè in tempore perficeretur & ab extrinseco. Amplius ex Auerr. in Comment. ult. lib. Metaph. part. 19. Dei Scientia rebus comparatur, quemadmodum & artificis operi, sed operis causa artificis scientia est, & Dei igitur.

Minor hæc patet, nā artifex operatur per suum intellectum, huius ergo formam operationis

rationis principium esse intelligimus.

His rationibus accedat communis Philosophorum, & Theologorum authoritas, qui hanc venerantur propositionem. Scientia Dei causat res. Auerr. lib. 12. Metaph. com. 51. Dionys. in lib. de diuin. nominib. August. lib. 15. de Trin. cap. 13. Beatus Thomas cum Scholasticorum caterua in prima parte, & in primo sententiarum.

Exemplum autem à Boethio allatum extra rem est, videns enim à visibili dependet, & tamen secundum ipsum, Scientia Dei non dependet à re: Nam inquit aduersus Originem, æternum dependeret à temporali: Insuper videns à mouente speciem continuò recipit, Deus autem nequit à re quicquam accipere.

Cùm ergo vera sit consecutionis probatio, subsistit in suo firmamento argumētum. Si deus cognoscit peccata, igitur ea operatur.

Pro intelligentia huius perdifficilis argumentationis notandum est, peccato ihesse duo, bonum scilicet & malum: vtriusque autem causa Deus dicetur, sed diuersimodè, peccatum fundatur in voluntate, quæ cùm sit ens, bona est, omnis autem bonitas à Deo est, quare vt peccatum esse nequit absque voluntate, quæ & in fieri, & in conseruari à

Deo dependet, subtracta namque manu Dei nihil est voluntas, peccatum à Deo esse dicitur : peccatum insuper continet malum, nempe deformitatem, cuius causa Deus est permissiva, quia nisi ipse permetteret, nequaquam humana voluntas laberetur. Cum igitur bonitatis, ac deformitatis peccati Deus sit causa, illius per se, huius quasi per accidens, sequitur ut utramque in peccato agnoscat. Præter hæc tamē Dei conniuentiā, cum permissio nō sit sufficiens causa effectus, concurrat nostra voluntas immediatè, & per se effectrix deformitatis, hic autem effectus, cum à voluntate mea, & non à Deo procedat, & ordine naturæ prius sit me peccare, quàm Deum agnoscere me peccātem, quippe cognitio rei præsupponit rem, à peccato meo cognitio Dei dependet, non quidem simpliciter, & absolutè, sed secundum quid, & sub conditione: Sicuti si ex præsuppositione quòd Deus vult humanam voluntatem esse liberam, necesse est aliquam ei tribuere actionem, cuius ipse secundum modum aliquem non sit causa, quamvis simpliciter actionum omnium auctor dicatur, ita pariter ex hypothese, quod ad peccatum actio voluntatis requiritur, cognitio diuina peccati à peccato depēdeat necesse est. Nam quem-

admodum

admodum volens me Deus seruare, indiget me, non simpliciter, imperfectus enim esset, sed secundum quid, non enim potest seruare me, nisi ego sim: Ita quoque si Deus cognoscit peccatum meum, cum rei cognitionem præsupponat, prius in me illud erit, ab hoc igitur diuina cognitio dependet ex suppositione ut supra.

Nec obstat Boetiana ratiocinatio, æternum non dependet à temporali; quia licet peccatum meum sit in tempore, ut à me committitur, dicitur tamen æternum, ut ab æterno à Deo cognitum est. veluti productio Verbi diuini, quauis in se sit æterna, potest cognosci à me incipiēte, utque nuper, & recenter à me cognita est, noua dici potest, etsi intellectui meo ut æterna representetur. Consimiliter peccatum meum in tempore potest cognosci à Deo æterno, utque cognitum est ab æterno, æternum est, licet æternitati representetur ut in tempore.

His positis ad Argumentum, cognoscit Deus peccata, ergo efficit. Consequentia negatur.

Ad probationem. Scientia Dei causat res: dico propositionem hanc veram esse in rebus à volūtate humana nō proficiscētibus, secus verò in actionibus voluntariis, quia, si

scientia Dei has efficeret, nequaquam libere essent, Quare de nostris operibus verū censeo dictum Origenis in Epist. ad Rom. in explicatione illorum verborum, *quos predestinavit, hos & vocavit, &c.* Non quia Deus prævidet, sic erit, sed quoniam sic erit, ideò prævidet. Vnde non quia Deus prævidet me peccaturū, ego peccabo (sic enim actio peccati non foret libera, & per consequens non esset peccatū, quare implicatoriā includeret) nec ex quo ego pecco, aliquid in Deo generatur, mutaretur enim, sed actus peccati mei terminat Dei cognitionem, ad hoc enim vt Deus agnoscat peccatum meum, hoc in me existat oportet tanquam conditio ad diuinæ scientiæ certitudinem requisita.

In Peripatetica autem Cathedra aliter dissoluerem argumentum, concederem enim cum Arist. Deum in peccato efficere quod in eo agnoscit. Per Arist. verò formale peccati à Deo non cognoscitur, hoc enim consistit in priuatione, quæ sub Dei cognitionem non cadit, quare in 3. de anima. tex. 25. asserit priuationem non cognosci ab intellectu semper existente in actu, multo minus à Deo. Cū ergo secūdum Arist. Deus formale peccati non agnoscat, nec illud operabitur. Matèriale verò peccati sub Dei cognitione

gnitionem, & operationem cadit, nam ens est, & omne ens à primo ente ducit originem, ut habetur in 12. Metaph. & primo de Cælo.

EXERCITATIO XV.

Continet refutationem secundi argumenti.

Secundo Argumento quod tale est, Deus peccatis non occurrit, neque medetur, illorum igitur autor, & effector dici poterit. Respondeo falsam esse consecutionem.

Ad probationem. Christiana religione compellimur scelera prohibere ubi possumus, aliàs peccati reatū incurrimus, sic Deus non auertens, & prohibens peccatum, cū possit, ipsius author dicetur.

Respondent cōmuniter Doctores, Deum in seruando homines à peccatis non minus præstare quàm quod creatura præstare teneatur: hæc enim diuinæ legis præscripto cogitur proximum corrigere, ita tamen ut liberum eius arbitrium minimè lædat. Ille per sacram scripturam, per Sacerdotes suos in terris vicarios, exorbitantes in verum trami-tem reducere, & à prauis operibus ad sanam mentem reflectere conatur; saluo tamē

102 AMPHIT. PROVID. AETERNÆ,
atque illibato humanæ libertatis augustissi-
mo priuilegio, alioquin si à peccatis nos pe-
nitus remoueret, libero nostro arbitrio dero-
garet: hinc naturæ potius corruptor quàm
seruator dici posset.

Sed nugæ hæ sunt nugacissimæ, potest
namque Deus liberum arbitriū integrum,
& illæsum in omnibus custodire, simulque
à peccatorum sordibus nos immunes redde-
re, sicuti Beatæ Virgini contigit. Quinimò
etsi peccandi facultatem tolleret, liberum
tamen adhuc arbitrium in nobis superesset,
vt ratione, exemplis, & autoritate breuiter
demonstrabo. Ratione quidem, nam sublata
potentia peccandi, posset humana voluntas
modò operari bonum, modò ab illius ope-
ratione conuiescere. Item posset hoc bo-
num eligere, & illud omittere: quare in vo-
luntate, peccandi sublata facultate, libertas
semper remaneret exercitij, atque specifica-
tionis. Exemplis, siquidem Deus libero arbi-
trio præditus est, alioquin nec nos, haud ta-
men peccare valet. Similiter & Christus Do-
minus liber fuit, & tamen peccato subiectus
nulli. Accedat doctissimorum Patrum au-
thoritas, Ambrosij in lib. 2. de Fide c. 2. Aug.
lib. 22. de Ciuit. Dei cap. vlt. & Ansel. l. 1.
de lib. arb. c. 1. asserentium voluntatem im-
pecca

peccabilem & liberam simul esse posse.

Nos igitur argumenti consecutionis probationi respondemus, negādo paritatem inter Deum, & creaturam. Hæc enim diuinæ legi subiicitur, quare si ex præcepto mandatoque diuino non conatur proximum à sceleribus deflectere, si cognouit, & potuit, peccati rea est. Deus autē minimè, quippe nulli legi est obnoxius, sicuti nec Princeps terrenus, ut dicitur in lege Princeps. ff. de legib. Præterea & subtilissime Dei volūtas lex est, quemadmodum & Principis §. quod Principi placuit, instit. de iur. nat. gēt. & ciuil. Si ergo Deus vult gentes perdere, facit secundū legem, nempe secundū voluntatem suam, quæ lex est, quis igitur dicere audebit, cur ita facis?

EXERCITATIO XVI.

Pro responsione ad tertium argumentum.

Tertium argumentū erat hoc. Si Deus vult peccata, igitur facit, scriptum est enim, *omnia quæcunque voluit fecit*. Si non vult, tamen committuntur, erit ergo dicendus improuidus, vel impotēs, vel crudelis, cum voti sui compos fieri aut nesciat, aut nequeat, aut negligat.

Respondent nostri Theologi, Deum nolle peccata, quinimo velle omnes homines saluos fieri, quod si aliter eueniat, Dei prouidentia, vel omnipotentia culpanda nō est, quando id exoptat voluntate tantummodo complacentiæ, nō efficacix: neque ex multarum gentium exitio impietatis poterit redargui Deus, qui piissimus pater sufficiens ad salutem omnibus fert auxilium.

Philosophi nullo negotio hanc doctrinam reiiciunt, inquit enim, si nollet Deus pessimas, ac nefarias in orbe vigere actiones, proculdubio vno nutu extra mundi limites omnia flagitia exterminaret, profligaretque: quis enim nostrum diuinæ potest resistere voluntati? quomodo inuito Deo patrantur scelera, si in actu quoque peccandi scelestis vires subministrat? Adhæc, si contra Dei voluntatē homo labitur, Deus erit inferior homine, qui ei aduersatur, & præualet. Hinc deducunt, Deus ita desiderat hunc mundum, qualis est, si meliorem vellet, meliorem haberet. Quod autem in sacra pagina legimus, *Deus vult omnes homines saluos fieri*, exponunt ex Sanctissimi Patris Augustini sententia, id est, nemo saluatur nisi Deus velit: Quam ratiocinationem vt Calvinismo proximā missam faciamus. In nostra enim Apologia pro
Triden

Tridentina Synodo, in decreto de iustific. Caluinistarum errorem certis cōfutauimus demonstrationibus.

Illud ingenuè fatear, Scholasticorum distinctionem de Dei voluntate efficacix & complacentix assequi me vix posse. asserunt enim illa accedente infallibiliter subsequi effectum, posita verò hac nullo modo, quod mihi pluribus de causis non probatur.

1 Per istos DD. complacet Deo fieri aliquid, quod tamen non fit. Falsò ergo intonuit Spiritus Sanctus. Omnia quæcumque voluit fecit. Consecutio probatur, quia voluntas complacentix propriissimè (vt ita dicam) voluntas est.

2 Per hos Theologos creatura resistit voluntati complacentix diuinæ, resistit autem ex complacentix voluntate, humanæ igitur complacentix voluntas diuina longè potentior est atque validior. quippè voluntas nostræ complacentix effectum cōsequitur: Diuinæ verò minimè: sit exēplum, Erat in Deo, asserunt hi DD. voluntas complacentix, ne Iudas morti traderet Christum Iesum. Hanc autem diuinæ complacentix voluntatem non est secutus effectus desideratus, quia tradidit Iudas. Econtra traditionis desiderio flagrabat Iudas, idque in effe-

106 AMPHIT. PROVID. ÆTERNÆ,
ctum perduxit. Iudæ igitur complacentiæ
voluntas præpotentior fuit voluntate com-
placentiæ diuinæ. qua assertione an quid ab-
furdius excogitari possit vel cæcus viderit.

3 Secundum hanc opinionem posita in Deo
voluntate cõplacentiæ, cõtingere potest ef-
fectus ab ipsa petitus, quia voluntas ordina-
ta circa possibilia est, non tamen continget.
In hac igitur Dei volûtate, & perconsequens
in ipso met Deo, nam quicquid est in Deo,
Deus est, erit ad aliquid cõsequendum poten-
tia, nõ igitur Deus est actus purus, sed potẽ-
tia, & quod amplius est, superuacanea, quan-
doquidem nunquam ad actum reducetur.

4 Voluntas complacentiæ diuinæ appetit
vel bonum, vel malum. Non malum, quia
Deus summum bonum est; Nõ bonum, nam
appetitio est à priuatione, bono igitur ali-
quo priuatur Deus, si aliquod bonum appe-
tit, quare summum bonum non erit. Dices,
appetit bonum accidentale. At contra, nam
quid aliud est dicere appetit bonum acci-
dentale, quàm asserere, appetit vt bonum ei
accidat, quod falsissimum est, infinite namq;
bonitati, qualis est diuina, nulla potest fieri
accessio. Præterea & subtilissimè, appetitio
rei absentis est, abest autem id quo caremus,
sarentia autem imperfectio est, in Deo nulla
imper

imperfectio, nec carentia igitur, multò minùs rerum absentia, ergo nec appetitio.

5 Voluntas Patris æterni in diligendo vni-
genitum Filium suum, proculdubio erat ef-
ficax, quia eandem effectus amoris subse-
quebatur infallibiliter: at hæc voluntas erat
complacētia, vt apertissimis verbis ipsemet
testatur. *Hic est filius meus dilectus, in quo mihi
complacui.* In Deo igitur eadem est voluntas
complacentia, atque efficacis.

Multominus mihi arridet, quando nec
in sacro Codice, nec in generali Ecclesiæ
concilio, nec Pontificio Decreto vllò de-
finita reperitur illorum Sentētia, Deum lar-
giri omnibus gratiam sufficientem ad salu-
tem. Nam puerilibus neglectis obiectiuncu-
lis, quæro ab istis qui diuinæ Sapiētia Dicta-
tores haberi volūt, Fides in Christum estne
gratia sufficiēs, an efficax ad salutem? efficax
profectò non est, nam cuicumque ad sa-
lutem datur gratia efficax, secundum hos
DD. salus continget infallibiliter: non tamen
omnes, qui credunt in Christum salutem
cōsequuntur, quando cōplures fideles dam-
nari, si vltra fidem & opera fidei convenien-
tia non præstent, Sacra pagina testatur, &
Oecumenica Cōcilia sub anathematis pœna
decreuerunt. Erit igitur Fides in Christum
gratia

108 AMPHIT. PROVID. ÆTERNÆ,
gratia ad salutē sufficiens. at Fides in Chri-
stum multis Nationibus denegatur, pariter
ergo & gratia sufficiens. Qui sapientiores
sunt apud eos respondent, à Deo non dene-
gari infidelibus sufficiens adminiculum ad
salutem, quippe illis opem confert & sup-
petias ad seruandā naturæ legē, ex cuius in-
tegra obseruatione salus impetrari potest.

Ethnicum sanè non Christianum axioma
est, ex solius naturalis legis obseruatione
absque Fide in Christum salutem obtineri
posse. Nam Dei Filius & ipse Deus apud
Io. 3. hanc generalem promulgat legem. *Nisi
quis renatus fuerit ex aqua & Spiritu Sancto, non
introibit in regnum Dei.* Et Paulus ad Hebæos.
9. exclamat, *Absque Fide impossibile est placere
Deo,* & Apostolus Petrus Actor. 4. *Non est in
alio aliquo salus.* Aliqui argumenti huius
salebras declinantes, dicunt cum qui natu-
ræ satisfaciāt legi, seruari non ex illius meri-
to, sed ex fide in Christum, quia obseruanti
naturalem legē deus fidem sit impertiturus.

Dimicant pro Helena illa Pelagiana, fa-
cienti quod in se est Deus non denegat gra-
tiam. at reclamāt Paulus, asserens Fidem esse
Dei donum, quod ex præcedentibus meritis
non conceditur. Deinde quā fieri poterit, ut
moralia infidelium opera fidei gratiā apud
Deum

Deum promercentur, si Deo exosa illa esse Paulinus contextus declarat. Absque fide impossibile est placere Deo; & alibi, *omne quod non est ex fide peccatum est.* quem locum aduersus Ethnicorum opera præclarissima vrget sæpissimè Augustinus, & si aliter ego sentiam, vt in Decreto Tridentino de Iustif. exactissimè à nobis disputatum est aduersus Martinum Kemnizium. Et vt absolua paucis, quomodo Deus præsidium ad Salutem sufficiens infantibus in vtero matris decedentibus suppeditat? gratia sanè sufficiens, baptismus est; at hic denegatur & Fluminis & Flaminis, & Sanguinis, vt recentiores loquuntur. Sit autem gratia sufficiens naturalis legis obseruandæ facultas, non datur illa puerulo sic intermorienti.

His igitur Scholasticorum distinctionibus non assentiens, neque assensurus, donec Sancta Ecclesia Romana Ecclesiarum mater eas confirmarit. Respondebo quidem ad Argumentum, sed ruinam pertimescens, humi serpam (malo namque mihi irasum Horatium quam nostrates Inquisitores, quos tanquam vineæ Dominicæ custodes suspicio, atque deueneror) Malum aliquo modo sit præter prouidentiam diuinam, non enim assentitur, aliquo modo verò præter prouidentiam

IIO AMPHIT. PROVID. ÆTERNÆ,
dentiam diuinam non patrat. quia non
prohibente illa. Dices, vult igitur Deus pec-
catum, permissiue concedo, ergo facit, con-
sequentiam nego: permissio enim non est
sufficiens causa ad effectum.

EXERCITATIO XVII.

Pro solutione quarti argumenti.

Quartum argumentum his propone-
batur terminis. De possibilibus Deus
& natura semper faciunt quod est melius.
At possibile est & melius nulla omnino in
mundo vigere scelera, deberet igitur id fa-
ctitare Deus, vt ex vniuerso orbe omnis pec-
catorum sentina exoneraretur: at negli-
git, inuidus ergo est, vel improvidus.

Respondent Stoici negando primam par-
tem minoris propositionis, existimant nam-
que impossibile esse, vt orbis careat sceleri-
bus, cum omnibus indita sit à Natura ad
peccandum potentia, & procliuitas quæ-
dam, ad actum igitur perducitur debet, ne con-
ditoris frustranea sit intentio & superuacua.
Sed ineptissime eos & insulsissime ratioci-
nari ostendemus infra.

Platonici falsum esse aiunt alterum mi-
noris membrum. Plato namque in Timæo
asse

EXERCITATIO XIII. III

asseruit, mundum non posse dispositionem habere meliorem quàm nunc habet, quia ab optimo, & sapientissimo gubernatur, ac regitur, quare cùm nō vniuersi, & singuli mortalium virtutes amplectantur, argumentum est id melius non esse, efficeret namque id Deus optimus omnium rerum moderator.

Vt Platonica hæc sententia facilius intelligatur, obiter hic adnotabo solemnem in scholis nostris agitari quæstionem, an Deus facere possit melius quod fecit, quàm quomodo fecit. Qui parum sapiunt respondent absolute, potuit, potest, & poterit. at his ita respondentibus sic obuiabo, Deus si optimè fecit, fecit autem optimè optimus, & addat ei, quod fecit, insuper aliquid bonitatis, non optimū illud iam fuerit, quod erat optimū. Qui doctiores sunt, dicūt non posse Deum melius facere, quàm quod fecit potestate ordinaria, posse tamen potestate absoluta.

At contra: quia, si potest facere melius, quàm quod fecit, minus benè fecit: at minus bene facere includit priuationem summi boni, & summæ potestatis. Deus autē summum bonum est & potestas summa. Deinde nihil ponere debemus in Deo, quod non sit ipsemet Deus, sed Deus vnus est & potestas absoluta, ergo nō nisi vnicam, & absolutam
pote

112 AMPHIT. PROVID. ÆTERNÆ,
potestatem in Deo ponere oportet : neque
ordine disponitur , aut distinguitur eius po-
tentia, sed ipse ordinis auctor est , ab eoque
omnis ordinis necessitas dependet , ipse re-
bus sua infinita sapientia , & bonitate ordi-
nem præfixit, composuit prudētissimè, aptis-
simè distribuit, descripsit elegantissimè, ma-
gnificentissimè ornauit , grauissimè stabili-
uit. At summum bonum semper quod opti-
mum est vult , & desiderat , quod per Sa-
pientiam cognoscit; Quæ igitur à Deo facta
sunt, summè bona sunt , quare & in Genesi
legitur, *vidit Dominus cuncta quæ fecit, & erant
valdè bona* , quare ego propositæ quæstioni
hunc in modum respondebo. Omnia quæ à
Deo condita sunt, sunt summè bona, quia à
summo bono simpliciter non potest nisi
summum bonum in vnoquoque genere, aut
ordine entium proficisci , quare homo in
suo genere summè bonus est , & cimex , &
pulex , & omnia in suis circumscriptiōibus
essentialibus summè bona sunt , non enim
essent hoc quod sunt , nisi in summo suo ef-
fendi essent genere atque ordine. An autem
Deus in iisdem noui quicquā possit creare
vel addere , dico posse ex immensitate suæ
potentiæ, non tamen velle, quia seipsum im-
perfectioris , & minus solertis operæ argue-
ret

ret, quam in priore opere posuisset.

Vel dicamus, potest Deus facere semper aliquid melius, res tamen non potest suscipere illud melius. Potest Deus, asserunt aliqui, facere ens essentia infinitum, ens autem ipsum non potest suscipere illā infinitatem.

Dices, frustranea, & superuacua potentia est, quæ nō habet in quod agat, Sed potentia Dei infinita nō habet in quo totam se exercere, quia nihil infinitatem ipsius potest recipere. Frustrā est igitur infinita Dei potentia.

Respondet maiorem esse verā apud nos, non apud Deum, Nam hęc potentia, & actus sunt relatiua. At Dei potentia ad nihil refertur, Sed sua folius est, & ipsa sibi, & hoc omne quod sunt omnia.

EXERCITATIO XVIII.

Respondet quinto Argumento.

HOc autem sic adstruebatur, Dās causā damni, damnum fecisse dicitur. At Deus dat causam peccati, illius igitur author est: minorem probare solēt Athei, quia Deus homini naturam dedit ad malum potius quàm ad bonum procliuem; plus enim habet de non esse, quàm esse, quare facilius ad defectum declinat quàm con-

H tendat

II. AMPHIT. PROVID. ÆTERNÆ,
tendat ad perfectionem. Intellectum verò
humanum nescio quibus nebulis obnubila-
uit, quinimò peccatis titillationis aliquid in-
didit oblectamentique & facilitatis. virtutes
verò posuit sudore magno comparandas;
adeoque Deus consulto ita constituisse vi-
detur, perpauci ut virtutes, vitia ut quam-
plurimi sequerentur: quare acutissimū Phi-
losophum ita ratiocinantem Lutetiæ exce-
pi, ij qui virtutes prosequuntur fures sunt,
nam quæ Deorum sunt sibi vendicant, vi-
riorum verò Sectatores æquissimi, iustissimi-
que, quærunt enim quæ sua sunt.

Respondeo falsam esse minorem. Tradi-
dit enim Deus homini naturam adeò imbec-
cillem, & ad peccata proclivem, non ut pec-
caret, sed ut potens peccare, & non peccans
maiora ex meritis præmia consequeretur,
ideò dedit stimulum carnis, sed ad perfe-
ctionem virtutis, quia virtus in infirmitate
perficitur. Humanus intellectus nebulis
quibusdam obductus est, fateor. nec id qui-
dem sine magna divinæ Sapientiæ testifica-
tione, quando ipsius natura sic exigebat,
quod si enim factus esset natura sua illu-
strior, suum ipse amisisset esse; fuisset enim
intelligentia, non intellectus; Nec tamen us-
que adeò obscuratus est, ut à malo bonum
fecer

secernere nequeat: vitiis delectationem indidit, non ut illorum irritamentis facilius inescaremur, sed ut illa tanquam Syrenum Scopulos præternavigâtes maiori cum gloria ad cœlestem illam Ithacam pertingeremus, atque ibidem maioribus delitiis, verissimisque voluptatibus exciperemur. Nec virtutes ipsas omni exuit delectatione, imò tantis cumulavit deliciis, ut licet magnis illas acquiramus laboribus, acquisitis tamen magno cum gaudio perfruamur. Cōtra Scelera in umbra, atq; ocio coaceruata, laboris, & tristitiæ infœlicissimū sortiuntur exitum. Cūmq; nō ab initio, sed à fine res sumat denominationē, virtutūq; finis sit optimus, vitiorū autē pessimus, Bonū autē per se amabile, malū per se exosum sit ac detestabile, atq; hoc modo Deus voluit homines à vitiis retrahere, & ad virtutes adducere, illorū finem malum, harum autem bonum oculis vniuscuiusq; obiiciēdo. Nam ut ait Aristot. i. Eth. c. i. quilibet agit propter finem, & ad bonum aliquod consequendum: Quod si vitia facili negotio acquirimus, virtutes autem perdifficili, vitiorum id deformitatem, & ignominiam, virtutum verò hoc excellentiam præostendit, nam quæ citò fiunt, citò percunt, quæ cum difficultate, diutiùs

116 AMPHIT. PROVID. AETERNÆ,
perdurant, vt in plantis, & animalium gene-
ratione cōspicitur. Multo minus afferēdum
est vitia esse proprium quid hominis, virtu-
tes verò quid ab homine alienum, Nam ho-
mo quā homo intellectiuus est & rationalis,
ratio autem cū sit ad virtutes accommo-
data, si ipsas sectabitur, sua sequetur. Si au-
tem vitiis, corporisque voluptatibus sese ad-
dicabit, beluæ potius quā hominis speciem,
nomenque feret, cū aliena beluina nimi-
rum insequatur.

EXERCITATIO XIX.

Pro vltimi argumenti solutione.

Sic inferbatur. Deus vult misericor-
diā & pœnitentiā, igitur & peccata,
Respōdeq non admittendo consecutionem;
Ad probationem, peccata sunt media ad
illas virtutes exercēdas pernecessaria: dico
id esse falsissimum, etsi enim peccaret nemo,
Dei tamen misericordia semper maneret, &
magis se magisque ostenderet, non quidem
in condonatione culpæ, siquidē per hypo-
thesin foret nulla, sed in creatione, conser-
uatione, sustentatione, præservationeque à
tot imminentibus vitæ periculis, aduersita-
tibusque; quin imò futurum esset vt vberio-
res

res misericordiæ diuinæ riuos inde deflecti
quotidiè deriuarique persentisceremus, si
nullis essemus peccatorū sordibus obno-
xij; Sublimior sanè misericordiæ effectus est,
stantes ne cadant tenere, quàm lapsos erige-
re, & in pristinum gradum restituere. Fir-
miori, nobiliorique gratiarum comitatu
Augustissimam Christi matrem Deus vo-
luit communitam, dum immunem ab om-
ni vitiorum labe intactamque conseruauit,
quàm Petrum, aliosque lapsos, dum in pri-
stinum gratiæ illos restituit statum.

Ad confirmationem. Martyrium Deo
gratum est, id tamen necessario antecedit
Tyrannorum sequitia. Respōdeo, quā peccā-
tum supponit, à Deo nullo modo exoptari;
Pergrata tamen illi est Martyrij virtus, quæ,
cum in charitate consistat, peccatum
præsupponit nullum, & à Confessore ali-
quando perfectior quàm à Martyre posside-
tur. Quis enim inficiās ear, si non illustriori,
pari saltem martyrij virtute, charitateque
præditum fuisse D. Ioannem Euangelistam,
atque ex martyribus aliquem? Ego sanè vel
minimus militantis Ecclesiæ Tyro, cum an-
no præterito Londini ad Agonem Christia-
num destinatus essem, adeoque 49. diebus
in latomiiis tanquam palæstra quadam exer-

118 AMPHIT. PROVID. ÆTERNÆ,
cerer, eo eram pro Catholicæ Ecclesiæ au-
thoritate, defensanda effundendi sanguinis
desiderio accensus, & inflammatus, vt mihi
à Deo immortalì vel maius donum, aut me-
lius contingere nullo modo potuisset, ita
quidem, si non superiorem, inferiorem certè
nullo martyre propriæ conscientiæ testimo-
nium me iudicauit & confratrum, qui me-
cum in eadem erant Xisto & theatro for-
tissimi, & digni sanè qui tale Deo spectacu-
lum exhiberent: quare cum martyrij perfe-
ctio ad charitatē tanquam lydium lapidem
examinetur probeturque, dico, cessante Ty-
rannorum sæuitia, Martyrij virtutem nulla-
tenus deficere, modo charitas Christiana
non extinguatur.

Quòd si velimus concedere misericor-
diam, & pœnitentiam non posse absque
præcedentibus peccatis existere, cogemur
profecto asserere has virtutes non esse à
Deo intentas de principali (vt dicitur inten-
tione) non enim Deus vult absolutè homi-
nem penitere: quando id in Deipara noluit,
sed sub conditione, si peccauerit, nec simpli-
citer indulgere homini paratus est (nec
enim Christo Domino indulsit) sed pœni-
tenti duntaxat.

Instabis, si hæ virtutes non sunt per se in-
tentæ,

tentæ, aliis igitur erunt imperfectiores: at hoc est falsum, ergo & illud, ex quo id sequitur. Maioris propositionis sequela probatur, nam occasionatum, ut nostri barbari loquuntur, nequit esse perfectum, ut opus per se intentum, quare monstruosum animal imperfectum dicitur à Peripateticis.

Minor quoque diuino testimonio comprobatur, siquidem Psalmista regius ait, *Miserericordia eius super omnia opera eius*, & alibi, *Preciosa in conspectu Domini mors sanctorum eius*. Et peccatorum pœnitudo, bonorum à Christo ipso iustitiæ antefertur in parabola de oue perditâ.

Concedo virtutes has, ut præsupponunt peccatum, non esse primariæ contemplationis, quare nec perfectiores; pœnitere namque absolutè melius non est, quàm non pœnitere, alioquin & Christum, & Mariam pœnituisse necesse erat; sed pœnitere peccantem perfectius est, quàm peccantem non pœnitere: neque simpliciter melius ducimus, ut alicui Deus indulgeat, quoniam id Christo contigisset; sed præstat peccatori pœnitenti indulgere, quàm non indulgere. Consimiliter quid melius videtur, ut à peccato lapsos resuscitet, quàm non, absolutè tamen melius est non erigere, quàm erigere,

quia hoc supponit lapsū, illud verò minimè.
 Neque sacræ paginæ aduersamur, quan-
 do in illa scriptum ita adinuenuimus, *miseri-*
cordia eius super omnia opera eius, Hic tamen
 non probatur misericordiam reliquis Dei
 virtutibus vnā antecellere, vt nostrates
 Homilistæ exinde deducunt, apud incau-
 tam plebeculam exclamantes, Deum esse
 misericordem magis quā iustum, qua blas-
 phemia quid horribilius excipere Christia-
 næ possunt aures? Esset enim Deus non ens
 simplicissimum, atque purissimum, sed com-
 positum, atque ad eò principiatum, & rebus
 illud componentibus posterius aliquid. Da-
 uidicus autē versiculus non asserit, mise-
 ricordiam omnes ipsius superare perfectio-
 nes, esset enim idem super idem, nam quic-
 quid in Deo est, Deus est, sed ait, *Miseri-*
cordia eius super omnia opera eius (effulget ni-
 mirum) non quod sit maior perfectio, sed
 quod perfectio ipsa magis appareat: quē ad-
 modum artificis industria maior videtur, si
 ex rudi, & informi materia pulchrum ali-
 quod opus machinetur, quā si ex illustri
 æquē præclarum, Ita Deus maius quiddam
 & mirabilius præstare videtur, dum pecca-
 tori veniā elargitur, quā in eundem si vin-
 dicet, cū tamen in Deo tam hæc, quā illa
 summa

summa sit perfectio: quinimò in Deo idem est misericordia, & iustitia: nostro verò mutilo intellectu distinguimus nos & absurdissimè quod vnum est simplicissimum.

Dices, misericordia Dei supponit peccata nostra, non est igitur apud illum primariæ considerationis, quare nec perfectionis, vt patet in monstris, quæ cum secundario sint intenta à Natura, imperfectum quid dicuntur.

Pudet hanc insaniam toties refutare. dicimus diuinā misericordiam non respicere peccatū, quia creauit, & conseruauit, & nūc conseruat quæ nullum omnino habent defectum. Sed hunc si primario respiciat, quid inde? erit imperfecta, vt è monstri exemplo deductum est. inscitissimè quidem, quando in monstruosis species quædam naturæ apparet admirabilis, & sublimior quàm in alijs, quemadmodum & Dei misericordia multo nobilior apparet, cùm ex malis bona, quàm dum ex bonis bona elicit.

EXERCITATIO XX.

*Ciceronis sententiam atque rationes referens
aduersus Dei prouidentiam pro liberi
arbitrij tutela.*

M Arcus Tullius in libris, quos de Natura Deorum cōscripsit, Diuinam Prouidentiam negauit, ea persuasus ratione, quod libero arbitrio vnumquemque nostrū præditum agnoscebat, illudque in societatem diuinam prouidentiam admittere non posse existimabat: Quare Augustinus in lib. 5. de Ciuit. Dei cap. 9. dixit, *Cicero dum vult facere homines liberos, facit sacrilegos.* Illius argumentum illud erat: vel liberum arbitrium non habemus, vel Dei prouidentia nulla est, at illud habemus, ergo nulla hæc sit necessum est; Minor facili negotio probatur. Nam experimur in nobis esse velle, & nolle nullo extrinseco agente.

Maiores probatur à Ciceronianis tribus medijs, & iis, ut putant, validissimis.

Primo, Dei Prouidentia debet esse cum certitudine, ut falli, & variari nequeat: liberum verò arbitrium de contingenti est atque indeterminato. ab eodem igitur inuicē sese expellunt contubernio, quippe variabile, ac
inde

indeterminatum ab inuariabili & determinato excluditur, vt è contra : vel subtilius hunc in modum argumētemur. Si Deus videt, & certissimè, vt illius conuenit Maiestati, effectum futurum, hic nō potest non esse, sed quod non potest nō esse, necesse est esse, vt patet. quod necesse est esse, contingens esse nō est, ex Arist. 2. Perierm. quod est igitur contingens esse, non est contingens esse, quod implicat: quare & aufertur liberum arbitrium, quod cum necessitate conuenire, vnirique nullo modo potest.

Secundo, si Deus nunc scit cuncta quæ vêtura sunt, immò ab æterno præuidit, cum ad scientiam rei sequatur rem esse, quia non est scire quod non est, vt habetur in primo Poster. necessariò hæc infertur conclusio, Quæcunque Deus sciuit futura, erunt. Tunc sic: cum antecedens est necessarium, pariter & consequens, sed antecedens, nempe Deus scit, & sciuit futura, simpliciter necessarium est, ergo & consequens tale erit: hinc necessarium est, sint omnia, quæ erunt, quia non poterunt non esse: cū itaque actiones humanæ erunt & de necessitate, libertatem amittunt.

Tertio omne à Deo cognitum sit necesse est, scientia enim ipsius aliter certa dici non
- posset,

124 AMPHIT. PROVID. ÆTERNÆ,
posset, sed incerta, & mutabilis, quod diuinæ
repugnat perfectioni: at quæcunque futura
sunt, à Deo cognoscuntur, si cadūt sub ipsius
providentiam: omnia ergo futura de necessi-
tate euenient, & per consequens non ex li-
bera nostra voluntate.

EXERCITATIO XXI.

*Aduersus Ciceronem probat Dei
Providentiam.*

Contra verbosum noli cōtendere ver-
bis Cato Romanæ Oraculum sapien-
tiæ pronunciauit, quare non orationis fūco,
sed rationis certissimo argumento Cicero-
nis contumaciam perstringam: quæroque ab
ipso, an Dei abneget providentiam, quia
Deum credat esse nullum? an hunc confitea-
tur, ipsius tamē regimē in hæc inferiora nul-
lum esse dicere non vereatur? an vtrumque
admittat, hominem verò solum à diuina
exemptam putet tutela? si primum asserit,
quod verisimilius est, quandoquidem in li-
bris de Nat. Deorum, & in tota sua Philoso-
phia, ridicula illa quidem, aduersus Epicu-
rum disputat, perabsurdum esse probans
Deum concedere, ipsius verò providentiæ
confessionem recusare, cū ergo ipsemet in

2. & 3. lib. Dei prouidentiam pernegauerit, proculdubio nullam agnouit Diuinitatem, adeoque illum nos in Atheorum album referendum putauimus. Si non concedit (Dei inquam Prouidentiam) quia nec essentiam, per primas entis partitiones Deum esse dilucidè ostendam. Omne ens aut ens est à se, aut ab alio: omne ens aut est finitum, aut infinitum. nullum ens finitum à se, mundus est ens finitum, à se igitur non est, sed ab alio primo, summo, & æterno Ente, quod Deum communi vocabulo nuncupamus.

Si verò fatetur Cicero Deum esse, non tamen sublunaria curare, non modo sibi metipsi contrarium aduersus Epicurum sæpenumero asserenti aduersatur, sed manifestæ quoque rationi, Nam in Cœlestibus corporibus pulcherrima notatur *εὐταξία*, elegantissima descriptio, magnificentissimus ordo: illorum igitur Rector aliquis & moderator sit necesse est, cūque experimento, & usu quotidiano compertum sit Deum in hæc inferiora agere admirabili quodam perpetuoque ordine, idcirco illa describens, hæc inferiora quoque disponet, quippe propter hæc illa sunt: dispositio autem & ordinatio ad prouidentiam spectant: sin autem affirmat Deum hæc inferiora regere, non tamen
hominem

Prima hæc est, non esse inconueniens scientiam in se esse certam, quanquam illud de quo scientia est, naturâ suâ sit incertum, quoniam cognoscens naturam cogniti necessario non sequitur.

Sed hallucinatur Boetius, Quod si enim Deus posset determinatè cognoscere indeterminatum, cognosceret quoque impossibile, sed non hoc, quia implicat esse, & cognosci, ergo neque illud: sequela maioris probatur, nam quod impossibile à Deo nō cognoscatur, vel ex hoc intelligi potest, quod repugnet esse, & per consequens cognosci, Con-
similiter cum de intrinseco intellectu, & formali ratione futuri contingentis indeterminatio sit, sciri non potest determinatè; sciretur enim sub conditione repugnante principiis suis, quod implicat: Præterea si determinatè à Deo cognoscitur, ipsius intuitus fertur super vnâ partem determinatam, immò & illam determinatè veram esse cognoscit, alteram verò determinatè falsam, quare si scit A determinatè verū, A est determinatè verum, ergo naturâ suâ A est determinatæ veritatis contra Boetianā responsionem. Eius autē ratio (scilicet cognoscens nō sequitur naturâ cogniti, quare ille potest esse determinatus, hoc existente indeterminato)
falsi

128 AMPHIT. PROVID. ÆTERNÆ,
falsissima mihi videtur, nam in Philosophiæ
tabulis scriptum adinuenio, vt sit vera co-
gnitio oportet esse similitudinem inter co-
gnitum, & cognoscens, & in hoc principia il-
lius repræsentari, quare cum cogniti con-
tingentis principia indeterminata sint, quin-
imò indeterminatio de conceptu futuri con-
tingentis, si huius principia Deo repræsen-
tentur determinata, diuina cognitio falsa
dicetur, scire namque contingens esse verum
determinatè, perinde est ac nosse indetermi-
natum esse determinatum, quod implicat
contradictionem.

Secunda Boetij responsio cum priorē
coincidit, asserit enim nihil inconuenire; ali-
quid relatum ad vnum habere dispositionē
oppositam, vt ad alterum comparetur. Hinc
non ducit absurdum, actiones humanas re-
latas ad scientiam diuinam esse necessarias,
in se verò contingentes. Quam responsio-
nem commendat doctissimus, multisque no-
minibus colendissimus Magister Gregorius
Spinola Theologus Carmelita, & acutissimè
demonstrat à Conclusionē, quæ ex maiori
necessaria, & minori contingenti subsequi-
tur cōtingenter, vt in 1. prior. docet Arist.
quare licet effectus iste in ordine ad maio-
rem sit necessarius, quia causam habet ne-
cessariam

cessariā (ipsa namque necessaria ponitur) respectu tamen minoris contingens est. Et quia effectus causam sequitur proximam potius quàm remotam, idcirco dicitur absolutè contingēs, & si aliquo modo necessarius est. Addit elegantissimum exemplum de planta, quæ licet producatùr à causa necessaria utpote à Sole, & contingenti scilicet, à semine, effectus tamen dicetur cōtingens potius quàm necessarius: ita pariter etsi ordine ad scientiam diuinam, quæ necessaria est, actio humana necessaria est: in se tamen, ut nimirum à voluntate producitùr, contingens est, neque hæc simul iuncta vllam includunt impossibilitatem.

Sed liceat mihi pace ac permissu tantorū virorum liberè proferre quod sentio! mihi sanè hæc nullo modo aridet respōsio. Nam quod in scientia Dei est necessarium, in se quoque necessarium est, quippe scientia rei infert rem.

Præterea. quæro à Boetio, dum asserit contingens in se, necessarium esse, ut in Dei scientia est, utrum intelligat, ad Dei scientiam contingens de necessitate sequi, veluti de⁹ scit A, ergo est A, & hoc modo cōtingēs est necessarium non magis ut scitur à Deo quàm à Titio, quemadmodum enim rectè

130 AMPHIT. PROVID. ÆTERNÆ,
infertur Deus scit A; ergo A est, tam bene
dici potest, Titius scit A, A est igitur; vel
vtrum contingens necessarium esse censcat,
quia in necessario repræsentatur, in Deo sci-
licet; & sic opinio quoque ac indetermina-
tio erunt necessaria, quoniam repræsentan-
tur in necessario, atque ita quidem dubita-
tiones quæ sunt in intellectu nostro deter-
minatæ dicentur, cùm in determinato exi-
stant. Reliquum est igitur vt Boetius intel-
ligat contingens esse necessarium in scien-
tia Dei, quia est de obiecto necessario, quod
est proprium sciētiae necessariæ, quæ ita nun-
cupatur, quoniam de obiecto est necessario,
Nam id quod scitur impossibile est, vt aliter
se habeat quàm scitur, vt in primo post: defi-
nitum est: quare si scientia Dei est certa, ob-
iectum quoque certum est: asserere igitur
contingens in se esse incertum, certum au-
tem vt à Deo cognoscitur, affirmare est,
scientiam esse certam, & immutabilem de
objecto incerto, atque variabili: hinc som-
niasse facilè credatur diuina mēs Arist: cum
in 1. post: effata est. *Quia cuius est scientia, hoc
impossibile est aliter se habere.* Amplius si con-
tingens in se est incertum, in ordine verò ad
scientiam diuinam certum, ergo potest ha-
beri cognitio certa de re incerta, quod à
verita

veritate alienissimum ducunt Sapiētes, nam in Libris resolutoriis ita cōstitutum est, perfici tum demum scientiam nostram, cum causas omnes, principia, atque elemēta quæsitæ rei cognoscimus. Si certa igitur de re aliqua habetur cognitio, à principiorum certitudine proficiscitur: at incerta sunt contingentis principia (hoc enim est de formali cōtingentis ratione) nequit ergo haberi certitudo de contingenti qua contingens est. Confirmatur. Nam certè à nobis aliquid cognosci dicitur, cum aliter esse nequit quàm cognoscitur, ea enim demum cognitio certa est: si cognoscit itaque Deus partem contradictionis contingentis, aliter esse nō potest, quàm ipse cognoscit, nequit igitur esse oppositum; at vtraque pars contradictionis esse potest in contingenti. Ergo eadem pars simul potest esse, & non esse, quod est perridiculum, ne dicam perabsurdum.

Insuper quæ fieri potest, ut verum sit hoc Seuerini axioma, ex natura intrinseca aliquid esse contingens, necessarium autem ut ad alterum refertur, cum necessarium, & contingens sint opposita, principia verò rei intrinseca nullam habent oppositionem, essent enim opposita simul, quippe principia intrinseca sunt in re principiata, (ut cū Phi-

losophis loquar) quanquam conditiones op-
 positæ successiue esse possint in eodem tan-
 quam in subiecto, & relationes oppositæ,
 vel diuersæ: vt similitudo, & dissimilitudo,
 magnum, & paruum. Idem. n. dicitur simile,
 & dissimile, magnū, & paruum in cōparatio-
 ne ad diuersa: Sed idē non est homo & non
 homo, neque in se, neq; ad alia: quod si cum
 altero collatus belua aliquando dicitur, non
 quoad naturam, & principia intrinseca, sed
 quoad accidentia, & similitudinem quan-
 dam, quare naturā contingens nunquam sit
 necessarium cuicumque cōparetur, nisi col-
 latiuè; alioquin vna natura transmutaretur
 in aliā, & sic homo posset fieri asinus, quod
 est impossibile, etsi ex homine tāquam ma-
 teriā transeunte potest fieri asinus, vt in no-
 stra Physico-magica metamorphosi certis
 comprobauimus rationibus. Illud tamen
 Candidus Lector aduertat velim, me nō ne-
 gare, contingens semper esse posse: sed fie-
 ri posse, vt contingens non possit non esse.
 Nam quemadmodum Deus non potest ef-
 ficere, vt corruptibile sit incorruptibile, cū
 vtrumque sit principium intrinsecum, vel
 certē idē consequens, quæ permutare Deus
 non potest, quare efficere nequit vt homo
 sit sine materia corruptioni obnoxia, potest
 tamen

tamen secundum fidem Christianam perpetuitate munerare corruptibile, suspendendo videlicet actum corruptionis: ita ad propositum, tametsi Deus possit facere, ut contingens sit semper, non tamen ut contingens non possit non esse, cum hoc sit de intrinseca ratione contingentis: quare concludo aduersus Seuerinum, quod in se est contingens, Deo licet comparatum non esse necessarium.

Nec obstant eruditissimi viri Gregorij Spinolæ rationes, maiori existente necessaria, & minori de contingenti, non infertur necessaria conclusio. dissoluitur facillimè: conclusio namque contingens ad maiorem necessariam relata, necessaria non est, quia maior absolutè non subinfert conclusionem sine minori: cumq; minor sit de contingenti, conclusio sequitur contingenter: Sin autem maior sine minori inferret conclusionem, esset hæc proculdudio necessaria: res autem à Deo cognita, ab ipsius cognitione infertur simpliciter, nam si Deus nouit esse, vel fore, vel fuisse, de necessitate erit, ergo cum scientia Dei sit necessaria, & res quoque cognita talis erit: hinc constat simile non procedere, quippe conclusio relata ad maiorem necessaria non est, neque maior inducit con-

134 AMPHIT. PROVID. ÆTERNÆ,
clutionem absque minori.

Secundæ verò exemplum plantæ inducenti, quæ ad Corpus cœleste relata necessaria est, ad semen contingens, respondemus negando assumptum. Cœlum namque non potest producere plantam sine particulari agente, non igitur ad illud relata necessaria est.

In tertia responsione tradit Boet. nihil obstare quominus aliquid, absolutè sit contingens, sub conditione verò necessarium, veluti habere nauim contingens est, ad traiciendum verò fluuium necessarium. Actiones quoque nostræ simpliciter contingentes sunt, necessariae verò prout diuinæ prouidentiae subiiciuntur: Contingentiam autem ac indeterminationem cum necessitate, atque determinatione existere simul in ordine ad diuersa non implicat contradictionem, nam ut ait Philosophus in 2. Elench. Contradictio est ad idem, per idem, & secundum idem.

Vltima verò hæc responsio tam vacillat, quàm titubant priores, actio namque humana futura, si est simpliciter contingens, ita nuncupabitur, vel quia eam non semper esse necesse est, quod licet sit verum, non tamen ad propositum: loquitur enim hîc Boet. de
necessa

necessario, id est ineuitabili, prout dicere solemus, diem crastinū fore necessarium, non quia semper erit, sed quoniam naturaliter non potest non esse: vel dicetur contingens actus humanus, quia potest nunquam esse supposita adhuc Dei scientia ipsum futurum, & hoc est impossibile, quia Scientia certa, qualis illa est diuina, de illo est quod aliter se habere nequit.

Ad hęc, Dei scientia de parte contradictionis intuitiua est, vt ita loquar: exigit igitur rem præsentem: si res præsens est, quomodo pro eo præsentem, at semper illud præsens, potest non esse? quod si non potest non esse, neque potest non esse contingens.

Secunda ratio pro Ciceronianis adducta, erat hęc: Deus ab æterno nouit omnia futura, erunt igitur: sed antecedens est necessariū, ergo consequens. Respondet D. Thomas in 1. parte, consequens esse necessarium non absolutè, & si ita est antecedens, quoniam in his quæ intellectus actioni & volūtatis subiiciuntur, necessitas est, quoad hoc tantum nempe vt subiiciuntur intellectui, & voluntati, quare futura non necessaria sunt, nisi quatenus à Deo præuisa.

At contra: nam, vt multa alia præteream, impossibile est in consequentia bona ante-

136 AMPHIT. PROVID. ÆTERNÆ,
cedens esse absolutè necessarium, & conse-
quens cum conditione siue ex suppositione,
hac enim adempta, non erit consequens, at
benè antecedens, quia absolutè id verū est.

Tertia aduersariorum obiectio est in hanc
formam proposita, omnia quæ à Deo sciun-
tur necesse est esse: atqui ventura à Deo
sciuntur, necessario igitur, non contingenter
erunt.

Respondet Doctor Angelicus maiorem
veram esse in sensu composito: in diuiso mi-
nimè. quam distinctionem deosculantur
scholastici omnes, Iulius Cæsar nequaquam,
nec enim à Sede Petri promulgata est.
Existimo igitur etiam in sensu diuiso verif-
simam esse hanc propositionem; quicquid
scitur à Deo, necesse est esse, Nā, vt dixi ad-
uersus Boetium, obiectum certissimæ scien-
tiæ non potest aliter se habere, quàm vt per
scientiam cognitionemque habetur. si ergo
A diuinæ scientiæ obiectum est, non potest
aliter in se esse quàm vt diuinæ cognitioni
obiicitur, quare si A scitur à Deo, sit A ne-
cesse est. Ad hoc, Dei scientia intuitiua est,
quod ipse autē intuetur, pro eo tēpore non
potest non esse, quare propositionē assump-
tam généraliter veram dicimus, & confi-
temur.

EXERCITATIO XXIII.

*Iulij Caesaris refert nouam opinionem pro
concordia diuinæ præscientiæ &
liberi nostri arbitrij.*

Sacrofanctæ Romanæ Ecclesiæ, quæ
veritatis perpendiculum est, cuncta
subiiciens, Affero, Deum perfectissimam re-
rum omnium etiam futurarum notitiam ha-
bere, non solum in specie specialissima, ut
Peripatetici existimarunt, verum usque ad
indiuia. Addo, futura, ut Dei scientiæ subi-
ciuntur, aliter esse non posse, quippe obie-
ctum scientiæ non potest se habere aliter
quam cognoscitur, dicente Philosophorum
Coryphæo Arist. in 1. poster. *Cuius est scientia
simpliciter impossibile est aliter se habere.* Verum-
tamen maximum est discrimen in futuro-
rum præcognitione: siquidem nouit Deus
actiones futuras quæ futuræ sunt, quæ cum
in re determinationem non habeant, nec in
cognitione diuina, nec enim aliter res sciri
potest, quam eius ferat natura; Cum itaque
actiones futuræ, ut futuræ, contingentes sint,
& indeterminatæ, idcirco uti tales Deus
prænoscit, euenire nimirum posse, & non
posse. Dum igitur Deus præuidet Iudam

peccaturum,qua peccaturum , nouit solum illum posse peccare, & huic cognitioni repugnat, Deum scire determinatam partem contradictionis, fore videlicet vt Iudas peccet: cognoscit quoque Deus in sua æternitate Iudam peccantem, vti iam potentia ipsius ad peccandum, in ipsum actum traducta, conuersaque est, atque ita cognita Deo est determinatè pars contradictionis, quoniam & hæc iam determinata est. Vnde quemadmodum nos cognoscimus futura contingentia, indeterminatè quidem, posse scilicet esse & non esse. Ita & Deus, nec aliquid ipse (quod quidem ipsius omnipotentia nihil detrahit) vltra nos. Pars quoque contradictionis determinata nobis innotescit quando in re iam definita, & determinata est: Differunt tamen ita vt cum plurimum humana & diuina cognitio; nos quia temporis circumscribimur, & definimur spatiis, determinatam futuri partem ignoramus, nisi in tempore determinata existat: quare si Petrus cras disceptaturus est, pro certo asserere non possumus, sed ex causis nunc existentibus, vel præcedentibus coniecturâ facere Deus tamē certissimè id planissimèque nouit, non vt futurum, quia vt sic scire duntaxat potest Petrum contingenter

dispu

disputaturum, sed ut præfens, ut quod continet in se tempus in quo Petrus disputat. Æternitas enim, ut Boet. in lib. 5, Philosophicæ consolationis prosa penult. asserit, à tempore non clauditur, neque ab æuo, sed illorum continet differentias, totaque simul est. Nos autem quia temporis perangustis circumcludimur cancellis, & existimus antequam, & dum Petrus disputat, & postquam disputarit, hinc fit ut aliquando sciamus Petrum posse disputare, & non disputare & perfecturum aliquando, & absoluisse aliquando disputationem, quare modò ancipites, & dubij, modò certi sumus: Si verò fieri posset, ut hæ tres temporis differentię simul nobis inessent, diuersas quoque hominum actiones simul pernossemus, verum nullo modo id nobis conceditur, quia tempus partem habet extra partem, quapropter simul esse nullo modo possunt. Æternitati verò, quæ tota simul est, temporis omnes differentię manifestę, perspectęque sunt, diuersa tamen contemplatione: Cognoscit Deus Iudam peccaturum contingenter, ut futurum sua æternitas respicit, cognoscit verò determinatè peccaturum, ut tempus, in quo peccaturus est, in se continet. Nam omne tempus ab ipsa æternitate continetur, quare
in

140 AMPHIT. PROVID. ÆTERNÆ,
in hac vnita sunt, quæ in illo separata: quod
si diuersa in æternitate simul vera sunt, nihil
refert, id enim est secundum diuersas ra-
tiones, & respectus ad diuersa tempora: in
eodem temporis instanti homo cognoscit
equum determinatè, & indeterminatè, at
non secundum idem, vt animal primo mo-
do: qua hinnibile secundario, consimiliter
in eadem æternitate nouit Deus futurum
contingenter, & determinatè, non tamen
secundum eundem respectum ad idem
tempus præcisè. Non igitur nostris actioni-
bus Dei præscientia necessitatem imponit,
quando ipsas vt futuras agnoscit solummo-
do in libera facultate, vt possint esse, & non
esse.

EXERCITATIO XXIII.

Respondet Ciceronianis obiectionibus.

Illarum prima hæc fuit: si Deus certif-
simè videt futura, non possunt igitur
non esse, necessariò igitur non liberè eue-
nient. Consecutio probatur, quia non posse
non esse, conuertitur cum necesse est esse.

Respondeo declarando antecedens: Deus
nouit futura, fore scilicet, non esse, non pos-
sunt igitur non esse: futura, concedo. Ergo de
necessa

necessitate euenient prout Deus præuidit,
 admitto, at ille libère, & contingenter: & ista
 igitur; Dices, si futura à Deo præuisa possunt
 esse & non esse, de his igitur certam nō po-
 test Deus habere notitiam: Cōsecutio nega-
 tur: nam futura à Deo cognoscuntur duo-
 bus modis, primo vt sunt in suis causis, sunt
 autem, vt sic, in nuda potētia, vt possint esse,
 & nō esse, nouit ergo Deus posse illa esse, &
 non esse: Altero verò vt sunt extra suas cau-
 sas, vt verò sic, determinata sunt, determina-
 tē quoque & definitē à Deo cognoscuntur,
 cui tempus illud præsens est: quocunque au-
 tem modo Deus cognoscit rem, certus est,
 nam secundum illum sciēdi modum neces-
 se est esse; vt Deus nouit esse euentum futu-
 rum, vt sic, posse sc. esse, & nō esse, de necessi-
 tate effectus ille poterit esse, & non esse: vt
 verò agnoscit effectum futurum extra suas
 causas, non potest, aut non esse, aut non fuis-
 se: cum vtraque igitur Dei scientia sit certis-
 sima, infert infallibiliter suum obiectū, mo-
 do supra explicato: quare argumētum quod
 Seniores è suggestu declamitant, si Deus de
 contingenti futuro certus est, vt puta Iudam
 peccaturum, vel Iudas igitur poterit nō pec-
 care, vel non: si detur hoc, de necessitate di-
 cetur peccaturus, quippe nō posse non pec-
 care

142 AMPHIT. PROVID. ÆTERNÆ,
care conuertitur cum neceſſe peccare, & ſic
tollitur liberum arbitrium, & peccatum per
conſequens: ſi verò illud admittatur, error
eſt, quî namque fieri poteſt, vt Deus certus
ſit Iudam peccaturum, cùm poſſit hic non
peccare? Argumentum, inquam, nullius eſt
roboris, quia Deus non eſt, nec eſſe poteſt
certus de peccato Iudæ, prout peccaturum
illum reſpicit, & tempus in quo ipſe eſt in
potentia ad facinus tale perpetrādum. Nam
hoc modo certus tantummodo eſt Iudam
poſſe peccare, & non peccare: quoad verò
reſpicit id temporis in quo Iudas committit
vel cōmiſit peccatum, ita certus eſt de pec-
cato Iudæ, hæc autem certitudo Dei liberta-
ti Iudæ nihil officit, quia Iudas non eſt am-
plius in potentia ad tale peccatum, nam ex
hypotheſi iam conſummauit.

Secūda ratio pro Ciceronianis adducta ſic
inferebat, ſi nouit Deus Iudam peccatu-
rum, Iudas peccabit, ſed antecedens eſt ſim-
pliciter neceſſarium, ergo & conſequens.

Reſpondeo, antecedens, Deus ſcit Iudam
peccaturum, in ſuo formali intellectu inclu-
dere futurum, hoc autem, vt ſic, Deus non
cognoſcit niſi contingenter fore, ſi agnouit
igitur Iudam peccaturum, qua peccaturum,
agnouit illum peccaturum cōtingenter, ſed

ex isto antecedenti nō sequitur Iudam peccaturum absolutè, sed contingenter, ex contingenti namque & possibili non sequitur esse in actu.

Dices, considero Iudam peccaturum, vt Deus cognoscit ipsam actionem peccati extra suas causas esse.

Respōdeo ex hoc non inferri Iudam peccaturum, sed peccare, vel peccasse, quare necessitatem includit, vt dicitur 2. Perierm. sed nihil hoc contra nos.

Tertia ratio, omne scitum à Deo necesse est esse, sed cuncta nouit Deus, ea igitur de necessitate euenient.

Respondeo concedendo totum, euenient namque de necessitate prout Deus præuidit, verum quia præuidit contingenter futura, ideò infallibiliter quidem euenient, sed contingenter tamē & liberè. Explico: maior propositio vera est in sensu diuisionis, & cōpositionis, nam futurus euentus, vel scitur à Deo, qua futurus est, & sic cognoscitur in facultate prout potest esse, & non esse, quare cōtingēter erit necessitate: vt verò à Deo prænoscuratur tanquam extra suas causas, non potest non esse, aut non fuisse, quod conuertitur cum necesse esse; quare in sensu diuiso vera est illa maxima, de sensu cōposito manifestum

144 AMPHIT. PROVID. ÆTERNÆ,
nifestum est, quare repudiatis nugacissimis
scholasticorum distinctiunculis soluta re-
manet quæstio.

EXERCITATIO XXV.

*Continet tres aduersus allatam sententiam
rationes, earumque dissolutiones.*

Videre videor Scholasticos hunc in
modum aduersus nos insurgentes.

Primo, si de cōtingēti futuro, vt tali, Deus
solummodo nouit quod potest esse, non au-
tem determinatè, notitiā non habebit etiam
homine certiolem.

Respondeo, si consideratur futurum vt
est extra suas causas, Deo magis innotescere
quam homini: illi namque continenti omne
tempus, id præsens est, & per cōsequens de-
terminatum. Homini, quòd temporis cir-
cumscribitur angustiiis, futurum quidem est,
sed indeterminatum: si verò sumatur futu-
rum vt futurum, non infitebor pari modo
cognosci à Deo, & creatura, non tamen illo-
rum æquiparantur cognitiones in perfectio-
ne, nam quod Deus de futuro tanquam fu-
turo nō cognoscat nisi quod possit esse, pro-
uenit ex eo, quia aliter ipsum cognosci im-
possibile est, quippe res cognosci non potest
aliter,

aliter,quàm patiatur natura rei,cùm natura futuri,quâ futuri,fit cōtingēs,nequit Deus illud cognoscere,nisi tanquam in potentia ad esse. Si verò cognosci aliter possibile esset,à Deo certè cognitum esset, qui omnia possibilia nouit: creatura autem ignorat determinatam partem contradictionis futuri, nō solùm quia impossibile est, verùm quod, etiam si possibile esset, perfectè tamē & plene ab illa non cognosceretur. Nec enim omnia quæ sciri possunt,in cognitionem cadunt creaturarum, atqui Dei: Probationem à physico exemplo sumamus, Quòd Deus non cognoscat determinatum infiniti numerum, quemadmodum nec homo, non inde infertur, Dei, ac hominis pariter cognitionē simpliciter esse adæquatam, etsi secundum quid: non cognoscit Deus, quod impossibile est: neque creatura, quia pariter impossibile, quod etsi possibile esset, ignoraret tamen. Cōsimiliter,etsi Deus non cognoscat futura, vt sic, nisi indeterminata, quēadmodū homo, vt sunt tamen extra suas causas in æternitate repræsentata, determinata ad vnā partem contradictionis ab eadem agnoscuntur. Non tamen eundem admodum ab homine.

Secundò sic obiiciunt, Præuidere homi-

K nem

nem operaturum liberè , & non quid, agnoscere est in genere , non in specie, non igitur secundùm vltimam certitudinem. Confirmatur quia hoc modo scientia Dei foret indeterminata , quod diuinæ repugnat perfectioni.

Respondeo falsum assumi in argumento, cognoscere contingens tantùm quatenus potest esse, non accedere ad certitudinis extremam lineam, attingit enim, qui cōtingentis naturam cognoscit exactissimè: Atqui contingentis natura est, vt possit esse & non esse , ergo qui de contingenti tantummodo habet cognitionem hanc , quod esse possit, & non esse, absolutissimam illam habet.

Exempli gratia. Volens ego cognoscere Titium , vt animal est , cognoscendo illum esse substantiam sensitivam, & non rationalem , certissimè illum cognosco quatenus animal est, Ita Deus cognoscens futurum vt tale, posse euenire & non euenire, cognoscit illud perfectissimè , licet determinatam partē cōtradictionis ignoret , cùm natura futuri id nō exigat ; imò si de futuro, qua futuro, aliā Deus haberet notitiā , quàm istā, potest esse, & non esse, imperfectè sanè & falsò futurum cognosceret, quippè secus quàm natura cognitæ postulet rei, quod est impossibile

bile. Si Deus igitur futurum, vt futurum, cognosceret determinatum, futurum certè vt futurum Deo cognitum non esset: futurum enim in suo intrinseco conceptu Cōtingentiam includit, non determinationem, nam quando determinatur, non amplius futurum dicitur, sed præsens, vel præteritum.

Ad cōfirmationem dico, inderterminationem tenere se ex parte obiecti cogniti, non autem cognitionis diuinæ, quæ cognoscens de contingenti, quod potest esse & non esse, certissimè idem absolutissimèque cognoscit, cū aliud non exigit ipsius contingentis natura, quemadmodum sciens fortunam esse causam indeterminatam, accuratissimè illam cognoscit.

Dices, Deus cognoscens futurum in suis causis, cognoscit esse indeterminatum, postea cognoscens extra suas causas, determinatum esse agnoscit, Ergo Dei cognitio sub mutationem cadit, cū ex indeterminata fiat determinata.


Respondeo assumptionem esse falsam, nec enim Deus aliquando futurum cognoscit indeterminatum, aliquando determinatum, Sed vtrūque simul & semel, secundū tamen diuersam rationem, quā contingens, scit esse indeterminatum: quā verò

148 AMPHIT. PROVID. ÆTERNÆ,
extra suas causas, determinatum: quemad-
modum cognoscens hominem esse animal
rationale, scit ipsum esse determinatum, &
indeterminatū, hoc, quā animal est, illud, quā
rationale: licet autem tempus, in quo con-
tingens est indeterminatum, diuersum sit à
tempore, à quo determinatum est, quia tem-
pus est continuum, in quo partes de neces-
sitate sunt impossibiles: apud æternitatem
tamen, quæ omnes temporis excedit limites,
& terminos, & omne in se complectitur
tempus, nulla viget successio, omnia nam-
que in ea simul verè existunt. Cùm igitur
Deus simul videat ipsum contingens inde-
terminatum, & determinatum, quoniam
vtrumque tempus ei præsens est, nulla affi-
citur mutatione.

Tertio sic obiicere poterunt Scholastici.
Si Deus indeterminatè cognoscit futura, vt
futura, determinatè verò quā præsentia sunt
& extra potentiam, Ergo aliter cognoscit fu-
tura, quàm præsentia, quod D. Aug. aduersa-
rium est, qui in lib. 10. de Ciuit. Dei, cap. 12.
ita scriptum reliquit, *Deus temporaliter mouens
temporaliter non mouetur, nec aliter nouit facien-
da, quàm facta, nec aliter inuocantes audit quàm
inuocatuos videt.*

Respondeo, D. Augustini verba explican-
da

da esse quoad potentiam, & actionem, eadem namque potentia, eodemque actu contingentia cognoscit Deus & necessaria, non tamen quoad eandem cognoscendi rationem: Hanc enim si in Deo vnam, eandemque esse concederemus, idem & necessarium, & contingens dicere necessariò cogeremur, quippè ex communi Theologorum, & ipsius Augustini sententia, scientia Dei causat res. Quare asserimus de futuris, ac præsentibus vnam, eandemque re ipsa inesse in Deo cognitionem, diuersam tamè cognitionis esse rationem, quemadmodum intellectus, & voluntas in Deo sunt vnum, & idem, alia tamen ratio intellectus est, alia voluntatis, quippè per illum Verbum, per hanc verò Spiritus Sanctus producit.



EXERCITATIO XXVI.

*Epicureorum declarat opinionem,
& rationem.*

Egimus de Prouidentia Dei aduersus Atheos, qui omnem penitus sustulerunt diuinitatem. Nunc aduersus Epicureos disputandum nobis est, qui cum Deum esse admiserint, illius prouidentiam circa hæc inferiora negarunt.

Cuius sententiæ authores fuere duo Democritus, & Epicurus, Sectarij complures affirmantes Deum esse, qui in ocio & voluptatibus vitam agat longè beatissimam, non autem cui nostratia curæ vlli sint. Idque cōprobare duabus rationibus nō sūt veriti.

Prima. Si Deus est nostri prouidus, non est summè beatus, at summè beatus, nostri igitur prouidus non est.

Sequelam maioris probabilem faciebant hoc medio, Beatitudo in voluptate consistit, prouidentia in huius priuatione & carentia, si igitur in Deo prouidentia est, beatitudo nullo modo potest esse.

Maiores patet, Nam omne animal simulatque natum est, voluptatem appetit, eaque gaudet vt summo bono, quare voluptas dicta est à latinis quod omnes voluntatis propensione tanquam bonum eā expetant. Minor manifesta est, quia Epicurus non alias agnoscebat voluptates, quàm palatus titillationem & Veneris. Hinc Epicurei poetæ Summi Iouis summās delicias esse arbitrabantur Nectar, & Ambrosiam, & Ganymedē pocula ministrantem: prouidentia verò cōsistit in vigilantia, & sobrietate, quæ gulæ & Veneri ex diametro repugnat.

Secunda probatio hæc erat. Nihil est quod

cogat affirmare Dei prouidentiam, nisi fortè quã prætendunt alij, animorũ nostrorum immortalitas, at hæc nõ datur, nec illa igitur.

Maiores probari posset ex Paulino contextu, *Nunquid Deo cura est de bobus?*

Minorem probare conantur moderni Athei ex pluribus.

Primo. quia videmus homines, & bruta eodem modo concipi, formari, nasci, ali, au-
gescere, consenescere, & interire, similibus constare partibus internis, atque externis, hæ autem singulæ consimiles retinent vsus in vtrisque suppositis: quare si anima euanesceat in bruto intermoriante, pariter & homine.

Secundo, necessariò omnia quæ creata sunt, intereunt, at anima à Deo creata est, intereat igitur aliquando necessum est.

Tertio, quia ex mortuorum regno nullus est ad nos reuersus vnquam, quod si anima esset immortalis, ad Atheismum condemnandum vnã aliquando remisisset.

Vltimo, quia animi immortalitatem doctissimi viri pernegarunt Aristoteles, Seneca, alique veteres Philosophi; ex recentioribus Pomponatius, Cardanus ætatis nostræ facile principes. Alij verò etsi ob metum Hispanicæ, & Italicæ Inquisitionis ore cõfiteantur, operibus tamen ipsis abnegare non

152 AMPHIT. PROVID. ÆTERNÆ,
erubescunt. Plerosque enim, quò sunt do-
ctiores, litteratioreſque, eò magis epicu-
ream infectari vitam videmus, quod nullius
sanè religionis argumentum est.

EXERCITATIO^o XXVII.

*Epicuream Sententiam confutat ex ipsius
fundamentis.*

PErabsurda quidem sententia errorum
omnium absurdissimorum sentina.
Nam quid est dicere Deum esse, & nō cun-
ctis maximè hominibus prouidere, nisi ignē
esse, & nō calefacere? cum aliud nō sit Deus
quàm cuncta prouidens, cunctis prospiciēs,
fouensque, mouensque, atq; supercilio gu-
bernans.

Secundo, si Deus est, infinitæ est poten-
tiæ, ubiq; igitur sit necesse est, cumque cæ-
cus non sit, neque surdus πάντ' ἐφορᾷ καὶ πάντ'
ἰσχυρεῖ. Omnia videt, & inaudit, non igi-
tur in vmbra & otio ætatem transmittit, vt
Epictirei somniabant.

Tertio, Epicureorū Deus est summè bea-
tus, summè igitur operatur. Cōsecutio pro-
batur hoc modo, Beatitudo dicitur sum-
mum bonum, quod sua natura est commu-
nicatium, id autem esse nequit sine opera-
tione

tionē, quare si Deus Epicureorum est otiosus, non est communicativus, si non communicativus, neque summè bonus, neque, quod inde consequens fit, summè beatus, atque adeò omni exuitur Deitate: Implicatoria igitur includit Epicureorum doctrina, statuens Deū esse, & sine operatione. Quare scitissimè apud Lacedæmonios omnes Deorum statux armatæ ponebantur, cur ita fieret, Charillus siue Charilaus interrogatus, *Ne, inquit, probra, quæ ob ignaviã in homines iaciuntur, in Deos transferamus, neve Iuventus nisi armata Deos comprecetur.* Sed hæc, quod Machiavellicum sapere mihi videtur, longiùs ne persequamur. Tantùm abest vt Otium, & Venus de Diis prædicentur, vt Alexander Magnus cum à plurimis Deus audiret, Ego verò mortālē me esse intelligo vel ex duobus ex somno nimirum, quia tunc otiosus sum, & à coitu, respōderet. Et Ioānes Baptista pater meus, quem honoris causa nomino, à medicis admonitus morti se esse proximum, vt ad immortalitatem otij expertem & inertix anhelabat, è lecto sese proripuit ilicò, *Non decet, inquit, me nisi stantem mori,*

— Ultimo hæc sententia falsissima, & absurdissima, labefactatis iis, quibus innititur fun-

154 AMPHIT. PROVID. ÆTERNÆ,
damentis, quasi eodem conuulsa motu, con-
cidat necesse est.

Primum iactum erat super hanc stultam
planè opinionem, Deum tristitia, molestia-
que affectum iri, si mundum regeret, & gu-
bernaret. Deus igitur Epicureorum passio-
nibus est & alterationibus obnoxius, & à
materia non alienus, hæc enim illarum est
subiectum, & quod hinc consequitur, corru-
ptibilis est fungi instar aut Scarabæi.

Secundum, quia nullâ agnoscebat volu-
ptatem in administratione orbis, cum vel in
ea politicam quoque consistere fœlicitatem
plerique non ineptè censuerint: Dionysium
hic appello, voco testem Agrippinam Ne-
ronis matrem; Ille cum sub initium Regni
sui, regia à quibusdam, qui in ipsius conspi-
rauerant necem, obsideretur, & aliqui ex
amicis autores illi essent ad imperium depo-
nendum, ni mallet cum imperio miserè
mori, quàm sine imperio priuatus quietè
tranquillèque viuere, conspiciens bouem à
coquo pulsatum, illico concidere, cum
mors, inquit, adeò breuis sit, an non absur-
dum fuerit nos metu mortis tale regnū re-
linquere? Hæc verò cū à Genethliacis Chal-
dæis accepisset, imperaturum quidem fi-
lium, sed fore ut matrem occidat, *occidat*, in-
quit,

quit, *dum imperet*; quantam regnandi dulcedinem esse iudicarunt, qui vel morte benè emi crediderint principatum.

Tertium, quia summum otium summās delicias esse ducebat, cū tamen illæ aliud non sint quàm operationis perfectiones, ut inquit diuinis ingenij frugibus abundans Aristoteles lib. 10. Ethicorum c. 4. beatitudinem: appellans *εὐπραγίαν* bonam nimirum operationē: Vbi adnotandus est obiter Cardani error, qui dum de intellectu scripsit (si aliquid intellexisset, tam stultè nunquā scripsisset) *omnis*, inquit, *intellectus gaudet sempiterna quiete*, imò sempiterno motu dicit Vaninus. Materialia post lassitudinem quiete gaudent, quæ mobilia sunt, quiescunt libenter in suo loco, mouentur enim ut quiescā. Intellectus autem perpetuo in opere est, non ut quiescat, sed ut æterno vigeat atque exerceatur motu, Quid enim Dei cognitio aliud est atque amor ex eadem proficiscens, quàm inexplēbilis adhærescendi infinitati ipsius appetitus? Hæc agitatio tantū abest, ut quies sit, nullum ut videatur vnquam finem habitura: quo enim tempore expleuerit cursum illum, qui omnes temporis excedit angustias? Cardani autem ratio perridicula est & exhibilanda potius quàm refutanda: ait enim

156 AMPHIT. PROVID. ÆTERNÆ,
enim subtilissima aut movetur ut cæli, aut semper
quiescunt ut intellectus: intellectus autē essentia,
substantia est, ideo quiescit: quasi verò cæli essen-
tia non sit substantia; Adhæc intellectus ubi
non quiescet, non erit eadem substantia, si
quiescit semper, quia talis substantia est.

Quartum erat fundamentum, summum
bonum cōsistere in cibo, potione, & obscœ-
na voluptate. quod non spinosis quibusdam
contortisque argumentatiūculis, sed neces-
sariis euertam demonstrationibus. Volupta-
tibus illis tristitia comes & præit, & adiūcta
est, & subsequitur: præit, delectatio enim ne-
cessariò est in aliquo sensu, sensus autē om-
nis cum mutatione, mutatio verò ex contra-
riis exoritur: Delectatio igitur ex mutatio-
nē mali in bonum nascitur, malum ergo an-
tecedat necesse est: quis ex esu voluptatem
absque fame, ex potu absque siti vnquam
percepit? ex venereo verò actu non præce-
dente tentigine? Socrates eo die, quo vene-
num haustus erat, cū detractis cōpedi-
bus ex frictu sensisset aliquid oblectamenti,
exclamabat, quàm mirè hoc naturâ compa-
ratum est, ut res duæ, tam inter se diuersæ,
tam reciproco mutux coniunctionis nexu
conglutinentur, voluptas & dolor, nisi enim
molestia præcessisset, hoc non sentiscerem
quan

quantulumcunque voluptatis: Hieron. Cardianus in lib. 12. de subtil. c. de hominis natura, asserit ex doloris imaginatione venerē excitari, quod Ioannes Picus Mirandulanus in lib. 3. aduersus Astrologos cap. 22. confirmat exemplo cuiusdam, qui non nisi accerimis verberibus pulsatus, ad coitum disponebatur: causam verò vterque, ignarus fortasse, subticet, nos in Philosophiæ adytis secretioribus adinuenimus, quia imaginatio cum sit apprehensio, recipit intellectus speciem doloris: quare refugiunt spiritus ab illa tristi specie, atque sese abdunt in recessus interiores, vnde flatus fit.

Concomitatur item & adiuncta est voluptatibus illis tristitia, nam vt à cibo, potuque exordiamur, absque Cerere enim & Baccho friget Venus, pariunt illam nobis delectationem suis saporibus, hi autem omnes iniucundum aliquid admixtum habent: Sapores in vniuersum sunt hi, Insipidus, adstringens, acerbus, acidus, acris, amarus, salus, pinguis, & dulcis. Insipidus cū nihil agat in linguam, saporis potius dicit priuationem, hinc insipida, quæ nullius sunt saporis, vocamus. Adstringēs cum non sit alius, quàm acerbus imminutus, & per consequens à frigore immoderato in crassa substantia productus, saporem

158 AMPHIT. PROVID. ÆTERNÆ,
porem non retinet, non enim à solo frigore
vllus sapor, vt nec odor in humido. Acerbus
exosus est, quod linguam maiorem in mo-
dum astringit, quare soluitur continuitas,
fitque dolor. Acidus mordet linguam ma-
gis quàm acerbus, astringit ob frigus mini-
mas linguæ partes, nam tenuitate ingreditur
intima linguæ, & ob id acidus sapor maximè
lædit ventriculum, quia tenuitate penetrat,
& substantiam eius exanguem permultum
refrigerat. Acris corrumpit sensum, vnde qui
à pipere afficiuntur, dolorem sentiunt
pòtius quàm saporem, cùmque acris
sit immoderatè calidus, dilatando soluit lin-
guæ continuitatem, & ob id cæteris saporibus
est molestior. Amarus sensui est ingra-
tissimus, tùm quia in vnum extremum de-
clinat, extrema verò vitiosa omnia, tum quia
siccitatis habet nimium, præ cæteris autem
animalibus homo, & eius præcipuè lingua
humido delectatur, vtpotè quia eo solo nu-
trit, quare amarus sapor in extremo est
non ratione solùm substantiæ, sed etiam ope-
rationis, caret namque saporum fine, qui nu-
tritio est, nullum autem amarum nutrit, quin-
imò aliorum eduliorum nutrimentum de-
pascitur, est enim amarum siccius, & aridius,
& ob id quoque crassius, quia magis ter-
reum,

reum, fit enim ex illo absumpta tenuiori parte: ex falso igitur excocto fit amarum, diffusum humido: Salsus autem sapor ob calorem lædit, quoniam mediocri materiæ est adiunctus, hinc & linguam dilatat, fierique acri similem quandoque aduertimus, nam materia ulterius producta in amarum transit, sui verò copia nimia, in acri similem: Si quis enim plus æquo salis obsoniis immisceat, ardorem piperis similem acrimoniæ persentiscet, non tamen ex toto quod acre in tenui substantia, falsum verò in mediocri consistat. Ideoque acre vehementius pungit linguam, falsum diutius: si verò falsum non quantitate, sed caloris vi adaugeatur, subamarum fiet. Pinguem saporem iniucundum esse ostendit nausea, quam ex ipso concipimus, quinimo pingue sapor nō est, sed affectus, sicut eius contrarium macies est, quis autem maciem appellet saporem? nec pinguedinem igitur. Dulcis dūtaxat sapor gratus est atque iucundus, quoniam à calore proficiscitur moderato, in tenui & mediocri substantia: attamen dulcia sola si sumantur, nauseam gignunt non mediocrem & sæpenumero (honor sit auribus) ad vomitum prouocant: si amaris adiungantur, nauseam pariunt maiorem, nā dulce ad se rapit sensum,

fenfum, ingrediturque quasi eo aperto amarum, læditque magis.

Edulia insuper nisi ipse odor quoque gratus sit, exiguam sanè afferunt delectationem, quare mucum habens in naribus, nullam ex pretiosissimis esculentis, aut poculentis percipit voluptatem, quia odorem non persentiscit. Dulcia verò perparum olent, quia moderato fiunt calore in tenui, & mediocri substantia, magnam autem oportet esse concoctionem ad odorem producendum. Adhuc saporum finis nutrire est; Dulcia verò ad nutriendum parum conferunt, quippè non multum concocta sunt, quare mel licet dulcissimum, per mediocriter nutrit, quod si lac, cū dulce sit, copiosè tamen nutriat, nego vt integrum est purum, vbi verò pars aquea secernitur, fitque butyrum, concedo, sed tunc saporem habet pinguem potius quàm dulcem. Concludamus igitur voluptates esculètas & cōcomitari tristitiam, & subsequi, repletus enim & effarcitus venter cum molestia, & fœtore exonerandus est, & *multos morbos ferula multa ferunt*, scripsit Sen. 10. Rhetor. c. 17. *Cibus varius* inquit Hippocr. lib. 1. Aphoris. Aphoris. 14. *morbos generat*, subdit rationem, *turbulenta enim & inequalis est eius concoctio*, quare

quare ego dicere sum solitus *plures occidit
Gula quam gladius.*

In ipso autem venereo complexu tristitia
quandam inesse demonstro, peracto
namque ludibrio quilibet contristatur, &
tristitia illa in summo est, ut experti refe-
runt, nequit autem in summo esse, nisi fuerit
prius in aliquo inferiori gradu, in ipso igitur
coitus actu tristitia est, quamvis à coeunti-
bus tanquam æstro quodam percitis, & à
mente abstractis non percipiatur. Subsequi-
tur autem ipsum actum tristitia maxima,
quod coeuntem pudeat in foetidos cloaca-
rum recessus sese immisisse, quare cauta
magistra natura, ne animal ab opere abhor-
reret, venereæ turpitudini quoddam adiunxit
incendium, ut penè à nobis alieni eò impel-
lamur: contristatur etiam propter deperdi-
tas vires, quia id quod venere exprimitur
robustissimum quid est inquit Hippocr. in
lib. de Genit. & in lib. 4. de morbis, pluri-
mum namque (subdimus nos) effunditur ex
arteriali illo sanguine, atque purissimo spiri-
tu, quod ita generatio opus habet, propter
quam Venus ipsa inuenta est, Dixi plurimū
quia homo præ cæteris animalibus propor-
tione sui corporis plurimū emittit seminis,
hinc fit, inquit Arist. sect. 4. probl. 6. ut ipse

præ reliquis maximè languescat in coitu, colliquat Venus corpora, cerebrū offendit, tremulos facit nervos, seniū accersit immaturū, oculosque in primis debilitat. Quare Pythagoras interrogatus, quando esset cum fœmina congregiendum, respondit, quando voles teipso fieri debilior: itaque olim Atletæ fuere nonnulli qui roboris conseruandi ergo, ab vniuerso veneris vsu abstinuere, vt refert Plato in lib. 8. de legibus, & Galenus permultis in locis.

Faceſſant igitur Epicurei & deſināt tandem aliquando corporis voluptates ſummum bonum appellare, cū appetitio ipſarum plena ſit anxietatis, poſſeſſio triſtitia, ſatietas verò pœnitudinis.

Ad hæc, ſi vera eſſet Epicuri ſententia, lōge ſanè fœlicior foret Gallus gallinaceus, qui gallinas confertas ſecum habet, iacentes habet, promptas & immotas habet, inſiliat, ſi lubet, licet, ſine precibus, ſine pretio, ſine vlla pœnitudine, ſiquidem à coitu latus canit, cū enim animal ſit ſemine pleniffimum canit propterea, quia non reſoluitur, ſed exoneratur.

Gallinæ quoque guſtu tantopere præſtant, hominibus, & antecellunt, vt ſine ſucci expreſſione vlla ſtatim quæ roſtro vel leuiſſimè

mè tetigerint, digna sentiant indignave,
 ab ipsis deglutiantur. Nec gustu solum,
 sed cæteris quoq; sensibus, qui voluptatum
 sunt arbitri, hominibus ceteræ sunt animan-
 tes præstantiores, Simia odoratu, Vulpis au-
 ditu, Canis auditu simul & olfactu, Aquila
 visu hominẽ multis superat parasangis. Ta-
 ctum solummodo perfectissimum, subtilissi-
 mumq; hominem habere Cardanus existi-
 mauit lib. 12. de subtil. cap. de Hominis na-
 tura: At meo iudicio in hoc sensu homo
 quoque superatur ab animalibus, quæ vul-
 gò imperfecta vocamus, quare arbitror, li-
 maces, ostreasq; tanto vegetiore tactus pol-
 lere sensu, quanto citius detectus, nudatusq;
 sentit neruis, quam cute obductus, facilius
 itaque hæc sentiant animantes, quæ tenuiore
 quam homo cute cooperiuntur, necesse est.
 Cardanus autem resipuisse videtur in lib. de
 rerum variet. cap. de homine. vbi ita dicit:
*Homō in omnibus sensibus ab aliquo vincitur, ani-
 mali, neque enim cernit ut Aquila, nec tactu tam
 tenui est quam Aranea, nec acutum odoratum ha-
 bet ut canes, qui feras insectantur, quas solo perci-
 piunt olfactu.*

Vltimus, ac præcipuus Epicuræ sectæ car-
 do erat animorum mortalitas. complures
 Christiani Doctores super hoc argumento

164 AMPHIT. PROVID. AETERNÆ,
aduersus Atheos scripserunt, adeò tamen
friuolè, & insulsè, vt maximorū etiā Theo-
logorum commentarios perlegenti dubita-
tio oboriatur de veritate: Ingenuè fateor
animæ immortalitatē ex Physicis principiis
demonstrari non posse, cū sit articulus fi-
dei, carnis enim credimus resurrectionem,
non autē resurget corpus sine anima, quove
modo anima erit, si non erit? Ego Christia-
nus nomine, cognomine Catholicus nisi
ab Ecclesia, quæ veritatis est certissima, & in-
fallibilis magistra, edoctus essem, animam
nostram immortalem esse vix crediderim,
quod dicere non erubescō, sed glorior, nam
adimpleo Paulinum præceptum, captiuans
intellectum in obsequium fidei, quæ in me
validior est, innititur enim huic principio,
Deus dixit: quare & Sanctissimus Pater Au-
gustinus in lib. 4. de Bapt. cap. 24. *Euangelio*,
inquit, *nō crederem, nisi Ecclesia me commoueret*
authoritas. At in Euangelio reprehenduntur
Saducæi, qui animi immortalitatem ne-
gabant: Ne autem ignorantia vitio id mihi
vertatur, subtilissimis à me excogitatis ra-
tionibus animæ immortalitatem propu-
gnabo.

Prima sit hæc, nullum simplex resoluitur
in sua principia, nullis enim componitur
solu

principiis, sed anima est simplex, ergo nō resolvable in partes.

Minor patet, apud Aristot. enim anima est actus, nullus actus est potentia, non igitur composita est, quia (ut alibi docuimus) compositum est potentia, partes verò actus. Præterea ex Aristot. Anima est principium essendi, & agendi, Ergo non est composita, quia si esset composita, eius partes essent principia.

Secunda. nulla natura cœlestis corruptioni obnoxia est, anima est natura cœlestis, ergo corruptione nunquam consenescit. Minor probatur. quia ex Aristotele anima est *ἐντελέχεια* corporis, & actus materiæ, nō igitur ipsa ex materia: at materia nihil aliud est quàm elementa quatuor, ergo ex his anima conflata non est, quinta igitur natura, & per consequens res cœlestis: quare gravissimè hallucinatus est Alexāder, dum animā ex quatuor elementis compositam, conglutinatamque affirmavit, nec modo sapientissimo, diuinissimoque Præceptori Aristoteli appellanti animam actum elementorum contradixit, sed etiam sibi metipso, asserit enim, & rectè id quidem, in anima esse facultates ad mouendum se antrorsum, retrorsum, dextrorsum, sinistrorsum, hæc autem in nullo elemento

166 AMPHIT. PROVID. ÆTERNÆ,
sunt, ergo non ex elementis anima conflata
est, nihil est enim in re quapiam quod non
fuerit actu quoque in eiusdem principiis,
principia namque sunt actus eorū, quorum
sunt principia, Minor quoque ex Aristotele
probat, qui in 2. de generat. animal. animā
adeo agnoscit divinā, ut nefas putarit illam
sine medio dicere corpori corruptibili con-
nexam, quo videlicet hoc eidem conciliaretur:
Illud verò medium cum cœleste quod-
dam corpus dicat esse, idem de anima ipsa
sensisse manifestum est.

Tertia. ex nihilo nihil fit, Ergo animam
immortalem dicamus oportet. Consecutio
probat subtilissimè. Si non fit aliquid ex
nihilo, ex aliquo non fit nihil, at si anima in-
teriret, ex aliquo fieret nihil, cum enim sit
simplex, neque in principia (nullum enim ha-
bet) resolvetur, ad nihilum necessariò re-
digetur.

EXERCITATIO XXVIII.

Argumenta dissolvit Epicureorum.

Primum erat id: si Deus est nostri pro-
vidus, non est summè beatus, Conse-
quens est falsum, ergo & antecedens. Re-
spondeo negando sequelam maioris. Proba-

tio

tio illa, beatitudo consistit in corporeis voluptatibus, falsa est, ut patet ex dictis, naturaliter autem appetimus voluptates, ut bonum sunt quoddam apparens, non verum, nedum ut summum bonum: quare non pro ultimo fine, qui summi boni, quod beatitudo est, vires præstat. Nec obstat nobis illa notatio, & Etymologia, qua à voluntatis inclinatione ad eandem tanquam bonum quoddam, voluptatem dictam comminiscuntur, quando de animi voluptate magis quam de corporis prædicari potest, similiter enim veteres cum ad simplicitatem propensi essent, à dolo quæ omnium rerum maximè detestabantur dolorem dicendum putauerunt.

Secundum. Nulla est ratio quæ cogat adstruere Dei providentiam nisi animorum immortalitas, at hæc non datur, nec illa igitur. Maior falsa est, quippè providentiam in hæc inferiora agnoscimus, & confitemur. non solum quia animo immortales, sed quia Dei creaturæ sumus: quare & ad brutas animantes & ipsas plātas, quæ fluxæ & caduæ sunt, eam extendimus. Ex Paulino autem contextu, Deo curæ non est de bobus, ad prædestinationem scilicet, vocationem, iustificationem, & glorificationem, at copiosè ad procreationem iuxta & conservationem

eorundem, à primo namque ente dependet omne ens quoad substantiam, & operationes.

Minor etiam falsa est, vt patet ex dictis, nec obstant in contrariū adductæ rationes.

Prima, concipimur, nascimur, viuimus, & morimur, vt bruta, Ergo eiusdem ordinis, dignitatisque anima est in vtrisque, quare si illorum anima mortalis est, & nostra quoque: Respondeo falsam esse consecutionem, concludit enim de corpore ad animam, quæ duo plurimum à se inuicem distāt; ex diuersis autem non fit illatio: Corpus quidem humanum beluino persimile est in multis, & fermè in omnibus, quare parem vtrisque finem, & exitum futurū credibile est, mortis scilicet & interitus. Mente autem seu intellectu æterno sanè illo, vt probauimus, à beluis differimus: Harum namque cognitio vt sensualis ad vnū determinatur: hinc auiculæ eadem semper forma nidum construunt; nostra verò vt spiritualis ad plura refertur, & in vnoquoque objecto diuersas aduertit boni, malique rationes.

Secunda, omnia quæ orta sunt aliquando occidunt necessum est, Anima aliquando orta est, occidat igitur oportet, Respondeo falsam esse maiorem, etsi enim omnis res
creata

creata aliquando possit interire. nam quod non habet causam essendi à seipso, potest naturâ suâ non esse, Deus tamen eandem quo minus desinat siue intereat, conseruare potest: Explico, Omne quod est, aut est primū principiū, aut à primo principio. Vnum verò duntaxat primum est, ab eo igitur cætera omnia dependeant necessarium est, Ergo omniâ naturâ sua, excepto vno, corruptioni subiecta sunt, quamuis enim entia sint absoluta à subiecto, & termino, nequaquam tamen ab ipsa causa absoluta sunt; Sunt igitur per aliud, & ab alio; At omne dependens, ab eo, à quo dependet, si est voluntarium principiū, mutari potest, quare ipsæ quoque mentes immateriales, etsi ponuntur à Peripateticis coæuæ, & coæternæ Deo, prout tamen à primo depēdent, vnico ipsius primi nutu ab ea deiici possunt & dimoueri essentia, in qua ab illo constitutæ primitus sunt; si enim non possent, haberent in se aliud principium resistendi illius infinitati, & per consequens ipsum illud principium non esset. Non corrumpuntur autem, quod sic Deus non velit. quare Plato in Cœlesti illa scena Timæi, Patrem, & conditorē Deorum sic introducit loquentem; *O Dij Deorum, quorum opifex idem paterque ego: opera siquidem*

170 AMPHIT. PROVID. ÆTERNÆ,
vos mea, naturâ dissolubilia. Et B. Aug. in lib. 3.
contra Maxim. cap. 12. & in Ep. ad Dioscori-
dem circ. med. asserit Angelos ab omni alie-
nos corruptione ex gratuita Dei bencuo-
lencia.

Tertia Ratio erat; nullus vnquam è mor-
tuis resurrexit, ergo anima est mortalis. Res-
pōdeo negando antecedens (testantur enim
omnino contrarium tum sacra pagina, tum
etiam ecclesiastica historia) & præterea con-
sequens, potest namque anima esse immor-
talis, & si corporum resurrectio omnino nul-
la daretur. Ipsa namque à corpore separata,
per se potest existere, cùm non sit in statu
violento, quandoquidem assecuta iam est
statum eminentiorem, & diuinæ propin-
quiorē naturæ. quinimò si esset in statu
violento, cùm nullum violentum perpe-
tuum, resurrectio debita naturæ esset ordi-
ni, hinc veteribus Philosophis animam esse
immortalem existimantibus non fuisset
abscondita, neque mysterium fidei foret
apud Christianos.

Ad probationem, si anima esset immor-
talis, mortuum aliquem Deus resuscitaret
deploratissimâ hac deprauatissimâque tem-
pestate, vt qui nunc grassatur Atheismus,
extirparetur funditùs, stirpitùsque eradica-
retur

retur. Respondeo negando assumptum, nam in parabola seu historia potius Euangelica diues apud inferos ita lamentatur. *Rogo te Pater Abraham, ut mittas eum in domum patris mei, habeo enim quinque fratres, ut testetur illis, ne & ipsi veniant in hunc locum tormentorum: & ait illi Abraham, habent Moysen, & Prophetas, audiant illos. At ille, non Pater Abraham, sed si quis ex mortuis ierit, Pœnitentiam agent: ait autem illi, si Moysen & Prophetas non audiunt, neque si quis ex mortuis resurrexerit, credent.* Luc 16. Adhæc, opus non est, nam quos ab æterno Deus ad gloriam prædestinavit, sine novis miraculis animæ immortalitatem credere certum est; Atheos reprobos non curat Deus, quos ipse diuinus figulus in vas formavit contumeliæ, ut inquit Apost. ad Rom. 8.

Vltimum argumentum desumebatur ex doctissimorum virorum authoritate, qui animæ immortalitatem negarunt, ut Arist. Seneca, Cardanus, & Pomponatius; Respondeo. si authoritate certandum est, proculdubio aduersarij in hoc campo succumbent, quicumque enim aliquo doctrinæ clauerunt specimine, ut sapiētes Hæbreorum, Chaldeorum, Ægyptiorum, Indorum, Gallorū, quos Druidas vocabant, Pythagorici, Platon

172 AMPHIT. PROVID. ÆTERNÆ,
Platonici, & Stoici animam crediderūt im-
mortalem; Quæ sit Aristotelis sententia,
Philosophi certant, & adhuc sub Iudice lis
est. Senecam negasse animi immortalitem
existimat Pomponatius in lib. de Fato: aliter
tamē mihi videtur, nam ep. 80. ad Lucilium
hæc scribit, *Sursum animum vocant initia sua,*
erit autem illic etiam antequam hac custodia exol-
natur, si vitia sua deseruit, purusque, ac levis in
cogitationes diuinas emiciat. Pomponatius qui-
dem & Cardanus plurimis imbuti discipli-
nis & scientiis fuisse, tantum autem abest
vt nobis aduersentur, vt etiam de immorta-
litate animæ vterque opus quoddam con-
scripserit: Ego quidem quid, aut quomodo
scripserint, me ignorare non infiteor inui-
tus, nec enim vnquam ipsorum hæc opus-
cula in manus meas venerunt, nec in ipsis
Francofordianis nundinis, multominus in
Lutetianis, aut Lugdunensibus officinis po-
tuerunt reperiri, impressa tamen accepi Ba-
sileæ. Nescio an fortassis imitiati sint Agrip-
pam, qui de Dæmonibus inuocandis, con-
iurandisque tot composuit libros, cum ta-
men ipse pessimus nebulo reliquorum in-
star quos & Necromantistas vulgus appel-
lat, nullos omnino Demones esse asseuera-
rit, vt in lib. de vanit. sciens: & in 1. quoque

toimo insinuat: vel certè Epicurū secuti, qui, teste locupletissimo Tullio, libros quosdam edidit de pietate, & Religione. erga Deos, cū tamen idem ipse doceret, Diis nos neque hæc inferiora curæ esse. Addebatur in calce argumenti viros sapientes vitam ducere Epicuream, ac proinde de animorum immortalitate nō, prout par est, sentire. Verum esse antecedens existimauit Cardan: qui lib. 12. de subtil. cap. de hominis natura, fol. 467. *Sapientes (inquit) cū calidissimi sint, natura atque humidissimi, nisi philosophia proficiant, pessimi omnium sunt, calore euadunt crudeles, dolosi, inconstantes, & iracundi: humido. verò enervēs, deliciarum amatores, gulosi, & libidinosi: adiuvat ad hæc perpetranda industria, quam ex studiis acquisierunt, & melancholia; quæ resolutio humore pinguiori gignitur ex superfluis studiis, atque vigiliis.*

Dij te Cardane, Dij, inquam, tui te fortunent, Audacia, & Eruditio: ex hypothefi falsa deduci falsa mirum non est: illa hominem calidissimum simul & humidissimum, affirmat esse, quod à veritate quidem ita ut cum maximè discrepat: Calidissimus sanè nō est, neque enim cor ipsius Leonis corde, neque iecur Aquilæ iecore, neque ventriculus vētriculo Strutij, neque cerebrum cere-

174 AMPHIT/ PROVID. ÆTERNÆ,
bro passerino, neque nervus nervo Pardi,
neque ossa ossibus Pantherarum, neque to-
tus tota Gallina calidior est. Humidissimum
verò Veruecem dicebas, cum eiusdem des-
cribebas caudam. In homine verò humidis-
sima pars est Cerebrum, non ob id tamen sa-
pientissimum dixerim hominem, ut tu supra
pronunciasti, nam in cæteris quoque anima-
libus cerebrum est humidissimum si cum
aliis partibus conferatur, nec pilciū cerebro
humanum humidius est cerebrum. Sed de-
mus tibi Cardane animi gratia sapientes ef-
se calidissimos, atque humidissimos, non ta-
men inde consequens fiet, corruptis ipsos
esse ac depravatis moribus. Nam cum in ea
caliditate, & humiditate cōtinua sit tanquā
duorum contrariorum cōflictio, non enim
cum summa caliditate summa esse potest
humiditas, quin & hæc ab illa absumatur,
vel vicissim ab hac illa fētundatur, tantum
abest ut tali morum peruersitate infecti sint
sapientes & docti, quantum ab ipsis absunt
extremis, à quibus separatis, non ut hic con-
iunctis ac refractis ipsa morum prauitas
proficiscitur. Adhæc, si mores à tempera-
tura ducere vis vnâ cum Galeno, nego
tamen à calore iracundiam procreari,
iracundus namque canis est, frigidus ta-
men

men , nullum enim animal frigore citius contremiscit , nullum libentius apricatur, atque ubi Solis æstus perferre nequiverit, nullum est quod ad umbram perfugiat citius, & ubi umbræ refrixit paulisper frigore, nullum vicissim est quod solares radios repetat festinantius, quod vel in ipso solsticio facere ipsum videmus. Quod verò facile inardescat, id propter ei contingit siccitatem , hinc citò consenescit canis , & repente omnem remittit alacritatem , fitque melancholicus , & rabiei facile obnoxius. Item plus caloris esse in Lepore aulam asseuerare , quia plus sanguinis in eodem & spirituum quàm in Crabrone , hic ad iram promptior , & intensior. Quin idem Lepus est Ariete calidior , & minimè tamen ad iram proclivis est & propensus , quare à siccitate, non à calore iracundia originem habet: neque à calore crudelitas proficiscitur, ut tu quidem asseris , ita enim calidissimus quisque crudelissimus erit , at homo Thynne non est crudelior , quippè quæ ipsa in fœtus suos desecit, eosq; dilaniat, neque etià Hippopotamo est truculentior , quippè qui patrem interficit, & in suum ipse iniurius ortum matrem constuprat: sed esto , concedamus calidissimum quemque esse crudelissimum

simum, ergo ab oppositis ratiocinando, frigidissimus quisque erit placidissimus, piissimusque. Pietatem sanè Ciconiæ omnes vno quasi ore circumferunt, & deprædicant, frigidissimam igitur esse cōsequitur vt quæ ab omnibus piissima pronunciatur. Dic modo Cardane, quò te vertes? quomodo hunc Gordium quasi nodum effringes? quomodo hæc Chrysippæa eludes retia? dic, age, responde? quo frigore serpentes viuos integros in prolobum demissos concoquit? Qui verò populi parentes internecant, qui deuorant: pietate illi: hi faciunt superstitione: non nisi senes occidunt, ne incommodis conflictentur senectutis, interfectos mēsis adhibent, ne à vermibus consumantur, hi stolidi, & cæci, non crudeles huic stultitiæ superstitionique dediti sunt. Sed tū Cardane diuina à quo Calore illa proficiscatur?

Dolosos quoque à calore fieri dicis, quin imò frigidum potius quàm calidum crediderim eum qui fraudibus, dolisque additus est; feruor enim agit in imperum, in doloso verò frigus quoddam videtur residere, dum cunctatur; captatque occasionem, aut ex insidiis adoriens, aut è specula imminens.

Addis quoque gulam, ac veneream libidinem maximo à calore, maximoque humi-
dem

dem audes affirmare nonne equis, canibus, passeribus, & cæteris id genus animalibus illos qualitatum illarum excessus verè poteras attribuisse? in quibus insatiabilis quædam & expleta ad ingluviem voracitas, vel ad libidinem præceps quidā & inflammatus furor; sed & hæc, cui tu adscribis, causa veritati repugnare videtur omnibus modis: Gulæ libidinem ad summum refert calorem, summamque humiditatem. si calori humoris vis sit æqualis, calori humor resistet quominus tantum fiat resolutionis, & ad immoderatam ingluviem omnis tollatur prorsus appetitus, siquidem ipse appetitus affectus est habendi, at quod habetur non appetitur, præcipuè verò sedata fame non appetitur illa intemperata ventris, abdominisque effarcinatio; neque verò etiam humidissimi est appetere neque calidissimi apud Galenum.

Sapientes, inquis, sunt humidissimi, & calidissimi; si hæc ad genera referantur qualitates cum suis causis, Aries erit omninò animalium sapientissimus; si ad sexum, mulier consilio, atque ingenio cæteris omnibus præstiterit; si ad habitudines, sanguineæ temperaturæ cæteris omnibus contingeret antecellere, sanguineum tamen hominem haud ra-

178 AMPHIT. PROVID. AETERNÆ,
ro videas hebetem, & stupidum, sapius verò
popinonem.

Accessione verò melancholiæ augeri in-
quis sapientum perversitatem, quod tam
falsum est, quàm absonum sibi ipsi repugnās,
quod si enim sapientum natura præceptis
vel potius Philosophiæ loris ac frænis ad
coercendam petulantiam, & quancumque
perperam agendi libidinem compescendam
opus habet, in ipsa excessus ille caloris &
humoris mitigetur tempereturque melan-
cholici succi accessione, qui frigidus est &
siccus, quàm perversitati aliquid accedat in-
crementi, Aut enim ita sit necesse est, aut, ca-
lidissimi iidem & humidissimi erūt, qui fri-
gidissimi pariter & siccissimi.

Concludis deinde sapientes omnium esse
pessimos, immo optimos ego omnium pro-
nuncio sapientes, in omnibus enim historia-
rum monumentis, in omni exemplorum ve-
tustate, vnum ego saltem è sapientibus Her-
culem inveni qui sese aliquo nefario facino-
re contaminavit. Sed in hoc ego excusan-
dum puto facile Cardanum, quippe qui à se-
ipso ad cæteros desumpsit argumentum, sa-
piens videri & audire voluit, cum se omni-
bus conpertum sciret flagitiis, in expositione
sux Genituræ, quæ octava est in ordine, de
seipso

seipso ita loquitur. *Cum Mercurius in lacteo circulo positus sit, & cum stellula ex natura propria, & Veneris in signo humano, & retrogradus, ingenium optimum, & profundissimum, tardum tamen & turbidum præstant & conuersationē gratam. Radij quoque Trigoni Saturni cum stellis illustribus positi, retrogradique, memoriam profundam, stabilem, sed fallacem: sapientem se prædicat Cardanus, nequissimum tamen. Venus est loci Luna, & Mercurij domina, & Mercurio multum, Saturno mediocriter commixta, facit igitur in diem viuentem, nugacem, religionis contemptorem, iniuria illata memorem, inuidum, tristem, insidiatorem, proditorem, magum, incantatorem, frequētibus calamitatibus obnoxium, suorum osorē, turpi libidini deditum, zelotypum, lasciuum, obscenum, maledicum, varium, ancipitem, impurum, & dolis mulierū obnoxium, calumniatorem, &c. Rursus Venus Saturno commiscetur, atque Mercurio. Saturnus in Mercurij, & proprijs dignitatibus est. Vnde venereorum assiduam cogitationem præstat, ut nunquam quiescam. Cogitatio venereorum perpetuò me torsit, & quod factò implere non licuit, aut fecisse potentiè puduit, cogitatione assidua mentitus sum voluptatem.*

At vitia hæc Philosophia in ipso correxit prorsus & eluit, (ipsi fatenti si fidem adhibemus) quare & hîc dum sapientes omnium

180 AMPHIT. PROVID. ÆTERNÆ,
pessimos promulgat, subdit tamen, nisi Phi-
losophia proficiant. Sed dic sodes, qui potest
esse sapiens, qui in sapientiæ studiis nullum
omnino fecerit profectum? dicetne cytharæ-
dum, cui nihil profuerit cythara? Sed Carda-
ni sententia quid Atheis ad confirmandam
opinionem suam momenti afferet & pon-
deris? Sint sapiētes pessimi, sint voluptatibus
dediti, effrenata peccandi ferantur libidine;
quid inde? de animorum dubitant immorta-
litate, negatur consequentia. Istorum nam-
que semiepicureorum error in voluntate est
non in intellectu: familiaris tamen quidem
noster hanc scholasticorum distinctionem
non approbat, inquit enim, voluntas, omnium
consensu, & adstipulatione, est potentia cœ-
ca, quæ non nisi prævia intellectus consulta-
tione operatur, non igitur potest esse error in
voluntate, quin prius fuerit in intellectu: quis
tam vefanus fuerit, - ut cœcum aberrare di-
xerit à via, non verò eum, qui ducit? Error sa-
nè huic adscribatur oportet, si rectè ratioci-
nabimur, qui qua debuit non est ingressus
via, prout sui erat officium & novisse & ingre-
di, non verò illi, qui nullo modo deflexit, sed
sequendo ductorem, suis partibus satisfecit,
consimiliter non errat voluntas quæ cœca
est,

est, sed intellectus qui voluntatis rector est
& moderator.

Respondent scholastici, intellectum excusari ab errore, quia proponit bonum voluntati, quæ illud amplecti recusat, O homines acutos? O ingenia subtilia? qui tam paucis totum negotium confectum putant: nonne stultum dixerimus & amentem, qui colores cæco proposuerit? Longè autem stolidior fuerit intellectus qui voluntati proponat aliquid agendum, cæcus enim licet non videat, potentiam saltem videndi habet, voluntas autem potentia cæca est ex scholasticorum opinione, quem errorem infra confutabimus cum contra Stoicos liberum arbitrium propugnabimus.

EXERCITATIO XXIX.

De Voluptate, & Beatitudine.

EVM Epicurei in ore nihil aliud habeant, nihil aliud prædicent, nihil aliud circumferant quam Voluptatem, & Beatitudinem, quid hæc duo sint quam diligentissime poterimus scrutabimur, atque adeò ipsos altissimos Philosophiæ fontes adibimus, & ipsius primo voluptatis syphunculos aperiemus.

Philosophi ita cōmuniter illam definiunt, Est res animæ affectibus conueniens: insci-
tissimè tamen atque ineptissimè, non enim
voluptas quæ vitiū est, conuenire potest ani-
mæ, neq; voluptas vnius cuiusque affectus
animæ est, sed cōpositi. Ad hæc sunt vel res,
vel habitus, vel affectus non pauci non raro
animæ cōuenientes, qui tamen nullā afferūt
voluptatem; Sicut ex aduerso alij ab animæ
cōmōdis rationibus adeò discrepantes,
adeò illi inconuenientes, vt mortem etiam
quandoque afferant præsentem, neque ideò
doloris vllius sint autores. Cuiusmodi fe-
bris, quæ à Græcis Hettica dicitur, eius habi-
tu non sentitur: sic nullam affert volupta-
tem habitus Sapientiæ, nisi ea in actu sit,
quem Philosophi secundum vocant. quid
somnia magis conueniens? quis verò se dor-
mire sentit? quin ne illo quidem modo ple-
na voluptas est, nisi fiat intellectionis refle-
xio super intellectionem. neque Midas,
vel Cræsus, aut Crassus, ex diuitiis diuitem
percipient voluptatem, nisi considerēt suas
copias Talentis Tantalii fuisse superio-
res. Addendum igitur & definitioni huic
verbum, percepta. Subtilius autem dicere-
mus rei, cōuenientis perceptionem. At ego
asserō aduersus omnes Philosophos, neque
dolorem, neque voluptatem sensu percipi!

dolor cum sit impactio speciei naturam lædētis, & ipsamet læsio sanè dolor erit ipsa sensio. nihil enim aliud sensio est, quàm impressio in sensum delatæ speciei. Quæ species si sit naturæ conueniens, eius perceptio voluptas erit: si sit aduersaria, eius actio erit dolor; veluti calor, vt duo, sensum afficiet cōuenienti constitutione, calor, vt quatuor, destruet sensum, ea sensio erit dolor, Sic è gemma, in ceram dum imprimitur, duo transferuntur, & impressio, & imago. V. G. Mercurij. Ex quibus concludo, neque dolorem neque voluptatem sensu percipi, voluptas enim, & dolor sensiones sunt. At sensio non sentitur, sed species vel commodæ vel incommodæ rei: quæ species est efficiēs causa impressæ imaginis in ceram, vt ita sint hæc; Gemma quasi res, quæ sentitur, Imago Mercurij quasi species rei, id est sculpturæ, quæ in gemma est, Cera quasi sensus, Impressio quasi sensio; quæ si ceram non offendat, sit quasi voluptas; si laceret, quasi dolor. Sed omittamus hanc definitionem ab efficiente causa deductam, & formalem quæramus. Duplex est voluptas: altera est perceptio conuenientis speciei. Altera est fruitio perceptionis. Prior sita est in apprehensione vel sensus, vel intellectus; Altera posita

est aut in præsentis iudicio, aut in memoria, quæ reducit in mentem perceptionem factam. Tertia voluptatis definitio est à fine, is cum homini sit triplex, totidem modis voluptas accipietur, Primus est individui conseruatio, Secundus conseruatio speciei; Tertius perfectio partis potioris, id est animi: Propter primum datæ sunt à natura voluptates sensuum, atque imprimis gustus: propter secundum parata est delectatio, quam excitat venus: propter tertium concessa est ab eodem Parête omnium nostrum Deo intellectio, cuius finis beatitudo, ad quam Sapientia quasi quibusdam gradibus conscendimus. Propter individui conseruationem datæ sunt homini à natura sensuum voluptates. cum verò ex corpore constemus & animo, vtriusque vsui sensus inferuient natura voluit, nobiliori tamen fine parti potiori. quamobrem ad animi commoditatem atque perfectionem duo potissimum nobilissimi concessi sunt, visus, & auditus, primo naturæ cõsilio, studio, & solertia, tametsi secundariâ quoque operâ corporis item exancillentur commodis. Ergo visus neque solum, neque primum datus est, vt tela, vt ruinas, vt foueas vitaremus, fugeremusque, sed vt tollerem⁹ erectos ad Sydera vultus, cœli
orbes

orbes contemplaremur; mundi speciem admiraremur, summum illum omnium rerum molitorem, architectatoremque Deum cognosceremus, atque adeò ad ipsum similitudine quadam & cognatione accederemus. Diuidamus igitur ea quæ aut intrinsecus sentiuntur aut extrinsecus, substantiæ quæ per qualitates sentiuntur, aut corpus subeunt, aut non, quæ intrant gustu dignoscuntur: quæ verò non ingrediuntur, qualitatibus tantum mouent. Hæc verò aut non nisi proxima sunt, atque ad tactum modò spectant; aut etiã remota esse possunt, eaque aut ex aduerso tantum recipiuntur, visionemque efficiunt: aut ex obliquo, à quibus auditio & olfactio. Horum fines sunt diuersi omninò prout illi diuersi: Odoratus ad iuuandum cerebrũ, spiritusq; in eo recreandos. Auditus ad disciplinam, cõunionemq; societatis. Tactus ad corpus extrinsecus, Gustus ad corpus intrinsecus spectat. Visus verò concessus primò propter animum ad inuentionem. Auditus propter animũ primũ ad communionem. Olfactus ad mediam naturam inter animum, & corpus, quæ natura est spiritus. Omnes autem ad inchoationem specierum quæ sunt materia intellectiõis ad felicitatem.

Sed fortassè acutius sic. Oculum delectant pulchra, quia oculus est propter intellectum, intellectus ad beatitudinem, beatitudo fructio summi boni, hoc autem pulcherrimum. Præterea quod pulchrum non est, est quasi non sit, ergo quasi non bonum, bonum verò finis. Apud Aristot. bonum & ens idem. Idcirco Græci καλόν & bonum & honestum, & pulchrum dixerunt vna voce, & ex diuerso αγαθόν quod nunc bonū significat, olim pulchrum designabat.

Ex odore magnam homo capit delectationem, ita quidem, ut nullum esse aliud animal, quod odore ducatur, Aristoteles dixerit: quamuis minus sibi ipsi conuenienter, nam, sicut & ipse, & multi alij Philosophorū prodiderunt, Pantheræ odore reliquum genus ferarum vsque ad eò trahitur, ut catervatim illam comites consequantur. Ex aduerso verò videmus animalia malis odoribus, nō quidem omnibus omnia sed aliis alia fugari, sulphure muscas, Galbano serpentes: quamobrē ex aduerso in natura positum videtur aliqua odoris voluptate capi. In primis tamen odorum fragrantia homo delectatur, quod ipsi quidem à natura secundum Cardanum ad beatitudinem inditum est, *Solus hic sensus*, inquit, in l. de sub. anime & corpori communis esse videtur,

videtur, diuina pars in nobis odoribus gaudet, ea de causa Diis thura adolentur. Sed quia nostrati-
bus Inquisitoribus hæc fortè displiceat opi-
nio, refutandam potius, quàm amplexādā
mihi putauī. Solus (diciſ) hic ſenſus animæ &
corpori communis eſſe videtur; ridiculum
ſanè, non enim odoratur anima, neque ſolū
olfacit corpus, ſed totus homo. quod ſi ani-
ma odoratur, etiam guſtat, guſtus autem ob
alimentum, ergo anima alebatur Cardani,
conſenuit ergo, atque etiam interiit. quin ne
corpus quidem odoratis, quatenus odorata
ſunt, ſuſtētatur: imò ne ſapidis quidem, qua-
tenus ſapida ſunt, ſed quatenus ſubſtantia
transmutabilis in ſubſtātiā corporis, quod
nutriti debet, ſapor autem quiddam additur,
vt faciliūs animal ad veſcendum inuitetur.

Subdit Cardanus aliam rationem, diuina
pars in nobis odoribus gaudet: imò intelle-
ctus, quæ diuina eſt in nobis pars, nihiloma-
gis gaudet odoribus, quàm ſenſibilibus aliis.
quin viſu potiùs gaudere crediderim, plus
enim eo perficitur, quippe cæli, totiuſque
mundi contemplantur *ΙΟΥΑΝΝ.*

Hinc ad politiam ſubtiliſſima refert Car-
danus Eccleſiaſticū ritum, thuriſ ſcilicet
adolendi in templis, illius enim odore hu-
manas mentes dicit ad diuinorum contem-
platio

188 AMPHIT. PROVID. ÆTERNÆ,
plationem facilius eleuari.

Quanto egisset satiùs Cardanus si aduersus Platonicos suam hanc cōuertisset disputationem, qui Aegyptiorum, Chaldæorumque infecti persuasionibus, vel potius superstitionibus, affirmabant, suffimentis, & odoribus aptum effici aërem ad excipiēdos Deos, quibus cum nobis habenda commercia, facile puto explosurus erat hasce Platonicas fabellas. Enimuerò quomodo aër disponitur ad excipiendum Deum? quādo nihil est Deo vacuum, neque de cœlo descendit vt vnus loci aut regionis limitibus circumscribatur, aut includatur, sed totus vbique est, & hic, & ibi, & alibi, foret enim alioquin finitus, quod admittere scelus est vel morte piandum: In templis autem nostris pro à maioribus accepto more, odores accendantur ad mentes in Deum eleuandas, quod non vt hebraicum quid, sed tanquam legitima ab Apostolis transmissum hæreditate obseruat etiamnum Ecclesia, prout D. Basilius lib. de Spiritu Sancto cap. 27. cōfirmat, & Ecclesiæ Proceres in œcumenica Tridentina Synodo stabiliuerunt in Decr. de sacrif. Missæ.

Ad speciei conseruationem maris & fœminæ commixtio instituta est, nec id quidem sine aliquo diuinæ prouidētiæ miraculo,

lo, nō enim per sanctissimos viros, sed ab ipso illo summo omnium rerum effectore Deo illa coniunctio in ipsis illis Beatitudine refertissimis Paradisi aruis est instituta, & diuinis legibus confirmata: quin etiam Christus Dominus sua nō modò diuinissima præsencia, sed nobilissimo, coque primo miraculo coniunctionem hanc voluit illustratā, adeoque sui cum Ecclesia coniunctionis figuram ostendit & simulacrum, atque inter Ecclesiæ suæ Sacramenta duxit numerandum.

Propter animi perfectionem data est intellectio, quæ via est ad beatitudinem, quod vt rectè intelligatur, altius repetenda res est.

Beatitudo fruitio est summi boni, fruitio, participatio est, participat autem qui fruitur, non quia abscedit ab illo pars illa, vt huic communicetur: sed hoc cum illo vnum, quo potest modo, fit. At quo potest modo? potestne finitum vnum fieri cum infinito? Nō hoc quidem modo, quo illud infinitum est; sed quo bonum, hoc finitum fit cum illo vnum per similitudinē. Hoc de ea beatitudine, quæ in subiecto est, & qua subiectum fit beatum. Fit ergo quia vna fit beatitudo cum illa beatitudine, quæ neque in subiecto vllō est, neque ipsa subiectum vllum est: Quæ alio modo quàm hac definitione est declaranda. Nō enim

190 AMPHIT. PROVID. ÆTERNÆ,
enim hæc partem sui capit, sed totum ipsum
est quod est quare si hominis est, aut mentis
abstractæ, idè est, quia illa est in se infinita
sibi. Solus igitur Deus beatus est. Intellectuū
autem ordines adipiscuntur eam primum
per intelligentiam sibi primum inchoatam,
deinde perficiunt per operationem. operatio
autem est amor; fit enim vnum amans cum
re amata. Ratio est, quia sunt omnia creata,
& finita, & ad finem. Finis autem & sibi to-
tus est sine invidia, & aliis communicabilis
sine detrimento. Vbi subtilissimè addimus:
Operatio aliqua est quasi forma finis; Idque
ibi, vbi finis non excedit vires operantis, Sic
carpentum non est præstantius, quàm habi-
tus carpentarij: Est enim ars operæ & for-
mæ carpenti forma. Carpentarius quidem
est efficiēs, & ex Idæa, quam habet in animo.
aut, intellectu, illi formam adhibuit. Sicut
Aristot. dixit generationem esse aliquo mo-
do causam generati: & motio est moti for-
ma: Alia verò est operatio, quæ non introdu-
cit finē, sed perficitur à fine, veluti, cum ge-
neratio perficit præuias alterationes. Sic ci-
uile officium perfectionem accipit à legisla-
tore, accepto scilicet præmio quod proposi-
tum erat beneficianti: opus igitur, aut opera
est inchoatio ciuilis beatitudinis: præmium
verò,

verò aut laus perfectio. Sic intellectio est initium beatitudinis, vel inchoata beatitudo, velle autem eam, illius est perfectio: veluti cum Deum esse intelligo, iam datur accessus ad vnionem ex cognitione, quia species cogniti est talis forma cognoscentis: quare aliquo modo vnum fiunt. Vbi verò ex hac intellectione video quoddam alterius bonum, volo me similiorem Deo, quoad liceat, efficere. Itaque ab ea promoueor me ad aliquid faciendum, quo vnionem adipiscar. atque ilico nascitur amor, quia in actione sistitur voluntas: Vt autem tam pulchra contemplatio perspicue magis intelligatur, in intimos exquisitæ Philosophiæ recessus ingrediamur. Cum duo sint principia, quæ recipere apta sunt, totidem altera ex parte oportet esse, quæ item recipi apta sint, sub quorum ratione cætera omnia comprehendantur, quamobrem dicuntur ea à Philosophis prima obiecta, quia tantum ex occurso in suo magno ambitu recipiuntur. Intellectus ergo obiectum est verum: voluntatis autem bonum. tunc sic, ubi intellectus concipit aliquid, idem fit per similitudinem cum re intellecta, si ergo intelligit verum, veri specie coloratur, ac non solum intelligit verum, sed primam veritatem, à qua illud suam trahit originem, ergo

192 AMPIHT. PROVID. ÆTERNÆ,
& fit vnum & idem per similitudinem cum
prima veritate; atqui illa Deus est, ergo simi-
litudinariè cum Deo ynitur, sed hæc vnio
fruitio est, & beatitudo igitur. Veruntamen
inchoata, incrementum deinde accipit ex
voluntatis operatione, huius namque obie-
ctum est, bonum, quod cum ad primum bo-
num referatur, & primum bonum voluntas
appetet: at amans cum re amata vnum fit, vt
supra diximus, ergo & volūtas nostra vnum
fit cum summo bono, atque ita illo perfrui-
tur: sed subtilius addamus hoc; veritas non
efficit intellectiōem, semper enim verum
intelligeretur, sed eam consequitur, & est
adæquatio notionum, quæ sunt in intellectu,
cum rebus. quia etiā in simplici intellectu-
ne nulla est. In composito, quod complexum
vocant, veritas non intelligitur nisi per re-
flexionem. Res enim intelligitur, at in rebus
non inest veritas, sed in speciebus, iunctis in
intellectu, & secundo loco in oratione. Intel-
ligitur ergo res intellectu recta, veritas re-
flexa, neque enim qui vera dicit, scit se vera
dicere, nisi cum re conferat orationem; tunc
sic, beatitudo intellectus est in cognitione
veri, at verum intelligitur cognitione refle-
xa, Ergo beatitudinem adipiscimur non ap-
prehensione, sed secunda intellectus opera-
tione:

tione: non ergo in ocio eam constituemus pro stulta Epicureorū; qua infecti sunt, per-
suasione.

Nec ipsa voluntas ociosa est, quippe per
boni vagatur partitiones, deinde ad summū
refert bonū, illudque appetit, fruiturq;. Bo-
nitas autē triplex est. Primā est affectus en-
tis, quare in sacris libris scriptū est, *vidit Deus*
cuncta, quæ fecerat, & erant valde bona, nō enim
à summo bono potest aliquid nō bonum vel
fieri, vel conseruari; ille certē qui summum
bonum est & fecit, & facit, & cōseruat: illud
bonum nostra voluntas appetit, non primo,
sed quia esse appetit, est enim bonum, quia
ens est, non autem ens, quia bonum est: sicut
vñū, quia ens, nō verò ex aduerso, non enim
potest ens ex vno oriri & fieri tanquam ex
materiā; vt Melissus existimabat, ens enim
hoc modo foret accidens, non substantia; ac-
cidens, inquam, proprium ipsius vnitatis,
quemadmodum passim dicunt, vnum esse
accidens entitatis: at vnum non potest esse
nisi sit: esse autem, & esse ens idem est, neque
differt, nisi loquendi ratione, sed nec alterum
alterius materia est. quinimò vñū ita est
entis proprium, vt cum eo res sit eadē, &
non differens nisi modo. Nam quomodo
vnum potest esse entis accidēs? necesse enim
N esset

194 AMPHIT. PROVID. ÆTERNÆ,
esset vt à differentia flueret, qua ipsum ens
constitueretur, ergo ens esset genus, & habe-
ret se ente prius ens, quod est perridiculum.
Sed in philosophicis cōmentariis clarius ista
& fusius edisseruimus. addamus nunc, vo-
luntas nostra appetit esse, non tanquam ab-
sens vt potiatur, sed tāquam præsens vt con-
seruetur, quare subtilissimè dicimus, non ap-
peti à nobis esse quod præsens est, appetitio
namque est à priuatione, sed cōseruationem,
id est perpetuationem ipsius esse, quam con-
seruationem à summo bono profluere ne-
cessariò cū intelligamus, & summum bo-
num appetemus. Altera bonitas est moralis,
quæ est perfectio actus cum recta ratione, &
appellatur habitus, est enim qualitas ad agē-
dum secundum rectam rationem, quam in
omnium animis insigniuit summus ille om-
nium rerū artifex Deus: hinc cum morali-
ter bene operamur, Deo naturæ auctori to-
tum id adscribendum esse & cognoscimus,
& volumus lubentes, qua contemplatione
ad Dei vnionem quasi gradibus quibusdam
conscendimus, eaque perfruimur.

Tertia bonitas est supernaturalis, estque
perfectio actus secundum diuinā legē, quæ
ita nos Deo coniungit, vt Apost. dixerit, *Vi-
uo ego, iam non ego, sed Christus uiuit in me.*

Hæ

Hæ autem omnes bonitatis actiones ad summam illam Dei bonitatem referuntur, cuius esse non appetimus, nã omne appetēs appetit propter perfectionem sui ipsius, si Dei autē esse appeteremus, nostri corruptionem, immò annihilationem destructionēq; appeteremus, quare hæc appetitio nulli omninò conuenit: Nec ipse Lucifer Angelorum Princeps Deus esse desiderabat, sed Deo saltem similis, quare apud Ezechi. c. 28. de Rege Moab hæc, quæ ad Luciferum pertinere dicit Ecclesia, verba leguntur: *ponam sedem meam super Aquilonem, & ero similis altissimo*: non inquit, ero altissimus, sed altissimo similis. At simile non est idem ex l. cōnerua ff. deposit. Adhæc, voluntas nostra nihil potest appetere, nisi quod intellectus intelligit, At intellectus non potest intelligere duos esse Deos, neque finitum esse infinitum, non potest igitur id voluntas velle, nemo ergo potest velle esse Deus. Sed Dei fruitionem, in qua summa & vnica perfecta beatitudo est, appetimus: atque in hac ipsa appetitione aliquo modo fruimur, sed imperfectè, quæ fruitio in augustissimis illis beatarum mentium sedibus aliquando adimplebitur, & perficietur, vbi Dei ipsius præsentia cœlestis Reipublicæ beat ciues, cuius

196 AMPIHT. PROVID. ÆTERNÆ,
ipse sol sine occasu, & sine ortu, perpetuitas
sine momentis: præsens sine lapsu, futurum
sine accessu, satietas sine fastidio, deside-
rium sine defectu, triumphus sine bello
lætitia sine gestu, scientia sine disciplina,
finis & principium, utroque carens, neu-
trius egens, utriusque patiens atque au-
tor: ubi participatio sine invidia, colloca-
tio sine sermone, collatio sine decessio-
ne, receptio sine accessione, quies sine mo-
tu, intellectio sine ratiocinatione. Vbi om-
nia sunt in omnibus, ab vno, non ab omni-
bus. Vbi omnes singuli sibi, alteri alteris,
vnum in vno. Qui adesse volunt aliis quod
adest, quia ipsis nihil deest, ne id quidem
quod adest illis. Quia qui vult, vult eos vel-
le, cuius velle nos velle, quod vult, facit.

EXER



XXXXXXXXXXXXXXXXXXXXXXXXXXXXXXXXXXXX

EXERCITATIO XXX.

Aristotelis sententiam explicat.

Divinum Aristotelem Stagyritam humanæ Sapientiæ patrem, primum ac summum scientiarum omnium Dictatorem, & venerabile Naturæ oraculum, ad Epicureisimum pertrahere conatur Chalcidicus Platonicus, asserit enim in Plat. Timæo, Aristotelem concessisse, diuinam providentiam curare tantum æterna secundum indiuiduum, qualia sunt corpora cælestia, non autem hæc sublunaria. Chalcidico circumforaneo blateroni moderni quidam philosophastri aditipulantur, duabus ratiunculis, & illis quidem leuissimis, persuasi.

Prima, quia in lib. 12. metaph. c. 9. dicit absurdum esse primam mentem de rebus omnibus cogitare, & melius esse quædam non videre, quàm videre.

Secunda, ex Aristot. sententiâ, Deus non potest in hæc inferiora agere, nisi medio corpore cæli; Ergo Ex Aristotele Deus non curat hæc inferiora.

Quæ opinio falsa est, & immerito adscripta diuino Viro: falsa quidem & seipsam destruit, singulis enim quasi momentis vide-

mus & experimur cœlestia corpora agere in hæc inferiora. Sol omnia nostratia gubernat, & fouet, non solum per motum illum, quo persigniferum vadens quatuor diuersas anni facit tempestates, quibus manifestè omnia mutantur: Vere plantæ germinant, herbesunt stirpes, arbores florescunt, soluntur in libidinem animalia: Æstate maturescunt fructus, animalium partus adolescunt: Autumno deflorescunt cuncta, arborum decutitur honos, omnia cōsenescunt: Hieme terra congelatur, constringuntur flumina, aquæ item turgent & intumescunt, Verum diurno etiam motu eadem fermè operatur: Nam vt Galenus in 6. Epidemiorum dicat, partes diei naturalis ipsius anni partibus correspondent: Mane quidem Veri, in quo letior exurgit homo, sanguisque mouetur: meridies, verò Æstati, qua calor ingēs bilisque feruet: prima noctis pars Autumno, qua melancholia dominatur, homo arefcit & contristatur: Hiemi verò media nox, qua pituita abundat, somnus dulcis, & iucunda quies mortalibus accedit. Illud idem in floribus contemplari licet, qui manè aperiuntur, & suauissimo fragrant odore, à meridie elanguescunt, odorque euanescit: sub primā noctē quasi senescentes, omniq; destituti

odore

odore, contrahuntur, & emarcescunt, à media nocte constringuntur, & humectantur, dum pro hybernis imbribus matutinum rorem excipiunt.

Ad Lunæ quoque motum inferiora hæc mutatione quadam afficiuntur; Plenilunio turgent maria; ad suam enim rapiuntur Amasiam, pinguescunt cancri, plantæ magis efflorescunt; Allia quæ feruntur tunc, cum luna sub terris posita est, solitam graueolentiam amittunt. Lapidem vidit Commétator, qui ad Lunæ vicissitudinem crescebant, decrescebantque. Leo x. teste Cardano in Ptol. de Astro. lud. lib. 1. c. 2. tex. 10. fol. 22. gestabat lapidem, qui pro lunaris luminis varietate ex cæruleo fiebat candidus. Recitat Commentator in Ægypto fuisse Taurum sacrū, cuius genitalia pro ratione Lunæ augerentur, vel minuerentur. Capilli resecti post plénilunium seriùs recrescunt, vt qui à nouilunio, celerius.

Ad horum, cæterorūq; Planetarum varietates varias terra producit animâtes. In Mari Rubro, & Indico testacea omnia in maximam excrescunt molem. In Syria Capræ longis auribus, in Cilicia tam longo, & molli pilo, vt opium instar tondeantur, in Scythia Arietes nascuntur absque cornibus; in

Syria boues scapularum flectunt nodos Camelorum instar : Sues serpentum morfibus non obnoxij: in vniuersum, beluæ in Africa monstrosiores, in Europa fortiores, in Asia ferociiores. Plantæ in Africa variæ, in Asia efficaces, in Europa mitiores, ac minus noxiæ. Homines denique ipsi secundum diuersitatem plagarum discriminantur in quando, & quali, non solum quoad corpus, verum etiam quoad animi mores, ita vt non modò eiusdem speciei, sed ne eiusdem quidem generis proximi esse videantur. Ioppæ seu Iappones comedunt omnia cruda. Canariarum seu fortunatarum Insularum incolæ carnibus crudis vescuntur, adeoque, vt multi eorum viginti cuniculos in vno absumant prædio. In Occidentali India, quæ tota Europa multo maior est, carnes humane, vt apud nos beluinæ, deuorantur ab habitantibus, quin etiam conceptos ex ancillabus filios patres edunt, deinde matres, & sapissimè ex matris utero immaturum fœtum extrahunt, vt teneriori quodam & lautiori ferculo potiantur: in quibusdam Indiæ regionibus viperis, & vermiculis vescuntur homines. Tartari non modo equinis carnibus delectantur, & sanguinem potant equinum, sed vaccarum quoque intestina vna cum

cum fecibus in deliciis habent : Quæ omnia cum non nisi ad cœli temperiem referri possint, manifestè deducitur, cœlestia corpora in horum inferiorum ministerium ordinata saltem secundario, Deique instrumenta esse, ut agant in hoc sublunari orbe. Quis autem adeò vesanus, ut non intelligat instrumentum percipi non posse absque fine, in quem disponitur? quin imò instrumentum non intendit agens, nisi in ordine ad finem. Cum igitur illa diuina corpora in nostri ministerium Dei providentia eleganter descripserit, grauiterque stabilierit, quomodo illa, & nō nostratia agnoscet? simile profectò est ac dicere, faber intendit ferram, & non ligni fissionem.

Aristoteli autem hæc opinio perperam imputatur, ipse namque in 2. Phys. apertissimis rationibus contendit, naturam agere propter finem, non minus quam artem. in 8. Phys. ex motibus inferioribus in motū æternum conscendit, imò & in cœli indagationem, ostendit insuper corruptibiles hos motus perennare haud posse, nisi à motu æterno, & suo motore conseruentur; cunctaque hæc inferiora esse in prima materia tãquam in subiecto, & in primo motore tanquam in agente, quæ omnia in 2. Metaph. repetit. in 2.

202 AMPHIT. PROVID. ÆTERNÆ,
de Cœlo dissolvit dubia cōpluria circa cœ-
lestia corpora, cur multa sint, cur diuersis
moueantur motibus, &c. ex ipsorum ordina-
tione in hæc inferiora. quare Alex. & Auerr.
ibidem secundum mētem Aristotelis adno-
tarunt, Deo hæc inferiora curæ esse. in lib. de
Bona Fortuna ostendit voluntates humanas
à Deo moueri. & in Moralibus viros studio-
sos Dei amicos esse testatur. Chalcidico au-
tem in diuini Præceptoris libris minus ver-
sato, in re ignota licuit, vel libuit potius,
exultare.

EXERCITATIO XXXI.

Respondet primo argumento.

QUod erat desumptum ex 12. primæ
Philosophiæ, vbi Arist. docet primam
mentem nihil extra seipsam intelligere.

Scholastici in 1. sent. dist. 35. respōdent, di-
stinctionem de duplici obiecto afferentes,
idque variè.

Diuus Thomas arbitratus est, primū quod
intelligitur esse rei similitudinem in intelle-
ctu conceptam. Secundum esse rem, quæ
per ipsam intelligitur si. militudinem, quod si
referatur ad Deū, nihil eum primo aliud
intelligere quàm se: ut potè qui non hautiat
intelli

intelligentiam à rerum formis, speciebusve, sed per essentiam suam, quæ omnium est rerum similitudo, cognoscat: Si verò habitamentio fuerit de eo, quod secundo intelligitur, Deum non solum, sed etiam omnia intelligere, quare Aristot. cum dixerit, Deum se solum intelligere, ad id quod primò intelligitur, respexisse: Thomas Argentoracensis tueri se à contradictione Aristotelem dicit, cum in Metaph. cognitionem rerum, quæ sunt extrinsecæ, Deo abnuerit, in Ethicis & alibi eandem illi tribuerit, vult enim vno modo dici posse Deum intelligere aliquid vt primarium obiectum: altero vt secundarium. Si de primo sermo habeatur & ratio, Deum nihil extra se intelligere, quod & voluisse dicit Augustinum in lib. 83. qq. & in comm. in Gen. scribentem, Deum nihil extra se intueri. Si verò de secundo fuerit cōtrouersia, Deum alia extra se intelligere; quod & dixisse quoque Augustinum affirmat, cum in 6. de Trinit. scripserit, Deum omnia, quæ per Verbum fecit, in Verbo cognoscere, & hoc modo defendi posse Aristotelem putat.

Aureolus putauit aspectum, & intuitum Dei ad ipsam eius essentiam duntaxat terminari: eminenter nihilominus attingere omnia, non ita tamen, vt plura sint, quæ intelligantur.

Alphon

Alphonſus Toletanus Archiepiſcopus Hiſpalenſis tametiſi diſſoluat Aureoli Syllogiſmos, opinionem tamen communem Theologorum de duplici re obiecta non admit- tens, eam, quam tenuit Aureolus, amplecti- tur. & fretus (vt ſcribit) Auguſtini authoritate putat Deū ſeipſum cognoscere, & in ſe om- nia, nec quicquam extra ſe, adeò vt eius co- gnitio ad res ipſas nullo modo terminetur, quod & Ariſtotelem voluiſſe credit.

An vera ſit iſtorum Theologorū doctri- na, Eccleſia diiudicet: illud ſcio, quod obie- ctioni aduerſus Ariſtotelem propoſitæ nullo modo ſatisfaciant, nam contextus hæc con- tinet verba: *De quibuſdam ipſam etiam cogitare absurdum eſt, quedam melius eſt non videre, quàm videre.* Vult igitur primam mentem cogno- ſcere non omnia, nec nulla, ſed non aliqua. Scolasticorum verò diſtinctio aſſerit, Deum cognoscere omnia i*bi*, nulla extra ſe, non aliqua: non igitur ad propoſitum illa di- ſtinctio.

Reſpondeo igitur ego, Ariſtotelem ibi non loqui de Deo prima omniū cauſa, primoque principio proſuſ æterno, ſed de anima, aut mente, intelligentiave, quam primæ, ac ſu- premæ Spheræ perenniter euoluendæ ipſe præfecit. quod verum eſſe mox faciam vt le-

Astor intelligat. differuerat Aristot. in præcedentibus de sphaeris inferioribus, & Eudoxij & aliorum dogmata recensuerat. Inde verò, cum quorundam Astrologorum deliria deflexisset, quibus cœlestia, & hominum, cæterorumque animalium figuris delineari placuerat, ad ipsam mentem, ac intellectum, qui corpus illud supremum circumuoluit, disputationem conuertit, perquisiuitque, an intelligeret, quare mentionem facit intellectus, non Dei. Sic enim inquit, *quæ autem circa mentem intellectumve, & ne de alio intellectu, vel mente, quàm de ea, quæ addicta esset primo globo, se dogma traditurum quispiam existimaret, subiecit: videtur enim esse apparentium diuinissimum*, vbi aduertendum est vocabulum illud, apparentium, in Græco codice τὸ φαινόμενον, quo utebantur, qui de stellis differebāt, vnde Arati opus dictū τὰ φαινόμενα. Diuinissimi autem titulo donauit, vt puto, vel hac de causa, quoniam multitudine Stellarum innumerabili coruscat octaua sphaera, quam omnium supremam ipse Aristot. & ante ipsum Plato, & Ægyptij existimarunt. De prima igitur mente supremi cœli motrice, id loci locutus est Aristoteles: illam autem non esse Deum primam causam proculdubio ipse voluit, qui in 2. Metaph. asserit

Deum

206 AMPHIT. PROVID. ÆTERNÆ,
Deum esse actum simplicem, cui nulla po-
test esse admixta potentia. In intelligētia au-
tem, cuius vi primum rotatur cœlum, poten-
tia aliqua est: quippe actio crastinæ circum-
agitationis nondum in actū est. quod non
ignoravit Aristoteles, qui in 10. supremæ
Philosophiæ negat cœlestia corpora aliā ha-
bere potentiam, quàm in vbi. sic intelligen-
tia non habet in actū motum illius vbi, qui
nondum factus est, in potentia igitur ad illud
est: quare non erit prima causa vniuersalis, &
æterna, in quam nulla cadit potentia. Cū
igitur Aristoteles de mente, quæ Deo ipso
est inferior, decernat, de qua ipsi non dispu-
tamus, aduersariorum collabāscit argu-
mentum.

EXERCITATIO XXXII.

*Dissoluit secundam rationem aduersus
Aristot. adductam.*

ERat autem hæc. Secundūm Aristot.
nequit Deus in hæc inferiora agere,
nisi mediantibus corporibus cœlestibus, ea
igitur propriè non curare existimauit Arist.
Negant aliqui antecedens ex multis.

Primo, quia in allegato lib. de bona fort.
proponit primum motuum voluntatis esse
Deum,

Deum, sic inquiēs: *Rationis autem principium non ratio, sed aliquid melius, quid igitur erit? utique melius scientia & intellectus, virtus enim intellectus organum.*

Secundo, ex Arist. immateriale materiali præstantius, sed voluntas est spiritualis, cælum materiale, cælesti ergo corpore illa nobilior est, ei igitur non subiicitur, quippe agens passiuo longè excellentius est.

Tertio. Ex Arist. in lib. Ethico. & alibi, voluntas humana est libera, cælestibus igitur corporibus non subiicitur. Consecutio probatur, quia ex Aristot. Sententia. Cælum de necessitate agit, quare necessariò mouebit voluntatē, hinc coacta manebit, non libera.

Quarto, si Deus non posset agere absque mediis, imperfectus esset, quippe indigentia in Rege dicit imperfectionem. At ex Arist. in 2. Metaph. & alibi, Deus est perfectissimus, ergo secundum eundem non est agens mediante corpore cæli.

Sed in Aristotelico lycæo parum versati mihi videntur illi: quādoquidem in 8. Phisicorum, in 2. de Cælo. & 2. Metaph. expressis verbis edocet, Deum in hæc Inferiora non agere sine corporibus cælestibus, tanquam instrumentis per se, & necessariò requisitis ad horum sublunarium productionem.

208 AMPHIT. PROVID. ÆTERNÆ,
nem, atque conseruationem, hoc persuasus
argumento, cui nos alibi respondimus. Si
Deus in hæc inferiora immediatè ageret,
mutaretur, at non potest mutari, Ergo nec
immediatè agere. Sequela maioris ita pro-
batur & subtilissimè, mutatio siue nouitas in
effectu necessariò infert nouitatem in cau-
sa, cumque nulla alia causa huiusmodi ef-
fectus ponatur nisi Deus, ipse sanè muta-
retur.

Præterea, si secundùm Arist. Deus in hæc
inferiora absque medio operaretur, 8. Phis.
libet infirmaretur, imò & destrueretur, in-
nititur enim huic medio, ab agente immo-
bili non potest prouenire nouum nisi me-
diatè motu antiquo. Hoc autè corrueret, nā
motus antiquus secundū istos Doctores ni-
hil proficit ad talem motionem, immediatè
enim Deus mouet voluntatem vt ipsi asse-
runt. Respondent fortassè, licèt non inter-
ueniat agens medium, oportere tamen dis-
positionem in voluntate antecedere ad hoc,
vt à Deo moueatur. At contra, quia secun-
dum hos Philosophastros à Deo est prima
voluntatis motio, non debuit igitur ab alio
moueri prius quàm à Deo. Ad hæc, si quan-
do Deus moueat voluntatem, debet hæc ef-
se disposita, mota ergo prius ab intellectu;
hic

hic autem non mouet voluntatem nisi cognoscens, non cognoscit, nisi prius ipsum mouerit phantasia, quæ cum sit organica Cœlo subiicitur, nō mouet igitur Deus voluntatem nisi mediante corpore cœli.

Aduersariorum ratiunculæ facillimè dissoluantur.

Prima. Arist. in lib. de bon. fort. dicit voluntatem moueri à Deo, non tamen sine corporibus cœlestibus, quod si de his mentionem ibi nō faciat, parum refert, quia hic liber præsupponebat 8. Physicorum.

Secunda: voluntas est spiritualis, igitur corpori cœli non subiicitur, quippe nec immateriale materiali. Dico voluntatem, quâ volūtas est, corporibus cœlestibus nō subiici propter allegatam rationem: quâ humana tamen est, & sine corpore operari nequit, saltem vt ei coniuncta est, corporibus cœlestibus dicitur obnoxia, quia hoc modo materialis nuncupatur ratione subiecti, quod materiale est.

Tertia: cogeretur voluntas, si corpori cœli subiecta esset, neg. consecutio, subdita illis est quâ materialis, quia sine re corporali operari non valet, non vt immaterialis, quia supra materialia est in eligendo, cumque voluntas formaliter consistat in electione.

210 AMPHIT. PROVID. ÆTERNÆ,
& in hac sit immaterialis, rectè inferitur voluntatem corpori cœlesti non subiici, & per consequens eius libertati non derogari, si mediante cœlesti corpore mouetur.

Quarta. Si Deus mediis indigeret in operando, imperfectus esset. Nequaquam, id enim oritur non ex diuinæ virtutis defectu, sed ipsius effectus inferioris imbecillitate, qui ex sua imperfectione ita perfici non potest, quare dicebat Plato in Timæo, nō licet putum ab impuro tangi. vnde quemadmodum oculus imbecillis meridianam lucem intueri nequit, diuexo tamen lumine solem inspicit: ita effectus inferior à Deo immediate non producitur qui splendorem inhabitat inaccessum, cuiusq; oculi penetraciores sunt lucidioresque ipso Sole, sed medio instrumento cœlorum. Summus namque Conditor suauiter cuncta & sapienter composuit, & aptissimè distribuit.

Ad probationem: Regem indigere aliis, quid imperfectum est. Consiliariis in providendo, concedo; ministris in exequendo, nego: modo Deus in orbis regimine cœlestium corporum atque formarum non indiget, sed illis suæ prouidentię ordines exequendos concedit.

Ad principale igitur argumentum. Ex
Arist.

EXERCITATIO XXXIII. III

Arist. Deus non agit in mundo sine corpore cœli, illius igitur prouidentiam non gerit, Respondeo, negando consequentiam, Nam cœlum, totaque natura in operari dependet à Deo tanquam à causa prima, & vniuersali, vt ab ipso Aristot. 12. lib. primæ Philosophiæ decretum est.

EXERCITATIO XXXIII.

Subtilissima de Intelligentiis.

G Vm adminiculo & ministerio Intelligentiarum orbem à Deo regi voluerit Aristoteles, de iisdem nonnulla enucleatè ediffere operæ precium putauit, adeo enim ineptè, & insulsè de illis commenti sunt Scholastici, vt eorum lectio aut fastidium mihi aut certè stomachum commoueat. Idcirco (*Dux Sapientissime*) ad tui nominis memoriam sempiternam sic eas depingo. Intelligentia dicta est à perfectione illa, qua ducitur in amorem primæ causæ, cui præsto, semper est, Græcè vocatur *νοησις*, Latine mens: quia est actus quidam. Earum duco sunt ordines primarij, Cœlestis, & supercœlestis. Cœlestis officium est suum mouere cuiusque orbem. Supercœlestis assistit primæ causæ, vt eius iussu etiam procuraret hæc inferiora, eorū rectioni præfecta atque con-

furæ. at infiniti mensura nulla. duo infinita nequeunt esse neque in natura, neque extra naturam, essent enim duo principia prima. Finita igitur est intelligentia, quare fines habet, quos ultra citraque & præter non potest designari, aliqua igitur figura prædita sit necesse est. Est enim figura, non extremitas corporis, ut veteres dixere, sed dispositio extremitatis. Nempe si illa esset definitio, non esset nisi una figura, Extremitas enim, quatenus extremitas, non nisi una est, fit autem varia propter varias partium dispositiones, quibus figuræ constituuntur. At quanquam ad unicam tantum figuram non coercetur, tamē semper sub aliqua figura est, siquidem non est infinita. omne autem terminatum aliqua figura terminatur: quin ipsa liquida non alienis, ut iidem sensere, finibus terminantur, sed propriis necessariò, quandoquidem suapte natura finita sunt: sed mutare figuram dicentur à terminis alienis: Eius autem figuræ mutatio, accidēs est, sicut est mutatio ipsius ubi, sic & in cœlestibus intelligentiis actiones crastinæ novæ erunt, & accidentales, scilicet orbium versiones. Verum hæ non sunt alterationes, ut in nobis, sed perfectiones ad finem continuatæ, obediunt enim primæ causæ. Cumque entia fi-

nita sint, intelligentiæ necesse est, vt sint in aliquo vbi: sed quia sūt sine materia, nō erūt in aliquo loco, sicut corpora, quorum extrema complent vacuum corporis cōtinentis: Neque enim corpus in quo Angelus habet suum vbi, eius est locus, vtpotē neque dilatatur, neque densatur ad illius ingressum, sed neque propterea subiectum illius est; neque vllō modo miscentur, sicuti radiorum Solis aduentu non diffinditur aēr vt eisdem cedat, neque densatur in circumfusiis partibus, neque illorum subiectum est, neque vnum cum ipsis fit: quare nō, vt scripserunt, per operationem angelus dicetur, ibi, sed per definitionem, hunc admodum, ibi est, hic non est, non enim operatio est affectus comes entium necessarius, At, vbi, est circumstantia necessaria omnibus entibus præter Deū, quare si angelus est in vbi propter operationem, erit in hoc vbi propter hanc operationem, sicuti quæ sunt in loco, sunt propter terminorū præscriptionē: quæ sūt in hoc loco, sunt propter hāc præscriptionē, Est igitur vbietas affectus entis cuiusq; necessarius præter Deū: dicūtur ergo esse in loco æqui-uocē, atq; etiā plus quàm æqui-uocē, quia sunt in suo vbi, non per circumscriptionem quemadmodum dextera mea in aère, sed
per

per assignationem. At diximus intelligētiās esse quātas, quomodo igitur erunt indiuisibiles? an vt punctum? nequaquam. est enim intellectu assignare partē extra partem. Sed dicuntur indiuisibiles, quia non habent contrarium, à quo patiantur.

Intelligentiarum officia tria sunt, quæ ad vnū, id est amorem primæ causæ rediguntur.

Primum est primarum, assistere, de quibus multa leguntur in sacra pagina, in Aristotelica nihil, quippè qui non alias agnouit intelligentias, nisi cœlorum motrices.

Alterum est aliarum mitti ad certa & mysteria & ministeria. An verò quorundam modò sit hoc ministerium an omnium, de hoc scriptum non est in sacro Codice. Iudicio hoc Ecclesiæ relinquatur. Illud saltē notandum duxi, quando mittitur Angelus, duos esse Angelos in eodem vbi. Nam qui mittitur transit, verbi gratia, per cœlum Lunæ, Lunæ autem intelligentia per totum orbem diffusa est. Nec durum hoc vnquam mihi visum, Nam quemadmodum intelligentia in suo orbe potest esse, cum quo tamen haud facit vnum quiddam cum materia, sic atque etiam tanto facilius duo Angeli poterunt esse in eodem vbi, sed rudibus delineamētis rem oculis subiiciamus. Vnius

216 AMPHIT. PROVID. ÆTERNÆ,
cerei radius aut aliorum complurium & in
eodem sunt aëre, & in eodem vbi: sed ma-
nifestius, cum lapidis species, qui sub aqua
est, simul cum aquæ specie ad oculos trans-
mittitur. Sed dubium est, quomodo Ange-
lus cum sit indiuisibilis, moueri queat, omne
enim mobile diuisionem patiatur necesse
est, non enim potest puncto punctum conti-
nuari, at motus cōtinuus est, Ergo & id quo,
& id in quo mouetur, quare frustra puncti
continuam fluxionem conati sunt de-
monstrare quidem in hac materia, duabus
de causis, Prima propterea quod falso vtitur
principio, illa scilicet puncti promotione: al-
tera est, quia angelus non est indiuisibilis ea,
qua punctum ratione, sed alia, quam supra
tradidimus, nam intelligentia est per totum
orbem diffusa, erit igitur extensa sine quan-
titate categorica: quid igitur huic & puncto
commune est? at quomodo mouetur, si cor-
pus non est? non mouetur motu corporis
mutando locum, sed motu rei incorporeæ
extensæ mutando vbi, quemadmodum ani-
ma mouetur, cum informat partem, qua fit
accretio in corpore animato. at quomodo
mouet se id, quod simplex est? non enim ha-
bet partem motam, & partem mouentem,
esset enim compositum, at angelus simplex
est,

est: hoc à me negatur, nam omnia quæ sub,
 & infra Deum sunt, composita esse doceo,
 etiam materiam primam, solum Deum pu-
 rum actum esse, & verè simplicem, quippè
 sit esset compositus, non esset primum. par-
 tes enim toto ordine naturæ priores sunt.
 Materia verò prima tametsi dicitur potentia
 pura ad formam ut fiat elementum, tamen
 ista quoque, ut ens quoddam est ab aliis se-
 paratum, composita est ex suo esse, & sua es-
 sentia. eius essentia est id quod habet pro-
 portionem differentia: diciturque differen-
 tia in specierum constitutione. est in materia
 prima formalis eius substantia, quæ nomi-
 ne caret, propterea & serò, & à paucis non
 nisi acutissimis sapientissimisque viris co-
 gnita est, adumbratur autem notione qua-
 dam, quæ aptitudo dicitur ad recipiendam
 formam. Ut materia primæ essentia sit per-
 fectio quidem eius, ut est aliquod ens sub-
 stantiale ab aliis separatum. Sed est imperfe-
 ctio ad ulteriora entia ut per formarum
 receptionem perfici possit: hæc pars electis
 ad sapientiam à Deo ingeniis intellectu per-
 facilis est: difficilius comprehendere potest
 quid illud sit, quod dicimus eius esse.
 Nam hoc in illa capi pro eo, quod est, sicut
 in definitione genus, in entibus naturalibus

218 AMPHIT. PROVID. ÆTERNÆ,
materia, satis percipimus: At enim verò quid
illud tandem est? Respondeo, quod est in
elemento materia prima, hoc est in materia
prima ipsiusmet materię suum esse. Eúdem
admodum de Angelis quoque ego sentio,
eos esse compositos ex substantiis duabus:
Altera simili potentię, altera actui, actum
igitur habere mouentis formę rationem:
partem verò motam proportionem habere
materię.

Vt plurimum autem cùm Angelus mit-
titur, sibi corpus assumit, quod ei factu facil-
limum est, si enim Solis intelligentia non so-
lùm muris corpus producit, sed etiam dat
animam in fimeto, quanto facilius, celerius,
commodius cōfecerit sibi Angelus corpus:
quippe Angelus nobilior est quàm Solis in-
telligentia, est enim ex superioribus Hierar-
chiis. Ad hæc, minus operosum est corpus
assumptū, quàm corpus muris: corpus enim
muris pluribus materiis atque mutationi-
bus materiarum iustrumentum est: in cor-
pore assumpto multa, quę in illò necessaria
sunt ad functiones naturales nulla sunt. Ita-
que ad assumendum corpus sibi, illo tempo-
ris interuallo non eget.

Tertium intelligentiarum munus est mo-
uere orbis, de quo in 12. diuinę scientię, ad
quod

quod ministerium tot constitutæ sunt intelligentiæ, quot orbes. Istarum intelligentiarum nomina ex magicis Iudæorum tabellis describit Cardanus in lib. 20. de subtil. tit. de Angelis, seu intelligentiis prope finem, Cœlum Lunæ custodit Gabriel, Mercurij Raphael, Veneris Anael, Solis Michael, Martis Potestates, quarum Princeps est Samael, Iouis Principatus, quorum dux Sachiel, Saturni Throni, horum caput Cassiel, octauo orbi dominantur Seraphin. Idem sentit Trith. in tractatu de septem Secundeis: in duobus tamen à Cardano dissentit, nam apud ipsum Iouis intelligentia Zachariel est, Saturni Orisiel: inanibus quidem figmentis lectoris onerant mentem & aures. Iudaicarum traditionum quisquiliæ à Philosopho & Christiano viro repudiandæ omnino & reiiciendæ: à Philosopho quidem, cum nec umbram rationis in se contineant, & ad arbitrium suum Trithemius infinita propemodum spirituum nomina in sua Steganographia cōfinxit, quæ dum aliquando legeris, risum quæso teneatis amici: à Christiano verò, nam quo tempore Gabriel Angelus à Deo missus fuit æternæ salutis nuncius, isti qui eum præsidem faciunt orbis Lunæ, qua ratione motore simul & motu destituunt illum? qualecunque igitur

fit

fit intelligentiarum nomen, parum refert, sufficit nobis ab ipsis moueri orbes: id autem quomodo fiat, sic explico, Primi orbis motricem intelligentiam sola sui ipsius cognitione id præstare, intelligit enim se à Deo creatam ut id agat, quare ad eam intellectiōnem non solum accedit consequens amor, & consensus, verum etiam opera: ita ut moles illa cœli gyro agitetur iussu ipsius intelligentiæ. Secunda verò intelligentia non acquiescit intellectiōni sui ipsius, sed intelligit etiā motricem primam, quare quemadmodum prima sese ita intelligendo suum mouet orbem, ut alias quoque incitet & torqueat inferiores, sic inferior intelligendo primā, vult orbem suum cum primi orbis motu simul versari, nec propterea sequitur esse compositam, ut argumentatur Auerrois contra Algazel, & Aboali. quia ex his intellectiōnibus non oritur alia, & alia res, sed consensus tantum. At illi ponebant productionem & orbis, & animæ illius ab ipsa intelligētia, quæ sunt duæ res diuersæ.

Sed hac in re quinque potissimum capita scitu & digna & necessaria mihi inuestiganda esse duxi: primum, quomodo prima intelligentia intelligat Deum: secundum, an inferior intelligentia cognoscat superiorem: ter-

tium

tium, an superior inferiorem: quartum an intelligentiæ cognoscant vniuersalia, & quomodo: Vltimum, an cognoscant singularia, & quomodo.

Ad primum. Si prima motrix intelligit primum opificem, quæritur utrū per essentiam ipsius primi entis, an per speciem eiusdem, an per propriam essentiam suam, quæ in intelligentia sit quasi quædā similitudo, atque imago Dei. Theologi dicunt ab intelligentia cognosci Deum per speciem intelligibilem, quod falsissimum duco, quid enim exprimeret illam speciē? aut quæ Dei potest esse species? Omnis species ab eo cuius est species, exit in intellectum intelligentem, si est species intelligibilis, quomodo ex Deo exhibit? Est ne aliquod vbi, in quo non sit Deus, & Dei species? cognosci igitur Deum dicimus per eius essentiam. Essentia namque Dei est interior, & propior tum essentiæ, tum intellecti ipsius intelligentiæ, quàm vlla species eiusmodi, non enim inter Deum, & intelligentiam Dei species est, aut simulacrum, sed ipsemet Deus: quare per propria citius, ac plenius intelliget, quàm per remotiora; quo in loco asserimus Deum nō posse distinctè cognosci, nisi per se vnum, & à se vno, ipse namque sibi totum & inuariabile, quare
non

222 AMPHIT. PROVID. ÆTERNÆ,
non poterit esse cognitio abstrahens, sed per
præsentiam sine medio, nihil enim medium
inter creatorem, & rem creatam. Adhæc, ea
cognitio non est adæquata adæquatione vl-
la: quippe neque entitatis, neque proportio-
nis, quia non adæquat sibi Deum intelligen-
tia per cognitionem, sed ab eo adæquatur
ipsa, non æqualitate, sed aptatione & coniu-
ctione: qua id, quod Deus est, recipitur quan-
tum à recipiente potest recipi, non autem
quantum ipsum est: quare licet intelligentia
cognoscat Deum infinitum esse, non tamen
cognoscit ipsam infinitatem, sed potius quia
cognoscit se, cognoscit se non posse cogno-
scere & comprehendere incomprehen-
sibilem.

Ad secundum, an inferior intelligentia su-
periores queat cognoscere; Auerroistæ ne-
gant, quippe arbitrantur intelligens fieri unū
& idem cum re intellecta, quare si tertiam
secunda intelligit, secunda & tertia una erit.
Contrarium nos asserimus, si enim prima in-
telligentia cognoscit Deum, quanto magis
secunda intelligentia cognoscet primam?
Auerroistarum autē argumentum infrā sol-
uendum est.

Ad tertium, an inferior intelligentia à su-
periori

periori cognoscatur, Veteres peripatetici negant, fore enim ut fiat imperfectior, euaderet enim seipsa minor atque angustior. Deinde inquiunt opus non esse, nam tertia intelligentia exempli gratia si secundam cognoscit, non eget quartæ cognitione, utriusque enim perfectio in secunda est, sicut & illarum & huius in prima. Mihi verò longè aliter videtur: aliquid enim est in tertia quod non est in secunda, huius igitur interest illam cognoscere. Primum argumentum, quod ait, fore ut superior deficeret, fieretque imperfectior, falsum est: non enim fit unio realis vera intelligentis, intellectæ, & intellectiois, hoc enim modo non nisi una essent omnes, si omnes superiores se cognoscunt ad primam usque, quod non minus impium est, quàm stultum dicere, ut infra certis demonstrationibus ostendemus: neque fit unum formale, quin secunda, si est (ut aiunt) & re vera est imperfectior quàm prima, non poterit intellectione capere primam, semper enim aliquid erit in prima extra & supra secundæ intellectiois: nec fit unio per compositionem, hoc enim esset ridiculum, neque per applicationem, quippe hoc est unum Metaphoricum. Sed cuiusmodi fit in nobis per speciem, talis fit in illis per præsen

224 AMPHIT. PROVID. ÆTERNÆ,
præsentiam intellectus, qui non eget motu
locali, aut impressione speciei, idcirco ne-
que sermone, neque signo, neque nutu eis
opus est, sed irradiatione mutua.

Secundum argumētum: Nihil est in quar-
ta intelligentia quod non sit in secunda, &
tertia, tertia igitur si secundā intelliget,
quartæ cognitione non indiget, falsum
assumit, solum enim primum bonum con-
tinet omnes omnium differentias inferio-
rum, nulla verò earum, quæ finitæ sunt, con-
tinet earum differentias, quæ infra se sunt,
sicut ignis non continet aliorum elemento-
rum perfectiones, quare, licet ratione ordi-
nis, & propinquitatis nobilior existat secun-
da quàm tertia, & prima quàm secunda, vna
tamen non continet aliarum differentias,
tunc enim intelligentiæ non differrent inter
se nisi per maius, & minus, omnes igitur non
essent nisi vna, & inferiores nihil aliud essent
quàm essentia primæ diminuta, aut eius po-
tentia tantum, quemadmodum vegetans,
& sentiens partes sunt intellectus. Ergo quia
est aliquid in tertia, quod non est in secun-
da, Secundæ interest tertiam quoque co-
gnoscere, Nam quis dubitat, affectiones, quæ
ex Lunæ cælo profisciscuntur, diuersas esse
ab operibus Mercurij? Lunæ igitur intelli-
gentia

gentiã habere quod in Mercurij intelligentia non inſit,quemadmodum in brutis quedam inſunt,quæ non ſunt in homine.

Ad quartum, Auerrois, ſectatores, qui negarunt à ſuperiore cognoſci inferiorem, aiunt ab Intelligentiis cognoſci vniuerſalia: Quæ ſententiæ ex diametro ſibi inuicem repugnant, nullum enim eſt ſub Luna vniuerſale, quod non ſit ignobilius intelligentia Lunæ. Ergo ſi non licet Mercurij intelligentiæ cognoſcere Lunæ Intelligentiam, non licebit illi Mercuriali cognoſcere Canis ſpeciem, fieret enim Canis: non cognoſcuntur autem ſpecies ab intelligentiis per abstractionem, ſic enim cognoſcentibus dandus eſſet ex eorum ſcola intellectus agens, & intellectus poſſibilis, quomodo igitur intelligūt? vos appello omnes, vobiſcum mihi reſ eſt, qui præter opus intellectus nullum aliud dicitis eſſe vniuerſale, ſingularia ab Intelligentiis non cognoſci, vniuerſalia cognoſci? videntur nimirum ſpecies eſſe concreatæ cum intelligentiarum natura ex eorundem ſententia, quare ſi ſunt ſpecies, ſpecies ſunt rerum realium, quæ ſunt priores naturâ ſingulis & vniuerſis ſingularibus.

Quia hæc inferiora à Deo regi & gubernari vult Ariſt. Intelligentiarum miniſte-

rio, & verò actiones sint circa singularia, hæc ab intelligentis cognosci necesse est. negavit Auerrois, qui infra, à nobis refelletur: quomodo autem singularia ab Angelis cognoscantur, modo videndum est.

D. Thomas censet, non per species has inde acceptas, & à rebus exeutes & impressas, sed per species concretas: impugnat Scotus falsa obiectione, haberent, inquit, species infinitas, quia singularia sunt infinita. imò verò finita sunt, sic enim docet fides Christiana aliquando finem habitura, quemadmodum & habuerunt initium. Iulius Cæsar existimat, Angelum neque ab iis accipere, neque à se cognoscere, sed à speculo illo superiore, in quo sunt omnia: neque alium habent illi habitum rerum concretarum, sed habitum diuinæ visionis, qua ipsi perpetuò & sine fine fruuntur, in qua omnia sunt præsentia ea illis, quæ ab illis cognosci vult: Partitur enim nequaquam equaliter, aliquid sui cuiilibet, neque omnibus omnia, neque cuius eadem præsto esse iubet, sed aperit, quod, quantum, quale, quando, & cui vult. Hoc aliquid nouum, dicet aliquis, alterabit Angelum: felicem alterationem! A Deo nihil nisi perfectio, perficiuntur ergo nouarum visionum apprehensione: decet enim essentiam finitam

finitam perfici ab infinita; At maxima mihi
 & noua suboritur difficultas, an nimirum
 noua illa perfectio ad Angeli essentiã addat
 aliquid? adderet sanè si per suam solam in-
 telligeret essentiam, propterea quod essen-
 tiam non posset excedere intellectio: at ex-
 cederet, si nunc intelligeret quod non intel-
 ligebat: si per essentiam suam intelligen-
 ret, essentiam æquaret intellectio, & ab ea
 æquaretur. sed intelligit per primę visionem,
 nam quod de intellectu adepto Peripateci
 iactitarunt, post omnium specierum acces-
 sionem vnum fieri possibilem cum agente,
 hoc in Intelligentiis perpetuum est; Quam
 contemplationem Theologi vocant intuiti-
 uam. Quare noua hac intellectuione haud
 crescit essentia, per essentiam enim non sunt
 nisi id quod sunt: sed augetur in iis similitu-
 do Dei, impleturque illa capacitas, quæ an-
 tea suæ tantum essentiæ plena erat: tum ve-
 rò completur diuinitatis vltiore participa-
 tione. Est ne id substantia, an verò accidens?
 responsio facilis, aberat prius, accidens igitur
 est: at quomodo accidens, si à Deo est? Res-
 pondeo, ipsos Angelos nõ secundum totam
 perfectionem, qualis & quanta in Deo est,
 perfici, sed quasi coloratur ab illo primo lu-
 mine, quod quidem in se est substantia, eius

228 AMPHIT. PROVID. ÆTERNÆ,
autem effectio id est configuratio, illa per illustrationem in angelo est, sunt autem illa intellectiōis accidentiā in Angelo melioris notæ, quàm nostra, hæc enim adsunt, & absunt. Illa verò noua cognitio & ipsis absuit, non aberit tamen, quia hoc modo res hæc finita ab infinita perfectibilis est, non imperfectibilis: factum est igitur illud accidēs proprium postquam aduenit propter naturam aptam ad retinendum. Idcirco in Angelo nulla obliuio, quia assidua visio est. Sed hæc ad Theologum spectant.

Philosophemur modo animi gratia, & queramus quomodo mentes illæ versatrices cœlorum perpetuo labore non defatigentur. Philosophi respondent, quia formæ illæ non sunt in materia: ineptissima sanè & insulsiſſima respōſio, nulla etenim forma simplicis corporis, à sua materia quod ad motum spectat, fatigatur ita vt motum deserat, aut abrumpat: neque somniandū, terræ formam à materia terræ deſſari vnquam posse, quo minus eā ad centrum vsque perducat, quod si centrum perpetua motione aliò vergeret, conferret sese ad eundem motum perpetua incitatione ipsa quoque terra. Cōsentiūt hæc placitis diuini philosophi. In argumentis enim quibus vacuum tollit, neque
mate

materiam elementi suæ formæ resistere. Si non resistit, non fatigat, fatigatio, verò non obuenit nisi formæ mouēti præter naturam elementorum, id quod e.g. videtur in terra sursum iacta, Animal autē quia diuersis mouetur motibus à terræ motu, quæ in ipso multa est, deorsum distrahitur, vnde sese cū retrahere nittitur, atque ad id operis spiritibus vtitur, tanquam instrumentis, iisq; cum absumentur, aut fatiscunt, deficiunt vires. at non est anima defessa, sed corpus ipsum.

Horum Philosophorum sententiam à nobis reiectam Hieronymus Cardanus in lib. 4. de subtilit. cap. de lu. & lum. amplectitur & propugnare nititur hac ratione; *nec voluntate anima fatigatur quod nullo corporo indigeat auxilio*: vtrumque tamen falsum est, nam & voluntas fatigatur. & corporeis eget adminiculis in 3. de Anima, in 12. supremæ sapientix, in 6. Eth. 6. Phys. demonstrat Arist. nunquam esse voluntatem sine intellectione, nam voluntas appetit, appetentia verò non nisi rei cognitæ, cognitio fit intellectione: intellectio autem cum à phantasia necessariò dependeat, fatigari voluntatem constat & aliena ope indigere: præterea velle est imperfectio, ergo defectus, patitur igitur, quamobrem potestas illa animæ, qua volu-

230 AMPHIT. PROVID. AETERNÆ.
mus quæ idcirco voluntas appellatur, fatiga-
bilis est. Vtitur enim spiritibus ad sui inten-
tionem, quorum natura dissolubilis est. Hoc
manifestum est cum rei cuiuspiam deside-
rio languidi damur in saporem. Ex ea nam-
que consideratione mens agitata deficitur
spiritibus. Adhæc, velle videtur habere quo-
dammodo contrarium, occurrunt enim sæ-
pè non leuia offendicula, quibus prohibe-
mur potiri desideratis. patimur igitur obie-
ctione, cunctatione, dilatione, frustratio ne,
vbi res non succedit ex animi sententia.
Quemadmodum intelligendo fatigamur
obiecto sententiæ obscurioris.

Aliam assignat Cardanus causam, quare
motrices intelligentiæ sint expertes fatiga-
tionis. *In suo (inquit) cælo mens motrix est, itaque
nunquam fatigari potest;* subdit rationem. *sed
nec cor fatigatur: quippe in eo cum sit Anima,*
spongia verò digna & Carbone verba. *In toto
cælo mens motrix*, non enim est intelligen-
tia in materia, neque est intus, neque foris,
neque in toto, neque in parte. Adhæc, *cor (in-*
quit) nō fatigatur: imò vero maximè, tremit,
palpitat, febricitatur, tabescit. Accedat ipsius
Cardani ibidem ingenua cōfessio inquiring,
Patitur tamen cor speciem fatigationis. subuectis,
quippe in eo cum sit anima. Audi Cardane, si
anima

anima in corde est, vis animæ in reliquis partibus, vis illa erit aut accidēs, aut substantia, si substantia, ergo anima in illis quoque est. si accidens, ergo non sunt animata membra illa, neque viuentis habent formam, Corpus itaque nostrum erit vnum per accidens. De animæ sede in sequentibus libris, vbi de animæ immortalitate disputabitur, exactissimè aduersus Cardanum, & Galenum agemus ex sententia diuini Senis Hippocratis, quem quod Galenus non intellexerit patefaciam.

Nos itaque propositæ quæstioni ita respondemus, Intelligentias suo motu non fatigari, quia (vt supra diximus) sola mouent intellectione, intelligunt autem seipsas, quare intellectio illa neque à quo, neque ad quem, sed in seipsa est. propterea nullū fit interstitium, nullaue intermissio: est ergo quieti simillimus is, qui in seipso fit, sicuti cœli motus, qui est admirabilis: quippe motus partium totius quiescentis: atque adeò motus illius potens virtus nullo xuo fatiscere potest aut deficere, quia non fertur ad terminum ad quem à se ipsa exeat per intellectionem. Erit igitur eiusmodi intellectio motus quasi quidam circularis: quandoquidem sui ipsius intellectio neque incipit, neque desinit, sed in sese reflexa colligitur. Appetitus autem formæ

232 AMPHIT. PROVID. ÆTERNÆ,
materialis in corpore simplici (puta terræ)
vnius tamen rei est extra seipsam, centri sci-
licet. Quod vnū cū meditatur, semper ab eo
loco, in quo est non naturaliter, fertur; idcir-
co rectus ille motus est, quia terminus ex-
ternus vnus. In Intelligentiæ autem intelle-
ctione reuoluta in seipsam sunt termini infi-
niti, quocirca & infinita reuolutio. Cœleste
verò corpus non resistit motui, nō enim exit
ē loco suo, spatij verò, siue loci pars à parte
non differt specie, non erit igitur fatigatio.

Hæc quam potuimus summa accuratione
de Intelligentiis huc cōtulimus, cuncta Ro-
manæ Ecclesiæ iudicio subiiciens. Cæterum
Peripatecicos Intelligentias cœlorum mo-
trices statuentes oro atque obtestor, vt do-
ceant me, quī fieri possit, vt Deus egeat mi-
nisterio, cū rerum omniū immediata causa
sit, & sit vbique: si per se ille, quid igitur ope-
ris per eas? nec eò (puto) confugient, vnius
vnā esse operationem. Hoc enim finitæ est
naturæ, at infinita ad omnia est & sufficiens
& etiam quasi superabundans. Nam quem-
admodum varias fecit species, diuersas crea-
uit formas sine vllō adiutore, quamobrem
non & absque ministerio omnia item queat
agere?

EXER

EXERCITATIO XXXIII.

Alex. Them. & Auer. nec non Cardani opinionem adducit, atque rationes.

P Eripatetici Philosophi de Diuina Pro-
 uidentia quid senserint, ex vno Auer-
 roe colligere abundè licet. siquidem ille Dei
 prouidentiam circa hæc inferiora agnouit,
 vt decem in locis suorum commentariorum
 adnotaui. in præmio phys. vult idem esse
 primam formam, primum agens, primum fi-
 nem, quod repetit 2. Phys. com. 73. & 12. Me-
 taph. com. 8. in 2. de generat. com. 51. cit. fin.
 sic scribit, *ponit enim Aristot. formas agentes,*
quamuis esse earum apud ipsum sit aliud ab esse
earum apud Platonem, differt quidem à Platone in
modo essendi tantum & in modo actionis tantum
non in esse earum simpliciter, neque in actione ea-
rum simpliciter, & in 12. Metaphys. com. 15
36. & 41. idem confirmat, in com. 51. & 52.
 eiusdem libri apertissimè docet Deum hæc
 inferiora curæ esse.

Veruntamen lapsus est in errorem, quia
 Alexandrum ac Themistium sectatus, cen-
 suit Deum hæc inferiora curare in vniuersa-
 li tantum, non in particulari, ita habet lib. 12.
 metaph. com. 37. & in lib. de somno & vigil.

Cui opinioni adhæsit Hieronymus Cardanus in lib. 12. de subtil. cap. de hominis necessitate : probat, quia in priuatorum hominum interitu nulla visuntur signa, neque prodigia: in morte Regum Cometæ apparent, Reges igitur solos Superi norunt: non priuatos, nisi quatenus sub ipsis Regibus continentur.

Complures alij apud Pomp. in lib. de Facto hanc Peripateticam opinionem libenti animo amplexantur, vt soluere possint perdifficilem quæstionem illam, quomodo certa, & stabilis esse possit scientia Dei. De his inferioribus, quæ omni certitudine, ac stabilitate carent, imaginati sibi sunt, caduca & corruptibilia considerari posse dupliciter, in vniuersali, & in particulari. In vniuersali cadunt sub diuinam prouidentiam, quia, vt sic, non sunt caduca, nec variabilia, nam vniuersale est æternum, abstrahit à loco, & tempore, & semper, & vbiq; est, quare veluti secundum tale esse inuariabile, est, ita pariter & necessarium, & ineuitabile vnde substantiæ, accidentia, casualia, simplicia, & composita, & quomodocunque se habent secundum tale esse, diuinæ prouidentię subiiciuntur, & ineuitabilia sunt: considerata verò in particulari, quoniam
condi

conditiones vniuersalibus oppositas habēt,
ideo directè, & primario non cadunt sub di-
uinam prouidentiam, & ita cum infallibili
Dei prouidentia caducorum contingētiam
simul admitti posse asserunt.

– Moti sunt Peripatetici ad negandam Dei
prouidentiam circa singularia, hac vnica ra-
tione, quia singularia à Deo nō cognoscun-
tur, absque cognitione autem prouidentia
esse nequit.

Singularia verò non cognosci probabant
ex pluribus.

Primo, intellectus humanus, qui est infi-
mus in genere immaterialium, non cognos-
cit singularia ratione suæ immaterialitatis:
Ergo multo minus intellectus diuinus, quo
nihil abstractius est, nec à materia remo-
tius.

Antecedens vt probarent, finxerunt, (&
falsò quidem, vt infra in tractatu de libero
arbitrio) intellectum humanum in omni-
bus esse vnum, quare speciem indiuidualem
cum indiuiduis ipsis communicabilem sta-
tuere coacti sunt, non enim totum poterat
esse in singulis alio modo: indiuidualē dixi
quia vnum est & singulare quiddam. Insu-
per Auer. 7. Metaph. com. 35. 1. Phys. cap. 49.
1. Post. cap. 40. 2. de Anima c. 60. 3. de Ani-

136 AMPHIT. PROVID. ÆTERNÆ,
ma ca. 5. tex. 2. cū concepisset intellectum
hunc idem fieri cum eo quod intelligit, non
potuit eundem facere & communicabilem,
& intelligentē singularia, quia si intelligeret
singularia, euaderet singularis, & per conse-
quens incommunicabilis, at erat per suam
hypothesin communicabilis, Igitur non in-
telligens singularia.

Ratio hæc Cardano adeò perplacuit vt in
lib. 14. de sub. c. de Anima & intellectu in-
tellectum sic definiret. *Intellectus res est ipsa,
quæ intelligitur, veluti cum equum intelligo, in-
tellectus meus est forma equi: æterna igitur est for-
ma intellectus, quare meus intellectus, dum hæc
legis, & contemplaris, manet & est.* & lib. 17. *In-
tellectus verò meus est quicquid in me boni est, sic
igitur qui hæc leget bis mille annis post, intelle-
ctum meum videbit, & assequetur, atque hæc est
intellectus vniuscuiusque perpetuitas, non autem
æternitas.*

Secundo, negabant Deum intelligere sin-
gularia, quia ex cognitione rei mortalis for-
desceret mens diuina, fieret enim materialis.

Tertio, quia mutaretur Deus si hæc in-
telligeret. Nam Deus nunc scit me sedere,
post aliquot tēporis interuallum me deam-
bulante nō amplius scit me sedere, quia non
sedebo, Cū igitur sciuerit me sedere, &
postmo

postmodum nesciat, mutatio fiet in Deo ex scientia in ignorantiam.

Quarto: In omni vera cogitatione debet esse adæquatio & assimilatio inter cognoscens & cognitum, quoniam veritas in adæquatione consistit, sed inter Deum, & humanas actiones nulla intercedit similitudo, & adæquatio, ergo neque vera cognitio.

Minorem probant: quia vel Deus assimilatur actioni humanæ, vel actio Deo: non Deus actioni nostræ, quia creatura magis assimilatur creatori, & effectus causæ, quàm creator creaturæ, & causa effectui assimiletur: non enim Veneris imagini debet assimilari Venus, sed contrà imago Veneri: neq; imago est causa. Veneris, sed Venus causa imaginis; quare si actus humani Deo assimilantur, erunt Dei, & non voluntatis, quod est insanire cum Stoicis in liberi arbitrij negatione.

Quinto, infinitū à Deo cognosci nequit, quia implicat cognosci infinitum, cùm numerari non possit, at singularia sunt infinita, ergo à Deo non cognoscuntur.

intelligi causa quin simul intelligatur causatum, quippe relatiua sunt, hæc autem simul cognitione sunt, sed Deus est causa singulare, ergo si seipsum perfectè agnoscit tanquam causam, suos quoque effectus cognoscit nempè singularia, sed per aduersarios non cognoscit singularia, ergo neque seipsum: sed hoc falsissimum est, ergo & illud ex quo consequetur. Quod autem Deus sit efficiens omnium causa, vt multos præterea locos, quibus illud demonstrare possem, apertissimè ostenditur ex 2. primæ Philosophiæ vbi Arist. ita loquitur, *id quod maximè verū est causam esse veritatis aliorum, & quod maximè est eorum quæ sunt, causam esse: quoniam vnum quodque principiorum propriè causa est eorum, quæ conueniunt in nomine, & definitione*, quod ne de principiis scientiarum duntaxat, de quibus etiam locutus, id iure queat intelligi, faciunt Auerrois verba hæc in quarta particula eiusdem libri posita: *Oportet quod maximè verum sit causa veritatis rerum, quæ sunt post. Rerum, inquit, non verborum*, quæ syllogismo clauduntur. & ne de causa finali, non efficiēti ibi Aristot. loqui aliquis suspicaretur, subiecit Auer. *Causam illam omnium esse dignissimarum omnia enim (inquit) entia non acquirunt esse, & veritatem nisi ab illa causa.* addens, *esse illam*

240 AMPHIT. PROVID. ÆTERNÆ,
*illam tantum ens per se & verum per se, & omnia
qua sunt, cum esse, tum vera esse per illius esse, &
veritatem, & in 12. primæ Philosophiæ sum-
mus humanæ sapientiæ Dictator decreuit,
Totam naturam à prima causa pendere. Quam
sententiam qui euertere conarentur, autu-
mantes eum intellexisse, pendere naturam à
Deo, uti à fine, non ut ab agente causa, è re-
cto tramite deflecterent, omnia enim quæ
causam finis habent, & causam agentem ea-
dem habere manifestum est ex 1. Phys. & 2.
de Anima, ubi legimus finem esse id cuius gratia
fit aliquid: & Averrois in lib. de substantia or-
bis hæc scripsit verba, finis significat agēs signi-
ficatione necessaria, quare illud subtilissimè ad-
notandum, improprie dici, pendere aliquid
à fine, propriissime verò, ab agente ad finem.*

Alexāder sanè & Eudemus teste Simplicio in 1. Phys. existimarunt Deū nō esse causam efficientem, sed formalem, ac finalem tantum æternorum. At Simplicius ipse cum Philopono, & Ammonio, aliisque multis Illustribus viris, opinionem hanc nō solum ut falsam; verum etiam perinde atque ab Aristotelis sententia abhorrentem reiecerunt. Quin Averrois multis in locis, asserit æterna causata esse à primo principio in triplici genere, causæ, efficiente, forma, fine, ut colligere

re licet ex primo de Cœlo, & ex tertia disputatione destructionum. intelligit enim Cœlum à Deo factum, quod ibi dicit ipse, genitum, non hoc generandi modo, qui fit cum transmutatione, ac tēpore, sed nobiliori ratione. sic entia omnia dicebat Themistius nihil aliud esse, quàm Dei scientiam, cui assentitur Auerrois in 3. de Anima. Ammonius dum quinque Porphyrij voces exponeret, asseruit Deum esse omnium causam efficientem, & exemplarem, cum apud se Ideas rerum habere scripserit, quas qui abnegarent, hoc illos argumēto conuicit. *Cum Creator quicquam creat, aut quæ creat nouit, aut minime: si minimè, utique non creabit, quis enim quippiam facturus, ignorat quæ debeat facere? si autem nouit quod facit, ilicò manifestum, quod in Creatore sunt Idea: Tunc sic concludere licet aduersus Auerroistas, Deus, qui ex omnium confessione seipsum intelligit, rerum omniū causa est ex probatis, illarū igitur cognitionem habet. consecutio probatur, tum quia agens non est, qui actionem, quam exercet, ignoret, tum quia causa, & effectus relatiua sunt, hæc autem simul cognitione sunt atque intellectu.*

Tertio, Si Deus non cognosceret singularia, neque singularia produceret, sed produ-

242 AMPIHT. PROVID. ÆTERNÆ,
cit singularia. Ergo & cognoscit.

Sequela maioris probatur, quia non aliter
Deus est causa rerum, nisi quia cognoscit, &
vult, vt dicit idem Auerr. lib. 12. Metaph.
com. 51.

Minor probatur: quia natura semper ver-
satur circa singularia, quid autem est natura,
nisi potestas Dei?

Quare Sol & homo gignunt hominem,
apud Philosophum lib. 2. Phys. tex. 26. non
gignunt autem speciem, sed hominem,
quomodo gignunt, si non norunt?

Adhæc, vltimæ formæ, proximæque cor-
poribus non agunt nisi adiutæ & promotæ
à formis superioribus: illæ verò aliis ad pri-
mam vsque: omnes autem formas ad vnā
referri formam necesse est, vt dicitur 12.
Metaph. cap. vlt. & in 4. Paraphraseos apud
Auer. quare omnium quoque formarum in-
tellectiones atq; actiones ad illius primam
intellectionem reduci oportet.

Quarto, infinita essentia Dei se extendit
ad omne ens, nō solum in vniuersali, verum
etiam in particulari, ergo & Dei intelligen-
tia cū sit pariter infinita, immò cū ipsum
Dei esse sit intelligere, omne intelligibile
comprehendet, non solum in vniuersali, sed
in singulari etiam.

Quin

EXERCITATIO XXXVI. 243

Quinto, si Deus cognosceret tantum in vniuersali, diuinæ mentis vis ab vniuersali præscriberetur: à quo autem prærogatiuam accepit? Deinde esset in Deo ignoratia multarum rerum, nempè omnium singularium, quare multa scirentur à beluis, quæ ignorarentur à Deo, vt aduersus Empedoclem argumentatur Aristot. in 1. de Anima. tex. 80.

EXERCITATIO XXXVI.

Respondet aduersariorum argumentis.

Nunc ad opposita, & vt ordine proposito incedamus, primo loco Cardani sententiam refellemus, qui assererat singularia à Superis non cognosci, nisi ad vniuersalia referantur: referri verò aut vt partes, veluti prouincias, aut vt causas veluti Reges.

Opinio sanè indigna, quæ à Cardano Astrologo afferatur, quoties enim ipse priuatis hominibus fortunas, casus, euentus aduersos & prosperos, Fatum ipsum ex Astris prædixit? an Astorum duces atque temperatrices mētes illas æternas, quid ipsa Astra

244 AMPHIT. PROVID. ÆTERNÆ,
efficiant, atque comminiscantur ignorare
existimavit?

At inquit Cardanus, in Regum interitu
signa, & prodigia fieri solent, Cometæ in
cœlo apparere. Ergo solos Reges Superi no-
runt, non singulares homines, nisi quatenus
sub Regibus continentur.

Respondeo negando antecedens, nostra
enim ætate quàm plurimi Reges vita con-
cesserunt absq; vlllo Cometarû prænuncio.
Audi nunc Cardane, ex tua opinione prodi-
gia in regum morte fiunt. Ergo in omnium
regum morte fiunt prodigia. fiūt enim qua-
tenus Reges sunt. At omnes reges quatenus
reges, reges sunt. Si non in omnium interitu
id contingit, Rex ergo hic cœlestibus illis
fuerit singularis atque ignotus, non ergo
Rex ex tuo decreto: At rex erat: Ergo falsa
tua positio.

Sed dato, & tamen non concessio antece-
dente, consequentia negatur: Cometæ nam-
que in Regum interitu apparent ex physica,
non morali causa, ipsi namque ex tua sen-
tentia semper siccitate concreantur, seu po-
tius arescente aëre apparent: siccis autem
temporibus Principes moriuntur, nempe
cibis odoratis, & curis confecti atque Vigi-
liis, liceat nobis tua verba hic adscribere.
quæ

quæ habet in l. 4. de subtilit. cap. de luce & lumine : clarè patet Cometem globum esse in cælo constitutum, qui à Sole illuminatus videtur, & dum radij transeunt, barba, aut cauda effigiem formant. Hic ergo in cælo, si ibi est generatio, fieri potest: si non admittatur, dicere necesse est, quod verius est, Cælum esse Syderibus pluribus, sed non admodum densis plenum. quod cum aër siccescit & attenuatur, vel etiam aliis ex causis oculis nostris se subiicit, Nam quandoque Venus media die videtur, quam de nouo genitam non esse satis constat. Inde fit ut siccescente aëre maria multum agitentur tempestatibus, & ventorum flatus persæpe maximi succedant, & Nobiles ac Principes, qui curis, vigiliis, odoratisque cibis, tum vinis potenti- bus exsiccantur, mortem oppetant. Contingunt & hac de causa aquarum imminutio, piscium mors, & sterilitates, & legum mutationes, ac seditiones, & etiã ea causa regni subuersiones. quæ omnia ut dixi ab immodica tenuitate & siccitate aëris fiunt, ut Cometes harum quidem possit esse signum, causa autem minime. Audi item Cardane, Come- tes ne æquè signum est mortis Regum & piscium? Reges igitur ac pisces æquè superi curant. Ex tua namque sententia curant su- peri Reges, quia in ipsorum interitu huius- modi signa apparent. Pisciculos igitur norūt superi, nō homines. Hæc de Comete adscri-

246. AMPHIT. PROVID. ÆTERNAE,
vt tua imperitia & contradictio appareret,
alioquin à veritate alienissimum est, Come-
tam siccitate semper concreari: nam & in
hyeme sub Septētrione Cometæ genera-
tur, prout sub Euclei principatu ad Septen-
triones, ac brumæ tempore Cometē appa-
ruisse recitat Aristoteles. Et ipse Card. in
Ptol. de Astror. iud. l. 2. cap. 9. tex. 54. fol. 359.
inquit, *anno 1214. mense Martio duo apparuerunt
Comete terribiles in Scotia, & in exposit. t. 53.*
asserit, frequentius apparere in Septentrio-
ne hyemali tempore. Quare iocari & illu-
dere aliis Cardanū voluisse puto, dum mori
Principes siccis temporibus scriberet, nem-
pe cibus odoratis, curis, ac vigiliis confectos.
Remiges verò & fabros & id genus homi-
num, allio, bulbis, cepis, vlpicis, sale, vino, pi-
pere distentos, & effartos non mori: sed ra-
tionem astrologicam audiamus. Eam tradit
vbi suprā tex. 53. *Cometes, inquit, Principū mor-
tes significat, nā à Marte & Mercurio producitur.*

At profecto qui martis est & mercurij Prin-
cipum mortem non significat, vt folio se-
quenti cōfiteris his verbis *forma autem consi-
deranda est, quoniam quæ gladiis assimilantur
ciuitatum destructionem significant, est enim pro-
priè Martis: quæ verò similis columna, Iouis, ea
Principes & Reges occidit: quæ verò crinita, parua
versa*

versicolor, lucida, benè caudata, Mercurij est, ideoque ventorum & seditionum, & heresis præ-nuncia. nigra verò breui cauda, crinibus nullis Saturni est, & sterilitatem, diuturnaue bella, & lepram & talia significat. porrò quæ lucida est, & vultu quasi humano, flaua, & breui cauda (raro visa) Veneris est, & post longas discordias gratum Principem significat. Sed Cardano has condonemus ineptias, quandoquidem de Comete loco, atque substantia ibidem accuratissimè disputauit. Aliorum igitur errorem confutemus, qui diuinam prouidentiam circa singularia negarunt, vt istorum contingentiam illius certitudini associarent, nempe contingentia in vniuersali non est, sed in particulari duntaxat. at contra quia vniuersale non seruetur in esse reali, nisi secundum sua particularia 7. Metaph. tex. com: 5 1. non igitur erit in vniuersali necessitas, & ineuitabile fatum, nisi & in ipsis particularibus necessarium sit & ineuitabile, aliter namque vniuersale secundum conditiones reales non dependeret à particulari.

Nunc ad Auerrois rationes soluendas accedamus.

Ad primam, intellectus noster non cognoscit singulare, igitur nec intellectus diuinus. Respondeo negando antecedens, nam

248 AMPHIT. PROVID. ÆTERNÆ,
Deus verè singularis est, & cognoscitur, Ma-
teria prima singularis, & cognoscitur. Præte-
rea non posset hoc intellectus effari, Iulius
Cæsar est homo.

Dices non differre indiuiduum à specie
nisi per modum. Audi ergo : hic Iulius Cæ-
sar, qui nunc hæc scribit, est aliud quiddam à
natura hominis vniuersalis, Nec enim hic Iu-
lius Cæsar est natura hominis vniuersalis. sic
alius est alio modo à Titio, alio modo ab
equo, & ab hoc equo, ergo necesse est Iulium
Cæsarem cognosci, vt differt ab vniuersali
per particularia : singulare igitur cognosce-
tur. Alioqui hæc propositio: Iulius Cæsar est
homo, ex priore semisse à cogitativa, ex alte-
ro semisse ab intellectu conficeretur. At in-
tellectus dicit, singulare nō est vniuersale. Ad
hæc, intellectus vnus nōne dicit: Materia pri-
ma est vna indiuidua specie diuidua partib.
quibus partiales quoq; formas excipiat. Cū
de principiis naturæ indiuiduæ disputamus,
an principia nobis nota, ipsa indiuidua, quo-
rū principia illa sunt, ignota nobis erūt? Di-
cent: vniuersale quiddam est hoc, esse princi-
pium diuiduationis. Nō nego. sed aio, natu-
ram singularitatis habere duos terminos ab-
solutos. quo fit, & quod fit singulare. si co-
gnoscit intellectus, quo fit, quatenus facit,
cognoscet & ipsam factionē, (vt ita loquar)

& factum ipsum; absoluta enim hæc euadunt
 relatiua per facere, & fieri. Adhæc, antequam
 vniuersale fabricetur ab intellectu, nonne est
 singulare? ita sanè, facit enim abstractione
 temporis, ac loci, tum aliarum differentia-
 rum, quas circumstantias Græci vocant. Er-
 go si intellectus agens facit vniuersalia, ne-
 cessariò cognoscit singularia, aut à quibus
 eximat naturam illam, aut quorum detractis
 inhærentiis remaneat natura illa: non fit autē
 vniuersalis intellectus, cū intelligit vniuer-
 salia, quia est per suam essentiam singularis,
 & illa species tametsi est vniuersalis, tamen
 repræsentatur sub modo vnitatis quæ trans-
 fertur in hoc & in illud singulare, sic ait Phi-
 losophus duo contradictoria in intellectu nō
 esse *συμβαλλόμενα* quia longè alia natura speciei
 receptæ est ab ipsa re, neque fit calidus à ca-
 loris cognitione, neque prauus à prauitatis
 intellectu. Præterea intellectus Auerrois
 non poterit sententiā, quam pronunciat, pro-
 nunciare: ea est, Intellectus nō cognoscit sin-
 gulare: quī scis illud? nisi singulare notum ha-
 beas? neque potest nos interpellare intercur-
 su suæ cogitatiuæ, non enim cognoscit ea in-
 tellectum, siquidem est vniuersalis. Item di-
 cam; hic Iulius Cæsar non est prædicabile.
 quid sit prædicabile nescit cogitatiua: quid

250 AMPHIT. PROVID. ÆTERNÆ,
fit hic Cæsar, ignorat intellectus, quæ vis igitur animæ Auerroicæ hoc conferruminabit?

Auerrois autem rationem, quod intellectus fiat id quod intelligit, falsam esse deduco ex multis.

Primo, Sciendi habitus aliud est ab ipsis propositionibus, cum sit in prima specie qualitatis, effectus autem ab ipsa specie, tâquam à causa efficiente, non erit idem cum ipsa specie delata, quæ est similitudo in tertio capite qualitatis ut color: Tanto minus erit intellectus idem cum ipsa specie.

Secundo, dic mihi Auerrois, lunaris orbis est ne singularis? est sanè: Intelligentia agnoscit ne Lunæ cœlū illud à se motum, an ignorat? si ignorat, erit instar iumentum ad molam versatilem alligatum, quod quia in orbem circumagi recusat, obuoluto capite ad opus faciendum adigitur, molas versat, neque molas cognitas habet: si verò orbem suum cognoscit, ex tuo decreto non est amplius mouens, sed mota, quippè facta est res cognita nempe Lunæ orbis.

Tertio, in tua 4. Paraphrasi Metaph. sic ais, *Intelligentiæ separate non solum sunt motor, sed etiam agens quoquomodo corporum cœlestium.* si sunt agens corporum cœlestium. Ergo cognoscunt corpora cœlestia, agunt enim per
intelle

intellectum, & voluntatem. Non igitur ex tuis principiis sunt motor, sed motæ.

Quarto, si reipsa idem sit intelligens cum re intellecta, ergo cum intelligebat Auerrois visionem, vrebatur. quin Aristot. in 7. transnaturalis Philosophiæ c. 4. 2. negat oppositorum rationes esse oppositas in intellectu. At sunt oppositæ in natura, non igitur sunt eadem: Confirmatur, quia ex Auerrois sententia idem esset agēs, & eius actio, at Auerrois actio, quam exercet in huius absurdissimæ opinionis defensione, mera insania est (perinde enim est ac si dicat sculpturam in gemma & impressionem in cera idem esse) ergo & Auerrois ipse agēs insanissimus est.

Quintò, Prodeat vel nunc tandem in medium & deponat personam tuam inconstantiam. lib. 3. de Anima tex. 18. asseris intellectū fieri rem intellectam non simpliciter, sed per modum similitudinis, & receptionis, si enim fieret reipsa idē, homo fieret lapis, quia species lapidis fieret intellectus hominis. Quid igitur prohibet? sicut vnum speculum numero fit multa atque contraria per similitudinem, neque tamē multa est, sed vnum: sic intellectum quoque recipere singulare imaginem, neque tamen singularem fieri, non enim similitudo affert identitatem: sic igitur
Auerrois

252 AMPHIT. PROVID. ÆTERNÆ,
Auerrois fundamentum subrutum est.

Nunc ad Cardanum nos cōuertamus, qui dicit intellectum rem esse ipsam quæ intelligitur, veluti cū equum intelligo, intellectus meus est forma equi. trāseat: Intellectus Cardani est equi forma, ergo Cardanus equus est; animæ enim suæ partē dixit Cardanus intellectum, Animæ igitur tuæ pars est equus tuus, atque adeò, si intellectus tuus est forma equi, equus tuus te intelliget.

Sed audiamus Cardani rationes. *Est enim* (inquit) *intellectus forma generalis*; Dic sodes, quomodo est forma generalis, si nihil sit? fit enim omnia; nulla forma fit, tum si est forma generalis, quomodo informatur aliis formis? At nulla forma, & sub nulla forma fit.

Secunda ratio. *Intellectus est veluti materia prima*. Est sanè intellectus omnia non formaliter, sed subiectiue, sicuti materia prima quæ non fit essentia equi sub forma equi, sed remanet id quod erat, substantia quædam, ex qua, & forma fit hoc aliquid. Alia tamen ratio in intellectus informatione: Ipse enim non est potentia pura, vt materia prima, quæ reducatur ad hoc, vt actu sit hoc aliquid, per formam. Sed ipse forma nostra est substantialis, separabilis, incorruptibilis, æternus: ex quo tanquam ex subiecto essentialiter perfectio

fecto, & specie, quam recipit, fit intellectus informatus, non alius à seipso nisi sicut Iulius Cæsar edoctus fit alius à seipso, propter receptas accidentales: non igitur fit intellectus simpliciter, Si enim intellectus est (est verò) forma hominis, & per intellectionem equi fieret (ut tu asseris) equus, homo fieret equus: at non fit intellectus ipsa species, sed sub specie. Existimabam equidem in initio, Cardanum ita de intellectu sentire quasi diceret, intellectum velut colorari equi specie, quod & nos dicimus & sētimus: At de vera entitate ipse loquitur, nam in fine 14. libri ait, *Ipsē intellectus omnino à corpore separatus est, nunc enim dum hac scribo, meus intellectus est ea, quæ perscripta hæc tu intelligis, dumque medica pertracto, medicina: dū de numeris scribebam, numerus erat: Adeo quod aliis omnibus qui diuersa scripserunt, euenire necesse est, ut dum mea relego scripta alius mihi fuisse videar ab illo qui nunc sum.* Vide quam verè de substantiæ transuersione loquatur atque mutatione, quippè de alietate atque identitate.

Tertia ratio Cardani erat, *nam quid nunc hæc scriptura ab intellectu meo differt?* multum quidē, nam hæc scriptura quid singulare est, intellectus verò tuus est forma generalis.

Quarta ratio: *sic igitur qui hæc leget post bis mille*

254 AMPHIT. PROVID. ÆTERNÆ,
mille annos, intellectum meum videbit & asse-
quetur. Atque hæc est intellectus unius cuiusque
perpetuitas, non autem eternitas. O quam Car-
dane pestem quod sceleratissimorum dog-
matum virus in incautam plebeculam
euomis: Vt sic enim non est substantia intel-
lectus, sed accidens quiddam, non enim
æternum per transmissionem temporis exi-
stimas, sed perpetuum propter intellectio-
num continuationē. Est per te intellectus ef-
fentia corruptibilis, subeuntem verò acci-
dentia contingit illorum successione con-
tinuari.

Tantum abest Cardane, vt dum hæc tua
scripta perlego, tuum assequar intellectum,
vt quæ de Luthero verba protulit Erasmus,
ego de te eloquar, Deus mihi concedat
quemlibet alium intellectum præter hunc
tuum.

Ad secundam rationem Auerrois, ex sin-
gularium cognitione vilis fieret Deus.
Nequaquam Respondeo, non enim hæc
habet tanquam obiecta, quibus vel immute-
tur, vel perficiatur, sed seipsum intelligendo,
qui omnia est, omnia intelligit. Addit Auer-
rois, fieret materialis, si materialia cognosce-
ret. Iam pudet hæc insaniam toties refutare,
faciet enim vt Deus ignoret materiam pri-
mam

man,quam ab ipso factam quod pecus negabit? non enim sui ipsa genitrix est; neque primum ens; etiam somniauerint in mundo æternitatem, quis negabit omnium entium vnum ens efficiens fuisse, non enim entia sunt à seipsis.

Quare dicendum est pro Auerroistarum instructione, si fortè ab errore aliquando resipiscere velint: cum hanc materiam intelligunt intellectus diuini, neutiquam eos fieri materiales materia hac, sed materia intelligibili, quæ species est in ipsis intelligētis, nō fluens à materia hac, sed cum illa substantia immateriali in cognitione coexistens, superiorum enim scientia non pendet ab obiecto horum inferiorum, sed in ipsa fit, estque hæc cognitio suipsius in se reflexa.

Ad tertiam rationem, si Deus singularia cognosceret, mutaretur, at non potest mutari, ergo nec singularia cognoscere.

Respondeo, negando maioris sequelam. Ad probationem. Deus nunc scit me sedere: paulò post si obambulem, nesciet me sedere, quia non sedebo, cum igitur sciuerit me sedere, & postea nesciat, mutabitur Deus ex sciente in ignorantem.

Respondent scholastici, mutationem fieri in re, non in Deo, quoniam ex eo quod res est,

256 AMPHIT. PROVID. ÆTERNÆ,
est, vel non est, oratio dicitur vera, vel falsa.

Satis sanè friuola responsio: nam quando res mutatur, licet maneat eadem opinio & non variata quoad absoluta, variatur tamen quoad respectum, quia ubi vera prius erat opinio, postea falsa reddetur, quare si variata re præcise cognitio Dei remanet quoad absoluta & intrinseca, variabitur tamen de veritate in falsitatē, vel è falso in verum, & in Deo vellerit aliquando falsitas, vel mutatio in opinione: veluti si ego, te sedente credam te sedere, ubi postea tamen tu non sedeas, aut de sessione tua eandem habeo opinionem, quam prius habebam, quando tu sedebas, & sic licet variatio respectu mei facta non sit sed tui, opinio tamen mea incipit esse falsa: aut non habeo eadem opinionem, & sic de vna in alteram opinionem sum mutatus, vnde si Deus singularia, quæ mutabilia sunt, cognoscit vel falsitati, vel mutationi erit obnoxius.

Respondeo ego, neutrum horum sequi: nam si ubi tu sedes, credam ego te sedere, & ubi postea surgas, te surgentem aspexerim, nunquam in falsa sum opinione: ita cùm Deus videat tempus, in quo res est, & in quo res non est, haud potest diuinæ visioni falsitas accidere, quoniam res non variatur,
quin

quin eius variationes Deus inspiciat: Verum cum infertur, Quemadmodum ego dum video te sedere, & postea non sedere non decipior, attamen recedo à fide, quam de tua Sessione ante habebam, quare in me desinit assensus, & incipit esse dissensus: Con- similiter licet in Deo nunquam sit falsitas. (veluti & in hypothesi nec in me est) tamen erit in Deo alia credulitas, & prior desinet.

Respondeo negando paritatem: Ego enim subiicior tempori, simulque non sum in præ- senti, & futuro, vel præterito, vnde aliter me habeo in præsentī, & aliter in futuro, quare in me variatur assensio & credulitas, quo- niam & tempus in quo sum variatur: Deo autem omnia tempora præsentia sunt in sua æternitate, quare cognoscit præteritum vè- luti præsens, vt dicit D. Aug. lib. de Ciuitat. Dei cap. 12. & innuere quoque mihi videt- ur Aristot. in lib. de bona fortuna circa fi- nem; Exinde in Deo non variatur opiniò, quia nec tempus, æternitas namque est tota simul vt dicebat Boetius.

Ad quartam, inter Deum & actiones hu- manas nulla intercedit comparatio aut assi- militatio, ergo neque vera cognitio.

Respondeo negando antecedens, si enim actio non continet turpitudinem & defor-

258 AMPHIT. PROVID. ÆTERNÆ,
mationem, assimilatur Deo, quia ipse est
causa efficiens principalis, finalis, & exem-
plaris: nec propterea excluditur quominus
actus etiam sit voluntatis ut instrumenti:
si verò actio aliqua scèditate conspurcata
est, non assimilatur Deo, quod illius causa
non est nisi permissiva & per accidens, huic
autem causæ effectus non debet assi-
milari.

Dices, si quoad deformitatem actio Deo
non assimilatur, ergo quoad deformitatem
à Deo non cognoscitur. Consequentia pro-
batur, quia inter cognoscens & cognitum
debet esse assimilatio.

Respondeo negando consequentiam. Ad
probationem, inter cognoscens & cognitum
debet esse assimilatio, in cognitione positiui,
concedo, priuatiui, nego, priuatiua namque
(qualis est actionis deformitas utpotè in pri-
uatione rectitudinis debitæ & speciei consi-
stens) non cognoscuntur per similitudinem
inter ipsam priuationem, & cognoscentem,
quia inter hæc similitudinem reperiri im-
possibile est, sed per habitus oppositos, quia
rectus est iudex sui & obliqui.

Ad quintū, infinitum à Deo cognosci non
potest, singularia sunt infinita, ergo à Deo
cognosci non possunt,

Respon

Respondeo negando maiorem, si enim intellectus meus finitus potest finita cognoscere, cur diuinus infinitus infinita nō cognoscat? successiue, cōcedunt Scholastici, intuitiue, negant: hoc autem modo à Deo cognosci infinitum dicunt. per absurda sanè distinctiunctula & implicatoria includēs, quā namque fieri potest, vt infinitum successione sit infinitum? cū ipsa successio aliud non sit nisi finis.

Negamus etiam minorem, singularia namque non sunt infinita Theologis nostris, verum enim est finem aliquando habitura quemadmodum initium quandoque habuerunt.

Quin imò ex Aristotele in 3. Phys. deducitur, in rebus naturalibus nō esse infinitum in actu, sed tantum in potentia, hoc autem & noster intellectus, qui finitus est, cognoscit, potest enim in infinitum numerorum species multiplicare, vt inquit B. Thomas.

EXERCITATIO XXXVII

*Deducit Auerrois opinionem & rationes,
quod Monstra non cadant sub Dei
prouidentiam.*

Auerrois Alexandro in l. de fato adstipulans, negauit sub diuinam prouidentiam cadere monstruosa, in lib. nāque 12. Metaphys. ita loquitur: *veritas est, quod est sollicitudo, & quod aliqua sunt sine sollicitudine, proueniunt ex necessitate materiae, non ex diminutione agentis.* Ipsius argumenta hæc sunt.

Primum, Monstra sunt quid imperfectum, exclusa igitur à Dei prouidentia, quæ perfectissimè cuncta operatur.

Secundum, Monstra proueniunt ex necessitate materiae, ergo diuinæ prouidentiae non subiiciuntur: Consecutio probatur, nam quæ ex necessitate eueniunt, prouidentiam non requirunt ex Aristotele 6. eth. cap. 5.

Tertium, Prouidentiae est disponere ad finem ex Aristot. ubi supra, cap. 12. sed monstra ad nullum finem sunt ordinata, igitur nec à Deo præuisa.

Hæc antequam dissolueremus, de monstrorum causis & origine prius differere operæ pretium duxi. Sit igitur

EXERCITATIO XXXVIII.

*Quæ Peripateticorum de monstris adducat
& confutet opiniones.*

Aristoteles duo de monstris responsa dedit; vnum, monstra esse peccata naturæ, quæ materia dicitur, alterum monstra esse naturæ excursus seu præuaricationes.

Primū his verbis exprimit in 2. Phys. tex: 81. *Natura duplex est, alia quidem ut materia, alia verò ut forma, finis autem est hæc, propter finem autē cætera, hæc utique erit gratia, cuius gratia, & monstra peccata sunt illius, quæ propter aliquid agit, Idem vult in libr. 4. de generatione animal. cap. 4. Apertum est (inquit) causam euentorum huiusmodi (scilicet monstruorum) in materia esse putare oportere. probat hac demonstratione. Si vitella distinguuntur membrana, gemini pulli discreti sine vlla superuacua parte generantur: sed si vitella continuantur, nec vlla interiecta membrana determinantur, pulli ex eis monstriferi prodeunt, corpore, & capite vno, cruribus quaternis, alis totidem, quoniam superiora ex albumine generentur, & prius (vitello enim cibo eis est) pars autem inferior postea instruitur.*

Aristotelis certè de monstris sententia mihi monstruosa & portentosa videtur, nam ut

162 AMPHIT. PROVID. AETERNÆ,
in allegato c.4. ipse asserit, *deesse aut superesse
quicquam monstruosum est*, at deest aliquid in
ipsius opinione, monstruosa igitur. Minor
probat, quia indefinite decreuit, monstra
prouenire ex defectu materiæ, cum tamen
ibidem tradiderit duplicem monstrorum
speciem, vnam, si ex membris animalis di-
uersi aliquid constet, vt vitulus si capite pue-
ri, & ouis fuerit capite bouis: Alteram, si for-
ma prodeat multimembris, multis pedibus,
multis capitibus: hanc ex defectu materiæ
produci concesserim facile: illam verò nega-
rim, quoniam enim fieri potest vt ex bubulo semi-
ne vitulus humano capite congeneretur? sa-
nè simile generat sibi simile ex Aristotele.

Ipsius autem demonstratio monstruosa
pariter est, Claudicat enim in multis. edo-
cet, vbi ouorum vitella membranis distin-
guuntur, duos inde pullos, vbi verò vitella
duo non dissepiuntur, sed vnum sunt conti-
nuum, nasci monstra; si albumen vnum, vi-
tella gemina, pulli gemelli, ex vitello videtur
oriri pullus, non ex albumine iuxta ipsius
assertionem: tum si duo vitella confusa sunt,
quomodo potuit informatrix virtus ab alis
crura separare? si ex albumine pullus sit, quo-
modo ex vno albumine fiunt pulli gemini?
si ex vitello non fit pullus, sed ex albumine

ita

ita separabuntur pulli gemini, sicuti foetus quaterni, quos multi viderunt, non ex loculis matricis, non enim tot sunt, sed ab œconomia potestatis illius. quæ profectò diuina res est in semine.

Adhæc, si fit pullus ex albumine, nobilius albumen erit quam vitellum, si vitellum cibus tantum est, quare igitur vitellum in loco nobiliore, albumen pro stipatore, aut muni-mento habetur? deceptus est Aristot. Hippocr. Card. cæterique Philosophi, nam neque ex albumine, neque ex vitello congeneratur pullus, sed ex galli semine: quomodo autem hoc in oui substantiâ ingrediatur, in Physicis disseruimus.

Asserit secundo loco Aristoteles, monstrare esse præter naturæ intentionem, inquit, *monstruosum est res præter naturam*, mitigat tam atrocem sententiam illa castigatione, *sed præter eam quæ magna ex parte fit, non præter eam quæ semper & necessaria est*.

Peripateticorum tamen audacia eò progressa est, ut dicant foeminam esse naturæ monstrum, à natura principaliter foemellam non intentam, hinc vocant eam animal occasionatum: sanè applaudere videtur Aristoteles, qui in 4. de Generat. postquã dixit, *monstra esse natura excursus, seu prauaricationes,*

264 AMPHIT. PROVID. ÆTERNÆ,
fœminam diciteſſe acceſſorium quiddam.
Et Viues vt rigidus peripateticus habeatur,
ita ſcribit: *Fœmina eſt mas imperſectus*, quippe
frigidior, vt ex inopia videatur nata fœmina: de-
ſumpſit ex Ariſt. qui lib. 2. de Generat. anim.
c. 3. inquit, fœmina quaſi mas laſus eſt. & lib. 4.
c. 6. ait. Sunt fœmina ſua natura debiliores, frigi-
dioresque, & ſexum fœminæ quaſi laſionem na-
turalem, & detrimentum eſſe putandum eſt.

At ipſa ſanè verborum barbaries ſufficiēs
eſſet ad noſtrorum Philoſophorū errorem
redarguendum. Animal occaſionatum, bar-
bara quidem locutio eſt, latinè mutilum
atque interceptæ perfectionis ſiue affectæ,
(vt ait Cicero) vt communiter dicitur, in-
choatæ.

Sed rationibus, non verbis rem expendamus: ſi non niſi ex masculo & fœmella ducunt ortus ſuos animantes perfectiores, vtrumque æquè neceſſarium fuit in natura ſua, alterum quidē propter alterum, vtrumque propter ſpecierum perpetuationē: hanc autem natura intendit ex principali, vt dicitur, intentione, pariter ergo ſexum fœmineum, ſine quo illa haberi non poteſt. Ad hæc, eſt perfectio quædam ſpeciei fœmineitatis, quia ſexus non niſi in ſpeciebus perfectis diſtinctus eſt. Prætereà ex Ariſt. 2. Phyf.
fœmi

fœmina dat & locum & materiam, non ergo est ens accessorium operis primarij, sed necessarium. Viues autem etsi Arist. authoritate munitus, nimis crassè & stultè loquitur, non enim negauerit aliquam fœminam aliquo viro calidiorem, non igitur ortus illius causa vera est: sed & mirum si frigus mammarum, ac matricis author est. Sunt certè defectiões à frigore, additamenta à calore, Mammæ igitur & Matrix, quæ in fœmina sunt, in mare non sunt, & materię copiam, & ad eam informandam caloris, qui informatricis instrumentum est, vim additam, non inopiam ostendunt. profectò matrix nobilissima, ac propemodum diuina Fauissa est, in qua Naturæ thesauri conditi, vbi fuerit opus depromantur, & quæ iure optimo merita sit, vt alterum animal appelletur.

EXERCITATIO XXXIX.

Cardani sententiam recitat, & refellit.

Hieronymus Cardanus vir nunquam satis laudatus de mōstris duas tuetur conclusiones: Prima hæc est, Monstra proueniunt ab errore & defectu naturæ. Secunda, hunc naturæ defectum contingere non ex inepta mole, vt sensit Aristot. sed quia infe-

266 AMPIHT. PROVID. ÆTERNÆ,
rior natura destituta est animâ cœli propter
nostra scelera.

Primam conclusionem defendit in l. 12.
de subtil. cap. de hominis natura, fol. 583. his
verbis: *Mutilos hoc solemus vocare, cæci surdi,
strabones, claudi, sedigiti, taliaque monstra natu-
ra, qui moribus pravis præditi sunt. Facillimè ne-
gotium absoluunt Astronomi, infortunatas domi-
nari dicentes, à quibus flagitiorum colluuius ortum
habet. Nos dicemus aberrasse Naturam in facilio-
ribus, ob id verius in difficilioribus defecisse: Ita-
que ut omnes mutili improbi sunt, ita non omnes,
qui corpore sunt nō vitiati, integris sunt moribus,
nam plus exigitur ad formandum absque culpa
animum, quàm corpus: Itaq; pessimi sunt omnium
gibbi cū error sit circa cor principiū totius corporis:
post cæci, strabique quod circa cerebrum natura de-
liquerit: Inde muti, surdique, nam in minus nobi-
li cerebri parte natura defecit: Inde claudi; hos se-
quuntur qui in magno membro sunt vitiati, post
quos sedigiti, & qui digitos habent iunctos, nam
in minus necessarijs aberravit.*

Mutilos vocas cæcos & claudos: mu-
tilum dixere veteres quod esset defrauda-
datum natura sua, deducta voce ab homini-
bus mutis: quippe homini sermo nobilissi-
ma res & maximè necessaria; tibi verò de
subtilitate scribenti subtilius scribendum
fuit

fuit. quare nos subtilissimè dicimus, nihil esse in natura inutile. Si enim ostrea mutila videantur, quod limax reparat. At limax si Talpæ, si Cani talpæ, si Canis homini, homo quoque erit mutilus Dæmoni collatus & comparatus: quid ipsi Dæmones si ad superiores mentes referantur? Omnia verò hæc, non dico ista, sed omnia inquam, & singula, conferta ita & conglutinata ut ex iis vnum fiat, si cum Deo cōferuntur, non solùm mutila, sed etiam nihil, imò, siue liceat siue nō liceat dicere, minus quàm nihil: quare eorum omnium quæ à natura procreantur, aut nihil erit mutilum aut omnia.

Mutili, deinde inquis, omnes improbi: nonne tibi venit in mentem, quanto cum periculo vniuersalis propositio enuntietur? Minima enim quaque obiectione destrui vides in Topicis. Qui vir fuerit mutilus, idemque pius appellat à tuo tribunali ad naturam. Ea iam aliud iudicium dedit secundum tabulas Sapientiae, in quibus scriptum est: Corpus animæ famulari, non verò hanc illi exancillari, propter animam; & per animam corpus est, nō igitur à corpore patitur. Anima corporis domina est, non igitur ab illo in seruitutem adducitur, in nostro Physico-magico ostēdimus à materia non pendere

dere forinas naturales, eò minus nobiliores: Inter quas cùm sit anima nobilissima, recipit quidem specierum primas impressiones, quas rationis vi, quæ materiæ minimè obnoxia est, corrigit, si in deprauatis membris passæ fuerint distortionem. Dignus certè qui in morboniam relegetur qui gibberam animam in strumoso Nonio putat esse. Quod si Nonius nequam est, pessimus fuit Henricus Syluius, de cuius anima ita scripsisset Carpocrates, *Non in alium carcerem*, rectus tamen erat. Ad hæc cùm integros gignant manci, neutiquam erit defecta natura. Mutili ab omnibus existimantur vitiosi: at cum perpauci tales sint, improbi verò penè per totum humanum genus sunt permulti, non est mirum aliquot horum improborum mancos, aut distortos esse: animaduertuntur autem tales, atque notantur, quia suarum miseriarum notis sunt nobiliores. Perpauci sanè sunt, prò dolor, in vniuerso probi integrique viri, cùm tamen perpauci claudi, gibberi & strabones reperiantur.

Eundem errorem ipse Cardanus in Astromonicis defendit. Nā in Ptol. de Astro. iud. l. 9. tex. 74. ita loquitur, & quia Luna in nodis & in ventre Draconis plerumque significat gibbosos vel claudos, & corpore lesos, & ibidem posi-

ta, promptos & acuto ingenio, ideo tales gibbosi & claudi & strabones sunt prompti & fallaces, & maximè quia hoc plerumque contingit ex commixtione Luna cum maleficis, ideo bene dictum est in Proverbio, Cave tibi à signatis.

Excusandus tamen Cardanus est, nam à seipso desumpsit argumentum, in expositione suæ gemituræ hæc habet verba. *Quod etiā natus sim parentibus senibus fui minus pulcher, & validus. Mater enim cū me genuit 37. pater 56. annum agebat, & ob hoc etiam, & quia nodus erat in ascendente, fui maximè in ambulando aliquatiter incurvus collo etiam à pueritia ut senes Nonum vitium est lingua blefa ob Saturnum retrogradum, Mercurium aspicientem licet Trigono. Patior etiam in sinistro oculo lachrymam, sonitu etiā auris sinistra vexor.* Prout igitur in corporis quidem partibus mutilum mæcumque confiteretur, sic ipsa sua se confessione facinorum omnium & scelerum principem absolutissimum, ut supra quoque ostendimus, proclamat: atque hoc quidem facilè concedimus, sed intolerandum illud est, imò explodendū quod naturam erroris arguere ore impudentissimo non extimescit. Cū ipse summus Philosophorum Aristot. dicat, *Deus & Natura nihil faciunt frustra.* Atque adeò intolerabilior Cardani error est, quod naturam in
facilio

270 AMPHIT. PROVID. ÆTERNAE,
facilioribus errasse dicat. Cùm qui in facilioribus errorem aliquẽ admittat, tam stultum tam ab omni mente alienum reperiās neminem. Multò verò minus congruum & veritati consentiens, quod in difficilioribus eam defecisse asseuerat, quid enim factu difficile sit Naturæ, quæ Cælorum illos pulcherrimos orbes architectata est ex Aristot. in 2. de cælo tex. 50.

Alterâ conclusionem in lib. 4. de rer. variet. cap. 68. circ. fin. his explicat verbis: *Philosophi fatentur monstrum ex materia impedimento, atque naturæ errore contingere: nos dicemus non ex materia inepta mole id contingere, sed ex motu inordinato hæc fieri, qui à causis contrariis perueritur, neque enim solum impedimētum facit monstrum, sed naturalem tantum processum impedit, ut in fatibus abortus: in motibus alius abigat à consueto loco. Videtur ergo causa Deus aliquis, id est Anima Cæli, Damone longè nobilior, atque potentior, ministerque Altissimi: & ut impedimenta ex minimis in minimis velut vitulo, ita in mediocribus ex mediocribus velut in Ciuitate: quæ impedimenta sunt Deorum atque maximè nō sibi aduersantium (hoc enim nephas) sed diuerso ordine operantium, ut hæc inferiora Numinis vim illam per multos gradus ab Altissimo immissam haud plenè, & liberaliter excipiant, atque per il-*
lam

lam more solito seruentur. quamobrem & hæc post ingentia peccata sequi solent; nam ab eadem Numinis diminutione afflatus, & fugitia exuberant, & destituta inferior Natura periclitatur. & in cod. libro asserit. Partus monstrosi significant mala, ut cruda urina in morbis; nam Naturam aliò intentam esse, & à recta via aberrare demonstrant, quoniam in tam nobili opere, nisi destituitur, aberrare non potest.

Errat sanè Cardanus, dum ex materiæ impedimento negat oriri posse monstruosum animal, nam secundum ipsum in lib. de subtil. cap. de hom. nat. cæcitas monstruosa res est, producitur autem à materiæ impedimento ut ipsemet fatetur his verbis & ex auiibus multa cæca nascuntur, velut cornices, passerres, pica, columbae, &c. causa est paucitas vitelli in ouis, aut aquea tenuisque illius substantia, quæ fit ut diutius in ovo ali non possint, cogunturque imperfecta exitū querere. Adhæc, ipse Cardanus pro vero adiicit dictum Aristot. ubi duo vitella non dissepuntur, sed vnum sunt continuum, nascuntur monstra: sibimetipsi igitur aduersatur; cum postea negat ex materiæ vitio produci non posse monstrum, quod alibi concessit. Hallucinatur etiam, dum ex defectione afflatus Animæ cælestis in inferiorem naturam monstra prouenire existimat,

nam æque monstrosum dicitur animal cui deest, vel cui superest aliquid ex Arist. 4. de generat. c. 4. & ex ipso Cardano li. 12. de subtil. vbi sedigitos appellat monstruosos: cui superest membrum aliquid, virū incrementum, non inopiā in inferiori natura ostendit.

Perridicula est autem Cardani ratio (cui ne delirantes quidem aniculæ adstipulentur) propter ingentia peccata exoriri monstra, quandoquidem vbicumque & passim grauißima perpetrantur facinora, perrara tamen apparent monstra. quid? non ne videmus plerosque stupris coopertos, facinoribus obñtos, adulteriis effæminatos? neque tamen vlla videmus aut rarissima saltem monstra? Imò plerumque ex incesto. & adulterino concubito susceptos filios cæteris conspiciamus formæ & speciei gloria antecellere, cuius rei rationem ipse quoque Cardanus assignauit, lib. 12. de subtil. cap. de hominis natura, & si nostrum Physico-magicum tres alias longe meo quidē tenui iudicio subtiliores adducat. sed quid immoror? quando Christus Dominus Cardani insciitiæ occurrere iam longè antè voluisse visus est, cum à discipulis interrogatus, *quis peccauit vt hic cæcus nasceretur?* respondit, *neque hic, neque parentes eius.*

EXERCITATIO XL.

Authoris sententiam de monstris continet.

Dico primo, monstruosum animal dici, cui deest aliquid ex sua natura debitu, vt cæcus, mutus, claudus, &c. vel cui superest quicquam vt sedigiti, giberi, &c. vel cui deest in vna, in altera verò corporis parte superat aliquid: vt homo habēs crura quatuor, Caput vnum sine auribus: vel cui neq; deest, neq; superest, sed vel diuersis speciebus cōpositum est, vt homo taurino capite, vel ex vna tantum specie à progenitoribus tamen diuersa, vt si mulier pareret Elephantem, quod contigisse legimus in historia Pliniana in lib. 7. c. 3.

Dico secundo, horum & similium monstrorū causas esse sex. Prima est inusitata & inordinata libido. *quoad monstruositatem* inquit Albertus de secret. mulier: cap. 6. fol. par. 102. impress. Lugduni, *Mulium operatur inordinatus coitus, si enim masculus inordinatè iacet cum femella, monstrum facit in Natura. narratur enim de quodam, qui lateraliter iacuit super femellā tempore coitus & femella generauit puerum in vno latere curuum, & in pede claudum, & causa huius ex inordinatione coitus praeceffit.*

S

Secun

Secunda causa est vehemens coeuntium imaginatio, de qua Plinius lib. 7. hist. natur. cap. 12. accuratissimè ita loquitur. *Similitudinum quidem in mente reputatio est, & in qua credantur multa fortuita pollere, visus, auditus, memoria, honestaque imagines sub ipso conceptu, cogitatio etiam utriuslibet animum subito transuolans effingere similitudinem, aut miscere existimatur, ideoque plura in homine, quàm in ceteris omnibus animantibus differentia, quoniam velocitas cogitationum, animique celeritas, & ingenij varietas multiformes notas imprimit, cum ceteris animantibus immobiles sunt animi, & similes omnibus, singulisque in suo cuique generi.*

Cuius varietatis quàm plurima subiicit exempla: diuinus Aristot. sect. 10. probl. 12. sciscitanti cur beluinus foetus genitorum gerat effigiem magis quam humanus? respondet his verbis: *An quod homo vago varioque plurimum animo in coitu est? prout autem pater materue in conceptu affecti fuerint, ita partus euariant: Cetera verò animantia omnia, aut certè plurima, rei tantum ipsi intenta sunt.* Et ego cùm mensibus elapsis Genuę illustri loco & vrbe celebri Philosophiam prælegerem, ab Illustri admodum & ingenioso Adolescente Iacobo Auria discipulo, ac Domino meo vnicè colendo, interrogatus an

an viridis coloris equi naturaliter congenerari possint? affirmatiuè respondi. at quomodo inquit? facillimè, si eiusdem coloris circumuestiti stragulis coeuntibus repræsententur. neque mirum, quando Hippocr. authore Cælio Redigino lib. 11. lectionum antiquarum c. 15. ita scribit: *Cum Æthiops quæ pulcherrimum enixa erat filium in suspicionem venisset admissi adulterij, iussit spectari quid artis pictoria in suo cubiculo esset, repertisque egregiis signis ab omni sese suspitione expediuit.* Si potest mulier visæ imaginis colores in fœtu vsque adeò accuratè exprimere, cur non & equi ipsi, quorum imaginatio cum sit ad vnum determinata, vehemētior & efficacior ab Aristot. scitissimè iudicatur: Neque id arcanū (Dux Serenissime) Physico, sed Diuino magicum nuncupabo, cur ita quæris? Audi sacram paginam ita testificantem. Gen. 30. *Tollens ergo Iacob virgas populeas virides, & amygdalinas, & ex platanis ex parte decorticauit eas, detractisque corticibus, in his, quæ spoliata fuerant, candor apparuit. illa verò quæ integra fuerant, virides permanserunt, atque in hunc modum color affectus est varius: posuitque eas in canalibus, ubi effundebatur aqua, ut cum venissent greges ad bibendum, ante oculos haberent virgas, & in aspectu earum conciperent: factūque est ut in ipso calore*

276 AMPHIT. PROVID. ÆTERNÆ,
lore coitus oves intuerentur virgas, & parerent
maculosa & varia, & diuerso colore respersa. Di-
uisitque gregem Iacob, & posuit virgas in cana-
libus ante oculos arietum: erant autem alba, & ni-
gra quæque Laban, cætera verò Iacob, separatis in-
ter se gregibus: igitur quando primo tempore a-
scendebant oves, ponebat Iacob virgas in canalibus
aquarum ante oculos arietum, & ouium, vt ex ea
contemplatione conciperent:

Tertia causa, est parentum similitudo. gi-
gnuntur quoque inquit Aristot. lib. 7. de hi-
sto. animal. c. 6. læsi ex læsis, v. g. Claudis ex
claudis, cæci ex cæcis, de hoc lector vt inue-
stiget oro Empedoclis & aliorum Philoso-
phorum sententias apud Plutarchum libr. 5.
de placitis Philosophorū. c. 11. nec non Stoi-
corum apud Lucretium libr. 4. rerum natur.
& Medicorum apud Hippocr. in lib. de. Ge-
nit. Galenum. in lib. de foetu, & Auicennam
21. Tertij.

Quarta causa, materiæ vitium est, idque
tribus modis, primò si semen non fuerit suf-
ficiens. Secundò si nimium, intelligas vtrum-
que in quanto & quali, ex Aristot. libr. 4. de
Generat. c. 4. & Peripat. omnibus in 2. Phys.
text. 82. Tertiò si duo subeunt semina diuer-
sis temporibus ex sententia Democriti apud
Aristot. vbi supra, nec sine rationis fucō, vt
sic

sic enim semina in vtero confunduntur, quò fit vt membra calescant, & dissideant.

Quinta est sceminei vasculi malitia, vt puta si partem seminis respuat, vel si retineat, informe tamen pro foetu excipiendo receptaculum habeat: de primò defectu Alb. in lib. de secr. mulier. c. 6. v. 3. ita loquitur: *Est igitur notandum, quod monstruositas non solum ex parte diminutionis materia accipitur, vel contingit, sicut iam dictum est, sed etiam aliquando ex malitia matricis, quæ si fuerit lubrica & visiosa, vel malitiosa totum semen non retinebit, sed dispergit aliquando antequam totum semen in massam colligatur, tunc vi occupatur, matrix clauditur, & sic modicum seminis recipitur, à quo debet formari fœtus, & illud habet speciales modos sub se, qui plures sunt.*

De secundo habemus exemplum apud Aristot. de ouis habētibus duo vitella, è quibus si desit membranula, quæ ea disterneret, pullus nascitur monstruosus corpore sc. & capite vno, cruribus quaternis, alis totidem, consimiliter disrupta & conscissa tunica, qua partus protegitur, monstrum fieri necesse est: quare satis probabiliter semper existimaui gibberos & claudos ex vteri vitio sic nasci, nam vt Hippo. in lib. de genit. exemplo vtar, Cucumerem vasis in quo cō-

278 AMPHIT. PROVID. ÆTERNÆ,
tinetur figuram siue recta illa sit siue distorta
recipere perspicimus.

Ultima & potissima mōstrorum causa, sy-
derum est influxus, de quibus Ptol. in lib. 3.
de Astor. Iud. cap. 8. tex. 20. hæc scribit, *neque*
à prædictis alienus est qui de monstris sermo in-
stituitur. Primum enim in hunc lumina quidem
ab angulis decidentia, & horoscopo nulla familia-
ritate coniuncta. Anguli verò ipsi à maleficis occu-
pati reperiuntur. Cum igitur talis quædam occurrit
constitutio, quandoquidem illa sæpenumero etiam
in abiectis & infelicibus licet neutiquam mon-
struosis genituris incedit, è vestigio inspicere oport-
tet, præter lapsam proximè coniunctionem, aut op-
positionem luminarium, eiusque & genitura gu-
bernatores, si enim genitura eorum Lunaque, &
horoscopi loca, vel uniuerſa, vel complura nulla ne-
cessitudine coherent, cum prædicta coniunctionis,
aut oppositionis loco, id quod nascitur, contortum,
& inuolutum esse significatur. Si igitur his sic ha-
bentibus, luminaria in quadrupedibus, aut ferali-
bns signis inueniuntur, duoque angulis insidentes
Planeta malefici non humanum esse portenditur
quod procreatum est. Si beneficorū nullus seu ma-
leficorum quispiam luminaribus testificetur, pror-
sus ab humana forma alienum, & quod ferarum
agrestem, maleficamque naturam referat. si Iupi-
ter, aut Venus animantium Diis consecratarum, ut
canum,

canum, felium, simiarum, & id genus reliquorum: si Mercurius vsui humano deuotorum, ut auium, porcorum, caprarum, bouum, & his similium. Si in humanis signis luminaria deprehensa sunt, reliquis sic habentibus, humana sunt quoque quae generantur monstra, formaque peculiarem in modum perplexa, cuius ratio & modus ex signorum formis colligitur: in quibus quae luminaria & centra occupauerant malefica stella deprehenduntur. Si igitur & sic nullus beneficorum testificetur alicui praedictorum locorum, muti factus producantur & reuera monstruosi. Si Iupiter, aut Venus in honore aut pretio habebitur quicquid fuerit portenti, cuiusmodi circa Hermaphroditos & quos Harpocratiacos dicimus, aliosque eius generis contingere solet: si & Mercurius praeter hac, oraculorum & somniorum interpretes creat, & qui hinc victum quaerit, solus verò mutos, surdos, ingeniosos tamē & vafros, c. 16. tex. 57. Impedita lingua sunt, & blasa, & balbutiente quotquot Saturnū, & Mercurium habuerūt in praedictis angulis congregiētes, maximē quando occidentalis etiam est Mercurius, & ambo cū Luna configurantur, tex. 58. Rursus si vel lumina ad maleficos in centrīs haerentes ascenderint, aut ex opposito ab ipsis impedita fuerint, maximeque Luna in nodis siue flexuris constituta aut in signis obnoxiiis, nimirum Ariete, Tauro, Cancro, Scorpio & Capricorno vitia corporis

S 4 - eueniunt,

280 AMPHIT. PROVID. ÆTERNÆ,
eueniūt, Gibbi sc. aut claudicationes. Iulius Firmi-
cius lib. 7. c. 6. Luna (inquit) si in contortis vel fe-
rims signis fuerit inuenta, hoc est in Tauro, Cancro,
Scorpione, Capricorno, vel piscibus, nec Dominus
eius signi, cum Luna sit partili societate cōiunctus,
& alia etiam maleuola, stellam ipsam, aut diame-
tra, aut quadrata radiatione respiciat, aut cum ea
pariter sit constituta: secunda verò maleuola stella
in anaphora sit horoscopi, & dominum fortunæ
respiciat, quadrupes de quadrupede nascetur: præ-
sertim si Dominus horoscopi, & Dominus fortunæ
in ijs signis, in quibus diximus, fuerit inuentus. Si
verò Dominus fortunæ aut Dominus horoscopi in
humano signo fuerit constitutus, & in sexto aut
horoscopo loco, ceteris omnibus, sicut diximus,
constitutis, nascetur ex homine portentum. Si ma-
leuola stella in cardinibus partiliter fuerint collo-
cata in cardinum anaphoris. Sol verò & Luna in
cardinibus positi, diametra se radiatione percutiāt:
beneuola aut stella neque in cardinibus sint posita,
neque in anaphoris cardinum, sed sub radiis
sint Solis abscoſa, aut quadrupes nascetur, aut mon-
strum. In c. 8. Sol in horoscopo si fuerit inuentus, &
Luna in medio cæli, maleuola verò amba ita sint
diuisa, ut una Solem, altera Lunam anaphora te-
neat & ab iis alia sint beneuola Stella, cæcos effi-
ciunt, aut luminibus vitiatos. Sed si Luna cum So-
le synodica radiatione coniuncta fuerit, & sint in
ana

*anaphoris, aut epicataphoris. cardinum constituti:
& Saturnus & Mars in cardinibus sint partiliter
tollocati, oculis vitium cecitatis infertur, semper
autem generaliter, si in maleuolorum anaphora
Sol sint & Luna constituti vitium oculis faciunt
inferi. Sed his omissis.*

Dico vltimo, monstra à quacunque cau-
sa proueniant sub diuinam prouidentiam
cadere, quod ita ostendo, monstra depen-
dent à Dei efficientia, à primo namque ente
dependet omne ens, igitur à Dei prouiden-
tia: Consecutio probatur ad hominem: Nam
ex Auerr. lib. 12. Metaph. c. 51. Deus cuncta
operatur intelligendo, & volendo, intelle-
ctio verò & voluntas ad prouidentiam per-
tinent.

EXERCITATIO XLI.

Respondet Auerroistarum argumentis.

Primo, monstra sunt quiddam imper-
fectum, à Deo igitur non dependent.
Respondeo negando antecedens. In suo
namque genere monstruosum animal, est
summè perfectum, nō enim esset hoc quod
est, nisi in summo suo (vt ita loquar) esset ef-
fe: quod si aliis comparatum, diceretur imper-
fectum, inscitissimè sanè, vt aduersus Carda-

282 AMPHIT. PROVID. AETERNÆ;
num probauimus. Quinimò perfectiones
quàmplurimas:& ipsas quidem admirabiles
in monstrosos fuisse legi: Haly refert audi-
uisse de aliquo, quod membris deficiebatur
quàmplurimis, & non nisi duo habebat fo-
ramina, vnum per quod fugebat cibū, aliud
per quod excrementa emittebat, vaticina-
batur autem multa nutu illa saltem signifi-
cans. Nec mirum: monstrum fuit, Solis igi-
tur & Lunæ vis extincta fuit: at superuixit,
Maleficæ igitur non dominabantur in an-
gulis, adiutus ergo fuit à Ioue, Venere, &
Mercurio, & ob hæc vaticinabatur quoniam
extincta luce luminarium, vis Iouis, Mercu-
rij, & Veneris magis relucet: istorum autem
planetarum influxus ad diuinationem con-
ferre sæpenumero inculcat Ptolomæus,
Harpocratiacos monstrosos appellat Ptol.
lib. 3. de Astr. iud. c. 8. tit. 20. in fine, Istorum
tamen Ægyptiacus quidam fuit, qui (vt re-
fert Haly) publicè dixit Regem Concin
mortuum, & repertum est eadem illa hora
& momento Regem è viuis decessisse.

Secundo argumentò, Mōstra proueniunt
ex necessitate materiæ, non igitur ex Dei
prouisione: Consecutio negatur. Nam se-
cundùm ipsos Peripateticos cuncta Deus
agit ex necessitate, non tamen absque pro-
prouidentia. Ad probationem quæ ex ne-

cessitate succedunt, prouidentia rationem non exigunt, à causa secunda & particulari concedo. A causa prima, principe, & vniuersali nego, hac enim inconsulta nihil efficitur, alioquin non esset id quod est, vniuersalis.

Tertio, Monstra ad nullū finem sunt ordinata, igitur nec à Deo prouisa. Respondeo, negando antecedens, nam cum à Deo & natura facta sint, igitur ob aliquem finem; quippe Deus & natura nihil faciūt frustra ex Arist. 1. de cœlo tex. 32. & 2. de cœlo tex. 50. & ratio ipsa suadet, quia natura est sapiētissima. Queris cur sapiens nihil agat frustra? quicquid frustra est finem non habet, Sapiens mouetur vero fine, quod frustra est, hoc ipso non est, quod non est, nō potest mouere: Insipiens verò mouetur falsa finis specie, non vero fine. Finis autē monstrorū est triplex, primus vt admirabilior Deus videatur opifex, qui tā diuersa nescio qua cōmunionē consensuque conglutinauit, quare cœcum à natiuitate natum esse dixit Christus Dominus, vt manifestentur opera Dei in illo. Secundus, vniuersi pulchritudo, quæ in diuersitate, ac variatione consistit, vnde noster Poëta cecinit. *Per tal variat Natura è bella.*

nia quæcumque comprehenduntur, siue tanquam partes, siue tanquam species, siue tanquam effectus. Exempla, cor est, ergo animal est: Homo est, ergo animal est; Calor fit, ergo calefaciens est. Fatum est vis ordinatarum inter se causarum & effectuum. Hoc duplex, vnum commune in tota naturæ serie, quemadmodum fatale, esse hyemem, cum Sol in Capricorno est. Quare Aristot. in meteoris fatalia tempora nuncupauit statos voluendorum mensium circuitus. Alterum versatur circa exiliora, veluti dicam, fatale mihi fuit ut ab Henrico Syluo iniustissime læsus Britanniam inuiserem: non omnis ergo necessitas Fatum est, Non enim fatale dicimus ignem calefacere, sed naturale necessarium: aliud igitur est Necessitas, aliud Fatum, Peripatetici ex 1. Meteor. & 5. Phys. quasi ea sit Aristot. sententia, fatum in rebus tantum agnoscunt naturalibus, quæ necessariam habent consecutionem.

Natura est potestas Dei ad motus omnes ordinarios, est igitur eadem quæ & prouidentia, sed effectus istius minus sunt ampli, eiusdem quippe potestatis est, Cælum condidisse, creasse intelligentias, & culicem ex culice, quem creauerat, generasse: Aristot. vult idem esse Deum & naturam ut patet


286 AMPHIT. PROVID. ÆTERNÆ,
tet ex 1. de cœlo tex. 32. Deus, inquit, & natura nihil facit frustra, Naturam apposuit non quasi adiutricem, sed ut explicaret in potentia infinita, quæ in Dei nomine cognoscitur, potentiam quam voluit ille ordinariam quam Naturam appellamus. Quin etiam potestatem primam illam Conditoris sub eadem appellatione designavit in 2. de cœlo tex. 20. nam de syderibus, ac cœlo scribens, ait naturam nihil temerè facere, quare apud Aristot. Natura vis est Dei: atque ideo definiuit Principium motus & quietis: si est principium motus, ergo ipsa non habet principium: hoc autem cum soli Deo conveniat, naturam idem cum Dei potestate esse apud Aristot. constat: ipse autem duplicem statuit naturam. vnam, supremam in omnia entia potestatem, sic nihil est præter naturam, ne monstra quidem, quando in natura sunt; Altera natura est eadem, sed non impedita cuiuspiam externæ occursum rei: præter hanc naturam multa fiunt. Fortuna nihil est, non enim quid sit vel ipse Aristot. definiuit, nec ipsi inquirunt Peripatetici: quippè non dicunt quid sit fortuna, sed quid sit à fortuna, Nam thesauri inuentio, quem nactus est fossor dum vineam pastinaret, non fortuna, sed à fortuna esse dicitur

rur. Causa (inquiunt) per accidens fossio est
 inuentionis. At fossio non est fortuna, ergo
 fortuna non est causa: quare omnino quid
 sit fortuna non dicunt, nō enim est vis con-
 nectens causam. cum effectu. Casus nihil est,
 non enim habet sui causam, nec ipse alterius
 causa est vt nomen indicat, ἀτυμασίον quippe
 quod per se est, nō habet causam, hoc signi-
 ficat ἀτύχῃ: quod temere accidit non est alius
 causa, hoc est μασίον. Fors à fortuna differe-
 bat, quia fortuna est (vt aiebant) causa per
 accidens effectuum, aut euentuum ex pro-
 positis consiliis, aut alioqui simplicibus ani-
 mi motibus: at fors veteribus aliud fuit, sa-
 nè ipsum ἀτυμασίον, vnā enim rerū omnium,
 atque etiam ipsius mundi causam faciunt,
 quia nulla rei cuiuspiam sit ordinaria causa:
 At Græci quidem, vt dicebamus, sua voce
 temerarium motum intelligunt, Latini pe-
 ius: at fors (inquiunt) quicque rulit: magno
 deliramento, siquidem fors nihil est, imo ne
 nomen quidem illi imponi debebat. Quare
 concludo omnia pendere à sola prouidentia
 Dei: ab ea causas secūdas cōstitutas, in natu-
 necessarias, in volūrate inclinātes, nō cogen-
 tes, vt infra probabitur: in euētibz rerū im-
 mutabiles & fatū dicitur, quare inexorabile
 dictum est à Poëtis, vbi Subtilissime nobis
 licet

288 AMPHIT. PROVID. ÆTERNÆ,
licet adnotare, nostris orationibus & sacri-
ficiis non mutari Deum ex irato in beni-
gnum, vt vulgus existimat, Si enim Deus
mutari potest, erit non semper idem, quare si
antequam mutetur Deus est, postquam
mutetur Deus non est, quippè velle, quod
est in Deo, Deus est, quare si non habet ean-
dem semper voluntatem, nec eandem Dei-
tatem. Hæc autem vna cum sit, vt potè
infinita, si abest, nō alia in ipso remanet, duo
enim nequeunt esse infinita, essent enim
duo principia prima, quare non erit Deus.

Item, imperfectum quid est mutatio, qua-
re, homines mutabiles imperfectissimi di-
cuntur. Sapientis autem esse ducimus muta-
re consilium in melius. At hæc prædicatio
Deo non conuenit, qui semper optimum
eligit; Adde quod mutatio provenit ex ali-
quo nouo euentu, aui in Deo nihil est no-
ui, sed ab æterno cuncta in ipsius fuerunt
contemplatione & quoad substantiam, &
quod ad circumstantias etiam minutissimas:
Orationes autem & sacrificia Deo exhibe-
mus tanquam media ab ipso nobis proposita
ad æternæ salutis consecutionem. Scholasti-
ci dicunt mutari Deum quoad effectum, nō
quoad affectum, quod sanè quomodo intel-
ligi possit non video, Deus enim causa est,

vt sit mutatio in effectu quare Psal. cecinit:
Hæc mutatio dextera excelsi, & Christus
 Dominus inquit, *Nemo venit ad me, nisi pa-*
ter meus traxerit eum, At quomodo potest
 esse mutatio in effectu, & non in causa? Sed
 hæc inferius discutienda sunt in tractatu de
 libero arbitrio.



EXERCITATIO XLIII.

Aduersus Stoicos.

H Actenus cum Athæis, Epicureis, &
H Peripateticis pro diuina prouidentia
 decertauimus, Nunc aduersus aciem & signa
 aduersus Stoicos dirigamus, qui quidem il-
 lam agnouerunt humanis consulenti-
 bus, tribus tamen foedissimis erroribus con-
 spurcarunt.

Primus Stoicorum error fuit, quo dum res
 humanas diuina prouidentia regi governa-
 ri que cōfessi sunt, omnium defectuum atque
 vitiorum, quæ in vniuerso sunt, Deum auto-
 rem constituerunt, his persuasi rationibus.

Prima: Instrumentū taliter mouetur, qua-
 liter à suo principali agente dirigitur, sed vo-
 luntas humana in operando se habet veluti
 instrumentum, Deus autem vt agens princi-
 pale

290 AMPHIT. PROVID. ÆTERNÆ,
pale, ergo si illa male operatur, Deo adscri-
bi debet.

Secunda, Non aliter operantur homines,
quam à sydereis influxibus in ortu dispo-
nuntur. Ergo si male agant, illis imputari tan-
quam causis principalibus debet.

Tertia, peccata in mundo sunt necessaria,
ergo à Deo originem habent. consequentia
probat, quia Deus & natura non desunt in
necessariis. Antecedens probatur ex multis.

Primo, quæ semper sunt, necessaria sunt,
sed vitia semper sunt in mundo ut patet, ne-
cessaria igitur.

Maior probatur authoritate Aristot. in 1.
de Cælo, & ratione, ut videtur, valida. Omne
quod est, aut est necessarium, aut cōtingens;
contingens diuiditur in cōtingens ut in plu-
ribus, & ut in paucioribus, aut æquale, sed
nullum istorum semper est, ergo nullū con-
tingens semper est, nullum igitur quod sem-
per est, contingens est, sed quod non est con-
tingens, est necessarium. Ergo omne quod
semper est, necessarium est.

Secundo, non est possibile homines non
peccare, necessariò igitur homo peccabit.
Antecedens probatur. nihil dicitur possibile
propriè & vniuersaliter, nisi quandoque
deueniat ad actum. Sed nunquam peruenit
neque

neque perueniet ad actū, vt nullus aliquando peccet homo. Scriptū est. n. *Septies in die cadit iustus*. Igitur possibile non est vt nullus homo peccet, Erit ergo necessarium.

Tertio, posse peccare inest homini ex natura, ergo & actus peccandi ex natura est, quia potentia & actus sunt eiusdem ordinis, sed quod est secundum naturam, necessarium est aliquando esse. Ergo necessarium est esse aliquando peccata.

Quarto, & eodē ferē probatur argumento, posse hominem peccare est opus naturæ, sed natura nihil agit frustra, ergo necesse est vt hæc potentia exeat ad actum, vt homo peccet.

Quinto, ad ordinem pulchritudinemque vniuersi necessariae sunt præclaræ virtutes, Ergo & peccata necessaria sunt, consequentia probatur, quia illæ absque istis obtineri non possunt, Tolle iniurias iniquorum, non erit patientia iusti, Tolle sæuitiam Tyrannorum, non erit gloria Martyrum.

EXERCITATIO XLIV.

Respondet aduersariorum rationi primæ.

G Vm in 13. exercitatione exactissimè à nobis probatum sit, Deum peccato-

292 AMPHIT. PROVID. AETERNÆ,
rum autorem non esse, opus non est semel
dicta recantare. Quare

Ad opposita dissoluenda accedamus.

Ad primum: instrumentū mouetur prout
à suo principali dirigitur, sed nostra volun-
tas in suis operationibus se habet tanquam
instrumentum, Deus verò vt agens princi-
pale, Ergo si hæc male operatur, Deo impu-
randum est.

Respondent nostri Theologi, maiorem
veram esse de instrumento inanimato, qua-
le est serra mota à secante, non de instru-
mento animato & rationali, prout est vo-
luntas humana respectu Dei, nam præter
Dei operationem habet & propriam.

Responsio verò ista mihi non arridet, nam
hæc duo instrumenta quoad depēdent à suo
principali, à pari procedunt, nisi velimus in
nostra voluntate ponere aliquid, quod à
Deo non dependeat.

Veritatem hoc argumento inquiramus:
vel voluntas nostra operatur aliquid absque
Dei motione, & directione, vel nihil: si se-
cundum, coincidit cum instrumento inani-
mato: si primum, aliquid absque Deo cause-
tur necesse est, quare non erit ipse prima
causa vniuersalis, ab hac vna vt ceteræ causæ
dependeant quoad esse & operari.

Quin

Quin imò assero, actiones humanas in operando dependere à Deo magis, quàm à Carpentario securim: hæc enim licet in opere nō moueatur per se nisi mota ab alio, habet tamen aliqua quæ non se tenent ex parte carpentarii, sed materiæ suæ atque formæ, vt puta, quoad ferrum benè vel malè incidit: illa verò non solum quoad motum, sed quoad substantiam quoque tota à Deo dependet, quare nihil est, quod eidem imputari verè possit, neque ex parte substantiæ, neque operationis, sed totum Deo, qui voluntatem sic formauit, & ita mouet: Si enim possibile esset, vt securis à Carpentario reciperet materiam, figuram, & motum, nihil profectò remaneret in opere quod securi imputaretur, sed artifici totum: ita pariter cùm essentia & motus voluntatis sit à Deo, adscribi eidem debent vel bonæ vel malæ voluntatis operationes, si hæc ad illum se habet velut instrumentum.

Respondeo igitur ego ad argumentum negando minorem. Existimo namque (si ita Sanctos sanctæ Romanæ placet Ecclesiæ) totam voluntatis actionem esse nostram, quoad actum, quare nos meremur, & demeremur: nec vniuersalem Dei cooperationem excludo, non enim nos operari possemus si-

294 AMPIHT. PROVID. ÆTERNÆ,
ne illius generali concursione, vt in Physicis,
cū graue se deorsum mouet, motus grauis
illius non est à Cælo secundum actum, quia
si esset à Cælo, cū sit mouens extrinsecum,
necesse foret vt cælum deiiceret lapidem,
atque adeo totum quod inter cælum est &
lapidem interualli vna cum lapide deturba-
retur, cumq̃ue non detur vacuum, cælum
descendere necesse esset; Dicendum igitur
est lapidem immediatè & effectiuè mouere
se deorsum, neque tamen nō moueri à Cæ-
lo, substracta enim actione cœli lapis non
moueretur. Ita pariter volūtas mouet se im-
mediatè, mouetur tamen à Deo, & quatenus
facultatē ei concessit mouendi seipsam, re-
liquit enim hominem Deus in manu consi-
lij sui, & quatenus à Deo vires suppeditan-
tur vt sese possit commouere.

Dices: dedit voluntati, vt possit se moue-
re ad malum, sed ex hac potentia ad malum
sequitur actus malus, huius igitur Deus est
causa, quippè regula est, quicquid est causa
causæ, est etiam causa causati.

Respondeo negando consecutionem: ad
probat. dico propositionem illam quicquid
est causa causæ, est & causa causati, pro-
cedere tantum in rebus naturalibus non vo-
luntariis, quia voluntas est causa adæquata
duorum

duorum oppositorum, quod non est in rebus naturalibus, in quibus posita causa adæquata ponitur effectus.

EXERCITATIO XLVI.

Respondet secundo argumento.

Non aliter operantur homines quàm ab astris in genitura disponuntur, ipsis igitur adscribi debet si male operantur.

Respondent communiter D D. inclinarent taxat astra non cogere voluntatem nostram: ita Aug. lib. 5. de Ciuit. Dei c. 5. & 6. tex. 2. super Gen. ad lit. in 2. de doctrina Christiana, in lib. 3. de Trinit. & alibi. Sequuntur Scholastici. B. Thom. lib. 3. contra Gent. c. 84. 92. & 96. in 2. sent. d. 15. 9. 1. a. 2. In 1 part. 9. 115. c. 3. & 4. de poten. 9. 5. c. 8. in 2. de Gener. prope finem & alibi. Scotus in 2. Theolog. sent. d. 14. 9. 3. & ibidem Baconius, cæteri q; interpretes: At facili negotio istorum authoritas ab Astronomis refellitur, ut potè quia vix quid sint sydera Scholastici norunt, nedum syderum virtutes. Ad Claudium igitur Ptolomæum appellant, Non abnuo, non recuso: Ptolomæi dicamus iudicium. Is. in lib. 1. de Astr. Iud. c. 4. tex. 24. ita loquitur. *Non autem existimandum est*

296 AMPHIT. PROVID. ÆTERNAE,
omnia à supernis causis in res rectà humanas de-
rivarari, tanquam inuiolabili, & diuino quodam
edicto proposito singillatim, ut nulla alia vis obsi-
stere, quin ita illa grassentur valeat, Nam ipse
quidē cœlestium corporum motus sempiternus est,
& procedit diuino & inuariabili ordine & lege.
Inferiora autē mutationibus subiiciuntur de supe-
rioribus quidem & primis causis, sed accidit hoc
illis per consequentiā legis & ordinis naturalis &
variabilis. & tex. 25. probat Astrologiæ no-
bilitatem quia priuifa tela, quominus ad nos
perueniant, declinare possumus, & probat
hoc exemplo. Eodem modo & medici prædicunt
de vlceribus, quæ vel ut serpant, vel ut putrescant
futurum pronunciant, Similiter & de metallis
exemplum dari possit, ut si quis doceat lapidem
Magnetem id est Herculanum, ferrum ad se trahere,
Nam quemadmodum horum vtrumque per
se tendit rectam viam, in quam à primæ illius na-
turæ vi rapitur, si relictum sibi sit, ignoratione con-
trariæ effectiōis, sed si medicinam contrariam ul-
ceri opposuerimus, neque illud iam serpet neque pu-
trescet, neq; lapis Herculanus (cui hoc ouum sine
vitello præbet exorbendum?) illitus aliij succo
iam ferrum attrahet sicut igitur hæc obsistunt, &
contrarias effectiōes inducunt & fatali lege, ita
in his quoque rebus fit, de quibus loquimur: igno-
rata enim, aut præuisa quidem, sed neglecta
tamen

tamē ea, quæ hominibus euenire debeant, haud dubie seriem primæ illius naturæ sequuntur, præuisa autem & sortita curam, naturaliter & fatali etiam lege aut auertuntur penitus, aut leuiora efficiuntur. & text. 27. (inquit) Ægyptij à quibus maximè ætatem huius artis vim scimus adiungere ubique Astronomicis præuisionibus medicinæ præcepta. Neque illi constituissent expiationes & auersiones & curas eorum, quæ ab aëre vel inciderent, vel imminerent, & in vniuersum, & singillatim, si in ea opinione fuissent, amoueri illa aut auerti nullo modo posse. & in Centiloquio propositione 8. Aphorif. 5. Potest huius scientiæ professor multos effectus stellarum euertere, simile repetit pluribus in locis. Quod si ex Ptol. ad rationis tribunal appellant, præceptorem ipsimet suum ignorantix redarguunt, cumque non sit discipulus supra magistrum, sibi ipsis eandem vel maiorem ignorantix notam inuunt. Sed ipsorum rationes audiamus.

Insurgunt igitur rigidiores Stoici, vel potius Stoico-Astronomi ex vna parte asserentes, astra cogere ad malum, & per consequens ipsa esse malorum causas. ex altera verò parte leniores Stoici probant, si astra tantum inclinant, adhuc esse Deum causam fœdissimarum actionum, quia ad illas dedit inclinationem.

Regidiores sic obiiciūt, totum esse, & operari inferiorum depēdet à superioribus tanquam à causis primis, & essentialibus: ergo falsò quod inclinant tantùm & disponunt. Consequentia probatur, nam disponentia & inclinantia videntur esse causæ accidentales, & posteriores.

Respondeo, corpora cœlestia, nō solùm ea, quæ eis directè subiiciuntur, qualia sunt materialia, inclinare & disponere, sed etiā procreare causarum instar essentialium. Verùm, quia actiones nostræ eis directè non subiiciuntur, cùm dependeant à voluntate, quæ cùm sit immaterialis, ipsis obnoxia non est, ideò non possunt ab ipsis cœlestibus corporibus cogi vrgerive, sed inclinari tantùm, atque disponi. Hanc autem inclinationem, dispositionemque ab eis accipit nostra voluntas, quatenus præsupponit intellectum, cuius cognitio depēdet à sensu, sensibile verò directè, & per se cœlestibus subiicitur corporibus tanquam suis causis primis & essentialibus.

Obiiciunt secundo. si sydera non cogunt, sed disponunt duntaxat voluntatem, ergo adhuc stante tali sydereâ inclinatione potest voluntas agere aduersus illam: tunc quæro, Nunquid in ea actione, qua voluntas incli-

natio

nationi superiorum agentium aduersatur, ab ipsis superioribus dependeat, vel non? Primū non est asserendum, quia sibi metipsis superiora aduersarentur: neque secundum, quia agens secundum in operari non dependeret à primo; quæ omnia absurdissima sunt, similiter igitur erit conclusio, à qua dependent.

Respondeo voluntatem non dependere à corporibus cœlestibus in actione, qua eis resistit: illatio, ergo agens secundum non dependet à primo, negatur: primum namque agens voluntatis Deus est ut dicit Aristoteles in lib. de bona fort. non corpus cœleste, quod dominium non habet in agentia immaterialia, prout nostra est voluntas.

Obiiciunt tertio, dispositi ad scelera ut puta, Saturnini, Martiales, & Mercuriales semper agunt secundum congenitam dispositionem. Ergo non tantum disponunt, sed & sidera cogunt, quod enim semper est tale, necessario est tale.

Respondeo antecedens non esse absolute verum. ut patet hoc etiam ex relatis ab Alberto in 1. de Animal. in tract. de Phisionomia. Plut. in vita Niciæ & Crassi. in cap. ubi eos sibi inuicem comparat, sic inquit, *cum nullum diuinationis signum Nicias aliquando negligeres*

gligeret hic verò omnia penitus Deorum portenta contempserit, utriusque idem fermè exitus fuit.

Augustus quoque multa pericula euasit præuidens fatum, idemque refert Val. Max. in 1. lib. Sed quid hisce diuitius immoror nugis? cum Ptol. Astrologorum princeps in Aphorif. 8. pro vero accipiat illud, *Sapiens dominabitur astris*, ut plurimum tamen euenit, ut plerique congenitam astrorum sequatur inclinationem ad scelera, perpauci enim sunt, qui rationis auscultent dictamini & morem gerant, quam plurimi verò sensibus ducuntur & reguntur, qui prædictis dispositionibus Astrorum infecti affectique sunt, cuius rei rationem hanc assignat Ptol. lib. 3. de Astr. Iud. c. 16. tex. 65. quia Mercurius rationi, Luna animæ sensitiuæ præest, at Luna plerumque validior est Mercurio duabus ex causis, prima quia longè maior est corpore & validior lumine: altera quia Mercurius propter parua distantiâ loci eius à Sole, semper plerumque est sub radiis eius. Præterea quemadmodum vna virtus disponit ad alias virtutes, cum sint cōnexæ, ita vnū peccatū disponit ad aliud, & fit habitus, qui difficillimè exuitur aut deponitur: quare Salustius in Catilinario dicit, in patriæ euertendæ desiderium incidisse Catilinam quia Orestillæ, (quæ ipsius filium

filium pertimescebat) amore captus propriū filium veneno sustulerat.

Stoici leniores licet existimant astra tantum inclinare, ex hoc tamen à malorum efficientia Deum non excludunt, sic arguentes: hæ dispositiones ad scelera diuersa, quæ multis in hærent, proculdubio sunt à Deo, qui autor est totius entis. Vel igitur sic dispositi labuntur in vitia, vel non: si primum, ergo ex Dei dispositione: si secundum, igitur vana, & superuacua & ociosa redditur actio diuina, cum hæ dispositiones ad similes lapsus à Deo ordinatæ, effectum non consequantur.

Respondeo has dispositiones datas esse à Natura, quæ diuinæ potentix vis est atque facultas, non vt voluntatem superarent, sed potius vt ipsæ à voluntate superarentur, quare voluntati dedit potentius fortiusque dirigens, quàm verò inclinans. Dirigens namque voluntatem est ratio quæ immaterialis est & æterna, dispositio inclinans voluntatem corporea & materialis.

Obiiciunt Secundo. Hæ dispositiones ad peccata sunt causa peccati, at hæ dispositiones sunt à Deo, Ergo Deus est causa peccati.

Respondeo negando Maiorem, non enim dispositiones, sed voluntas est causa peccati,
hæ

plerumq; humanus animus sibi ipsi innotescere non potest, nisi vires suas sibi non verbo, sed experimento tentatione quodammodo interrogante respondeat. Vbi si Dei munus agnouerit, tunc pius est, tunc solidatur firmitate gratia, non inflatur in nouitate iactantia.

Est & alia disparitatis ratio, nam si sydereę inclinationes ad malum reducantur, illud ordinatur ad bonum, & maius bonum: At secus est in impiorum persuasionibus ad malum, quia non nisi peruersum finem intendunt: sit exemplum, Socrate nascēte, Saturnus respexit ex Scorpio, & veneno ipsi comminatus est inferendam necem, in ipsius tamē Socratis emolumentum, vt fortitudinis illustre ederet specimen, & in vniuersorum cōmodū, vt nimirū eius illustrissimo exēplo inducti, pro veritatis tutela mortē nō pertimescerent: Arestypus interrogatus, qualis mortuus esset Socrates, respōdit, vtinam mihi similis mors cōtingeret. Vnde natura despiciens partem, respexit totum, & mediocre permisit malū, vt inde maius cōsequeretur bonum. Socrates autem interfectores vno eodemque peruerso permoti sunt fine. Hæc ex abditissimis Astrologorum secretis accepimus, reliquæ perplebeix Astrologorum rationes non sine fūco, sed
fine

304 AMPHIT. PROVID. ÆTERNÆ,
sine rationis fulcro disputantur à modernis.
Cæterum, qui omnium optime de hoc ar-
gumento scripserit, est Dominus Iohannes
Maria Genochius Clauaro-Genuensis vir
sanè Reipublicæ literariæ colendissimus, in
suo celebri opusculo de Gratia & lib. Arb.

EXERCITATIO XLVII.

Respondet ultimæ rationi.

PEccata in orbe sunt necessaria, à Deo
igitur efficiuntur.

Respondeo, Antecedens non modò esse
falsum, sed etiam implicatoria includere, in
formali namque ratione peccati includitur
liberum arbitrium, & contingens: hoc au-
tem necessario repugnat.

Qui apud nos habentur sapientiores
existimant vniuersali inesse necessarium,
qualibet singulari existente contingenti: ve-
luti hæc, quilibet homo existit, est necessa-
ria: quælibet tamen eius singularis est con-
tingens: & si tu es, de ne necessitate es in ali-
quo loco, cùm tamen quocunque loco assi-
gnato, contingenter sis in eo. Consimiliter
aliquem peccare necesse est, quilibet tamen
peccans, contingenter peccat. Quare nostræ
rationi respondent, necessitatem, & contin-
gentiam.

gentiam pugnare inuicem, respectu vnus determinati: necessitatem verò in vniuersali & contingentiam in particulari non opponi: quare verum erit dicere: necessarium est aliquis vt homo peccet indeterminate quidem, quilibet tamen peccans liberè, & contingenter peccabit.

Sed hæ rationes illusiones mihi potius videntur: simile namque est, ac si Rex aliquis conderet legem vt vnus è subditis de necessitate Caium interficeret, quisquis tamen esset ille qui Caium occideret capitis poena plecteretur, quoniam potuit ab homicidio se abstinere, nam alius id præstitisset. Atqui nonne Rex ille non modo iniustus verum & fatus haberetur? Talis autem secundum nostros Theologos lex Dei est, vult enim (inquiunt) Deus sint de necessitate scelera, & tamen quicūq; scelus cōmittit, liberè peccat, & per cōsequēs iure merito punitur.

Sunt autem ipsorum ratiunculæ ineptissimæ: Primæ asserenti aliquam vniuersalem esse necessariam, qualibet sua singulari existente contingenti, vt quilibet homo est, necessario semper est verum, qualibet tamen eius singularis est contingens. Respondeo in iis, quæ à libero arbitrio non dependent, si aliqua vniuersalis est necessaria, sin-

306 AMPHIT. PROVID. ÆTERNÆ,
gularem determinatè esse contingentem,
indeterminatè verò singularem esse neces-
sariam. Sit exemplū. Si mundus est æternus,
necessariū est hominē esse: singularis autem
determinatus homo (vt puta) Titius erit
contingens , singularis autem determina-
ta, videlicet esse in mundo plures singulares
homines, necessaria est, alioquin suum esse
vniuersale non esset necessarium: licet enim
nullum singulare materiale sit æternum,
non possunt tamen omnia singularia exhau-
riri, nam de necessitate generationi succedit
generatio, supposito quod mundus sit æter-
nus secundum vnamquamque speciem in
actu: in iis autem quæ ex libero arbitrio de-
pendēt, si necessariū est esse in vniuersali, ita
quoq; in particulari determinatè, & in deter-
minatè, quoniā hæc contrarietate includūt.

Quapropter patet solutio ad instantiam:
esse hominem est necessarium, & tamē esse
singularem hominem est contingens, dico, si
ex libero arbitrio dependeret hominem es-
se, non foret necessarium hominem esse, si-
cut necessarium non est Talis vt sit. Quare
cum peccare dependeat ex libero arbitrio,
necessarium non est nec in vniuersali, nec
in particulari.

Secundæ rationi, te existentem necessa-
rio

riū est esse aliquo in loco, quocunq; tamen assignato, in illo contingenter existis.

Respondeo in te esse aliquam libertatem, & aliquam necessitudinem: quoad locum determinatum liber es, quoniam deducto impedimento in quocunque loco esse potes: Est & necessitas, quia simpliciter non potes te absoluerē à loco, vnde si ex vno discedis, in alium te cōferas necesse est. Secus tamen est de peccatis, quia si vnum euitas, non de necessitate committis alterum, quare non est necessarium te peccare, sed dum existis, necessarium est te esse in aliquo vbi.

Concludamus igitur aduersos Stoicos implicatoria continere hoc ipsorum axioma. Peccata sunt necessaria.

Sed plumbeos nunc ipsorum pugiones, quibus suas ratiunculas propugnare conantur, retundamus.

Primo, quæ semper sunt, necessaria sunt,

Respondeo maiorem veram esse de his quæ semper sunt ex causâ naturali, vt opponitur voluntariæ, non autem de his quæ semper sunt ex causâ libera: ideò enim semper sunt in mundo & mala & bona, quia voluntas semper fuit libera ad operandum bonum & malum; quare ad probationem maioris, dico diuisionem illam de contingenti

308 AMPHIT. PROVID. ÆTERNÆ,
in pluribus, in paucioribus, & æquali, intelli-
gi de contingenti naturali, non voluntario.

Aristotelis auctoritatem in hoc nō admit-
to, nā sibi metipsi contradicit, asserit namq;
in libris Ethicorum, in lib. 1. Perier. cap. 7. &
alibi, volūtatem nostram esse liberam, quod
si voluntas est libera, rectè asseritur aliquid
semper futurum, quod tamen non sit neces-
sarium.

Secundo, possibile haud est homines non
peccare, igitur homo necessariò peccabit,
Respondeo negādo antecedens. Ad proba-
tionem. nunquā extitit mundus sine pecca-
tis, ergo non est possibile, nam propriè &
vniuersaliter possibile aliquando deuenit ad
actum; consequenti concessio, antecedēs ne-
go: nam Adamus & Eua, qui soli erant in
mundo per aliquod temporis spatium pec-
cati fuerunt immunes. Item post vniuersale
Diluuium fuit orbis per aliquot tēpus pec-
catorū sordibus non coinquinatus. quare sic
retorqueo argumentum, Ad hoc vt aliquid
dicatur possibile fieri, non requiritur vt in
omni tempore fiat, sed sufficit vt aliquando
factum fuerit: atqui ex adductis demonstra-
tur mundus aliquando fuisse absque pecca-
tis, illis igitur orbem opus non habere, sed
facile carere credibile est.

Tertio:

Tertio:posse peccare inest homini ex natura, Ergo & actus peccandi. Respōdeo negando consequentiam. Ad probationem. Cuius est potentia, eius est actus: dico id esse intelligendum, quatenus posse facere est eius qui facit, & facere est eius qui potest facere, non tamen oportet, ut si potentia est à natura, ab eadem quoque sit actus. nam potentia volendi à natura est, non à nostra potestate, actus tamen volendi, id est, velle est à nobis, & in nostra potestate, non à natura, quia, ut sic, non esset in nostra facultate, esset enim necessarium.

Ad quartum posse peccare est opus naturæ, sed naturæ opus incassum redigi non potest, igitur necesse est, ut hæc potentia exeat ad actum, & sic de necessitate homo peccabit.

Respondeo ingenua confessione argumentum in via Aristotelis esse insolubile, quia nihil frustra in natura, potentia verò à natura est data, ut aliquando actum consequatur. Vnde secundum Aristot. monstrata sunt necessaria, quia nisi natura aliquando deficeret, frustra dedisset ut possit deficere, quare apposuit impedimenta ne vana esset Naturæ facultas, ut dicit Comment. 2. Phys. Com. 48.

Attamen apud nos Christianos nullius est ponderis; dicimus enim, naturę opus non esse otiosum & superuacaneum, & si potentia peccandi ad actum non reducat, quia data est homini hæc potentia non ad peccandum; sed ut potens peccare non peccet ad maiorem sui perfectionem, ac meritum.

Dices: potentia respicit actum, ergo potentia ad peccandum, ordinata est ad actum peccati.

Respondeo negando consequentiam. non tenet enim argumentum de potentia ad ordinationem, potentia namque peccandi in se respicit actionem peccati: ut autem à Deo & à natura ordinata est, respicit solū actum tentationis. E. G. potentia irascendi in colerico, in se respicit actum iræ, data tamen à Deo est non ad irascendum, sed ut facile quis incitaretur; & quoquomodo ad iram commoveretur, citra peccatum tamen, imò ad maiorem perfectionem virtutis, si enim quis non incitatur, non irascitur, præclaræ virtutis actionem minimè exercet: gloriosissimam tamen qui irę stimulis agitur, iracundiæ motus rationis fræno compescit: nam ut ait Scriptura *virtus in infirmitate perficitur, & non coronabitur nisi qui legitime certauerit*: Potentia ergo peccandi
 ex A . . . non

non in peccatum, sed in actionem circa peccatum ordinatur, ut virtus dicatur quæ consistit circa difficile.

Ad ultimam probationem: Ad pulchritudinem, ac vniuersi ordinem necessariae sunt præclaræ virtutes, ergo & peccata. Nego consequentiam. Ad probationem: Virtutes non possunt absque præcedentibus peccatis obtineri, ut probatur exemplo Martyrij, & patientiæ, quæ Tyrannorum sæuitiam, inimicorumque iniurias præsupponunt.

Respondeo: totum id esse à veritate alienum, licet enim Martyrium secundum actum præsupponat peccatum, virtus tamen Martyrij minimè: potest enim haberi ab eo, qui non est actu Martyr, dummodo paratus sit absque pœnarum formidine in cōspectu cuiusque Tyranni Christi nomen infracto animo confiteri: cōsimiliter si quis nulli remittat aut indulgeat quod à nullo læsus sit, si firmi fuerit propositi, si lædendus aliquādo sit, facile se & tranquille passurum, veræ patientiæ virtute ipse præditus est, & fortasse magis quam qui acceptam iniuriam condonat, potest enim iste non læsus maiori cum charitate indulgentiæ actum elicere; Quare tantum abest ut cessantibus peccatis cesset vir-

312 AMPHIT. PROVID. ÆTERNÆ,
tus, vt longè perfectior potius existat & cu-
mulationior.

EXERCITATIO XLVII.

*Subtilissimam proponit ac dissolutt
difficultatem.*

EA est; quia Christianorum opinio cum
Stoicorum sententia consentire, vel il-
la deterior esse prima facie videtur.

Consentit quidem: Nos enim Christiani
dicimus Deum concurrere ad peccata per-
missiue: tunc sic, Deus permittendo peccata
vel facit quid melius, vel deterius: non dete-
rius, quoniā hoc Deo summo bono nō con-
uenit, igitur melius: sed si melius efficit Deus
cū peccata permittit, & sic permittendo
omnes ferè homines labūtur in scelera, ergo
melius est omnes pœne homines esse scele-
ratos, atque facinorosos. Quare consentit &
coincidit cum Stoica opinione asserēte, ma-
la expedire pro bono vniuersi.

Secūdo coincidit, quia dicitur 2. Phys. ab-
sentia Nautæ causa est submersionis Nautis,
& ad genus causæ efficiētis reducitur, neque
culpandus ob id quia effectiue nauim sub-
uertit, verum etiam, quia naufragiū vbi præ-
uidit, & potuit, non prohibuit.

Dete

Deterior autem nostra opinio quibusdam Atheis videtur, quia potens prohibere naufragium, & non prohibens, peior existimatur quàm qui submersit, vel in ipsum naufragiũ impulsit, hic namque palam, ille verò clam & dolose egit.

Secundo, Deus secundum Stoicos nō potest efficere, mala ne grassentur in orbe, cum vniuersi natura sic exigat: At secundum nos Christianos potest Deus præstare ne sint peccata, & tamen non præstat, quod longè maiorem redarguit malignitatē, nam vt dicitur in secundo Metaph. qui claudicat tibiam habens extortam excusabilior est eo, qui claudicat voluntate.

Respondeo negando has duas opiniones inter se coincidere. Stoica namque opinio asserit Deum efficere, Christiana verò permittere peccata: efficere autem & permittere non coincidunt, quia sola permissio nō est sufficiens causa effectus.

Nec obstat prima ratio: dicimus enim melius esse vt Deus peccata permittat, quia sic homo remanet liber in operando, quod est optimum. Ad illationem, Deo peccata permittente omnes pœnè homines labuntur, dico homines labi non quia Deus permittit,

314 AMPHIT, PROVID. ÆTERNÆ,
sed quia nostra voluntas sequitur sensum &
delectabile.

102. Nacleri autem exemplum non facit ad
propositum, ipsi namque cura Navis deman-
data est, quare tenetur illius submerfionem
præcauere, si secus facit, merito in ipsum
omnis culpa confertur: Deus autem nullo
modo tenetur peccata arcere & propulsare,
tum quia ab omni obligationis vinculo so-
lutus est, tum quia posuit hominem in manu
consilij sui.

Adhæc, Dei permissio non efficit peccata,
Nacleri verò negligentia in tēpestate etiam
leuissima naufragij occasionem præbet. Ad-
de quod Naclerus si negligat nauim in
tempestatis discrimine, faciles fluctibus de-
cumanis in nauim aditus parat: At Deus pi-
issimus, ille omniū nostrū parens etsi æquis-
simis de causis sibi soli notis peccata permit-
tat, ad illa euitanda sufficientia subministrat
nobis & præstat adiumenta.

Multo verò minus nostra Stoicorum opi-
nionē deterior est, Deus enim abducit ho-
mines à peccatis, non verò ad ea inducit: re-
mouere autem & à peccatis prohibere, tan-
tem abest vt deterius sit, vt etiam longis an-
tecellat parafrangis.

Ad primum argumentum asserens dolo-
sum

sum esse Deum, cum possit homines tutari à peccatis, neque tamen defendat. Respondeo negando consecutionem, quippe ad hoc non tenetur, imò misericors potius dicendus est, cum ex inexhausto benignitatis suæ fonte, qui nullis certis legibus aut abudat, aut exarescit, per humaniter in nos superabundantem gratiam deriuat atque deflectat.

Ad secundum dico: si Deus secundum Stoicos est veluti claudicans, naturaliter in Deo esse defectum: nostra autem sententia non inducit Deum claudicantem neque secundum naturæ ipsius proprietatem, neque secundum voluntatis inclinationem, ut facile ex supradictis colligi potest.

EXERCITATIO XLVIII.

Aduersus Stoicos.

TOto insuper cælo aberrarunt Stoici, dum diuinam quidem prouidentiam lubentes professi sunt, sed regere tamen omnia, & prospicere rebus humanis Deum non pro arbitrata suo, sed ex necessitudine existimauerunt.

Quibus adducti fuerint rationibus, nullibi lego: ut antè Veritas disputando clucescat, in ipsorum gratiã sic mihi liceat ratiocinari.

Primo

Primo, si Deus contingenter ageret, indeterminate ageret, sed agere indeterminate dicit imperfectionem agentis. Ergo Deus non agit contingenter, quippè remouenda omnis est à Deo imperfectio.

Maior probatur: si Necessarium est quod non potest non esse: ergo necessario agere est non posse non agere, contingenter igitur agere est indeterminate agere: si quidem contingens est quid indeterminatum.

Minor patet: esse namque aliquem de re aliqua efficienda indeterminatum ex aliquo defectu prouenit, vel quia nō sapienter consuluit, vel non recte quomodo in effectum res deducenda percipit, quæ diuinæ Sapientiæ repugnant.

Secundo: Aut Deus ab æterno determinauit, quæcumq; fecit, facit, & faciet, aut non: secundum concedi nullo modo potest, hoc enim modo foret aliquid, vel fuisset, vel futurum esset, quod ex Dei volūtate determinationeque factum non esset, vel non fieret; si detur primum, Deum sc. omnia ab æterno disposuisse, tunc quaeritur, aut igitur quæ futura, & à Deo determinata sunt, poterunt aliter esse quàm erunt, aut non. si concedatur secundum, omnia fatali quadam & necessaria consecutione euenient iuxta

Stoico●

Stoicorum errorem de seruo arbitrio : si admittatur primum, ventura scilicet aliter esse posse quam erunt, Deum mutari necesse est. Hoc autē probo, nō possunt aliter esse quam erunt nisi ad modum illū à Deo determinetur. Sed ex hypothēsi iā Deus determinauit oppositum. Ergo si illud fieri debet, aliā in Deo fieri constitutionē oportet. Hoc etiā manifestatur sic. licet dicere aliter erit, ergo aliter Deus disponet, bene ergo sequetur, potest aliter esse, igitur potest Deus aliter disponere, quia ab esse ad posse valet consequentia. quare si Deus ab æterno decreuit sic fore, & possibile est non sic fore. Non autem possibile est non sic fore, nisi Deus determinet sic non fore, Ergo Deus potest suam determinationem mutare.

Tertio : si Deus agit contingenter, ergo potest agere, & non agere, siquidem hoc est de formali ratione contingentis, si igitur vnum illorum ager, aut nunc est determinatus, vel non : si non est, & determinabitur, Ergo mutabitur ex indeterminato, in determinatū : si verò nūc est determinatus ad vnū, & potest etiam alterū agere. Cū non possit hoc aliud agere, nisi ad illud se determinet, igitur potest ad illud alterū se determinare, Sed vna determinatio non stat cum altera,
quia

318 AMPHIT. PROVID. ÆTERNÆ,
quia actus sunt impossibiles, ergo potest
amittere hanc determinationem, & aliam ac-
quirere, & sic potest variari, sed hoc est im-
possibile, ergo & impossibile est Deum age-
re contingenter.

Aristoteles quoque docuit Deum de ne-
cessitate agere, ea ratione ductus: quia non
potest de nouo incipere mouere nisi pri-
mum motum præcederet motus, & cum an-
te vniuersum non esset nisi Deus, si ipse est
effector & totius molitor, mutatio fuisset in
ipso.

EXERCITATIO XLIX.

Iulij Cæsaris sententiam adducit.

Solaſtici poſt infinita propemodum
quæſtionum inuolucra ſic explica-
re hanc ſolent; Deus de neceſſitate operatur
ad intra, contingenter ad extra. De illa nos
hic non differimus, agimus enim aduer-
ſus veteres Philoſophos quibus illa omni-
no fuit ignota. De hâc inſtituitur quæſtio;
Ad cuius enucleationem antequam acce-
damus, apud ſubtiliora ingenia deprecor,
ignoſcant nobis hanc ſcholâſticam locu-
tionem, Deus agit ad extra, cum enim
Deus vbique ſit, propriè agere ad extra non
videtur, ignoſcant inquam, quia aliàs diſtin-
guere

guere haud possemus à nostra creatione ineffabilem diuinarum personarum, cum Filij ab æterno generationem, tum Spiritus Sancti ante omnia sæcula productionem. His positis ad quæstionem accedamus.

Christianorum sententia, Deum liberè, & contingenter agere ad extra, cum enim ex verbo Dei constet mundum habuisse initium & habiturū esse finem, Christiana veritate compellimur dicere, Deum libere & contingenter operari ad extra, alioquin hos fidei articulos destruemus. Nam si Deus non contingenter agit, igitur necessario, cumque mouet cœlum, necessario illud mouet, non potest igitur non mouere cœlum, non igitur cessabunt cœli à suo motu, & quemadmodum de necessitate mouet cœlum, ita de necessitate mouit, non igitur motus incepit, neque desinet esse, & per consequens hic ordo vniuersi non variabitur.

Pro cuius perdifficilis quæstionis enucleatione.

Dico primo, Deus agit ad extra contingenter, ita vt pro vno tempore possit immediate producere vnum oppositū, & pro alio tempore alterū: quare mundum initiauit, & mundum finiet vt sacra testatur pagina. Huius conclusionis veritas demonstratur quia
cum

320 AMPHIT. PROVID. ÆTERNÆ,
demonstretur eo, quia cùm duo opposita di-
uersis temporibus possit efficere humana
voluntas, quanto magis diuina.

Dico secundo (subiiciens hoc idem sicuti
cætera omnia infallibili Sacrosanctę Roma-
næ Ecclesiæ iudicio) Deum non agere con-
tingenter ad extra, ita vt pro eodem tempo-
re possit diuisiuè vtrumque oppositorum
producere. Moueor hac ratione, si potest
Deus pro A. tempore producere Titium, &
pro eodem A. tempore Titium non produ-
cere, ita vt ipse sit vtriusque causa adæqua-
ta, nullo alio concurrente, vel iam est deter-
minatus ad vnum istorum oppositorum, aut
non: si non, cùm in A. tempore de necessita-
te vna pars erit illorum oppositorum, & non
erit, nisi Dei adsit determinatio. Ergo Deus
mutabitur de indeterminato in determina-
tum: si verò iam est determinatus, & potest
aliter esse, hoc esse non potest nisi sit alia de-
terminatio. Cùm autem illa non sit compo-
sibilis (ita vt loquar) huic quæ est, ista desinet
esse, & illa incipiet, quare in Deo erit muta-
tio, quod destandum potius quàm asseren-
dum.

Non sum nescius complures nostræ sen-
tentix refragaturos, sed inde ad annos bis
mille vsque non nisi hanc vnâ ipsamque
leuissi

leuissimam obicere possunt ratiunculam: voluntas diuina cum sit potentior quàm humana & efficacior, præstare facillimè potest quæcumque & nostra exequi voluntas valet. At ista potest in A tempore facere vnum, & pro eodem A facere oppositum diuiniuè tamen. Ergo tanto magis illa suprema & eminentissima voluntas.

Respondeo, maiorem veram esse respectu illarum actionum, quas nostra voluntas ex sua perfectione exercet, non ex imperfectione, nam voluntas nostra potest peccare, diuina non potest: modò ad minorem. Sed voluntas humana potest in A. tempore facere: vnũ in eodem A. tempore facere oppositum, diuiniuè tamen, vtpotè propter suam imperfectionem, quia variabilis est, quare non existens determinata potest determinari, & determinata ad vnum potest determinari ad alterum. Ad conclus. Ergo idem potest efficere diuina voluntas. Negatur; omnis enim imperfectio à Deo remouenda quàm longissimè est.

Dices, potest nostra voluntas pro A. instanti producere B. effectum, & eius oppositum, sed ad hũc actum voluntatis, sc. ad producendum B. & eius oppositum, in eodem instanti Deus concurrit, ergo si nostra vo-

X

voluntas

322 AMPHIT. PROVID. ÆTERNÆ,
luntas sic operando variatur, variabitur &
Deus, qui actiones nostras sua concursione
concomitatur.

Respondeo: Deum concurrere ad actus
nostræ voluntatis, harum tamen actionum
determinationem non esse ex Deo, sed ex
nostra voluntate, quam liberam esse voluit.
Vnde si Iudas peccauit in A. tempore, non
ideo peccauit, quia Deus, sed quia ipsius Iu-
dæ voluntas sic determinauit.

Cùm ergo non ex parte Dei, sed nostræ
voluntatis se teneat determinatio, ex parte
eiusdem procedet variatio, hæc enim ex de-
terminatione oritur.

Nostra autem sententia asserens Deum
non posse pro eodem tempore producere
vñum, & eius oppositum, intelligitur (prout
in nostræ conclusionis initio diximus) de his
quorum Deus est causa totalis, & immedia-
ta, vel est causa determinationis, ita quod illa
agentia non determinentur ex se, sed ex na-
tura, velut sunt actus nō prouenientes à vo-
luntate, & sic argumentum aduersus nos
non pugnat.

Dico tertio, Deus ratione suæ determina-
tionis ineuitabiliter & de necessitate agit
prout secum ipse constituit & decreuit, quia
immutabilia sunt Dei decreta, *Ego Deus &*

non minor legitur in sacra pagina.

Obiicitur; si Deus sic de necessitate ageret, mundum non initiasset.

Respondeo negando illatum, nam Deus ineuitabiliter, & de necessitate mundum initiavit, quia illius creationem pro tali instanti ab æterno decreuit, vnde sequitur oppositum, & non propositum, quoniam ex quo sic destinauit, non potuit ab æterno orbem producere, Idcirco licet supposita determinatione necessarium fuerit mundum pro tali instanti exordiri, nō tamen quocunque tempore, definiuit enim ab æterno illum procreare, non tamen pro æterno, sed de nouo, & pro nouo. Non igitur Deus de necessitate absolute egit, agit, & aget, sed pro tempore in quo determinauit ab æterno agere.

Dices, si Deus de necessitate produxit mundum pro instanti A: quoniam in eodem instanti decreuit ab æterno. Ergo falsum erit commune axioma Theologorum, processionem vniuersi quæ est ad extra, contingentem esse.

Respondeo commune hoc Theologorum placitum verum esse non sumpta simul determinatione, aliàs secus. quare ipsa vniuersi processio dicetur contingens, quia absolute non procedit à natura, vt distinguitur à vo-

324 AMPIHT. PROVID. ÆTERNÆ,
luntate: dicetur autem necessaria non simpliciter, sed ex suppositione diuinæ determinationis.

Instabis: illa determinatio voluntatis diuinæ vel est simpliciter necessaria, vel non. Si est simpliciter necessaria, cum ad illam determinationem de necessitate sequatur vniuersi productio per concessa, ergo absolute vniuersi productio est necessaria, nam in conditionali bona si antecedens est simpliciter necessarium, & consequens etiam, & sic vniuersi productio est simpliciter necessaria, quod est contra responsionem. Si verò asseratur contingens in Deo esse determinatio, potest non esse in Deo: sed quod de facto est in aliquo, & potest non esse, absque sui variatione immutationeque fieri nequit, igitur Deus variabitur quod est perridiculum.

Respondeo, postquam à Deo facta est determinatio, non posse illā amplius non esse, verum priusquam esset, poterat non esse, & fieri altera determinatio, quare non sequitur Deum mutari, seu variari, mutatio namque & variatio fieri dicitur, quando modo habet vnā, & modo nō habet. Vna autem determinatio apud Deum habita semper remanet.

At istud videtur ex toto falsum, nam in
æterni

æternitate nihil prius, nihil posterius, cum sit tota simul iuxta definitionē à Boëtio traditam. nostra autē responsio asserit ante hanc determinationē potuisse Deū habere aliam.

Amplius. Si Deus prius potuit determinare quam determinauit, ergo prius erat in Deo indeterminatio: sed hæc imperfectiōnem arguit, Ergo Deus foret obnoxius imperfectiōni.

Ad hæc ex allata responsione, licet Deus habita vna determinatione non possit eam relinquere, prius tamen quàm illam haberet, potest habere illam, & oppositam, hoc autem sine variatione intelligi non potest. Si enim possum sedere & non sedere, videtur in mea natura non esse determinatio, & per consequens adesse varietas. Confirmatur. Si Deus potuit aliud determinare quàm determinauit, aut erat prius determinatus quàm vellet determinationē, aut non. Si erat determinatus vtpote ad A, nō potuit se determinare ad oppositum, nisi mutasset priorē determinationē, quod est impossibile: si vero prius erat indeterminat⁹, & postea se determinauit, igitur ex indeterminato factus est determinatus, quod etiā est impossibile.

Ista omnia hanc à me responsionem accipient: ex quo determinatio à voluntate di-

haberet determinationem, quandoquidem potest fieri aliquid ex concessis absque determinatione: si igitur potest Deus habere determinationem, quam non habet Deus, non est actus purissimus, quoniam non habet quicquid potest habere.

Quod autem illam non habeat, patet, quia ex hypothese hoc nunquam fiet, igitur Deus non determinavit hoc fieri. ex opposito enim sequitur oppositum, si namque determinasset, fieret: non igitur Deus habet illam determinationem. Quare Arist. hasce fortasse secum reputans difficultates, absolute dixit, in Deo non differre esse & & posse, neque quoad essentiam, neque quoad facultatem agendi, quod facit potest, & quod potest facit, aliter in Deum caderet imperfectio, quemadmodum deductum est.

Dicit Pomponatius: potest Deus aliquid facere quod tamen non faciet non sumpta simul determinatione, non enim divinæ potentiae repugnat alios efficere mundos, id cōmuni vocabulo dicitur de potētia absoluta, sed sumpta simul determinatione nequaquam, quod dici solet de potentia ordinaria quæ est vera, & realis potētia, absoluta vero potius est quædam non repugnantia.

Non verecundatus est tantus philoso-

328 AMPHIT. PROVID. AETERNÆ,
phus Scholasticorum distinctiunculā amplecti, quare nec ego, qui tantum operæ in Philosophiæ partibus non consumpsi, reicere eam deberem, maximè verò cùm Pomponatij partes me sequi plerique existiment, verumtamen amicus Pomponatius, magis autē amica veritas, quare falsissimam dico distinctionem illam de potestate Dei ordinaria & absoluta. Probo ab ipsius fundamenti deiectione. Scholastici enim cùm animaduerterent Dei potentiam infinitam esse, eius tamen opera finita, quando ipsum quoque cælum finitum est, duplicem ei potentiam attribuerunt. Alteram quam vocant ordinariam: alteram quam nominant absolutam. vna tamen in ipso est: Ordinaria namque est absolutæ pars, & omninò quicquam in Deo ponere quod non sit absolutum, & quod non sit ipse Deus, impium est: neque ordine disponitur, aut distinguitur eius potentia, sed ipse ordinis autor est, cuius ordinis necessitas omnis ab eo pendet, ipse rebus ordinem præfixit per sapientiam & bonitatem, neque enim bonum erat Cælos alio motu ferri: potuit quidem, potest, & poterit creare mundos alios, sed non fuit optimum. At summum bonum semper quod optimum est vult, quod per sapientiam
tiam

tiam cognoscit. non igitur agit per finitam potestatem, non enim sequitur, Actio finita, ergo & potestas: propterea quod æternæ essentia & potentia continuatio superest ipsi iam factæ operæ, partes tamen habet intelligibiles, quæ per intellectum adæquantur finitis actionibus, sed aliæ succedunt in infinitum. Hoc adscripsi, quia nonnulli semphilosophi noui dixerunt supra cælum vltimum esse creatum infinitum, quasi à Deo infinito non possit procedere actio finita,

EXERCITATIO L.

Respondet obiectionis.

EX dictis facillimè dissoluuntur argumenta pro Stoicis adducta.

Ad primum. Si Deus agit contingenter, ergo indeterminatè, & per consequens imperfectè. Respōdeo negando consecutionē: Deus enim non agit contingenter, ita vt pro eodem tempore possit agere, & non agere, sed tantummodo secundum diuersa tempora. Verum secundum illa tempora, in quibus aget & non aget, inuitabiliter aget, quare determinatissimè, vt ita dicam, veluti Sol faciet diem & noctem in diuersis temporibus, inuitabiliter tamen supposito hoc ordine vniuersi: ita & Deus, cum tali

X 5 enim

330 AMPHIT. PROVID. ÆTERNÆ,
enim contingentia stat ineuitabilitas, vt ma-
nifestum est.

Vel explico sic. Deus contingenter agit, id
est, non repugnat ipsum non agere, necessa-
rio tamen agit ex hypothesi quod decre-
uit agere.

Ad secundum, in quo quærebatur, an
Deus omnium rerum præsentium & futu-
rarum habuerit ab æterno determinati-
onem. Dico habuisse, nec aliter erunt, nec esse
poterunt, quàm ipse ab æterno decreuit. Illa-
tionem, ergo omnia ineuitabiliter, & ex ne-
cessitate erunt, concedo omnia futura ne-
cessaria, prout sunt à Deo determinata, quia
substantia rei cuiusque accidentia sunt per
omnia iuxta diuinam determinationem, sed
quia Deus ab æterno definiuit, vt aliqua ine-
uitabiliter, & ex necessitate, aliqua contin-
genter, & ineuitabiliter eueniant, ideo ali-
qua ineuitabiliter, & necessariò, aliqua con-
tingenter & libere euenient.

Dices, ab æterno Deus determinauit Ca-
ium futurum in anno proximo: suppona-
mus quod ita eueniat.

Respondeo hanc propositionem esse de
futuro: quare Deus de Caio futuro in anno
sequenti non determinauit, nisi contin-
genter futurum in tali tempore, non autem ab-
solutè

solutè futurum, quare si erit in tali anno contingenter erit.

Instabis. Est igitur Deus incertus an Caius sit futurus anno sequenti proximo.

Respondeo hunc in modum; si incertitudo dicat puram negationem, concedo, quia non est neque potest esse certus stante contingentia: si verò dicat positivum, ut puta, dubitationē, nego. In Deū enim nō cadit dubitatio, scitque de Caio futuro totum quod sciri potest, cūm sciat illum contingenter futurum, & quod cognoscitur, ut possibile est ipsūm cognosci, nullam parit dubitationem in cognoscente. quare non dubitamus de necessariis, neque de impossibilibus, si sciamus illa esse necessaria, aut impossibilia; ita Deus non dubitat de Caio futuro, cūm de ipso quā futuro sciat solūmodo quod potest esse, cūm hoc tantum exigat natura futuri.

Dices: Deo igitur futura non sunt certa.

Respondeo, quæ futura sunt esse incerta, & quæ certa, non futura, quod si Deo futura dicantur certa esse, intelligitur quatenus ipsi omnia tempora in sua æternitate completenti præsentia sunt, & extra suas causas, quare sunt certa nō ut futura, sed ut præsentia.

Ad tertium, in quo dicebatur, si Deus contingenter agit, aut est determinatus vel non.

Respon

Respondeo, Deum absolutè agere contingenter, quia non repugnat ipsum agere & non agere: agere verò ex necessitate supposita sua determinatione, quare supposito quod sit determinatus ad vnum, non potest alterum efficere. Hæc autem determinatio dicitur adhuc contingens, non quia possit, vel potuit non esse, nam æterna fuit, æterna est, & æterna erit. quare neque potuit, neque potest, neque poterit non esse: sed quia non repugnat, oppositam determinationē esse; quare si determinasset mundum non fore, nullum fuisset inconueniens. Nam ita Deus est Sapiens & bonus postquam vniuersum creauit, prout ante creationem.

De Aristotele quid sentiam, breuiter expono, ipsum sibi in hac re ipsimet contradicere, nam ponit Deum de necessitate agentem, & tamē in lib. Ethic. & alibi facit homines liberos. Hæc autem inter se repugnantia omninò sunt, &, vt ita dicam, impossibilia, nam causa existēte necessaria, haud contingentes, sed necessarij sunt effectus, quare si Deus de necessitate agit, voluntas nostra nō est libera. quod ita probo. Quæro ab Aristot. vtrum voluntas nostra possit in vtramque partem diuisiuè tamen sine aliquo determinante, vel non. Si non potest, ergo non est

est libera contra ipsum Aristot. si potest, & multo magis Deus potest; ergo Deus de nouo agere motum potest, vel mūdum absque motu præcedente: sed nulla alia causā mouit Aristot. ad asserendum Deum de necessitate agere, nisi quoniam de nouo non potest incipere mouere, nisi motus præcederet. Cū itaque falsum sit hoc principium admissa libertate voluntatis, Ergo si voluntas est libera, Deus non de necessitate agit, igitur rectè infertur, Deus necessariò agit, ergo voluntas non est libera. patet igitur sibi metipsi contradixisse Aristot. dum affirmat Deum agere ex necessitate, & tamen agnoscit in homine liberam voluntatem.

Nunc quoniam, eam, quam aduersus Stoicos de Fato quæstionem agitare proposueramus, propter grauiores, quibus præpediti sumus occupationes omittere coacti, quamuis inuiti & illubentes, illam in secunda Amphitheatri parte fusè & prolixè spondemus nos pertractaturos.

Exigua hæc quæ pinguiori Minerva & leuidenso stylo in rerum quibusdam asperitatibus & temporis angustiiis, ex multis variisq; molestiis & difficultatibus vt animum recrearemus, conscripsimus, benignus Lector

334 AMPHIT. PROVID. ÆTERNÆ,
Œtor ita accipiat oro atq; obtestor, vt si quod
rationi minus cōueniens aduerterit, emen-
det, deleat etiam & obliteret, si ad ipsum
hæc pertinuerit cēsura, Si qua enim fortasse
sint (quod tamen vix crediderimus) quæ Ec-
clesiæ Romanæ institutis, decretis, aut dog-
matibus refragari vel in re leuissima vi-
deantur, nulla omninò & tanquam non di-
cta vel scripta esse velimus. Atque adeo nos
Sanctissimi beatissimiq; Patris nostri Domi-
ni PAULI, qui QVINTVS eius nominis
Pōtifex modo ad Ecclesiæ gubernacula Sa-
piētissimus sedet moderator, atque in cuius
immagine cæteros omnes omnium sæculorū
omnibus virtutibus circumfusus Pontifices
videmus, eius nos auctoritati potestatique
libellum hunc obnoxium volumus & sub-
jectum.

Sicque etiam summum illum rerum om-
nium effectorem, conseruatorem, & guber-
natorem Deum in nouissimo libri huius
margine, cum gratiarum actione putauimus
exorandum.

*Dei supremo percita flamine
Mentem voluntas extimulat meam:
Hinc per negatum tentat alia
Dedaliis iter ire ceris,
Audetque cæli non memorabile
Metare Numen, principio carens.*

Et sine, diffinire Musa

Exigua breuiore gyro.

Origo rerum, & terminus omnium,

Origo, fons, & principium sui

Suique finis terminusque

Principio sine terminoque

Vbique Totus, tempore in omnibus

Omni quiescens ipse Deus locis

Partes in omnes distributus

Integer usque manens vbique.

Nec comprehensum vllis regionibus,

Vllisve clausum limitibus loca.

Tenent, sed omnis liber omne

Diditus in spatium vagatur.

Illius alta est velle potentia,

Opus voluntas inuariabilis,

Et magnus absque est quantitate,

Atque bonus sine qualitate

Quod dicit vno tempore perficit,

Mirere fiat vox vel opus prius:

Cum dixit, en cum voce cuncta

Vniuersa simul creata.

Cuncta intuetur, perspicit omnia,

Atque in sua vnus, solus est omnia,

Qua sunt, fuerunt, & futura,

Prauidet ipse perennitate.

Atque ipse plenus, cuncta replet, sui,

Et semper idem: sustinet omnia.

Et fert, mouetque, amplectiturque

Atque supercilio gubernat

Te te oro; tandem respice me bonus,

Tibique nodo iunge adamantino

Id namque solum unumque & omne

Reddere

Reddere quod potis est beatos

Quicumque iunxit te sibi, & alius.

Vni adhaerescit, continet omnia,

Teque omnibus circumfluentem

Diuitiis, nihilique egentem.

Tu cum necesse est, nullibi deficis

Ulroque praebe omnibus omnia.

Ipsūque te, qui sis futurus

Omnibus omnia, subministras

Laboriosis tu vigor inclitus,

Tu portus alto naufragantibus

Tu fons perennis perstreptentes

Qui latices salientis ardent.

Tu summa nostris pectoribus quies,

Tranquillitasque & pax placidissima,

Tu mensus es rerum modusque,

Tu species & amata forma.

Tu meta, pondus, tu numerus, decor,

Tuque ordo, tu par atque honor, atque amor

Cunctis, salusque & vita, & aucta

Nectare & Ambrosia voluptas.

Tu verus alta fons sapientiae,

Tu vera lux, tu lex venerabilis,

Tu certa spes, tuque aeterna

Et ratio, & via, veritasque.


Decus, iubarque, & lumen amabile,

Et lumen almm atque inuolabile

Tu summa summarum, quid ultra?

Maximus, optimus, unus, idem.





I N D E X

EXERCITATIONVM.



EXERCITATIO prima, probat Deū
esse, non ex motu, ut inscitissime existi-
mauit Auerroes, sed per primas entis
partitiones non modo ex suprema Philosophia,
sed etiam Caballistica scientia abditissimis ar-
canis. fol. I

EXERCITATIO II. Deus quid sit querit,
varias antiquorum Philosophorum sententias
adducit, refutatque, & demum pro humano
captu quid Deus sit explicat. 8

III. Dei prouidentiam describit non ex Aquina-
tis & Viniis opinione, quam refellit, sed ex acu-
tissima prima Philosophia scientia. II

IV. Dei probat prouidentiam à Creatione mundi,
& contraria Philosophorum placita refellit, &
quomodo Deus in creatione mundi in tempore
mutatus non sit, ex Aristotelis principiis pro-
bat, & Scholasticorum distinctiunculam de
essentia & existentia tanquam à veritate alie-
nam repudiat. 12

V. Dei prouidentiam confirmat ex motu cælo-
rum

I N D E X.

- rum, quem naturalem non esse, imò ad inferiora ordinatum clarissima mathematica demonstratione probat aduersus Cardanum. Complures Auerroistarum & Scholasticorum errores reiciens de materia prima, & de materia Cœli. 21*
- VI. Idem probat ex oraculorum responsis, & Machiaveli, Pomponatij, & Cardani responderet obiectis. 35*
- VII. Confirmat ex Sybillinis responsis, Plutarchi & Cardani Inscitiam redarguens ex Physicis & Astronomicis regulis. 42*
- VIII. Dei prouidentiam confirmat ex vetustæ & nouæ legis miraculis, & Macchiauello, Pomponatio & Cardano, ex reconditis Philosophiæ arcanis respondet. 50*
- IX. Diagora Athei sententiam explicat & rationem. 78*
- X. Illi respondet ex mente Stoicorum, sed inscitissime tamen ratiocinari demonstrat in responsione ad Boetianas ratiunculas. 80*
- XI. Diagora argumento respondet Author non minus subtili quam noua doctrina. 85*
- XII. Protagora rationes adducit quod Deus sit autor peccati. 90*
- XIII. Aduersus eundem probat Deum non esse peccati autorem. 93*
- XIV. Difficillimum resoluit argumentum, si Deus cognoscit peccata, ergo efficit, quippe Dei scientia*

I N D E X.

scientia Causat res , quod an verum sit disputat. 95

XV. *Secundo Protagoreo argumento respondet, probat aduersus Scholasticos posse in nobis Deū seruare liberum arbitrium, peccandi facultatem etsi auferat.* 101

XVI. *Respondet tertio aduersariorum argumento, distinctionem de voluntate Dei efficacia, & complacentia efficacissimis rationibus admit- tendam non putat. an autem Deus omnibus det sufficiens ad salutem auxilium, ex verbo Dei & inde petitis rationibus disputat.* 103

XVII. *Respondet quarto argumento , & Scolasticorum inscitiam redarguit in ea quaestione; an Deus possit facere melius quod fecit, quam quomodo fecit.* 110

XVIII. *Respondet quinta obiectioni, & moder- ni cuiusdam Athæi petulantiam retundit.* 113

XIX. *Ultimum resoluit argumentum, probat Dei misericordiam non necessario supponere peccata, & Concionatorum quorundam imperitiam redarguit.* 116

XX. *Ciceronis sententiam explicat, liberum ar- bitrium cum Dei prouidentia non conuenire probans tribus subtilissimis rationibus.* 122

XXI. *Aduersus Ciceronem probat Dei prouiden- tiam arguendo ad hominem, & manifesta de-*

I N D E X

- monstratione.* 124
- XXII. Respondet ad Ciceronianas probationes, adducit Boëtij & Diui Thomæ resolutiones, quas falsas esse arguit ex Aristotelico contextu. 126
- XXIII. Autoris sententiam adducit subtilissimam pro diuinæ præscientiæ & liberi nostri arbitrij concordia. 137
- XXIV. Respondet Ciceronianis obiectionibus, & Chrysipeum illud scholasticorum argumentum nihil concludere ostendit. 140
- XXV. Aduersus Autoris Sententiam tres adducit pro Scholasticis obiectiones, & acutissimè respondet. 144
- XXVI. Epicureorum adducit Sententiam & rationes quibus Dei prouidentiam, & animæ immortalitatem euertere conantur. 149
- XXVII. Epicuream Sententiam confutat non Tullianis declamationibus, sed certis demonstrationibus ex Epicureorum fundamentis, & ex physicis principiis, nec non animæ immortalitatem subtilissimè probat ex diuini viri principiis. Et Alexandri Aphrodisei contumaciam redarguit. 152
- XXVIII. Epicureorum dissoluit argumenta, & subtilissimè disputat, an omnia orta occidant necessario: & viros sapientes nequam non esse aduersus Cardanum acutissimè comprobat. 166
- XXIX.

I N D E X.

- XXIX. *Subtilissima de voluptate & beatitudine.* 181
- XXX. *Diuinum Aristotelem à Chalcidici calumniis vindicat, probans illum optimè de Dei Prouidentia sensisse.* 197
- XXXI. *Varias Scholasticorum interpretationes adducit ad cap. 9. 12. primæ Philosophiæ, sed illis neglectis ut parum ad rem facientibus ex mente Autoris respondet.* 202
- XXXII. *Disputat ex mente Aristotelis, An Deus possit agere in his inferioribus sine medio instrumento cælestis corporis.* 206
- XXXIII. *De Intelligentiarum essentia, forma, & ministerio non ex Scholasticorum delirius, sed ex supremæ Philosophiæ principiis disputat accuratissimè.* 211
- XXXIV. *Auerroistarū opinionem, quod Deus in vniuersali saltem hac inferiora cognoscat adducit cum suis rationibus.* 33
- XXXV. *Probat Philosophicis demonstrationibus Deum cognoscere singularia.* 238
- XXXVI. *Auerroistarum respondet obiectionibus, & non modo Auerrois, sed & Cardani crassam patefacit ignorantiam.* 243
- XXXVII. *Auerrois recitat opinionem & rationes, cur monstra sub Dei Prouidentiam non cadunt.* 260
- XXXVIII. *Aristotelis sententiam de mon-*

I N D E X.

- strorum efficientia adducit & confutat.* 261
- XXXIX. Cardani de Monstris sententiam refellit. 265
- XL. Autoris sententiam de monstris ex Physicis & Astronomicis principiis deducit. 273
- XLI. Auerroistarum respondet argumentis, ubi singularia quaedam de monstruosis hominibus narrat, & Astronomicam reddit rationem pulcherrimam, & de monstrorum fine peracutè disceptat. 281
- XLII. Apud Peripateticos quid sit necessitas, fatum, naturā, fortuna, casus, & fors accuratè explicat. 284
- XLIII. Stoicorum adducit opinionē quod Deus sit peccati autor. 280
- XLIII. Stoicorum primæ rationi respondet, asserens aduersus omnes Scholasticos nostram voluntatem respectu Dei non se habere veluti instrumentum. 291
- XLV. Respondet argumento secundo probans ex ipso Ptolomeo astra inclinare tantum, non cogere nostras voluntates. In contrarium tamen subtilissimas rationes adducit quibus ex Astrologorum arcanis respondet. 295
- XLVI. Respondet ultimæ Stoicorum rationi per absurdum esse probās Scholasticorum Placitum necessarium esse ut homo peccet indeterminate, contingenter tamen & liberè quemlibet

I N D E X.

- bet peccare.* 304
- XLVII. *Inauditam Scholasticis & subtilissimam proponit ac dissolvit difficultatem.* 312
- XLVIII. *Alterum Stoicorum refert errorem quod Deus agat ex necessitate, & non liberè, & animi gratia pro Stoicis subtilissimè argumentatur.* 315
- XLIX. *Autoris sententiam adducit.* 318
- L. *Stoicorum respondet rationibus & Aristotelis Contradictionem notat.* 326



Errata.

Pag. 9. lin. 5. que, leg. quæ. pag. 44. lin. 5. vitginitate, leg. virginitate. pag. 45. lin. 2. benefi iis. leg. beneficiis. pag. 46 lin. 3. vceueris. leg. veneris. pag. 50. lin. 6. pugnata, leg. pugnantiæ. pag. 64. lin. 11. optimaque, leg. optimèque. pag. 117. lin. 3. sordimus, leg. sordibus. pag. 119. lin. 7 Peripatecis, leg. peripateticis. pag. 126. in tit. Exerc. Ciceronias, leg. Ciceronianas. pag. 148. lin. 4. inderminatam, leg. indeterminatam. pag. 161 lin. 3. tristitiam, leg. tristitiam, lin. 5. contristatur, leg. contristatur. pag. 173. lin. 20. nquam, leg. inquam. pag. 177. in princ. humidem. leg. humido. pag. 182 lin. 14. habitu, leg. habitus. pag. 183. lin. 16. quæ species est efficiens causa, leg. quæ species est efficiens causa sensationis, sicut impressio est efficiens causa impressæ imaginis in cerâ. p. 187. l. 25. subtilissima, leg. subtilissimam. p. 190. l. pen. beneficianti, leg. benefaciēti. p. 208. l. 13. libet, leg. liber. p. 211. l. 20. duco, leg. duo. p. 218. lin. ult. neque, leg. negat. pag. 232. lin. 5. peripatecicos, leg. Peripateticos. pag. 233. lin. 17. Deum, leg. Deo. pag. 236. lin. 17. annis, leg. annos. pag. 245. lin. 1. habet. leg. habes. pag. 272. lin. 5. vitum, leg. vitium. pag. 280. lin. 24. maleuola, leg. maleuolæ. pag. 287. lin. 29. at, leg. vt. pag. 288. lin. 19. aqui. leg. atqui. pag. 296. lin. 2. deriuatari, leg. deriuari, lin. 20. relictam, leg. relictū. lin. 24. vitello. leg. vitello. pa. 218. lin. 12. Ssolastici, leg. Scolastici. pag. 320. lin. 1. demonstratur eo(dle) pag. 326. lin. 1. procedere, leg. procedit.

vis
10.3.
dria
for
neri
pag
n.3.
at
i
i
n.
g
at
7.
1.
n.
i
ri
i
at

